

ღამარა ღონღაძე

# დიპლომატი კვლევისათვის



გამომცემლობა "ქენტაური"  
2009 წელი

რედაქტორი:	ნოდარ გურაბანიძე
გამოცემის რედაქტორი:	ზურაბ მანაგაძე
კომპიუტერული უზრუნველყოფა:	ირაკლი შეშელიძე

© ლამარა დონდაძე, დიალოგები კელევისათვის, 2009

© შოთა რუსთაველის თეატრისა და კინოს სახელმწიფო  
უნივერსიტეტის გამომცემლობა "ინტაჯრი", 2009

ISBN 978-9941-9059-5-7



## ლაგარა ლონდაძე

წიგნში შესული საუბრები ჩემ მიერ შექმნილი ახალი მასალაა. ისევე, როგორც რეჟისორი თხზავს და ქმნის სხვისი პიესით თავის სპექტაკლს, ისევე, როგორც მსახიობი დებს უზომო შრომას, რათა სხვის მიერ დაწერილი როლი გაითავისოს, ისეთივე უზომო ძალისხმევა გეჭირდება თეატრმცოდნეებსაც, რათა მსახიობებისა თუ რეჟისორების ნალაპარაკებს ის სახე მოეცეთ, მკითხველს რომ დააინტერესებს და მათ ნათქვამსაც ფასეულს გახდის.

ჩემი პედაგოგები: ბატონი დიმიტრი ჯანელიძე, ქალბატონი ნაიფლა ურუშაძე გამუდმებით ჩაგვაგონებდნენ — წერის დროს ყოველთვის გეხსოვებოდა, როგორ მძიმე, თავდაუზოგავ შრომასთან არის დაკავშირებული სპექტაკლისა თუ როლის შექმნა. რასაკვირველია, ეს მართლაც ასეა, მაგრამ, საუბედუროდ, ისე ჩანს, რაც უფრო მეტი გულიყურით ეკიდებიან ამ შეგონებას ქართული თეატრმცოდნეები, მით უფრო კარგავენ ფუნქციას. თუ უკვე კარგახნის დაკარგული არ აქვთ იგი?!. რატომ? — იქნებ იმიტომ, რომ ეს თანაღმობით განმსჭვალული სიყვარულიანი დამოკიდებულება თეატრმცოდნეების სისუსტედ იქნა აღქმული?! სისუსტეს კი არასოდეს პატიებენ. მით უფრო, ჩვენს სასტიკსა და დაუნდობლობა მოძალებულ რეალობაში, სადაც გულაჩუყებისგან

თვალდაბინდული თეატრმცოდნეები კი არა, ზვიგენივით ბასრკბილებიანი და გველთუვზასავით მოქნილი ჟურნალისტებიც კი, დიდი ვაივაგლახით იმაგრებენ თავს. არავის მოუწოდებ, მტაცებლებად იქეციო-მეთქი. უბრალოდ, ვფიქრობ, როგორც საკუთარის, ისე ჩვენი კოლეგების შრომის დაფასება თუ არ ვისწავლეთ და ჩვენი პროფესიის გადასარჩენად რამე არ ვიღონეთ, ხვალინდელი დღე მაინცდამაინც სახარბიელო არ გველის.

ამ პროექტის განხორციელება 2000 წლის შემოდგომაზე დაიწყო. მიზანი თავიდანვე გარკვეული მქონდა — მოკლე და კონკრეტული კითხვების მეშვეობით, რაც შეიძლება მეტი ინფორმაცია მიმეღო თითოეული რესპოდენტისაგან. ისე წარმემართა დიალოგი, რომ თავადვე ყოფილიყვნენ საკუთარი პორტრეტების ავტორები. ეს, რასაკვირველია, გარკვეულ ხიფათთან იყო დაკავშირებული. ვილაცას შეიძლება ეფიქრა — თეატრალურ სამყაროში თითქმის ნახევარი საუკუნე ისე უცხოურია, ისიც ვერ გაუგია, ვთქვათ, თემურ ჩხეიძის მშობლები ვინ არიან, ანდა “ფაუსტის” წარმოდგენა თოჯინებით პირველად ქართულ თეატრში რომ არ დაუწყიათ და იგი იმთავითვე თოჯინების თეატრის საყვარელი პერსონაჟი რომ გახდა.

თუმცა, ეს, არც ისე დიდ უბედურებად მივიჩნეე იმასთან შედარებით, როცა თეატრმცოდნე თუ ჟურნალისტი, მთელ თავის ცოდნასა და ინფორმაციულ მარაგს შეკითხვებში აქსოვს და მოპასუხეს პო-სა და არა-ს გარდა არაფერს უტოვებს სათქმელს.

შკითხველი ალბათ ყურადღებას მიაქცევს იმასაც, რომ გიზო ჟორდანიასთან და გოგი ქავთარაძესთან დიალოგი 1989 წლით არის დათარიღებული. ერთი შეხედვით, ეს შეიძლება არღვევს პროექტის მთლიანობას. შეიძლება, ჩემს შეკითხვებში მათთან, შედარებით სიტყვაპრაული ვარ, მაგრამ, ვფიქრობ, არც იმდენად, რომ ამ ორ შესანიშნავ რეჟისორთან გაბაასება წიგნში არ შემეტანა.

მიხეილ ჯოჯუა ერთ-ერთი პირველთაგანი იყო მათ შორის, ვისაც 2000 წელსვე ვესაუბრე. სამწუხაროდ, ეს ნიჭიერი მსახიობი და მხიარული კაცის ნიღაბს ამოფარებული სევდიანი ადამიანი, დღეს უკვე ცოცხალი აღარ არის. ვფიქრობ, სიცოცხლის წარმუალობისა და თეატრის ეფემერულობის ამ ფონზე, წიგნში მის შესახებ არსებულ თავს, მის კინოროლებთან ერთად,

ფასდაუდებელი მნიშვნელობა ექნება მისი შემოქმედების მკვლევარებისათვის, და არა მხოლოდ მათთვის.

ამასთანავე მგონია, რომ ამ წიგნის სახით თეატრისა და კინოს უნივერსიტეტის სტუდენტები მიიღებენ ერთგვარ დამხმარე სახელმძღვანელოს.

მკვლევარები საკელეე მასალას.

ფართო საზოგადოება კი გაეცნობა ისეთი რეჟისორებისა და მსახიობების შემოქმედებით პორტრეტების ახალსა და უცნობ წახნაგებს, როგორებიც არიან: ლილი იოსელიანი, გიგა ლორთქიფანიძე, გიზო ჟორდანიას, მედეა კუჭუხიძე, თემურ ჩხეიძე, ზურა ყიფშიძე, მარინა კახიანი და სხვ.

ხელოვნებათმცოდნეობის დოქტორი,  
ასოციირებული პროფესორი  
ლამარა ღონღაძე





## ლილი იოსელიანი

— ლილი იოსელიანი, რეჟისორი, დაბადებული?..

— 1922 წლის 25 მარტს. იმ საშინელ დროს დაეიბადა, როდესაც საქართველოში, წითელი არმია შემოიჭრა. ძალარია შეყრილმა დედაჩემმა. აღრეული გაზაფხულის თოვლ-ჭყაპიან დღეს შეიდთიანი გამაჩინა. ექიმებს უთქვამთ ვერ გადარჩებაო. მაგრამ როგორც ხედავთ დღემდე ცოცხალი ვარ. სამწუხაროდ!..

— შშობლები ვინ იყვნენ?

— დედა – ალექსანდრა (საშა) ელენტი, პედაგოგი იყო. ბიოლოგიას ასწავლიდა. მამა – კონსტანტინე, რკინიგზის ტრანსპორტის ინჟინერი. განათლება გერმანიაში აქონდა მიღებული.

ბაბუაჩემი ანტონ იოსელიანი, თავის დროზე ფიზიკასა და მათემატიკას ასწავლიდა ქუთაისის ერთ-ერთ სკოლაში. ხალხოსნობისა და დემოკრატიული იდეების ქადაგებისთვის ციმბირში ორჯერ იყო გადასახლებული. მეორე გადასახლებიდან რომ დაბრუნდა, ჯანმრთელობა შერყეული, მალე გარდაიცვალა. ბებიაჩემმა, სისორდიას ქალმა, ამის შემდეგ ჭამა თითქმის სრულიად აღიკვეთა და ექვს თვეში მიჰყვა ქმარს!

— ე. ი. დაჭერა-გადასახლება, თქვენი ოჯახისთვის ჯაბამდეც არ ყოფილა უცხო?

— ასე გამოდის. ეტყობა სისხლში რომ არის რაღაც, არის და არის. ჯაბა მეშვიდე კლასში იყო რომ დაიჭირეს. მუსიკის გაკვეთილზე წავიდა და წავიდა!..

— რა მოხდა, რატომ დააპატიმრეს?

— ომის დროს, რადიომიმღებები ყველას ჩამოართვეს. ყმაწვილების ერთ ჯგუფს ერთი რადიომიმღები მაინც უშოვიათ და სკოლის სარდაფში გადაუმაღაუთ, ზუსტი ინფორმაციის გასაგებად. ჯაბა, როგორც გერმანულის მცოდნე, ისე მოხვდა ამ წრეში. გერმანული გადაცემები რომ ეთარგმნა მათთვის. თარგმნა მართლაც შეეძლო, ბაეშობიდანვე გეყვავდა კერძო მასწავლებელი, მაგრამ ეს ჯგუფი ძალე აღმოაჩინეს და ყველას ციხეში უკრეს თავი.

ცხრა თვე ისიც კი არ ვიცოდით ცოცხალი იყო თუ მკედარი. პირველ სასამართლოზე ყველა მოიყვანეს, ჯაბა არა. იმდენად ცუდად ყოფილიყო ვერ წამოეყვანათ. მეორედ მოიყვანეს, მაგრამ მე და მამაჩემმა ვეღარ ვიცანით! დედამ იცნო!.. სასამართლო აღარ ყოფილა. ჯაბა ერთ თავის თანატოლ ბიჭთან ერთად გამოიპარა ციხიდან!..

— თქვენი ბავშვობა და სკოლის წლები უკვე ჯაბაზე დარდით და ფიქრით იყო საუსე?

— შემდგომი მთელი ცხოვრებაც. ჯაბაზე და ჩემს აუადმყოფობაზე. ტანჯვის მეტი ბავშვობიდან არაფერი მახსენდება. გარდა იმისა რომ შვიდთვიანი დაუბადე, მენჯის ძელებიც ამოუარდნილი მქონდა. ახლა ამას ყოველგვარი ოპერაციის გარეშე, გაწელებით აბრუნებენ თავის ადგილზე. მე კი ბავშვობაში ოთხი უშედგო ოპერაცია მაქვს გადატანილი. სამწუხაროდ, ნებისყოფის წრთობა ძალზე ადრეული ასაკიდან მომიწია. მთელი წელი ვიწექი საავადმყოფოში, ირგვლივ კენესოდნენ. ტიროდნენ, გამწარებული ყვიროდნენ. მე ვითმენდი, ვუძლებდი ყოველგვარ ტკივილს, რათა ჩემგანაც ისე არ შწნუხებულიყვნენ ადამიანები, როგორც მე ვწუხდებოდი მათ გამო!.. და სულ ასე იყო – მუდმივი ჯოჯოხეთური ტკივილები და ბრძოლა ყვირილის ჩასახშობად!..

ყველაზე ნათელი მოგონება უკავშირდება ჩვენს სახლს ბარნოვის ქუჩაზე. მაშინ გუნბის ქუჩა ერქვა, გუნბი ის ქალაქი იყო, სადაც არუსები დაამარცხეს ჩეჩნებმა!..

— და თბილისში ამ ფაქტისადმი მიძღვნილი ქუჩა იყო?!

— დიახ, და თანაც ერთ-ერთ საუკეთესო უბანში — ძველ ვერაზე. ჩვენს სახლსაც საინტერესო ისტორია ჰქონდა, იგი მამაჩემს მისმა პოლონელმა მეგობარმა და კოლეგამ დაუტოვა, როცა მას იმ არეულ წლებში სამშობლოში დაბრუნება მოუწია.

ბარნოვის 48 ნომერთან გავლისას ახლაც გული მიძგერს ხოლმე. პატარა ეზოც გექონდა, ლამაზზე ლამაზი. სწავლაც იქვე, 25-ე არასრულ საშუალო სკოლაში დავიწყე, ნოლი ჯგუფიდან ძალიან მალე გადამიყვანეს პირველ კლასში, ერთ თვეში კი, უკვე მეორე კლასში დამსვენეს.

— ე. ი. ძალიან ნიჭიერი ბავშვი იყავით?

— არ ვიცი. ასე კი იყო. ვხატავდი ძალიან კარგად. მერე როცა იძულებული გავხდით ის სახლი დაგვეტოვებია, პლენანოვზე გადასახლდით მე ნერვიულობისაგან სამი თვე ავად ვიყავი. ამის შემდეგ სასიხარულოც აღარაფერი ყოფილა. დავამთავრე მეხუთე რკინიგზის სკოლა.

— უმაღლესი — სად სწავლობდით და როდის?

— თავიდან, უნივერსიტეტში, დასავლეთ ევროპის ენების ფაკულტეტზე, გერმანულს ვსწავლობდი. თუმცა, უკვე ვფიქრობდი რეჟისორობაზე. გზას ვეძებდი და აი, აქ, ძალიან გამომადგა ჩემი გაუბედობა — რვა თვის სტიპენდია დამიგროვდა იმის გამო, რომ აღების მრცხვენოდა! ერთხელაც ეს გაიგო ჩემი ბავშვობის მეგობარმა ელიკო გელდიაშვილმა და ეტყობა გადაირიეო, მითხრა. მერე ძალით მატარა სხვადასხვა ოთახში და იძღენი ქნა, ეს დაგროვილი თანხა ამაღებინა.

ფული გამიჩნდა თუ არა, იმ წუთშივე მოსკოვში წასვლა და სარეჟისორო ფაკულტეტზე ჩაბარება გადავწყვიტე. წავედი. ეს იყო 1941 წლის ზაფხულში. უცნობი ქალაქი... თან ყოვლად მოუხერხებელი ადამიანი ვარ?! — პირველი ღამე სადგურში გავათენე. მერე, როგორც იყო მოვძებნე ინსტიტუტი, მაგრამ დარაჯთან შემექმნა პრობლემები. ეს გალეული, ორი გრძელი ნაწნავით დამშვენებული გოგონა რომ დამინახა, სკოლის მოწაფე ვეგონე. თუმცა, შემდეგ ძალიან დამეხმარა ბინის შოვნაში. ნახევრად სარდაფი კი იყო, მაგრამ ამას ვჩიოდი?!.

გამოცდები წარმატებით ჩავაბარე, ჩავირიცხე და სწავლაც დავიწყე, მაგრამ მალე მამაჩემი ჩამოვიდა და უკან წამომიყვანა — გერმანელები ლამის მოსკოვთან არიან და რა დროს აქ ყოფნააო!



უნივერსიტეტში მაინც აღარ დაებრუნდი, თეატრალურ ინსტიტუტში ჩემმა დამ სამსახიობოზე ჩააბარა, მე სარეჟისოროზე. ძალზე ლამაზი და ნიჭიერი და მყავდა, მაგრამ არ დაცალდა, ტუბერკულოზმა იმსხვერპლა.

— თქვენი მასწავლებლები ვინ იყვნენ?

— ერთი სემესტრი შოთა აღსაბაძე, შემდეგ კი რეჟისურას გიორგი ტოვსტონოგოვი მასწავლიდა, მსახიობის ოსტატობას კი სამხატვრო თეატრის მსახიობი ოლღა იაკუბოესკაია. ომის გამო ამ თეატრის დასი თბილისში იყო ევაკუირებული. გარკვეული პერიოდის განმავლობაში მასწავლიდა აგრეთვე სამხატვრო თეატრის რეჟისორი და მსახიობი პაველ დიმიტრის ძე ერმილოვი. არაჩვეულებრივი პიროვნება და შესანიშნავი პედაგოგი. ზოგჯერ ვლ. ნემიროვიჩი—დანჩენკოც გვეწვეოდა ხოლმე ლექციებზე. ერთხელ, ეტიუდის შესრულების შემდეგ, მისი შექებაც დაეიმსახურე.

— ვის მოწაფედ მიგაჩნიათ თავი?

— იმ სკოლის, რომელსაც კონსტანტინე სტანისლავსკი ამკვიდრებდა.

— რას ნიშნავს თქვენთვის ტოვსტონოგოვის მოწაფეობა?

— ყველაფერს!..

— პირველი სპექტაკლი, რომელიც თეატრში დადგით?

— მანამდე ინსტიტუტშიც მქონდა რამდენიმე საინტერესო ნამუშევარი. მეორე კურსზე ა. ჩეხოვის „დათვი“ დავდგი. ტოვსტონოგოვს ძალიან მოეწონა. შემდეგი დადგმა პ. კაკაბაძის „სამი ასული“ იყო, მაგრამ საჯაროდ არ აჩვენეს, იმდროინდელ იდეოლოგიასთან შეუსაბამობის გამო.

სადიპლომო სპექტაკლი თეატრში უნდა დამედგა, მაგრამ ვერ გაგებდე ვინმესთვის მეთხოვა. აკაკი ფაღავამ დამიბარა ინსტიტუტში — სადიპლომო ნამუშევარს რატომ არ გვაჩვენებო?! - აუხსენი მიზეზი. ეს თუ არ შეგეძლო, სარეჟისოროზე რა გინდოდაო?! — გამიწყრა.

მერე ისევ თავად დარეკა სხვადსხვა თეატრში. როგორც იყო, მოზარდმაყურებელთა ქართული თეატრის ხელმძღვანელის შალვა კილასონიძისაგან მიიღო თანხმობა. მაგრამ პიესის არჩევანის უფლება მე არ მქონდა. უნდა დამედგა ის, რაც სარეჟერტუარო გეგმაში ჰქონდათ. თუმცა მაინც გამიმართლა, დავდგი პოეტი ქალის ა. ბარტოს მშვენიერი პოეტური პიესა ზოია კოსმოლემიანსკაიაზე — „ზღაპარი სიმართლეზე“

— რის გამო ირჩევთ პიესას და თუ გყავთ გამორჩეული ავტორი?  
— რასაკვირველია, მყავს — შექსპირი!.. არჩევანს ვაკეთებ მაშინ, როცა მწერლის სატკივარი მეც მტკიავ.

— სპექტაკლი, სადაც იგრძენით რომ უკვე ის ხართ, ვინც ვინდობათ რომ ყოფილიყავით?

— ასეთი რამ არ მიგვრძენია.

— როგორ მუშაობთ პიესაზე?

— ჩემთვის ფორმა არ არის მთავარი. მთავარია შესაბამისი განხორციელება მოუძებნო ჩემს ჩანაფიქრს. ჩემი მიზანია, რაც შეიძლება ზუსტად გამოუხატო ჩემი და ავტორის ჩანაფიქრიც.

— რას ითხოვთ მსახიობისაგან?

— გულწრფელობას. იმ შემთხვევაშიც კი, როცა ბერიკული თამაშია საჭირო. მსახიობი აღმსარებელი უნდა იყოს, ან ჩემი დახმარებით გახდეს ასეთი.

— დაასახელეთ თქვენ მიერ დადგმული სამი საუკეთესო სპექტაკლი, ან უბრალოდ, ის სამი სპექტაკლი, რომელიც გამორჩეულად გიყვართ?

— მ. ელიოზიშვილის „ბებერი მეზურნეები“ — გორის თეატრში. „პიგმალიონი“ და „სიყვარული გარიჟრაჟზე“ — მარჯანიშვილის თეატრში. მართალია, ეს უკანასკნელი მაყურებელმა არ მიიღო და რეპერტუარიდან მოხსნეს, მაგრამ მე მიყვარდა.

— „დასაბამიდან იყო სიტყვა. სიტყვა იყო ღმერთთან. და ღმერთი იყო სიტყვა“. რას ნიშნავს თქვენთვის სიტყვა და როგორ ფიქრობთ, რა მდგომარეობაშია იგი დღევანდელ ქართულ თეატრში?

— კატასტროფულში! — მე უკვე სიგიჟემდე მივდივარ, ისეთ მდგომარეობაშია. სიტყვა არის არა მარტო ღვთიური საჩუქარი, იგი ყველანაირი გრძნობის გამომხატველია. სიტყვა არის სიტყვა, მას შეუძლია მოგსპოს კიდევ და აღგამაღლოს კიდევ. ყველაფერი არის სიტყვა.

— ხელოვანი გამორჩეული და სანიმუშო უნდა იყოს?

— რა თქმა უნდა. ღმერთი შემოქმედი იყო. ამ უდიდესმა შემოქმედმა ვილაცას მისცა ბედნიერება — შენც იყავი შემოქმედიო?!. ნამდვილი შემოქმედი ჩვეულებრივი ადამიანი არ შეიძლება იყოს.

— „არის თუ არა ქართული თეატრი ქართული?“ — როგორ ფიქრობთ, როგორია დღევანდელი ქართული თეატრი?

— ქართულ თეატრში აღარ არის მსახიობი?! აღარ არის სიტყვა, არის კონცეფციები.

— კოკტო ამბობს — „თუ შემოქმედი საზოგადოებასთან საზავო მოლაპარაკებასაც კი თანხმდება, ის დამარცხებულია“ — რა აზრის ხართ კომპრომისზე?

— კომპრომისი ყოველთვის უნამუსობა არ არის. ზოგჯერ ძალიან პუშანურ განხრახვასაც ემსახურება. აი, სინდისს თუ დაკარგავ და კომპრომისს დაარქმევ, ეს საშინელებაა.

— თქვენი თაობის სახე? — როგორია იგი?

— ვფიქრობ, ჩემი თაობის სახე ურიგო არ იყო. ბევრი იყო არა მხოლოდ ნიჭიერი და სინდიხიერი, იდეალისტებიც იყვნენ. მაღალი პრინციპებისა და პოეტურობის მატარებელი, ცხოვრების გაღაპახების მოტრფიალენი.

— რას ნიშნავს თქვენთვის ეროვნული ინტერესები და მოქალაქეობრივი ვალი?

— ეს ჩემთვის ერთი და იგივეა. ადამიანი რომელ ერსაც ეკუთვნის, იმ ერის სულიერი გაძლიერებისათვის უნდა შრომობდეს.

— ნიპილიზმის მოძალეებას თუ გრძნობთ?

— გაათკეცებული ნიპილიზმის!..

— არისტოტელური-არაარისტოტელური, ილუზიური-ანტიილუზიური და საერთოდ, რაც არ უნდა ვუწოდოთ, მაინც განცდასა და წარმოსახვასთან მიედოვართ. თქვენ რომელი თეატრი გიყვართ?

— ხომ არსებობენ განცდასა და წარმოსახვის მსხიობები? — მე განცდას რეჟისორი ვარ!.. რეჟისორი. რომელიც განიცდას ავტორს!.. ამ განცდას კი მაშინ ვაღწევ, როცა ვხედები რისი თქმა უნდოდა ავტორს, როცა ეწვდები მის სულს!..

— თქვენი პროფესიის მთავარი სირთულე?

— ყველაზე დიდი სირთულე, რა თქმა უნდა, არის მსახიობი. მისი გარდაქმნა სხვა ადამიანად.

— თეატრმცოდნეებზე რა აზრის ხართ თუ გიფიქრიათ, რომ თქვენი შემოქმედება სწორედ მათი წყალობით „ძლებს“ დროში?

— ყველა მათგანზე ვერ ვიტყვი, რომ თეატრმცოდნეა! ნამდვილი თეატრმცოდნე უფრო მეცნიერია, მკვლევარია თეატრის. შეიძლება უცნაურად მოგეჩვენოთ, მაგრამ მათ აზრზე ხშირად დამოკიდებულია ამა თუ იმ შემოქმედის წინსვლა, ან უკუსვლა.

არიან მსახიობები, რომლებზეც ძალიან მოქმედებს მათ მიერ გამოთქმული აზრი.

— ჩვენ წინაპრებს მიაჩნდათ, რომ თეატრი ტაძარია, თქვენ რას ფიქრობთ?

— ოსკარ უაილდიც ასე თვლიდა! შეიძლება მისი აზროვნებიდან გამომდინარე ეს უცნაურია, მაგრამ ასე თვლიდა. ტაძარია არა მსახურებით, არამედ იმ კანონებით, რომელიც შემოქმედებითმა კოლექტივმა უნდა გაითავისოს და ცხოვრებაში განახორციელოს. ასეთი თეატრის ეთიკა დაწერა სტანისლავსკიმ. თუმცა ამის გამო მიხეილ ჩეხოვმა მას — დიდი მეოცნებე უწოდა!..

— ჩვენი დიდი წინაპრები არტისტს ხალხის მოძღვარს, ხალხის მასწავლებელს უწოდებდნენ, თქვენ როგორ გგონიათ?

— უკეთესად ვიდრე შექსპირმა თქვა ჰამლეტის პირით, მე ვერ ვიტყვი. მსახიობი ის ადამიანია, რომელიც „ბუნებას სარკედ უნდა გაუხდესო“!..

— თავის დროზე ილიას სიცოცხლეს ვერ გაუფრთხილდით. დღეს თუ გგულებათ ვინმე, ვის სიცოცხლესაც განსაკუთრებით უნდა გაუფრთხილდეთ ქართველები?

— ილიას თუ ვერ გაუფრთხილდით, სხვა ილია გყავს?!

8.9.2006.





## გიგა ლორთქიფანიძე

— გიგა ლორთქიფანიძე, რეჟისორი დაბადებული?..

— 1927 წლის 19 ოქტომბერს. თბილისში.

— ვინ იყვნენ თქვენი შშობლები?

— დედა — ნინო მიქელაძე, მამა — დავით ლორთქიფანიძე, მეტყვევებელი, ინჟინერი, განათლებული და ძალზე ჭკვიანი კაცი. როგორც თაყადაზნაურთა დიდი ნაწილი, ისიც რეპრესიების მსხვერპლი გახდა. მართალია, როცა მიმხვდარა, რომ მის გარშემოც ძალიან კიწროვდებოდა წრე და მალე დაიჭერდნენ. სახლიდან წასულა და საკმაოდ დიდხანს იმალებოდა, მაგრამ 1943 წელს მოსკოვში მაინც დააპატიმრეს და დახვრიტეს.

— ბავშვობის წლებზე რას იტყვით?

— ჩემი ბავშვობა უმძიმეს დროს დაემთხვა. ჯერ 30-იანი წლების შიმშილობა, შიშიანობა, რეპრესიები. შემდეგ ომის საშინელი წლები. შიმშილით რომ არ მოემკვდარიყავი. დედაჩემმა მამაჩემის ძმასთან გამიშვა სოფელში. შეათუ კლასში ვიყავი ამ დროს და იქვე გავაგრძელე სწავლა. საბედნიეროდ, სოფელი მაშინ შედარებით ძლიერი იყო — ჭადი კქონდათ. ლობიო, მწვანილი. ფაქტობრივად, სოფელმა გადაარჩინა ომისდროინდელი საქართველო.

იქვე, სოფელ ქვიტირში დაემათურე სკოლა და დაიწყო ფიქრი იმაზე, თუ სად უნდა გამეგრძელება სწავლა. ხელოვნებასთან ნაზიარები ბავშობიდანვე ვიყავი. დედაჩემის ძმას, ცნობილ ღირიჟორს ეგგენი მიქელაძეს, მე და ჩემი და მარია ხუთი-ექვსი წლიდან უკვე ოპერაში დაეყავით. მეც ძალიან კარგი მუსიკალური მონაცემები მქონდა, თან ისეთ შესანიშნავ პედაგოგთან ვმეცადინებოდი, როგორც იყო ელისო ვირსალაძის ბებია ანასტასია ვირსალაძე. მაგრამ გაჭირვების გამო მასთან მეცადინეობის გაგრძელება ვეღარ შეეძლო.

— მატერიალურმა მხარემ შევიშალათ ხელი პროფესიონალი მუსიკოსი რომ გამხდარიყავით?

— მატერიალურმაც, სხვა რამემაც. მუსიკალური სამყარო მაინც ძალზე რთულია. თანაც, საბოლოოდ მაინც რეჟისორობის სურვილმა გადამძალა. თეატრალური ინსტიტუტის სარეჟისორო ფაკულტეტზე 1944 წელს დავიწყო სწავლა. ჩემთან ერთად სწავლობდნენ მიშა თუმანიშვილი, ჩემი უფროსი მეგობარი. რვა წლით პატარა ვიყავი მასზე. იგი ომგამოვლილი მოვიდა ინსტიტუტში. 6-7 წლით ჩემზე უფროსი იყო აკაკი დვალიშვილიც; მას პოლიტექნიკური ინსტიტუტი ჰქონდა უკვე დამთავრებული. თანატოლები მხოლოდ მე და ასიკო გამსახურდია ვიყავით. მისაღები გამოცდების დიდ კონკურსში მხოლოდ ამ ოთხმა გავიმარჯვეთ.

— ვინ იყვნენ თქვენი მასწავლებლები?

— ყველაზე დიდი ბედნიერება ის იყო, რომ მოვხვდით მაშინ ჯერ კიდევ ახალგაზრდა, მაგრამ უკვე ისეთ სახელოვან რეჟისორთან, როგორც იყო გიორგი ტოვსტონოგოვი. მართალია, მასთან მხოლოდ ერთი წელი ვისწავლე. მოსკოვში წასვლამდე, მაგრამ იმ ერთ წელიწადში საოცრად მყარი საფუძველი ჩაუყარა ჩემს თეატრალურ განათლებას. უბრწყინვალესი რეჟისორი და პედაგოგი იყო. ჩემს ერთ-ერთ მასწავლებლად გიორგი ტოვსტონოგოვს ვთვლი.

— თეატრალური ინსტიტუტიდან კიდევ ვინ დაგამახსოვრდათ?

— ინსტიტუტის რექტორი მაშინ აკაკი ხორაეა იყო. მას ჰქონდა ფანტასტიკური ნიჭი თავის გარშემო საინტერესო ადამიანების შემოკრებისა. ამიტომ ინსტიტუტში მაშინ ერთმანეთზე უკეთესი პედაგოგები იყვნენ — დიმიტრი ალექსიძე, მალიკო მრეველიშვილი,

დემიტრი ჯანელიძე, ვახტანგ ბერიძე, გიორგი ახვლედიანი, რევაზ ნათაძე, ლეო რჩეულიშვილი... მაშინ ინსტიტუტი ძალიან მცირერიცხოვანი იყო. პედაგოგიან-სტუდენტთანად სულ სამოცი კაცი ვიყავით.

— ე. ი. ის, რასაც დღეს ასეთი ზარზუიმით რეფორმად ასაღებენ, რეფორმა კი არა, საწყის მდგომარეობასთან დაბრუნებაა?

— ის, რაც დღეს ხდება, რეფორმა კი არა, განათლების სისტემის ნგრევაა. გახსენებაც კი არ მინდა მათი, ვინც ამას აკეთებს.

— თბილისში სწავლობდით ბოლომდე?

— არა, მეორე კურსიდან მოსკოვში, თეატრალური ხელოვნების ინსტიტუტის სარეჟისორო ფაკულტეტზე გაავარძელე სწავლა. ბედნიერება მქონდა იქაც საუკეთესო რუს რეჟისორებთან და პედაგოგებთან შესწავლა. ჩემი მასწავლებლები კ.სტანისლავსკის უშუალო მოწაფეები — ალექსეი პოპოვი და მარია კნებელი იყვნენ.

— რას ნიშნავს თქვენთვის მათი მოწაფეობა?

— რამდენიც არ უნდა ვილაპარაკოთ მრავალგვარ თეატრალურ მიმდინარეობებსა და სკოლებზე, მსახიობის ოსტატობის საკითხებს, მსახიობისა და რეჟისორის ურთიერთობის პრობლემებს, ისე ჩამოყალიბებულს, როგორც სტანისლავსკის აქვს, სხვასთან ვერსად ვიპოვი.

რაც შეეხება მ.კნებელს, ჩემი აზრით, ასეთი პედაგოგი არც რუსეთში და არც საქართველოში არ არსებობდა. მისმა სკოლამ ძალიან დიდი კვალი დააჩნია ჩემს შემოქმედებას. იმის სწავლება თუ როგორ უნდა გვემუშავა მსახიობებთან, მასზე უკეთ არავის შეეძლო. ამბობენ, რომ ეს ძალიან კარგად გამომდის, რაც მთლიანად მ.კნებელის დამსახურებაა.

ამ შესანიშნავი პედაგოგების გარდა მოსკოვში ბრწყინვალე მეგობრებიც შევიძინე. ჩემი თანაკურსელი და მეგობარი იყო შესანიშნავი რუსი (თუმცა ეროვნებით ებრაელი იყო) რეჟისორი ანატოლი ეფროსი. იმდენად ახლო მეგობრები ვიყავით, რომ ერთობლივი სტუდიაც კი ჩამოყალიბეთ, ერთმანეთის თეატრის მსახიობთან და ჩვენს ერთ-ერთ პედაგოგთან კონსტანტინე ვოინოვთან ერთად. ასეც ერქვა — ვოინოვის სტუდია. დღე ინსტიტუტში ვიყავით, ღამე სტუდიაში.

ჩვენთან ერთად იყვნენ ოლეგ ეფრემოვი, ვალერი ზუბკოვი, იური ნიკულინი და სხვა.

ეტყობა დღე და ღამე მუშაობით იმდენად ვიყავი გამბხდარი და გადაქანცული, რომ გენიალური რუსი თეატრმცოდნე სტეპან მოკულსკი შემფოთდა კიდევ – რა დაგემართაო? – მკითხა. შემიყვანა თავის კაბინეტში, დახმარება გამომიწერა და თან დაამატა, ერთი თვით მაინც წადი თბილისში, დაისვენე, ძალიან ხარ დასუსტებულიო. ამ დროს III კურსზე ვიყავი. რუს ინტელიგენციას, პროფესორ-მასწავლებლებს, არაჩვეულებრივად თბილი დამოკიდებულება ჰქონდათ ჩვენს მიმართ.

– ამჟამინდელ თეატრისა და კინოს უნივერსიტეტზე რა აზრის ხართ?

– თითქმის მთელი ცხოვრება გაეტარე თეატრალურ ინსტიტუტში, ამჟამად უკვე თეატრის და კინოს უნივერსიტეტში. ეს არის ჩემთვის ერთ-ერთი უსაყვარლესი დაწესებულება. სადაც ყოველთვის შემოქმედებითი ატმოსფერო იყო. მიმიღეს ჯერ ასისტენტად, შემდეგ გაეხდი პედაგოგი, პროფესორი, კათედრის გამგე. 1999-2005 წ.წ. ვიყავი რექტორი, ამჟამად თეატრალური განყოფილების სამხატვრო ხელმძღვანელი ვარ. მე ვფიქრობ, ყველაზე დიდი უბედურება რაც განათლების ამჟამინდელ რეფორმას მოაქვს ის არის, რომ ახალგაზრდებს წაართვეს არჩევანის უფლება, მისდინ თავის მოწოდებას. თავად ის ფაქტი, რომ ხუთი სხვადასხვა ინსტიტუტი უნდა დაასახელოს, სადაც სწავლა უნდა, უკვე მცდარია. ესენი ხომ ხშირად სრულიად განსხვავებული უმაღლესი სასწავლებლებია. ჩემს ჯგუფში, მაგალითად, სწავლობს გოგონა, რომელსაც აგრონომიულზე უნდოდა ჩაბარება. მახსოვს, მარჯანიშვილის თეატრში იდგმებოდა კიტა ბუაჩიძის პიესა „ოქროს კაცი ბეწვის ხიდზე“. მედეა ჯაფარიძე თამაშობდა ახალგაზრდა სოფელ გოგონას. რომ ეკითხებოდნენ – რომელ უმაღლესში გინდა შესვლაო – სადაც მოეხდებო! – ამბობდა და ამაზე პომერიული სიცილი და ტაში იყო. ისეთ სისულელედ ითვლებოდა ის, რომ ადამიანმა შეიძლება კონკრეტულად არ იცოდეს სად უნდა სწავლა. ადამიანს, რომელსაც აგრონომობა უნდა და თეატრალურ უნივერსიტეტში უკრავ თავს, ამას რეფორმა ჰქვია?!



— თქვენი პირველი სპექტალი თეატრში?

— ჩემი პირველი სპექტაკლიც ისევ და ისევ დაკაჟშირებული იყო ჩემს მასწავლებელთან მ. კნებელთან, რომელიც მაშინ, „ტრანსპორტის თეატრის“ ხელმძღვანელი იყო.

— „ტრანსპორტის თეატრი“ რაღას ნიშნავდა?!

— ტრანსპორტის სამინისტრო აფინანსებდა და იმიტომ ერქვა ასე. სწორედ იქ დაედგით მე და ანატოლი ფეროსმა ჩვენი საკურსო სპექტაკლი — იულიუს ფუჩიკის შესახებ, რომლის ცხოვრება და სიკვდილი, მაშინ ძალიან აქტუალური თემა იყო. ვფიქრობ, საინტერესო სპექტაკლიც გამოგვივიდა. პიესა ბურიაკოვიჩის იყო და ერქვა „პრადა ჩვენი იქნება“. მოგვიანებით, იმავე თემაზე მ. თუმანიშვილმა თბილისშიც დადგა სპექტაკლი.

ერთობლივმა მუშაობამ ჩემი და ფეროსის მეგობრობა კიდევ უფრო განამტკიცა, თუმცა შემდეგ თანდათან გაიყო ჩვენი გზები.

— ინსტიტუტის დამთავრების შემდეგ საქართველოში დაბრუნდით? კვებნად ნუ ჩამომართმევთ, მაგრამ როგორც ნიჭიერი და პერსპექტიული სტუდენტის მიმართ საქართველოში დიდი ინტერესი იყო, მაგრამ ჩემი თავის მიმართ მომთხოვნელობამ გადამაწყვეტინა დამოუკიდებელი მუშაობის მეტი გამოცდილება შექმენა და მერე წამოიხსულიყავი სამშობლოში. ამიტომაც წავედი ვილნიუსში და თითქმის ორი წელი ვიმუშავე. იქაურ რუსულ დრამატულ თეატრში დაკვდი ხადიპლომო სპექტაკლი ალ. კრონის „პარტიის კანდიდატი“. კაუნასშიც მიმიწვიეს, სადაც ძალიან საინტერესო მუსიკალურ-დრამატული თეატრი იყო. ორი დადგმა იქ განკახორციელე. საქართველოში რომ ჩამოვედი, 6-7 სპექტაკლის აუტორი ვიყავი უკვე.

— საქართველოში რომელ თეატრში დაიწყეთ მუშაობა?

— თეატრში არა, ინსტიტუტში მიმიღეს პირდაპირ. ამ დროს თეატრალური ინსტიტუტის რექტორი იყო შესანიშნავი პიროვნება, მწერალი, მოღვაწე მიხეილ კვესელავა. იგი ჯერ კიდევ მოსკოვში ყოფნის დროს დაინტერესდა ჩემით. „გიტისშიც“ მოვიდა, მნახა და იქვე შემომთავაზა — სამუშაოდ ჩვენს ინსტიტუტში წამოდიო.

თაუდაპირველად აკაკი ვასაძის ასისტენტი ვიყავი. მერე ჩემი ჯგუფიც მომცეს და ასე თანდათანობით აწეწო მუშაობა. ჩემს მიმართ, მარჯანიშვილისა და რუსთაველის თეატრებიდანაც იჩენდნენ ინტერესს, მაგრამ მე ისევ სხვა გზა ავირჩიე. ამ დროს

გორში ძალიან საინტერესო თეატრი იყო, რომელსაც ხელმძღვანელობდა, ჩემი აზრით, ერთ-ერთი უბრწყინვალესი ქართველი რეჟისორი ვასო ყუშიტაშვილი. მან გორში მუშაობა შემომთავაზა. ეს აზრი ძალიან მომეწონა და სიხარულით დაეთანხმდი. ყუშიტაშვილის წყალობით, გორის თეატრი, მაშინდელ საქართველოში მოწინავეთა რიგებში იდგა.

ორი წარმოდგენა დაედგი იქ – შ. დადიანის „ნაპერწყლიდან“ და ფ. შილერის „ყაჩაღები“. ამ სპექტაკლებმა დიდი ინტერესი გამოიწვია. თბილისიდან უამრავი ხალხი ჩამოდიოდა მათ სანახავად. ასე თანდათანობით დავიმკვიდრე საინტერესო ახალგაზრდა რეჟისორის სახელი.

ერთხელაც მე და ლილი იოსელიანი მარჯანიშვილის თეატრის მაშინდელმა სამხატვრო ხელმძღვანელმა ვახტანგ ტაბლიაშვილმა დაგვიბარა და თეატრში მუშაობის დაწყება შემოგვთავაზა. ეს იყო 1951 წელი. ჯერ ერთ დადგმაზე მიგვიწვია. რასაკვირველია, ძალიან გამეხარდა. ბავშვობიდანვე ამ თეატრის თაყვანისმცემელი ვიყავი. თეატრით გატაცებული ბავშვები გაყოფილები ვიყავით – მარჯანიშვილელებად და რუსთაველელებად. მე ყოველთვის „მარჯანიშვილელი“ ვიყავი და დღესაც მიმაჩნია, მარჯანიშვილის თეატრში რომ დასი იყო, მსგავსი არაფერი ყოფილა სხვაგან. როცა თეატრში მივედი, უმანგი ჩხეიძის გარდა ყველა იქ იყო. ესენი იყვნენ – სერგო ზაქარიაძე, ვასო გოძიაშვილი, გიორგი შავგულიძე, სესილია თაყაიშვილი, ვერიკო ანჯაფარიძე, მერი დავითაშვილი, სანდრო ჟორჟოლიანი, აკაკი კვანტალიანი, შალვა ღამბაშიძე, პიერ კობახიძე ...

— მხოლოდ მსახიობთა ასეთი თანაზარსკვლავი განაპირობებდა თქვენს არჩევანს თუ კიდევ იყო რაღაც, რაც გიზიდავდათ?

— თეატრის სტილისტიკაც ჩემთვის უფრო ახლობელი იყო. უფრო მაღელვებდა. ჩემი აზრით, მარჯანიშვილის თეატრი ყოველთვის უფრო რეალისტური იყო.

— მარჯანიშვილის თეატრში თქვენი პირველი სპექტაკლი იყო?..

— კ. გოლდონის „სასტუმროს დიასახლისი“. როცა ამ სპექტაკლის დადგმის სურვილი გაუუმხილე ვ. ტაბლიაშვილს, ძალიან გამეხარდა – რეპერტუარში კომედიების დიდ ნაკლებობას განვიცდითო. თავად თითქმის არ დგამდა კომედიებს, რომანტიკული პიესები უფრო უყვარდა. გაანაწილე როლები და დაიწყო მუშაობაო – მითხრა. ფიქრით როლები კარგა ხნის განაწილებული მქონდა:

– ვერიკო ანჯაფარიძე – მირანდოლინა, სერგო ზაქარიაძე და შალვა ღამბაშიძე – კეალური რიპაფრატა, ვასო გომიაშვილი – გრაფი, ჟორჟოლიანი და კვანტალიანი – მარკიზი და ა. შ. მაგრამ ეფიქრობდი ამ მსახიობებთან მუშაობას ვინ დამანებებს-მეთქი?! თავს იმით ვინუგეშებდი რომ ვახტანგი ამ განაწილებით მაინც მიხვდებოდა – რა მინდოდა და საით ვისწრაფვოდი. წარმოიდგინეთ, ტაბლიაშვილი დიდი სიხარულით შეხვდა როლების ასეთ განაწილებას და მეც შეეუდექი მუშაობას.

ამ დროს ვარ სულ რაღაც 22-23 წლის. რეპეტიცია კი ამ ბუმბერაზ მსახიობებთან უნდა ჩავატარო?! – ადამიანებთან, რომლებსაც ღმერთებად ვთვლიდი!.. ეს ბარიერიც გადაულახე და მუშაობაც კარგად აეწყო. იმდენად კარგად, რომ ჯერ კიდევ პრემიერამდე კარგა ხნით ადრე შემომთავაზეს თეატრში მთლიან შტატზე გადასვლა. მაშინ ასე იყო: თუ სადმე ერთი შტატი გეკავა, სხვაგან ნახევარ შტატზე უნდა გემუშავა. მე თეატრი ვარჩიე და ინსტიტუტში ნახევარ შტატზე დაერჩი.

იმპე პერიოდში დაედგი, ჩემი აზრით, ძალზე საინტერესო მწერლის სერგო კლდიაშვილის „დაბრუნება“, მერე ვიქტორ გაბესკერიას „უფსკრულთან“. ჩემი ბიოგრაფიისათვის და ვფიქრობ, ქართული თეატრისათვის საინტერესო სპექტაკლი, სადაც მართლა პირველად გაჟღერდა, რომ მთლად დალაგებულ ქვეყანაში არ ვცხოვრობთ, რომ კორუფციაც არის, მექრთამეობაც და ყველაფერი უბედურებაც. ამიტომაც იყო, რომ ერთი გაწამწია ატყდა ამ სპექტაკლის გარშემო – ხან უშვებდნენ საჩვენებლად, ხან ხსნიდნენ.

– პირველი სპექტაკლი, სადაც იგრძენით რომ უკვე ის ხართ, ვინც გინდოდათ რომ ყოფილიყავით?

– ასეთი სპექტაკლი არ არსებობს. შეიძლება მთელი ცხოვრება იმუშაო, მაგრამ მაინც ვერ თქვა, რასაც ვეძებდი – მივაგენიო.

– კეთილი, მეტ-ნაკლებად კმაყოფილებაზე ვისაუბროთ

– მაშინ შეიძლება დაუასახელო კაუნასის მუსკალურ-დრამატულ თეატრში დადგმული სპექტაკლი 1950-51 წ. წ. სეზონში. ტიპური საბჭოთა ოპერეტა იყო. გალპერინის „მეოცნებენი“, მაგრამ, ჩემი აზრით, ძალიან საინტერესო ნამუშევარი გამოვიდა. თეატრის წინ მშვენიერი ბაღი იყო, საიდანაც თეატრის ასეთივე ლამაზ ფოიეში შედიოდი. სპექტაკლს სწორედ ამ ბაღიდან ვიწყებდი, შემდეგ

მოქმედება ინაცვლებდა ფოიეში და გადადიოდა სცენაზე. ეს იყო საკარნაჟლო მსვლელობის მსგავსი რაღაც. ჩემ მიერ მიგნებულმა ფორმამ დიდი აღტაცება გამოიწვია. კაღნიერებაში ნუ ჩამომართმევთ, მაგრამ ჩემი ეს მიგნება შემდეგ სხვა რეჟისორებმაც გამოიყენეს. გრიბოედოვის თეატრშიც, სხვაგანაც.

ვფიქრობ, გორში დადგმულ შ. დადიანის პიესაშიც იყო საინტერესო მომენტები.

— ქუთაისზე არ გაიმბნიათ?

— საერთოდ, თავადასავლებით საესე რეჟისორი ვარ. სად აღარ ვმუშაობდი — მოსკოვი, ვილნიუსი, კაუნასი, გორი, ქუთაისი, რუსთავი... მარჯანიშვილის თეატრში ხუთი-ექვსი სპექტაკლი მქონდა უკვე დადგმული, ქუთაისში რომ წავედი. არასოდეს დამავიწყდება კულტურის სამინისტროს კოლეგიის ის სხდომა ქუთაისის მთავარ რეჟისორად რომ მამტკიცებდნენ. ეს მაშინ უზარმაზარი მოვლენა იყო ჩემს ცხოვრებაში. 27 წლის ახალგაზრდას ამხელა ტრადიციების მქონე თეატრის მთავარ რეჟისორობას მანდობდნენ?!

— რომელი წელი იყო ხომ არ გახსოვთ?

— 1954 წელი. კოლეგიის სხდომაზე საოცარი ამბავი მოხდა. დაიწყო თუ არა სხდომა, გაიღო კარები და შემოინათა შალვა ღამბაშიძის საოცრად საყვარელმა სახემ. მას მოჰყვენენ — სესილია თაყაიშვილი, გიორგი შავგულიძე, აკაკი კვანტალიანი და პიერ კობახიძე?!. სიტყვა ითხოვა ბატონმა შალვამ — ვიცით სადაც უშვებთ გიგას, ჯერ ადრეა მაგისტრის მთავარი რეჟისორობა. დაგვიტოვეთ ეგ ბიჭი, გაეზრდით, დაეუაჟუკაცებთ და მერე სადაც გინდათ გაუშვითო!..

მადლიერების გამო ცრემლები მომადგა, მაგრამ უკვე მტკიცედ მქონდა გადაწყვეტილი წასვლა და უკან ვეღარ დავიხვედი.

ორი დღის შემდეგ სადგურზე სტუდენტები ქუთაისისაკენ რომ მაცილებდნენ, უცებ შალვა ღამბაშიძე და გიორგი შავგულიძე დამადგნენ თავზე, ვაგზლის რესტორანში მიმიპატიჟეს და გზა დამილოცეს.

მაშინ ქუთაისში ბრწყინვალე დასი იყო. წამყვანი მსახიობები იქაც ის თაობა იყო მარჯანიშვილთან რომ მუშაობდა ქუთაის — ბათუმის თეატრის შექმნიდან — შოთა პირველი, ვახტანგ მეგრელიშვილი, იპოლიტე ხვიჩია, ანდრო მურუსიძე, ვარლამ

ჩზიკვაძე, კაპია აბესაძე, ქეთევან კოლხიდელო... სამი სეზონი ვიმუშავე იქ. ქუთაისის თეატრის ახალი შენობა გაუხსენით ჩემი სპექტაკლით „ტარიელ გოლუა“.

წარმატებით ჩაუტარეთ გასტროლები თბილისში, თბილისელ მაყურებელს ჩემი ორი სპექტაკლი ვაჩვენეთ – „ტარიელ გოლუა“ და „ოტელო“.

გასტროლების შემდეგ კვლავ მარჯანიშვილის თეატრში დავბრუნდი. იუმცა ძალიან მალე 1963 წ. გრიბოედოვის თეატრის მთავარ რეჟისორად გადამიყვანეს. იქ ერთი სეზონი დავეყვი და კვლავ მარჯანიშვილის თეატრში დამაბრუნეს, ახლა უკვე სამხატვრო ხელმძღვანელად და დირექტორად. სამი წელი ვიმუშავე ამ თანამდებობაზე. როცა ამ პერიოდში დიდი ქართველი რეჟისორი დოდო აღექისძე რუსთაველის თეატრიდან გაუშვეს, მე დაუურეკე ბატონ დოდოს და ვუთხარი – ჩემი ორი თანამდებობიდან რომელსაც აირჩევთ, იმაზე მობრძანდით და იმუშავეთ მარჯანიშვილის თეატრში-მეთქი. დიდი მადლობა გადამიხადა და მითხრა, უკვე შევუთანხმდი უკრაინელებს და ამ შეთანხმებას ვერ დავარღვევო. გასაოცარი ადამიანი იყო ბატონი დოდო.

— ამ პერიოდის სპექტაკლებიდან რომელს გაიხსენებდით?

— ამ პერიოდში დაუდგი, ჩემი აზრით, ჩემს შემოქმედებაში ყველაზე პრინციპული სპექტაკლი „კახაბერის ხმალი“. დაუდგი აგრეთვე „დალატი“.

— ოთარბეგის როლზე რუსთაველის თეატრიდან გყავდათ მოწვეული აკაკი ხორავა?

— ხორავა რუსთაველის თეატრიდან მაშინ უკვე გაშვებული იყო. გენიოსების მონაწილეობით შეექმენი ეს სპექტაკლი. ა. ხორავა – ოთარ ბეგი, ვ. ანჯაფარიძე – ზეინაბი, ს. თაყაიშვილი – ისახარი, ვ. გომიაშვილი – ბესო, ა. ოშიაძე – ანანია, ძალიან კარგები იყვნენ ახალგაზრდები: თარჩვაძე – დათო, მ. ბებურიშვილი – ერეკლე, მარინა თბილელი-რუქაია, ვერ ვიტყვი, რომ ჩემი რეჟისურით განსაკუთრებულად კმაყოფილი ვიყავი. უბრალოდ, ვარსკვლავ-მსახიობთა სპექტაკლი იყო.

მერე თითქოს რაღაც მოხდა თეატრში, უფრო ის, რომ ამ დროისათვის უკვე ძალიან წამოიზარდნენ ახალგაზრდა მსახიობები – ოთარ მელვინეთუხუცესი, ირაკლი უჩანეიშვილი, ნოდარ მგალობლიშვილი, ზაზა ლებანიძე – შესანიშნავი და ძალიან ნიჭიერი მსახიობი ქალი და სხვა. არაერთარი შეკრებები და

შეთქმულებები არ ყოფილა. უბრალოდ, გაჩნდა სურვილი ახალგაზრდებს რამე გაგვეკეთებია ერთად. ამან უფროსი თაობის ეჭვიანობა და აღშფოთება გამოიწვია.

— ეს რაში გამოიხატა?

— აშკარა უკმაყოფილება გამოითქვა ჩემს მიმართ. ჩათვალეს, რომ მე მათ ვლალატობდი და მარჯანიშვილელთა საწინააღმდეგო პოლიტიკას ვეწეოდი. თავდაპირველად მათ დაიწყეს კრებები ჩემ წინააღმდეგ.

— რას ითხოვდნენ?

— გიგა უნდა წავიდეს თეატრიდანო! ახალგაზრდებმა გადაწყვიტეს ჩემ გვერდით დამდგარიყვნენ. მითანაგრძნობდა უფროსი თაობის ნაწილიც. განსაკუთრებით სესილია თაყაიშვილი, რომელსაც მიაჩნდა, რომ ჩენი წასვლა თეატრისათვის დამღუპველი იქნებოდა. ეს ამბავი იმდენად მტკივნეულად განიცადა, რომ წერილიც კი მიწერა თეატრის სამხატვრო საბჭოს — თქვენ ღუპავთ მარჯანიშვილის თეატრს, მე არ მინდა ამის მონაწილე ვიყო და მივდივარ თეატრიდანო!...

— ე. ი. სესილია ამ კონფლიქტის გამო წავიდა თეატრიდან?

— წერილში პირდაპირ წერდა — მე იმ ასაკში აღარა ვარ ახალი თეატრის შექმნაში მაგათთან ერთად რომ მივიღო მონაწილეობა, მაგრამ არც იმ თეატრში შემიძლია დარჩენა, სადაც ასეთ უსამართლბას სჩადიანო და მართლაც წავიდა!...

ძალიან აქტიურად გვიჭერდა მხარს მედეა ჯაფარიძეც. განსაკუთრებით მძიმე კრება ჩატარდა კულტურის სამინისტროში, სადაც ღია დაპირისპირება მოხდა ჩვენს შორის. კულტურის სამინისტრო ჩვენს მხარეზე იყო. პირადად მინისტრს ოთარ თაქთაქიშვილს ძალიან ვაჟაკაციური პოზიცია ეკავა, მაგრამ ჩვენ მტკიცეთ ვთქვით რომ მაინც წავალთ!

— თუ თეატრიდან სხვების წასვლას არ მოითხოვდით და თავად მიდიოდით, კრებები რაღა საჭირო იყო?

— თეატრის დანგრევა არ უნდოდათ. ამის გარდა კვებნად ნუ ჩამომართმევთ და არც მე ვეთმობოდი. ამასთან დაკავშირებით ერთი პარადოქსი მაქვს, როცა მეკითხებიან, შენს ცხოვრებაში ყველაზე სწორ ნაბიჯად რა მიგაჩნიაო — მარჯანიშვილის თეატრიდან წასვლა და ყველაზე დიდი შეცდომად? — უკან დაბრუნება — მეთქვი!..

— როცა თეატრიდან წამოხვედით უკვე იცოდით, რომ რუსთავეში წახვიდოდით?

— არაფერიც არ ვიცოდით. კულტურის სამინისტრომ შემოგვთავაზა სანკულტურის შენობას გადაგიკეთებთ, სახელწოდებასაც შეეუცვლით და იქ იმუშავეთო. ეს რატომღაც ძალზე უარყოფითად მიიღეს ჩემმა თანამოაზრეებმა. ყველამ უარი თქვა. ამ დროს გაჩნდა აზრი — წავსულიყავით რუსთავეში. მეტალურგთა ეს ქალაქი, მაშინ ახალი დაარსებული იყო და პერსპექტივებიც დიდი ჰქონდა. რუსთავეში წასვლას ყველამ დაუჭირა მხარი.

რუსთავის პერიოდი პრინციპულად განსხვავებული ხანაა ჩემს შემოქმედებით ცხოვრებაში. განსაკუთრებული ბედნიერებაა როცა ახალ თეატრს ქმნი. პირველი ათი წელი მაინც რაღაც საოცრება იყო, სულ ზენიტში ვიყავით.

— რუსთავეში თეატრის შენობა დაგხვდათ?

— არანაირი შენობა არ დაგვხვედრია. კლუბი ჰქონდათ ერთი და ქალაქის ხელმძღვანელობამ იმის რეკონსტრუქცია დაიწყო. დიდი ენთუზიაზმით მიგვიღეს და ყველანაირად გვიწყობდნენ ხელს, მაგრამ სანამ რეკონსტრუქცია დამთავრდებოდა რამე უნდა გვეღონა. ამ დროს მოხდა სასწაული — სენაკის რაიონის რაიკომის მდივანმა შონიამ შემოგვთავაზა მთელი ზაფხული მის რაიონში, სოფელ ნოქალაქევში დაგვესვენა და გვემუშავა კიდევ. შესანიშნავი პირობები შეგვიქმნა, მდინარის პირას, სკოლის შენობაში დაგვასახლა და უფასო სასადილო გაგვიხსნა. დღე და ღამე თავს დაგვტრიალებდა.

— რუსთავის თეატრი რომელი სპექტაკლით გახსენით?

— პირველი სპექტაკლი იყო ედმუნდ როსტანის „სირანო დე ბერჟერაკი“. მასზე მუშაობა ჯერ კიდევ მარჯანიშვილის თეატრში ყოფნისას მქონდა დაწყებული. ნოქალაქევში მასზე მუშაობაც გავაგრძელე და ორი ახალი პიესის — კოროსტილიოვის „დეკაბრისტებისა“ და მ. გორკის „ფსკერზე“ რეპეტიციებსაც შევეუდექი.

რუსთავის თეატრი 1967 წლის 27 ნოემბერს გაუხსენით „სირანო დე ბერჟერაკის“ პრემიერით. თვენახევარში წარმოვადგინეთ „დეკაბრისტები“ („ასი წლის შემდეგ“) — და კიდევ ერთი თვის

შემდეგ „ფსკერზე“. ახალი თეატრის განაცხადი მართლაც ძალიან სერიოზული იყო.

— მახსოვს „სირანოს“ ... პრემიერაზე ლამის მთელი თბილისი იქ იყო.

— არა მხოლოდ იმ დღეს, ჩვენს პრემიერებზე, საქართველოს თითქმის ყველა კუთხიდან მოეშურებოდნენ რუსთავისაკენ. გენიალური ქართველი მსახიობი სერგო ზაქარიაძე, გახსნის დღეს, სპექტაკლის შემდეგ, სცენაზე ამოიჭრა და სიტყვით მოგვმართა. ძალზე საგულისხმო რამ გვითხრა – თეატრის დაარსება ადვილია, მაგრამ გაგრძელება რთულიო!.. ვფიქრობ, ეს სირთულეც დაუძლიეთ. წარმატება იმდენად დიდი იყო, რომ სულ რაღაც წელიწადნახევრის იყო თეატრი, მოსკოვში გასტროლებზე რომ გაგვიშეეს! – შვიდი სპექტაკლი გვექონდა წადებული! წელიწადნახევარში შვიდი საგასტროლო სპექტაკლის მომზადება ადვილი არ არის.

საკავშირო პრესის ფურცლებზე რამდენიმეჯერ გამოითქვა ასეთი მოსაზრება – ამჟამად საბჭოთა კავშირში სამი საინტერესო თეატრია – „სოურემენიკი“, პანევევისის და რუსთავის თეატრიო. ასეთ შეფასებას ისინი ადვილად არ იმეტებენ.

ჩემთვის ძალიან მნიშვნელოვანი მოვლენა იყო აკაკი ვასაძის მოსვლა რუსთავის თეატრში. იმდენად მოწონდა ჩვენი თეატრი. პირდაპირ გვითხრა – ამ თეატრში მუშაობის საშუალება მომეცითო! რამდენიმე მნიშვნელოვანი სახეც შექმნა.

— რატომ დაბრუნდით მარჯანიშვილის თეატრში?

— დაგვიბარა იმდროინდელმა ცენტრალური კომიტეტის მდივანმა და გვითხრა იღუპება მარჯანიშვილის თეატრი, მოკიდე შენ მიერ წაყვანილ ხალხს ხელი და დაბრუნდით თეატრშიო! – თერთმეტი ახალი შტატი მოგვეცეს. მე დამნიშნეს დირექტორად და სამხატვრო ხელმძღვანელად. ეს იყო 1974 წელს.

— დაბრუნების შემდეგ თქვენი პირველი სპექტაკლი იყო...

— სოფოკლეს „ოიდიპოს მეფე“. ბოლოს ისეთი მომენტიც დაგვიდგა, როცა მე განუწყვეტლივ უნდა მეფიქრა, თუ რა უნდა ეთამაშა ამა თუ იმ მსახიობს. განსაკუთრებით, ვფიქრობდი ოთარ მეღვინეთუხუცესზე. ოიდიპოსი კი ის როლია, რომელიც, ჩემი აზრით, აუცილებლად უნდა ეთამაშა მას.



— როგორ ფიქრობთ, გამოუვიდა მას ეს როლი?

— მე მგონია რომ ძალიან საინტერესო იყო. განსაკუთრებით პირველ ხანებში, მერე ცოტა დაიშალა სპექტაკლი.

— ვინ იყო მისი ოდიპოსი?

— სიმართლის მაძიებელი კაცი. ამ ნაწარმოების ყველაზე მნიშვნელოვანი იდეა ის იყო, რომ თუნდაც საკუთარი თავის დაღუპვის ფასდაც რომ დაგიჯდეს, სიმართლეს მაინც უნდა მიაკვლიო. ოდიპოსი გრძნობს, რომ დაღუპვისკენ მიდის, მაგრამ მისთვის ყველაზე მნიშვნელოვანი სიმართლის დადგენაა. ეს ნაწარმოებში დევს. მე ყოველთვის ვცდილობდი ის ამომეხსნა, რაც ნაწარმოებში იყო. არც ის არის სწორი თითქოს ეს ანტიკური ტრაგედია არის ბედისწერის გარდაუვალობაზე. თუ ყველამ ვიფიქრეთ, მაინც ის მოხდება რაც გვიწერიაო, ეს მონური ფსიქოლოგიაა და მეტი არაფერი.

ჩემი აზრით, ამ სპექტაკლით მე შევებრძოლე ბედისწერის გარდაუვალობასაც და ე. წ. „ოდიპოსის კომპლექსის“ თეორიასაც. რა კომპლექსებზეა საუბარი? — ეს აბსოლუტურ სისულელედ მიმაჩნია. ოდიპოსმა რა, იცოდა რომ ის ქალი დედამისი იყო?! — მან ხომ ეს უბედურება გაიგო თუ არა, თვალებიც დაითხარა და ცხოვრებაც დაამთავრა.

მე მინახავს ბათუმში, ა.ჩხარტიშვილის მიერ დადგმული „ოდიპოს მეფე“. იუსუფ კობალაძე თამაშობდა. დიმიტრი ალექსიძის სპექტაკლი რუსთაველის თეატრში და მისი სამივე ოდიპოსი — აკ. ხორაეა, ს. ზაქარიაძე, ე. მანჯგალაძე. ვფიქრობ, რომ ოთარის მიერ შექმნილი ეს სახე ერთ-ერთი საინტერესო იყო. — თქვენ და ოთარ მეღვინეთუხუცესი, ვფიქრობ, ეს მნიშვნელოვანი თემაა?

— როცა ასეთი ტანდემი იქმნება ძალიან ნაყოფიერია შემოქმედება. როგორც რ. სტურუასა და რ. ჩხიკვაძეს ცალ-ცალკე იმ დონის არაფერი შეუქმნიათ, რაც ერთად შექმნეს, ასევეა ჩვენ შემთხვევაშიც, ჩემს სპექტაკლებში მისი სვლა ტრიუმფალური გამარჯვებით დაგვირგვინდა ჩემსავე ფილმში — „დათა თუთაშხია“. თუმცა, ამას მხოლოდ ჩემს დამსახურებად არ ვთვლი — უნიჭიერესი მსხიობისა და გენიალური ავტორის ჭაბუა ამირეჯიბის შეხვედრამაც განაპირობა.

— ვისაუბროთ გიგა ლორთქიფანიძეზე კინოში.

— კინოში მისვლის შესაძლებლობა ჯერ კიდევ 1954 წელს მქონდა, როცა თეატრში მ. ბარათაშვილის პიესის „ჭრიჭინას“ წარმატებული დადგმის შემდეგ, მასზე ფილმის გადაღება შემომთავაზეს. ჩემს სპექტაკლში მარჯანიშვილის თეატრში ამ როლს ფანტასტიურად თამაშობდა მედეა ჯაფარიძე. რადგან მსახიობის არჩევას ამა თუ იმ როლზე მაშინაც და დღესაც გადამწყვეტი მნიშვნელობა აქვს ჩემთვის, მე მოვითხოვე ჭრიჭინა ჩემს ფილმშიც მედეა ჯაფარიძეს ეთამაშა. მაშინ ცეკა როლების განაწილებაშიც ერეოდა და მედეა ჯაფარიძის დამტკიცებაზე უარი მითხრეს. რაღაც ხელოვნური მიზეზი მოიგონეს — თითქოს წლოვანებით არ შეეფერებოდა. ასეთი არაობიექტური გადაწყვეტილების გამო, უარი ვთქვი გადაღებაზე. მერე კარგა ხანს კინოსკენ აღარც გამიხედავს.

კინოზე ხელახლა ფიქრი მხოლოდ მაშინ დავიწყე როცა ჭაბუა ამირეჯიბის მართლაც საუკუნის რომანის „დათა თუთაშხიას“ გავეცანი. მაშინ კი ვიფიქრე — ეს რომ არ გადავიღო მოეკედები — მეთქი! — და იქვე გამიჩნდა მრავალსერიანი სატელევიზიო ფილმის გადაღების იდეა. ეს არის 1975 წელი. მაშინ ამის ტრადიცია ჩვენში თითქმის არ არსებობდა.

მოხდა გასაოცარი დამთხვევა. კინოსტუდიის მაშინდელ დირექტორს რეზო ჩხეიძეს და კინემატოგრაფისტთა კომიტეტის თავმჯდომარეს აკაკი დვალისვილსაც, ჩემგან სრულიად დამოუკიდებლად გაჩენიათ აზრი, რომ „დათა თუთაშხია“ სწორედ მე გადამეღო!.. მაგრამ, დიდი სურვილის მიუხედავად, როცა შემომთავაზეს გადაღება, ძალიან შემეშინდა. ჩემს მეუღლეს ქეთინო კიკნაძეს უნდა ვუმაღლოდე, რომ გავბედე და ასეთ დიდ საქმეს შევები. როცა სახლში ვთქვი — რა დროს სხვა პროფესიაში ძალის მოსინჯვაა, ახალ ცხოვრებას ხომ ვერ დავიწყებ-მეთქი?! ქეთინომ — უნდა დაიწყო! — მითხრა და მართლაც დავიწყე. შედეგიც, ვფიქრობ, შესანიშნავი გამოვიდა. გარკვეული სირთულეების გადალახვა, რასაკვირველია, ამ ფილმის გამოც დაგვჭირდა. დადგა დრო, როცა „დათა თუთაშხია“ უნდა გვეჩვენებია საკუშირო ტელევიზიის კომიტეტის მაშინდელი თავმჯდომარის ლაპინისათვის. ეს იყო ძალიან ჭკვიანი, განათლებული და საშიში კაცი. მკაცრი

ძალიან. თუ ფილმი არ მოეწონებოდა, გამორიცხული იყო ვიზა მიეცა.

წინასწარ გაგვაფრთხილეს – ლაპინმა დიდი-დიდი ერთი საათი უყუროს ფილმს, იმდენი დრო სად აქვს, რაც აქ ფილმები შემოდის ყველა ბოლომდე ნახოსო. არადა, ჩვენ შეიძსერიანი ფილმი გვაქვს ჩატანილი!..

დაიწყო ფილმის ჩვენება. ლაპინი მარტო უყურებს. ასეთი ჩვევა ჰქონდა. ჩვენ რედაქტორთან ველოდებით როდის გვაა ერთი საათი. ერთიც გავიდა და ოთხიც, ლაპინი არა და არ ჩანს?!

მოხდა სასწაული, მან ბოლომდე უყურა ფილმს!..

ბოლოს დაგვიძახა, ოთახში გაიარ-გამოიარა და გვითხრა – ნებისმიერ დიდ სახელმწიფოს შეიძლება შეშურდეს ასეთი რაოდენობის გენიალური არტისტებით! – ამ სიტყვებმა გადაწყვიტეს ფილმის ბედი. მანამდე სხვა პასუხისმგებელ პირებში დიდი კამათი გამოიწვია სეთურის სცენებმა. ფიქრობდნენ, რომ ეს პირდაპირი მინიშნება იყო საბჭოთა წყობაზე. საბოლოოდ ეს სერია გადარჩა, მაგრამ ერთი ეპიზოდი მაინც ამოგვიგდეს. იმ ეპიზოდში დათას და ზამთარაძეს ბავშვები ესხმოდნენ თავს. ძალიან კარგი სცენა იყო, მაგრამ გვითხრეს – რაღაც მეტიმეტად ჰგავს არტეკსო!\*..

ერთი შეფერხება კიდევ მაშინ გვქონდა, როცა საკაეშირო ტელევიზიამ დაიწყო ჩვენება. ორი სერიის მერე უცებ შეწყვიტეს?! – შევშფოთდით. გამოირკვა, რომ სსრკ ცენტრალური კომიტეტიდან სეთურის სცენისათვის უყურებია ვიღაცას და აღშფოთებულა – რას აჩვენებთ ეკრანზეო?!

ფილმის ჩვენების განახლება მხოლოდ მას შემდეგ მოხერხდა, როცა პოლიტბიუროს მთელმა შემადგენლობამ ნახა. მთლიანად ფილმი მოეწონათ და სეთურის გამო აღარ ჩაგვიძიებია. მერე და მერე, ფილმის ბედი ისე წარიმართა, რომ საკაეშირო სახელმწიფო პრემიაც მოგვცეს და ბევრი სხვა ჯილდოც. საბჭოთა კავშირის ყველა რესპუბლიკაში დიდი წარმატებით გადიოდა, მაგრამ განსაკუთრებული წარმატება სწორედ რუსეთში ხვდა წილად. უამრავი წერილი მოდოდა რუსეთიდან.

ძალიან ბევრი ფილმის გაგრძელებას გვთხოვდა. ხომ არ გვინახავს როგორ დაიდუპა დათა და იქნება მეთევზეებმა გადაარჩინესო!..

---

\* პიონერთა ბანაკი იალტაში.

ერთი ქალი გეწერდა - ქერივი ვარ, ორმოცდაშვიდი წლის. დიდი მადლობა იმისათვის ყოველ საღამოს ჩემს ოჯახში გასაოცარი მამაკაცები რომ შემოდიანო!..

ოთარს კემეროვოდან ერთი გოგონა წერდა: ხუთი და-ძმა ვართ, მამა გარდაგვეცალა, დედა სხვას გაყვა, ჩვენ კი უპატრონო ბავშვთა სახლში ვიზრდებით. ძვირფასო ბიძია დათა, თქვენ, ასეთმა ძლიერმა და ჭკვიანმა კაცმა, იქნება იპოვოთ დედაჩვენი და დაარწმუნოთ, შვილების ასე მიტოვება არ შეიძლებაო!..

ყველაზე საოცარი ის იყო, რომ საკავშირო შინაგან საქმეთა მინისტრის ბრძანებით მე საპატიო მილიციელის წოდება მომენიჭა! ასე ასაბუთებდნენ - თქვენი ფილმის ჩვენების დროს - კრიმინალური დანაშაული სამოცდათოთხმეტი პროცენტითა, ხოლო გამოსაფხიზლებელში მოხვედრილთა რიცხვი კი ოთხმოცდასამი პროცენტით შემცირდაო!..

— ავტორები, რომლებიც გამორჩეულად გიყვართ?

— პირველ რიგში, რა თქმა უნდა, ეს არის პოლიკარპე კაკაბაძე, რომლის პიესაზე დადგმული სპექტაკლი „კახაბერის ხმალი“ ჩემს ყველაზე საუკეთესო სპექტაკლად მიმაჩნია. ნოდარ დუმბაძე, რომელთანაც მთელი ცხოვრება ვითანამშრომლუ და ჭაბუკა ამირეჯიბი.

— რა არის ის ძირითადი, რის გამოც პიესას ირჩევთ?

— ჯერ ერთი. ნაწარმოები თავისი ბუნებით უნდა იყოს ეროვნული, ქართული. მეორე ის, რომ მწვავედ უნდა იყოს დასმული გარკვეული ცხოვრებისეული საკითხები. მაგალითად, ხშირად ჰგონიათ, რომ „მე, ბებია, ილიკოს და ილარიონის“ დადგმას არავითარი წინააღმდეგობა არ შეხვედრია. პირიქით, ოფიციალური კრიტიკა კითხულობდა - რა სოფელია ასეთი, არც კოლმეურნეობა რომ არ არის, არც პარტიული ორგანიზაცია და არც კომკავშირიო?!

— მაშინ ხომ პიესის გმირი ფრიადლოსანი, დამკერული ანდა მოწინავე ადამიანი უნდა ყოფილიყო. აქ მსგავსი არაფერი იყო. მაგრამ იყო დიდი ცხოვრებისეული სიმართლე.

— ანუ თქვენთვის მთავარია ეროვნულობა, სოციალური სიმახვილე და სიმართლე?

— ჟურნალი „ციცქარი“ გამოდიოდა, მგონი, ახლა აღარც გამოდის, რომლის რედაქტორიც იყო ვახტანგ ჭყელიძე, შესანიშნავი ლიტერატორი, კრიტიკოსი, მაშინ სწორედ ამ ჟურნალმა დაბადა

ახალი დინება ქართულ ლიტერატურაში, რომლის წარმომადგენლები იყვნენ ნოდარ დუმბაძე, ოტია იოსელიანი, მერაბ ელიოზიშვილი. ჩემი აზრით, ქართულ ლიტერატურაში მათ მოაბრუნეს უბრალო და მართალი ადამიანები. დავით კლდიაშვილისა და ნიკო ლორთქიფანიძის გმირების მსგავსი ადამიანები.

— როგორ მუშაობთ პიესაზე?

— ერთხელ გიორგი ტოუსტონოგომა ძალიან საინტერესო რაღაც გვითხრა — არიან რეჟისორები, რომლებსაც ერთი გასაღები უღვევთ ჯიბეში და უნდათ, რომ ყველა კარი იმით გააღონო. არა და ის მხოლოდ ერთი კარების გასაღებიაო. ამიტომაც არის ან საკეტს ამტყერევენ, ანდა კარებს აფუჭებენ!..

მართლაც ასეა, არ შეიძლება შექსპირის ნაწარმოები და ნოდარ დუმბაძის ნაწარმოები ერთი და იმავე გასაღებით გააღო. პირველ რიგში მე ავტორის თავისებურებებს ვითვალისწინებ. მისი პატივისმცემელი ვარ. შესანიშნავად თავის დროზე თქვა ელ. ნემიროვიჩ-დანჩეკომ. — როცა პირველად სამხატვრო თეატრი დაიბადა ყველანი ამბობდნენ რეჟისორული თეატრი დაიბადაო, მერე ამბობდნენ — მსახიობების თეატრი დაიბადაო, მე კი ვუთქვობ, რომ ჩვენ ყოველთვის ავტორის თეატრი ვიყავითო.

მეც მიმაჩნია რომ რეჟისორმა, პირველ რიგში უნდა აღმოაჩინოს ავტორი, განსაზღვროს მისი სტილი, თავისებურებანი და ყველაფერი მას დაუძორჩილოს.

— რას ითხოვთ მსახიობისაგან?

— პირველ რიგში სიმართლეს. მოქმედების უნარს, თეატრალური სიყალბისაგან გათავისუფლებას, დამოუკიდებელ აზროვნებას, პათოს არ ეცემ მარიონეტად გადაქცეულ მსახიობს.

— დაასახელეთ თქვენ მიერ დადგმული სამი საუკეთესო სპექტაკლი?

— ჩემს შემოქმედებაში პრინციპული მნიშვნელობა აქონდა სპექტაკლებს — „მე, ბებია, ილიკო და ილარიონი“ და „კახაბერის ხმალი“. ძალიან მიყვარს და ძალიან მაღლა ვაყენებ ჩემ ორ სპექტაკლსაც „ასი წლის შემდეგ“ და „ფიროსმანი“.

— „დასაბამიდან იყო სიტყვა. სიტყვა იყო ღმერთთან. და ღმერთი იყო სიტყვა“. რას ნიშნავს თქვენთვის სიტყვა და როგორ ფიქრობთ, რა მდგომარეობაშია იგი დღევანდელ ქართულ თეატრში?

— კატასტროფულში! — კ.სტანისლავსკი ამბობდა, რომ მსახიობის ყველაზე დიდი უზრდელობა ცუდი მეტყველებაა!..

— ხელოვანი გამორჩეული და სანიმუშო ადამიანი უნდა იყოს?

— ხელოვანი თუ სანიმუშო არ არის, თუ მისგან მაგალითის აღება არ შეიძლება, იგი, ჩემი აზრით, ვერ იქნება გამომსახველი თუისი ქვეყნის ტკივილებისა. ხელოვანი ზნეობრივადაც უნდა გამოირჩეოდეს და, რაც მთავარია, თავდადებული უნდა იყოს თუისი ხალხისათვის. პირველ რიგში უნდა შეგეძლოს იგრძნო შენი ხალხის ტკივილი, შენი ხალხის სიხარული რაშია. თუ ერის სამსახურში არ დგახარ, შეიძლება დროებითი წარმატებები გქონდეს, მაგრამ ნამდვილი ხელოვანი ვერ იქნები. ზნეობრივადაც უნდა გამოირჩეოდე, კაცობითაც და, რაც მთავარია, უნდა იყო თავდადებული შენი ხალხისათვისა და მათი ინტერესებისათვის.

— „არის თუ არა ქართული თეატრი ქართული“? თქვენ როგორ ფიქრობთ?

— მე მგონია, არასოდეს არ კქონია ქართულ თეატრს ასეთი კრიზისი ახლა რომ აქვს. ქართული თეატრი ყოველთვის იყო დასახლებული უბრწყინვალესი მსახიობებით. მე სამხატვრო თეატრის დასიც ვიცი, მცირე თეატრის დასიც, ანგლისური დასებიც, მაგრამ ისეთი მდიდარი აქტიორული სკოლა, როგორც ქართულ თეატრს კქონდა, იშვიათი იყო. ამ მხრივ შეიძლება უფრო მეტად ვგავდით რუსულ თეატრს: რუსული თეატრიც ძალიან მდიდარი იყო დიდი მსახიობებით. ამას წინათ ვფიქრობდი — ახლა რომ თუთაშხიას გადალება მინდოდეს, ვერ გადავიღებდი. გარდა იმისა, რომ ფილმი დასახლებულია მართლაც გენიალური არტისტებით, არ მყვოლებოდა ორი ისეთი გარეგნობის და სულიერი სამყაროს პიროვნება, როგორებიც არიან ოთარ მეღვინეთუხუცესი და თენგიზ არჩვაძე. ორი ისეთი პიროვნება, რომლებიც უნდა დაჯახებოდნენ ერთმანეთს და ეს ბრძოლა უნდა ყოფილიყო საინტერესო ყველასათვის. დღეს ყველაფერი დაწვრილმანდა და მგონი ცოტა ღლაბუცში გადავიდა. რეჟისურის გატაცებამ საკუთარი პერსონის წარმოჩენის სურვილით ძალიან დააზარალა თეატრი. რეჟისურა მსახიობების აღზრდის უმთავრეს საყრდენად კი არ დარჩა, თვითმიზნურ ძიებებს გადაჰყვა. ამიტომაც არის, რომ ქართულ თეატრში საერთოდ აღარ არის საინტერესო მსახიობი.

— კოკტო ამბობს — „თუ შემოქმედი საზოგადოებასთან საზავო მოლაპარაკებასაც კი თანხმდება, ის დამარცხებულია“ — რა აზრის ხართ კომპრომისზე?

— ნეპიროვიჩი-დანჩენკო ამბობდა, რომ „თეატრი არის კომპრომისი, კომპრომისი და კიდევ კომპრომისი!“, მაგრამ არა საკუთარ სინდისთან და რწმენასთან. ამას წინათ, ერთ გადაცემაში ეთქვი, რომ დღევანდელ ქართულ თეატრში კატასტროფული მდგომარეობაა, თუნდაც იმიტომ, რომ მას მასხარას როლიც კი წაართვეს-მეთქი. მასხარას იმის უფლება პქონდა, რომ მეფისთვის სიმართლე ხუმრობით მაინც ეთქვა. თუ თეატრი და კინო არ არის დისიდენტური ის მოწინავე არ არის. თეატრი, კინო, ლიტერატურა და საერთოდ ხელოვნება არსებულის წინააღმდეგ თუ არ არის, მაშინ რისთვის არსებობს? საბჭოთა თეატრიცა და კინოც ყოველთვის დისიდენტური იყო. ადრეც, მეფის რუსეთის დროს, ქართულ თეატრში იდგმებოდა „სამშობლო“, „დალატი“. მართალია შეფარულად ამბობდნენ სათქმელს, მაგრამ ის ხომ თავისუფლებისთვის ბრძოლა იყო, რუსული კოლონიალიზმის წინააღმდეგ ბრძოლა. „შემოკარ ზარი გოგია, შემოკარ ზარი თავისუფლებისა“ — სცენაზე ამას რომ იტყოდნენ, დარბაზში კივილი იწყებოდა, რატომ? — იმიტომ, რომ ისინი იმ წუთში, იმ დროს არსებულ მჩაგვრელს ებრძოდნენ.

თუ თეატრმა ეს ფუნქცია დაკარგა და თუ იმისათვის ვარსებობთ, რომ პანეგირიკი მიუუძღვნათ არსებულ ხელისუფლებას, მაშინ ყოფნა და მუშაობა არ ღირს.

— თქვენი თაობის სახე — როგორია იგი?

— მიხეილ თუმანიშვილი, ლილი იოსელიანი, რეზო ჩხეიძე, თენგიზ აბულაძე!.. ხომ ფაქტია, რომ იმ დროის მსოფლიოში არსებობდა გამოთქმა — ქართული კინოსა და ქართული თეატრის ფენომენი?!

— ამ ფენომენის დამკვიდრებაში სწორედ ჩემს თაობას უდევს უდიდესი წვლილი. ჩვენი ხელოვნება ყოველთვის რაღაცნაირად სცილდებოდა საბჭოთა სტერეოტიპების ფარგლებს. ჩემს კოლეგებს მოსკოვში, ლენინგრადსა თუ კიევში ხშირად უკითხავთ — თქვენთან საბჭოთა ხელისუფლება არ არისო?!

— რას ნიშნავს თქვენთვის ეროვნული ინტერესები და მოქალაქეობრივი ვალი?

— ეროვნული ინტერესების სფერო ისე კარგად არავის განუსაზღვრავს, როგორც ილიას — „ენა, მამული, სარწმუნოება“.

ამაზე დიდი საფიქარი, მე მგონია, არც ერთ შემოქმედს არ უნდა ჰქონდეს. ქართველი შემოქმედისათვის ნამდვილი დამოუკიდებლობისათვის ბრძოლაც კვლავ უპირველეს ამოცანად რჩება. ჩემთვის არავითარი განსხვავება არ არის რუსულ და ამერიკულ ჩექმას შორის!..

— ნიჰილიზმის მოძალებას თუ გრძნობთ?

— ნიჰილიზმი მაშინ ჩნდება, როცა ადამიანი ფიქრობს, რაც არ უნდა გაუაკეთო, არავითარი მნიშვნელობა არ აქვსო. თუ ისეთი უბედურება შეგვეყრება, რომ ცინიზმი და ნიჰილიზმი გახდება ჩვენი მამოძრავებელი, ეს დაგვლუპავს.

— არისტოტელური — არაარისტოტელური, ილუზიური — ანტიილუზიური და საერთოდ, რაც არ უნდა ვუწოდოთ, მაინც განცდასა და წარმოსახვასთან მიედიფართ. თქვენ რომელი თეატრი გიყვართ?

— მეთოდოლოგიაშია განსხვავება — განცდიდან წარმოსახვამდე მიხვალ, თუ პირიქით. მიზანი ერთია, მაგრამ მე მაინც განცდის ხელოვნების მომხრე ვარ.

— თქვენი პროფესიის მთავარი სირთულე?

— კოლექტიურობა, ჭეშმარიტი თეატრი ერთმორწმუნეთა თეატრია, მაგრამ ამის მიღწევა ძალიან ძნელია. რუსთავის თეატრის პირველ ათწლეულში ჩვენ ეს შეეძელით.

— თეატრმცოდნეებზე რა აზრის ხართ თუ გიფიქრიათ, რომ თქვენი შემოქმედება სწორედ მათი წყალობით „ძლებს“ დროში?

— ეს შესანიშნავი და მნიშვნელოვანი პროფესიაა. მათ დიდი როლი აქვთ ნათამაშები ჩემს ცხოვრებაშიც. ვგულსხმობ როგორც ქართველებს, ისე რუსებს. ვფიქრობ, რომ ჩემ მიმართ, ჩემი სპექტაკლებისა თუ ფილმების მიმართ ყოველთვის სიყვარულიანი დამოკიდებულება ჰქონდათ.

— ჩვენ წინაპრებს მიაჩნდათ რომ თეატრი ტაძარია, თქვენ რას ფიქრობთ?

— უნდა იყოს, მაგრამ არ არის. ტაძარი იმ თვალსაზრისით არის, თუ იქ ერთმორწმუნენი არიან, როგორც მაგალითად, სამხატვრო თეატრის საუკეთესო წლებში.

— იმ ფულის გამო „სამშობლოს“ დასადგმელად რომ იყო საჭირო, ქართული თეატრის ერთ-ერთი სიამაყე ვასო აბაშიძე, მუხრან ბატონის წინაშე „შეხტა და შემობზრიალდა“, თქვენ თუ ხართ მზად, ღირსება შესწიროთ ქართულ თეატრს?



— საკუთარი ღირსების შეწირვაზე თანახმა ვარ, მაგრამ თეატრის გადასარჩენად. თუ თეატრის ღირსება უნდა გაიწიროს — არა! ეს ტრაგიკული მაგალითია, ვასო აბიშიძეს არ უნდა დასჭირებოდა ამის გაკეთება.

— თეატრი რეჟისურისაა თუ მსახიობის?

— ჩემი პროფესიის საწინააღმდეგო რამეს ვიტყვი. მიმაჩნია, რომ ამა თუ იმ დარგში მთავარია ის, რის გარეშეც შეუძლებელია მისი არსებობა. თეატრი შეიძლება იყოს დრამატურგის გარეშე, მრავალი საუკუნე არსებობდა რეჟისორის გარეშე, მაგრამ მსახიობის გარეშე არასოდეს. თეატრი არის — მსახიობის.

— კ. მარჯანიშვილს მიაჩნდა — „თეატრის დანიშნულება უბრალოა, მიანიჭოს ადამიანს სიხარული, შთაბეროს მას მხნეობა“. თქვენ როგორ ფიქრობთ?

— გენიალური ფორმულირებაა. თუ სიხარული არ მოაქვს, ჩემთვის ის მკედარი თეატრია.

— ჩვენი დიდი წინაპრები არტისტს ხალხის მოძღვარს, ხალხის მასწავლებელს უწოდებდნენ. თქვენ როგორ გგონიათ?

— ასეც უნდა იყოს. სხვაგვარად მაყურებელი თეატრისადმი რწმენას დაკარგავს

— თავის დროზე ილიას სიცოცხლეს ვერ გაუფრთხილდით. დღეს თუ გგულებათ ვინმე, ვის სიცოცხლესაც განსაკუთრებით უნდა გაუფრთხილდეთ ქართველები?

— ილია თავის დროს უსწრებდა. დღეს თუ ჩვენთან არის ის, ვინც ეპოქას უსწრებს, რასაკვირველია. განსაკუთრებით უნდა მოვეყვროთ. მაგრამ საერთოდ სჯობს ყველას გაუფრთხილდეთ.

20. VI. 2006.





## გიორგი შორდანიას

— რუსთაველის თეატრის მცირე სცენაზე თქვენ მიერ დადგმული სპექტაკლისათვის — ბ. ვასილიუვის „ამალამ მგონი იქნება ქარი“ — კოტე მარჯანიშვილის სახელობის პრემიის ლაურეატი გახდით. ეს პირველად მოხდა თქვენს ცხოვრებაში თუ მანამდე უკვე იყავით ამ პრემიის ლაურეატი?

— არა, ეს პირველია და, ვუიქრობ, ბოლოც, რადგან, როგორც ვიცი, ამ პრემიით ერთი და იმავე პიროვნების ორჯერ დაჯილდოება არ შეიძლება. ყოველ შემთხვევაში, მე ისეთს არაუვის ვიცნობ, ვისაც ერთხელ მეტად მიეღოს იგი.

— ეს იმას ხომ არ ნიშნავს, რომ ეს ჯილდოც ერთგვარად წინასწარ არის განწირული განაწილების პრინციპისათვის — მთავარია გული არაუვის დაწყდეს!

— არ ვიცი, შეიძლება. თუმცა ალბათ უკეთესია ადამიანს ჯილდო იმდენჯერ მისცე, რამდენჯერაც იმსახურებს.

თავისთავად, რა თქმა უნდა, ბედნიერი ვარ. ძალიან მიხარია ისიც, რომ ამავე პრემიით დაჯილდოვდა ჩვენი შესანიშნავი მსახიობი გოგი ქვეთარაძე — ჩვენმა შემოქმედებითმა მეგობრობამ თითქოს ამაშიც ერთგვარი გაგრძელება კპოვა. საქმე ისაა, რომ გ.ქვეთარაძე ჩემს ორ სპექტაკლში თამაშობს: „მარადისობის

კანონში“ – ბაჩანა რამიშვილს და „ყვარყვარე თუთაბერში“ – ყვარყვარეს.

— ორივე ეს წარმოდგენა თქვენ სოხუმის კ. გამსახურდიას სახელობის სახელმწიფო თეატრში დადგით?

— დიახ, იმ თეატრში, რომელსაც გოგი ქავთარაძე ხელმძღვანელობს. სიამაყით მინდა აღვნიშნო, რომ ჩემ მიერ დადგმული ნ. დუმბაძის „მარადისობის კანონი“ პირველი პრემიერა იყო, რომელიც სოხუმის ქართული თეატრის დასმა ახალ შენობაში წარმოადგინა. გოგი ქავთარაძის ადგილზე ალბათ ბევრი ვერ შეეღეოდა ახალი თეატრის საკუთარი პრემიერით გახსნის შესაძლებლობას, მაგრამ მან ვაჟკაცურად სძლია პატივმოქმედებულ ცდუნებას და ეს საშუალება მე დამითმო. იმავე თეატრში, გასული წლის სექტემბერში, ჩემი მეორე სპექტაკლის – პ.კაკაბაძის „ყვარყვარე თუთაბერის“ პრემიერა იყო. ყვარყვარეს, როგორც გითხარით, გოგი თამაშობდა. მისი, როგორც მსახიობის ერთ-ერთი ძვირფასი თვისება ის არის, რომ არაჩვეულებრივად დამყოლი, მიმნდობი და ბავშვივით უშუალო ხდება. თითქოს პირველად ისმენს იმას, რასაც ეუბნები. ამ დროს იგი აზროვნებს, როგორც მსახიობი და არა რეჟისორი. მას ბევრი შესანიშნავი როლი აქვს შექმნილი, როგორც თეატრში, ისე ეკრანზე, მაგრამ, ვფიქრობ, ყვარყვარე მათ შორის საპატიო ადგილს დაიკავებს.

— ამ ნაწარმოების დადგმის გადაწყვეტილება ალბათ იმავეთვე გარკვეულ სიძნელეებთან იყო დაკავშირებული იმ თვალსაზრისითაც, რომ ყველა ჩვენთაგანის მუხსიერებას ჯერ კიდევ შთამბეჭდავად აქვს შემორჩენილი რობერტ სტურუას მიერ დადგმული „ყვარყვარე“. თუმცა ისიც გასაგებია, რომ თუ ყველაფერს ასე მივუდგებით, პირამიდების შემდეგ კაცობრიობას ალბათ აღარაფერი უნდა აეშენებია.

— ერთგვარი ფსიქოლოგიური ბარიერი არსებობდა, მაგრამ მსახიობებს და რეჟისორებს ამის გადალახვა უფრო ადვილად შეუძლიათ. ეს მათი პროფესიაა – ირწმუნონ და გაითავისონ სწორედ ის სინამდვილე, რომელსაც მოცემულ მომენტში სთავაზობენ, მითუმეტეს თუ ეს სინამდვილე პოლიკარპე კაკაბაძის მსგავსი ოსტატის მიერაა შექმნილი. „ყვარყვარე თუთაბერი“ ჩვენი თეატრის საგანძურია, მისი მსგავსი ქართულ თეატრს არც არაფერი გააჩნია. ამას გარდა, არც არსად მოიპოვება დრამატურგიული

შედევრების ისეთი განმთხავენი, საიდანაც ყოველ რეჟისორს მხოლოდ მისთვის დაწერილი პიესის აღება შეეძლება. სამაგიეროდ არის ნაწარმოებები, რომლებიც ყველასთვის არის შექმნილი, ყველას სათქმელს იტევს. „ყვარყვარე თუთაბერი“ სწორედ ასეთი ნაწარმოებია. როცა რუსთაველის თეატრში რ.სტურუამ „ყვარყვარე“ დადგა, რა თქმა უნდა, ყვარყვარეში მაშინც ძალიან აქტიურად მძინერებდა, მაგრამ საზოგადოების შეგნებულ ნაწილს მაინც გარკვეულწილად შეურიგებელი პოზიცია ეკავა, ებრძოდა კიდევ. მერე და მერე თანდათან მათი ყურადღებაც მოღუნდა და ყვარყვარეში ლამის ცხოვრების ნორმად იქცა, ყვარყვარე ისე ჩასახლდა და გალალდა ჩვენში თუ ჩვენს გვერდით, რომ ვეღარც ვამჩნევთ. თანაც სულ ახალი და ახალი ტიპის ყვარყვარეები ჩნდებიან. ყვარყვარე თითქოს ხეწს და სრულყოფს თავის არსებობის ფორმებს. ამიტომაც არის იგი ასე საშიში. მას შემდეგ, რაც ოციან წლებში დაიბადა, სულ იზრდება და იზრდება; პოლიკარპე კაკაბაძე თითქოს მთელი ცხოვრება ქმნიდა და სრულყოფდა ამ გმირს სხვადასხვა სახეში. ამიტომ მიეცი ჩემს თავს უფლება, მისი ნაწარმოებების სხვა პერსონაჟებიც, დადებითი თუ უარყოფითი გმირები „გადამესახლებია“ ჩემს სპექტაკლში. ისინი თავინთ ბევრ გამოვლინებაში თითქოს ყვარყვარეს ორეულები, მისი მრწამსის მატარებელნი არიან. მათ მიერ წარმოთქმული, ერთი შეხედვით უმტკივნეულო ფრაზებიც კი, დღევანდელი გადასახედიდან სულ სხვაგვარად ჟღერს. მაგალითად, ერთი გმირი ასეთ რამეს ამბობს, ყველა სახლში ჩონგურს აუჟღერებო!.. ვიცით რა ჩონგურებიც ააჟღერეს სახლებში და რა თავზარიც დასცეს ადამიანებს!.. მე ვფიქრობ, რომ ყვარყვარე ძალიან ხშირად უნდა დაიდგას, რათა არასოდეს დაგკეიწყდეს, მუდამ გვახსოვდეს მისი არსებობა და არასოდეს დაუშვათ მისი მომძლავრება.

— გასულ შემოდგომაზე, ერთ პატოვსაცემ მანდილოსანთან შესულა ცოლის ხარჯზე მცხოვრები მეზობელი და უთქვამს — სულ უსაქმურს რომ მეძახი, ერთი მოგესმინა რა სიტყვა ვთქვი მიტინგზე!.. ახლა რაღას იტყვი, ხომ ხედავ ჩემი დროც დგებაო!.. — რა უნდა ვთქვა, შეილო, ამ სამოცდაათი წლის მანძილზე შენნაირების მეტი რა მინახავსო!.. — უთქვამს დიასახლისს...

— საქმეც ისაა, რომ ყვარყვარე კაცად თავს არეულობის დროს გრძნობს! ასეთ დროს ცოცხლდება, ლაღობს. როცა საზოგადოებას არ სცალია მისთვის, სწორედ მაშინ წამოყოფს თავს და თავად იცლის საზოგადოებისთვის!.. ყვარყვარეს მიმართ თვალის არიდების, ყურადღების მოღუნების, დათმობის ყოველი წუთი ძალიან ძვირი უჯდებათ ადამიანებს. არა და ვაი, რომ დღეს ისევ ბევრი ახალი ყვარყვარე გამოჩნდა და იმისგანაც არა ვართ დაზღვეული, რომ ხვალ და ზეგ კიდევ მეტი არ გამოჩნდება!..

— ჩვენ ოპტიმისტები ვართ, ბ-ნო გიზო!

— ვუიქრობ, არც ჩემს სპექტაკლებს აკლია ეს გრძნობა!..

— უკვე რამდენიმე წელია რუსთაველის თეატრის მთავარი რეჟისორი ხართ, რამ განაპირობა თქვენი მიწვევა?

— ხშირად მეკითხებიან ამას... რობერტ სტურუასთან შეთანხმებით გადაწყდა, რომ თეატრალურ ინსტიტუტში ჩემ მიერ აღზრდილ მსახიობთა ჯგუფი მცირე სცენაზე იმუშაებდა. მათთვის ხელმძღვანელობა კვლავ მე უნდა გამეწია, მაგრამ მცირე სცენის მთავარი რეჟისორის თანამდებობა არ არსებობს. გამოსავალი მოინახა იმაში, რომ რუსთაველის თეატრის მთავარი რეჟისორი გაეხდი!.. პატივმოყვარეობა, როგორც ყველას, ალბათ არც მე მაკლია, არც ზედმეტად თავმდაბალი ვარ და ვერ ვიტყვი, რომ ვერ შეეძლებ ამ საპატიო და ყველა ჩვენთაგანისათვის საოცნებო ტვირთის ზიდვას. მაგრამ არც იმის აღიარება მიჭირს, რაც ისედაც ყველასთვის ნათელია, — დღევანდელ რუსთაველის თეატრში ვისაც არ უნდა ერქვას ეს სახელი, წამყვან ფიგურად, თეატრის ერთადერთ წარმმართველ ძალად რობერტ სტურუა დარჩება მაინც.

რაც შეეხება უშუალოდ ჩემს საქმიანობას — ჯერჯერობით კვლავ ახალგაზრდებთან მუშაობით ვარ დაკავებული, მინდა მტკიცედ დაუაყენო ისინი ფეხზე. მერე მეც უფრო მშვიდად და დაჯერებით ვიმუშაებ დიდ სცენაზე. თუმცა, ეს პირველი არ იქნება ჩემთვის. 1965 წ. ბათუმიდან სწორედ რუსთაველის თეატრში გადმომიყვანეს. არ შემძლია მადლიერების გრძნობით არ გავიხსენო ის ზრუნვა, რომელიც თეატრის მაშინდელმა დირექტორმა დორიან კიტიამ გამოიჩინა ჩემს მიმართ. სწორედ მან დამირეკა ბათუმში და მითხრა: მიხეილ თუმანიშვილისა და საერთოდ, რუსთაველის თეატრის ხელმძღვანელობის გადაწყვეტილებით ჩვენს თეატრში გვინდა გადმოგიყვანოთ. 1970 წლამდე ვიმუშაე ამ თეატრში.

— მახსოვს თქვენი სპექტაკლები: ნ. აზიანის „უკანასკნელი მასკარადი“, თ. ჭილაძის „აქვარიუმი“, კ. გამსახურდიას „ზოგაის მინდია“, მოლიერის „გააზნაურებული მდაბიო“... მაგრამ კვლავ დაუბრუნდეთ თქვენს ჯგუფს, რომელიც მცირე სცენაზე მუშაობს. ამ ახალგაზრდების მოყვანა რამ განაპირობა, თეატრი ახალგაზრდა მსახიობების ნაკლებობას განიცდიდა?

— არა, არა, პირიქით, იმაზე მეტი მსახიობია, რაც ერთ თეატრს სჭირდება! ას რვა მსახიობია დასში! ეს წარმოუდგენლად დიდი, ლამის კატასტროფული რაოდენობაა. წლის განმავლობაში ყველა მათგანის ეპოზოდური როლით დაკმაყოფილება ცი შეუძლებელია. მათ შორის ძალიან ბევრი უშტატოა.

— რას ნიშნავს უშტატო მსახიობი? ადამიანი, რომელიც გარკვეულ საშტატო ერთეულზე არ არის გაფორმებული და ხელფასს არ იღებს, ალბათ, უმუშევარია?

— მთლად ასეც არ არის. გამოსვლებში უხდიან და ზოგიერთი გაცილებით მეტს იღებს, ვიდრე შტატში მყოფი, მაგრამ საგანგაშო სხვა რამეა — როდემდე შეიძლება ასე იყვნენ?! რაიონში წასვლა არაუის უნდა, მათაც კი, ვინც სპეციალური ლიმიტებით მოეწყვნენ ინსტიტუტში. ადრე უფრო მიდიოდნენ სხვა ქალაქებში სამუშაოდ. მე ხუთი-ექვსი წელი ვიმუშავე ბათუმში, მიუხედავად იმისა, რომ ჩემი მშობლები აქ ცხოვრობდნენ. ალბათ მუშაობა არ უნდათ, თორემ როგორ შეიძლება, წლების განმავლობაში იყო თეატრში ისე, არც შტატის იმედი გქონდეს და არც როლების?! განა არ შეიძლება თბილისის გარდა სხვაგანაც გახდეს დიდი მსახიობი!.. თუმცა, ბოლომდე ვერც მათ გაამტყუნებ. უმეტეს შემთხვევაში ელემენტარული საყოფაცხოვრებო პირობები არ აქვთ რაიონში ჩასულ მსახიობებს, რომ ადარაფერი ვთქვით უმცირეს მატერიალურ ანაზღაურებაზე, სიგარეტის ფულადაც რომ არ ჰყოფნით. ვეღარც ოცდაათიანი წლების დამკვრელური ენთუზიაზმით მუშაობას აიძულებ — კიბის ქვეშ ვიმუშაოთ და სხვენში ვიცხოვროთ!.. ალბათ რაიონის ადგილობრივმა ხელმძღვანელებმა უფრო მეტად უნდა იზრუნონ ჩასულ მსახიობთა თუ რეჟისორთა საყოფაცხოვრებო და მატერიალური პირობების გასაუმჯობესებლად. უნდა იზრუნონ იმისათვის, რომ ადამიანს ადამიანური პირობები შეუქმნან და პრობლემაც ადვილად გადაწყდება.

რაც შეეხება ჩემი ჯგუფის დამკვიდრებას რუსთაველის თეატრის სცენაზე: ამ საქმეში ერთ-ერთი გადამწყვეტი როლი ითამაშა იმ რეპერტუარმა, რომელიც ჩვენი საკურსო და სადიპლომო სპექტაკლებით შეიქმნა. თავიდანვე ისე წარიმართა ჩვენი მუშაობა, ისე გამოვლიანდა ჯგუფი და იმდენად ბუნებრივად იქცა ერთ კოლექტივად, რომ თითქმის თავისთავად გაჩნდა აზრი ინსტიტუტის დამთავრების შემდეგაც არ დაშლილიყვნენ. სულერთი იყო სად ვიქნებოდით, სასწაულო თეატრში თუ სადმე სხვაგან. მთავარი იყო ჩვენ მიერ შექმნილ წარმოდგენებს ეარსება. ამ დროს რობიკო სტურუამ ნახა ჩვენი სპექტაკლები და მცირე სცენაზე მუშაობა შემოგვთავაზა. ასეთი რამ ყველას ცხოვრებაში არ ხდება!.. რა თქმა უნდა, სიხარულით დაეთანხმდით. ჯერჯერობით ისინი ხელშეკრულებით ორი-სამი წლით არიან მოწვეულნი, მერე ენახოთ როგორ გამოიჩინენ თავს. დიდი სურვილი მაქვს ახალგაზრდა რეჟისორებმა უფრო ხშირად იმუშაონ მათთან. მინდა გამოჩნდეს პიროვნება, რომელიც რაღაც ახალს, მოულოდნელს შესთავაზებს და აიყოლიებს.

— თუ არ ვცდები, რუსთაველის თეატრის თითქმის ყველა მთავარი რეჟისორი მის კედლებშივე ჩამოყალიბდა, იქ გაიარა თვითდამკვიდრების, წინამძღოლად ქცევის რთული და ხშირ შემთხვევაში არც თუ მოკლე გზა. თეატრი თითქოს თავად ზრდიდა თავის შესაჭვს. მაგალითად, დიმიტრი ალექსიძე რუსთაველის თეატრში 24 წლის მოღვაწეობის შემდეგ ჩაუდგა სათავეში თეატრს. არანაკლები გზა განვლეს მიხეილ თუმანიშვილმა, რობერტ სტურუამ, თავიდანვე თვით ახმეტელიც კი არ გამზდარა მთავარი რეჟისორი. როგორ ფიქრობთ, დღევანდელი რუსთაველის თეატრი ზრდის თავის მომავალ ლიდერს?

— თუ გაუიხსენებთ, რუსთაველის თეატრს არც ისე ბევრი მთავარი რეჟისორი ჰყოლია — კოტე მარჯანიშვილი, ალექსანდრე ახმეტელი, აკაკი ვასაძე, დიმიტრი ალექსიძე, არჩილ ჩხარტიშვილი, მიხეილ თუმანიშვილი, რობერტ სტურუა. მარჯანიშვილს თუ არ ჩათვლით, ჩემამდე მხოლოდ ჩხარტიშვილი იყო მოწვეული... რაც შეეხება აღზრდას, თეატრი ევრაფერს გახდება თუ პიროვნება არ გამოჩნდა. ყოველი მათგანი პიროვნება იყო. არის თუ არა დღევანდელ რუსთაველის თეატრში ასეთი პიროვნება, ამას დრო გვიჩვენებს. საერთოდ, დღესდღეობით

თეატრებში და არა მარტო საქართველოში, ისეთი დაბნეულობაა, ლიდერის აღზრდაზე ფიქრი კი არა, ის ვეღარ გაურკვევიათ, რა ქნან, როგორ იმოქმედონ მომავალში.

— რომ გადარჩნენ?

— დიახ. წინათ ჩვენ ვჩხუბობდით, ვიღაცას ევბრძოდით, ათას ხრიკს მიემართოდით, რომ აკრძალული გვეთქვა. ახლა თავად ამბობენ, ამ სამოცდაათი წლის მანძილზე საშინელებები გვიკეთებიაო!.. რა თქმა უნდა, ხელოვნების სათქმელი გაცილებით მეტია, ვიდრე ჩვეულებრივი სიმართლე, მაგრამ წლების განმავლობაში ყოველი მიზანსცენისა თუ თითოეული სიტყვისათვის ბრძოლამ ბევრი რამ დაგვაკლო, უპირველესად კი, ნამდვილი ხელოვნების სიღრმისეული წვდომის უნარი დაგვიქვეითა. საოცარი რამეები ხდებოდა. წელან „უკანასკნელი მასკარადი“ ახსენეთ. (აღრე „დეზერტირკას“ სახელწოდებით იდგმებოდა). რომ არ მოეხსნათ, იძულებული გაუხდით მესამე მოქმედება საერთოდ აღარ გვეთამაშა. სცენაზე ბოლშევიკები რომ შემოდიოდნენ სპექტაკლიც წყდებოდა!.. ახლა „ელენა სერგეევნა, ძვირფასო“ ყველგან იდგმება, ფილმიც გადაიღეს. სულ რამდენიმე წლის წინ კი გრიბოედოვის თეატრში ჩემ მიერ დადგმული ეს პიესა პირდაპირ მოსკოვიდან მოხსნეს!.. ოცდაათი წარმოდგენა გადაჭედებულ დარბაზში ვითამაშეთ, ათი სპექტაკლი წინასწარ იყო გაყიდული, მაინც მოხსნეს. რობერტ სტურუას მიერ დადგმულ „სეილემის პროცესში“ ბოლო ფრაზა რომ დარჩენილიყო, მთელი ომი გაიმართა. ყველაფერმა ამან თავისი დამლა დაგვასვა და ერთბაშად მისგან გათავისუფლება ადვილი არ არის, თუმცა გასაკეთებელი ძალიან ბევრია. ქართული თეატრი ქართველი მწერლების ვალშიც არის. არც კლასიკა გვაქვს სათანადოდ ათვისებული და არც თანამედროვე უნიჭიერესი მწერლების ოთარ ჭილაძის, გურამ გეგეშიძის, ნოდარ წულეისკირის ნაწარმოებების დადგმით ვართ განებივრებული.

— როგორც ვიცით, ამჟამად მიხეილ ჯავახიშვილის ერთ-ერთ ნაწარმოებზე მუშაობთ?

— დიახ, ჩემს ჯგუფთან, სამსახიობო ფაკულტეტის მესამე კურსზე ვდგამ მ. ჯავახიშვილის „მუსუსს“. ვფიქრობ, რომ ამ დიდი მწერლის სამყაროსთან შეხვედრა დიდად გაზრდის და გაამდიდრებს სტუდენტებს. ლექსიკურად მდიდარი, ნამდვილი, ძარღვიანი, მამაპაპური ქართულის გემოს გაიგებენ.



თორემ თანამედროვე პიესების ყველა გმირი ერთნაირად მეტყველებს. სულ ერთია ვინ არის, რა სულიერ-ინტელექტუალური მარაგის პატრონია, ყველა ერთი და იმავე ლექსიკითა და მწიგნობრულ-ლიტერატურული ენით საუბრობს თუ გადმოსცემს ავტორის აზრებს. ამის გათავისება სტუდენტსაც უჭირს და მსახიობსაც. როგორ იქნები ბუნებრივი, ეთქვამთ, მეეტლის როლში, როცა მისთვის შეუფერებელი ენით მეტყველებ.

— ზოგჯერ გსაყვედურობენ რომ თქვენს დადგმებში, განსაკუთრებით თეატრალური ინსტიტუტის სცენაზე, ბევრი სიმღერა და ცეკვაა.

— ვიცი. ეს პირდაპირაც უთქვამთ, ირიბათაც, მაგრამ ჩემთვის ამას გართობის, მხიარულებისა და თვითმიზნურად გაჩაღებული ცეკვა-თაქაშის ფუნქცია არ აქვს. ჩემი აზრით, ხაზგასმული თეატრალობა და აღტაცებული ზეიმურობა უხდება თეატრს, მაგრამ არც ის არის უცხო, როცა იქვე საიდანღაც ცრემლი მოჟონავს და გოდება ისმის. გლოვაც, ცეკვაც, სიმღერაც და სიტყვაც ცხოვრებაშიც განუყრელად თანაარსებობენ და თავს კერაეინ დასდებს, რომ კაცი, რომელიც ცეკვავს, ყოველთვის ბედნიერია!..

— თუ „სიცილი ზოგჯერ ცრემლზე მწარეა“, რატომ არ შეიძლება ამდერებული მსახიობი თავისი გმირის უმძიმეს დრამაზე მოგვითხრობდეს.

— ის, რასაც ვაკეთებ და როგორც ვაკეთებ, ჩემი ენაა, მე ასე ესაუბრობ მაყურებელთან, რადგან მიმაჩნია, რომ მსახიობი გამოსახვის ყველა იმ საშუალებას, რაც გააჩნია, თავისუფლად უნდა ფლობდეს და თავისუფლად იყენებდეს მაყურებელზე ზემოქმედებისათვის. ჩემს სტუდენტებსაც ამას ვასწავლი.

1989. 8. VI.





## მელეა კუჭუხიძე

— მელეა კუჭუხიძე, რეჟისორი, დაბადებული?..

— 1937 წ. 10 იელისს.

— ვინ იყვნენ თქვენი მშობლები?

— მამა — შალვა კუჭუხიძე, მრავალმხრივი განათლების, ძალზე საინტერესო ადამიანი იყო. სამი უმაღლესი პქონდა დამთავრებული. მათ შორის კონსერვატორიაც, მაგრამ მთელი ცხოვრება მუშაობდა როგორც ეკონომისტი. დედა — ნინო ალშიბაია, აფხაზი თავადის ასული გახლდათ, რომელსაც სატყეო — საინჟინრო პქონდა დამთავრებული. მაგრამ ჩემი, ანუ პირველი შვილის, დაბადებისთანვე დაანება მუშაობას თავი და მთელი ცხოვრება შეიღებს, შეილიშვილებსა და შეილთაშვილებს შესწირა.

— ბავშვობის წლები?..

— ეს იყო ოცდაათიანი წლების რეპრესიების და ომის ხანა. ოთხი წლის ვიყავი მეორე მსოფლიო ომი რომ დაიწყო. იყო შუქშენილობები, გაჭირვება და ქალების მორიგეობა ღამე, სახლების სახურაუბზე. მახსოვს, რა ცუდად მოქმედებდა ჩემზე, როცა დედაჩემი აირწინაღს აიღებდა და სამორიგეოდ მიდიოდა.

— სკოლის წლებზე რას იტყვით?

— ვინაიდან ჩვენს სახლთან ძალიან ახლოს იყო, თავიდან მე-5 ქალთა სკოლაში მიმიყვანეს, პეტრიაშვილის ქუჩაზე. მაშინ

სკოლების უმრავლესობა კოსპიტალად იყო გადაკეთებული. ამიტომ დარჩენილ სკოლებში ბავშვების ძალიან დიდი რაოდენობა იყო. მერხზე 5-6 ბავშვი ვისხედით. წერის დროს იდაყვებით ვერ ვეყრდნობოდი მაგიდას, იმდენად მცირე ადგილი გვეკავა. შემდეგ ეს ჩვეუად მექცა. ამასთან, ბავშობაში სხვებზე დიდი ვიყავი და ამიტომ უკანა მერხზე მიწევდა ჯდომა. რადგან ძირითადად ბიოლოგიის კაბინეტში გეიტარდებოდა გაკვეთილები, გამუდმებით უნდა მეყურებია შემინული კარადისათვის, სადაც ბიოლოგიისათვის საჭირო თვალსაჩინოებებთან ერთად, დასპირტული ემბრიონიც იყო! – ესეც ძალიან მძიმედ მოქმედებდა ჩემზე.

მერე ბინა გამოვიცვალეთ, საცხოვრებლად სოლოლაკში გადავედით და პირველ ქალთა სკოლაში, წმინდა ნინოს ყოფილ სასწავლებელში გავაგრძელე სწავლა. მეთერთმეტე კლასში ვიყავი როცა ქალთა და ვაჟთა სკოლები შეერთდა. ჩვენ ამან უკვე აღარ მოგვიწია, რადგან სკოლას ვამთავრებდით.

ამ სკოლაში სამი უბრწყინვალესი პედაგოგი მყავდა, რომლებმაც ძალიან დიდი ზეგავლენა მოახდინეს ჩემზე და დღემდე ძალიან მაღლიერი ვარ მათი. ესენი იყვნენ – ჩვენი კლასის დამრიგებელი ნინო აღნიაშვილი, რომელსაც თავადაც წმინდა ნინოს სასწავლებელი კქონდა დამთავრებული. და მის გამგედაც იყო ნამუშევარი. ეს იყო ფანტასტიკური პიროვნება და ადამიანი. პედაგოგიკის ვირტუოზი, თუ შეიძლება ასე ითქვას. ქართულს მასწავლიდა შალვა გიგაშვილი. ესეც საოცარი პიროვნება იყო. მე იმ დროს ვსწავლობდი როცა, მაგალითად, ვაჟა-ფშაველა, ანდა ჰაგიოგრაფიული ლიტერატურა პროგრამაში არ იყო?! – მაგრამ ჩვენი მასწავლებელი ამას საერთოდ არ აქცევდა ყურადღებას, გვასწავლიდა იმას, რაც მას მიაჩნდა, რომ ჩვენ უნდა გეცოდნოდა. დღემდე არ ვიცი როგორ უთმენდნენ ამას. ეს ხომ ვერ დაიმალებოდა. მყავდა კიდევ ქიმიის მასწავლებელი – ზინა ხუნდაძე. ეს იყო თავისი საქმის უდიდესი სპეციალისტი. არაორგანულ სამყაროში შიგნით ჩაყვინთვის მძაფრი სურვილი მან გააღვიძა ჩემში. ეს ადამიანები არასოდეს დამავიწყდება.

სკოლაში ყოველთვის ძალიან კარგად ვსწავლობდი და ამის გამო გამორჩეული ვიყავი. ამან კი ის განაპირობა, რომ შური ბავშვობიდან მაქვს ნაგემი!..

— სკოლის დამთავრების შემდეგ, პირდაპირ თეატრალურ ინსტიტუტში ჩააბარეთ?

— დიახ, სამსახიობო ფაკულტეტზე, რითაც ყველა ძალიან გაუაკვირვე. ძალიან სერიოზული ბაეში ვიყავი და თან სკოლაც ოქროს მედალზე დავამთავრე. თეატრში კი დაეყავი მამაჩემს, მაგრამ, რასაც ჰქვია თეატრალი, არავენ მყოლია. ერთი შეხედვით, ნამდვილად ძალიან მოულოდნელი იყო ჩემი გადაწყვეტილება, თუმცა პირველივე ტურზე დამიწუნეს!.. შემდეგში, მიხეილ თუმანიშვილსა და ბაბულია ნიკოლაიშვილს რომ ვახსენებდი თქვენ დამიწუნეთ-მეთქი, ორთავე კატეგორიულად უარყოფდა. რადგან თეატრალურზე არ მიმიდეს, უნივერსიტეტში, ისტორიის ფაკულტეტზე ჩააბარე.

— ამ დროს რეჟისორობაზე არ ფიქრობდით?

— როგორ არა, მაგრამ ეს ისეთი რთული და მიუწვდომელი მეგონა, ჩაბარებაზე ფიქრსაც ვერ ვბედავდი. თუმცა, თეატრი რომ მინდოდა, ეს სრულიად ცხადი და გარკვეული იყო ჩემთვის.

უნივერსიტეტში, როგორც მედალოსანმა, ერთი გამოცდა ჩააბარე — ქართული წერა. სულხან-საბა ორბელიანის შესახებ დაწერე. მაშინ სიებს არ აკრავდნენ. კომისიის წევრები გვატყობინებდნენ ნიშანს. როცა მივედი კომისიის ერთ-ერთმა წევრმა ივანე გიგინეიშვილმა გრიგოლ კიკნაძე იხმო — გრიშა, მოვიდა ის გოგონაო?!. თურმე გრიგოლ კიკნაძეს ძალიან მოწონებია ჩემ მიერ დაწერილი თემა და უნდოდა ეენახე. მირჩია კიდეც ფილოლოგიურზე ისწავლეო, მაგრამ არ დავთანხმდი.

ერთი წელი ვისწავლე ისტორიულზე. ისტორია დღესაც ერთ-ერთი გატაცებაა ჩემი, მაგრამ მაინც თეატრი ვარჩიე. სარეჟისორო ფაკულტეტზე ჩაბარება გამაბედინა აწ განსვენებულმა მერაბ ჯალიაშვილმა, რომელიც შემთხვევით გავიცანი. თავად მგონი, მაშინ ამთავრებდა სარეჟისოროს, მან დამარწმუნა რომ მე შემეძლო რეჟისორი გამოვსულიყავი.

შესაძლებელი იყო უნივერსიტეტიდან გადმოსვლა, მაგრამ მე გამოცდების ჩაბარება ვამჯობინე. საგამოცდო კომისიაში იყვნენ — ინსტიტუტის რექტორი ილია თავაძე, აკაკი ხორავა, აკაკი ვასაძე, დიმიტრი ალექსიძე, ვასო ყუშიტაშვილი, მაღიკო მრევლიშვილი!..

ეტიუდი რომ დავამთავრე, მოხდა სასწაული – საგამოცდო კომისიამ აპლოდისმენტებით დამაჯილდოვა, ხორაუმ კი ხელში ამიყვანა და – გილოცეთ, მაკო საფაროვა დაიბადო!..

ყველა მაქებდა. მე მაინც ვთქვი – შარშანაც ვაბარებდი და დამიწუნეს-მეთქი!..

— ვინ იყვნენ თქვენი მასწავლებლები?

— ჩვენი ჯგუფი აიყვანა ვასო ყუშიტაშვილმა, რომელსაც მიაჩნდა, რომ თეატრი, უწინარეს ყოვლისა, არის არტისტი! ამიტომ სულ მეუბნებოდა, რად გინდა რეჟისორობა, გადადი სამსახიობოზეო. მაგრამ ვერ დამიყოლია. თუმცა, ინსტიტუტში სხვადასხვა სპექტაკლებში ვთამაშობდი. ამან მე, როგორც რეჟისორს, ძალიან ბევრი რამ მასწავლა.

ყუშიტაშვილი რეჟისურას გვასწავლიდა, მსახიობის ოსტატობა ერთი სემესტრი გვასწავლა აკაკი დვალიშვილმა, შემდეგ იყო გადასახლებიდან ახლადაბრუნებული ალექსანდრე (საშა) მიქელაძე. ბატონი საშაც იყო ის პიროვნება, რომელმაც ძალიან დიდი ზეგავლენა მოახდინა ჩემზე და არა მხოლოდ პროფესიის თვალსაზრისით. პირველ კურსზე მეტყველებას მასწავლიდა სერგო ზაქარიაძე, დიდი არტისტი და დიდი ადამიანი. და ჩემდა საბედნიეროდ, სიცოცხლის ბოლო წლებში, ჩემი ძალიან ახლო მეგობარი, ეს ძალიან დიდი იღბალი იყო ჩემი. მასწავლიდა აგრეთვე — მალიკო მრეელიშვილი, ფასდაუდებელი მოღვაწე, რომლის სკოლა ქართულ სასცენო და საერთოდ, ქართულ მეტყველებაში განუმეორებელია.

ყუშიტაშვილის შემდეგ რეჟისურას მასწავლიდა მიხეილ თუმანიშვილი, სასწაული პროფესიონალი, და თავის საქმეს შეწირული კაცი. მსახიობის ოსტატობას კი ლილი იოსელიანი! ითვლება რომ მსახიობებთან მუშაობა მეხერხება, თამამად შემძლია ვთქვა ეს მთლიანად ლილი იოსელიანის დამსახურებაა. იმიტომ, რომ ლილისნაირად ეს არაუინ იცის.

— ე. ი. ვისი მოწაფე ხართ?

— თითოეულმა მათგანმა ბევრი მომცა.

— პირველი სპექტაკლი, რომელიც დადგით თეატრში?

— წინასადიპლომო სპექტაკლი, დაედგი სანკულტურის თეატრში. ახალგაზრდები მაინცდამაინც არ ვწყალობდით ამ თეატრს, მაგრამ ჩემი მასწავლებელი ვასო ყუშიტაშვილი დიდი სიამოვნებით მუშაობდა იქ და აღფრთოვანებული იყო იქაური მსახიობებით.

მე, ასე ვთქვათ, მიხვილ თუმანიშვილის მაგეორად მომიწია ამ თეატრში მისვლა. მათ თუმანიშვილს თხოვეს სპექტაკლის დადგმა. მან უთხრა, მე არ მცალია, მაგრამ ჩემს საუკეთესო მოწაფეს გამოგიგზავნიოთ. ასე მოვხვდი სანკულტურის თეატრში. დადგი ჩეხი ავტორის ბლაჟეკის პიესა „უხვი საღამო“, პიესა არ იყო სანიტარულ-ჰიგიენურ თემაზე, მაგრამ როგორღაც მოგვეცეს დადგმის უფლება. საკმაოდ კარგი სპექტაკლი გამოვიდა.

იქვე დადგი საღიპლომო სპექტაკლიც. ამ დროს უკვე ლილი იოსელიანიც იქ იყო, მარჯანიშვილის თეატრის ახალგაზრდა მსახიობებთან ერთად. ჩემი საღიპლომო ნამუშევარი იყო რუსთაველის თეატრის მსახიობის ალექსანდრე აფხაიძის პიესა „დავიბრუნოთ ჩვენი ახალგაზრდობა“. ეს უკვე სამედიცინო თემაზე იყო.

დადგი აგრეთვე ვადიმ კოროსტილიოვის „მე მჯერა შენი“. ამის დადგმა ლილი იოსელიანმა შემომთავაზა, რომელიც ამ დროს ამ თეატრის სამხატვრო ხელმძღვანელი იყო.

ერთხელაც მიბარებს კულტურის მინისტრი, უაღრესად განათლებული და საინტერესო პიროვნება თენგიზ ბუაჩიძე და მეკითხება – საქართველო გიყვარსო?!..და თავადვე ამატებს – ძალიან კარგი, შენ ახლა სამშობლოს ყველაზე მეტად სჭირდები სოხუმშიო!.. ასე წავედი სოხუმში სამუშაოდ. წელიწადნახევარი დაურჩი იქ და საკმაოდ მძიმედაც დააუადღი. ეს ის პერიოდი იყო, როცა ნ. ხრუშჩოვმა თეატრს დოტაციები მოუხსნა. შიმშილისაგან ტუბერკულოზი დამემართა, თან ძალიან მძიმე ფორმით.

თბილისში, თეატრალური ინსტიტუტის მაშინდელმა რექტორმა ილია თაყაიძემ დამაბრუნა. ასისტენტად დამაწყებინა მუშაობა. ამ დროს გიგა ლორთქიფანიძე დანიშნეს მთავარ რეჟისორად გრიბოედოვის თეატრში და მან შემომთავაზა „ანა ფრანკის დღიურის“ დადგმა. არიადნა შენგელაია იყო ახალი ჩამოსული და მას უნდა ეთამაშა ანა. ეს სპექტაკლი, 1964 წელს, ერთ თვესა და ათ დღეში დაედგი.

სპექტაკლს ფანტასტიური წარმატება ხვდა წილად. ძალიან მოეწონათ მარჯანიშვილის თეატრის მსახიობებსაც. ვერიკო ანჯაფარიძემ მომკიდა ხელი და თქვა, ძლივს ვიპოვე რეჟისორი, რომელიც კ. ჩაპეკის „დედას“ დადგამსო. დედა უნდოდა თავად ეთამაშა. ასე მოვხვდი მარჯანიშვილის თეატრში.

— რის გამო ირჩევთ პიესას?

— მიმაჩნია, რომ გარდასახვა, რომელიც არის საფუძველი თეატრალური ხელოვნების, არ ეხება მარტო არტისტს. რეჟისორსაც ეხება. მეც უნდა გარდავიხაზო იმ ავტორისდაკვლად ვისაც ვდგამ და არა ერთადერთი ხერხით მიუდგე ყველა ავტორს. ვირჩევ ან იმ იდეის გამო რომელიც მაწუხებს, ან იმის გამო, რომ რაღაც საინტერესო ფორმები შეხადება, რომლის რეალიზაციაც მინდა. მქონია შემთხვევა, როცა წმინდა კომერციული თვალსაზრისითაც ამირჩევია.

რაც შეეხება გამორჩეულ ავტორს — ამოჩემებული არაუარს მყავს, თუმცა რაოდენობრივად ყველაზე მეტჯერ ლალი როსებას პიესები დავდგი. ძალიან მიყვარს პოლიკარპე კაკაბაძე და ნიკო ლორთქიფანიძე.

— სპექტაკლი, სადაც იგრძენით რომ თქვენ უკვე ის ხართ, ვინც გინდოდათ რომ ყოფილიყო?

— მარჯანიშვილის თეატრში რომ მიყედი. უშანგი ჩხეიძის გარდა ყველა დამხვდა. ამხელა არტისტებში მოუხვდი თითქმის სრულიად ბუჟი, მაგრამ ნდობის მოპოვება არ გამჭირვებია. ვგრძნობდი რომ მსახიობებს შეუუყვარდი და ჩემთან მუშაობა უნდოდათ მაშინაც კი, როცა პიესა არ მოსწონდათ. ფიქრობდნენ, რადგან მეღვას უნდა, ესე იგი რაღაც არის!..

მე კარგად თავს უკვე მაშინ ვგრძნობდი, როდესაც თეატრალურ ინსტიტუტში სულ პირველი სპექტაკლი დავდგი. ეს იყო სერვანტესის „სალამანკის გამოქვაბული“. ჩემთან სამუშაოდ მსახიობები მაშინაც სიამოვნებით მოდიოდნენ თეატრებიდან.

ხშირად ეხუმრობ, თუმცა ეს სიმართლეა — თავი ქრონიკულად მტიკვა, მაგრამ არის სამი ადგილი, სადაც არ მტიკვა — რეპეტიციასზე, ზღვაზე და თვითმფრინავში!..

— როგორ მუშაობთ პიესაზე?

— გაცილებით მეტს ვმუშაობ რეპეტიციების დაწყებამდე. პირველ რეპეტიციასზე მისვლამდე აბსოლუტურად ყველაფერი ვიცო, თეორიული მასალაც და ისიც, პრაქტიკულად რა უნდა გაეაკეთო. მაგალითად, როცა იაპონიაში საგასტროლოდ ჩავიტანე ჩემ მიერ დადგმული ჩიკამაცუს „შეყვარებულთა თვითმკვლელობა ციურ ბადეთა კუნძულზე“ აღმოჩნდა, რომ მათი თეატრის თეორია მათზე უკეთ მე ვიცოდი. დიდად გაოცებულები დარჩნენ ამის გამო.

— დაასახელეთ თქვენ მიერ დადგმული სამი საუკეთესო სპექტაკლი, ან უბრალოდ ის სპექტაკლი, რომელიც გამორჩეულად გიყვართ?

— როდესაც მე პირველი სპექტაკლი „ხუთი საღამო“ დავდგი მარჯანიშვილის თეატრში. პრემიერის შემდეგ მსახიობებმა ბანკეტი მოაწყვეს. გვესწრებოდა მოსკოვიდან ჩამოსული ქართველი რეჟისორი სერგო ევლახიშვილი. ყველა მილოცვას, ჩემი მასწავლებელი თუმანიშვილიც ესწრება ამ ჩემს დიდ ზეიმს. დიდად ბედნიერი ვარ, რომ ასეთი კარგი რამ გავაკეთე და უცებ ეს ევლახიშვილი ამბობს — თქვენი ჩაყარდნლი სპექტაკლების სადღეგრძელოს ვსვამო!.. ისე მეწყინა!!! — რა არის ეს ამ ზეიმის დროს?!. რაც დრო გადის ეხედები, რა გენიალური რაღაცა მითხრა. იმიტომ, რომ გაცილებით მეტი მომცა ჩაყარდნილმა სპექტაკლებმა, ვიდრე წარმატებულმა. წარმატება, რასაკვირველია, ძალიან საჭიროა. მაგრამ წარუმატებლობაც ძალიან გეხმარება.

მაქვს სპექტაკლები, რომლებიც მიყვარს, მაგრამ მაქვს ისეთებიც, რომლებიც აღიარებულია საქართველოშიც და საერთაშორისო ასპარეზზეც.

ძალიან მიყვარს ნიკო ლორთქიფანიძის „ჟამთა სიავე“, ჩიკამაცუს „შეყვარებულთა თვითმკვლელობა ციურ ბადეთა კუნძულზე“, ლ. როსებას „პროინციული ამბავი“ და პ. კაკაბაძის „პორტოპოლოს ტუსაღები“.

— „დასაბამიდან იყო სიტყვა. სიტყვა იყო ღმერთთან. და ღმერთი იყო სიტყვა“. რას ნიშნავს თქვენთვის სიტყვა და როგორ ფიქრობთ, რა მდგომარეობაშია იგი დღევანდელ ქართულ თეატრში?

— ეს ძალიან აქტუალური საკითხია. ამაზე დავწერე კიდევ „ეპოქაში“. იმის გარდა, რომ სიტყვამ დეველვაცია განიცადა ობიექტური მიზეზების გამო, მიზანმიმართულადაც ხდება სიტყვის დისკრეტიზაცია. თეატრი არის ვერბალური ხელოვნება — სალაპარაკო ტექსტი, ქმედითი სიტყვა. ამჟამად საშინელი მდგომარეობაა. ზიხარ მესამე რიგში და არ გესმის რას ამბობს მსახიობი?!. ყოფაშიც საოცრად დაქვეითდა მეტყველების კულტურა, იმიტომ, რომ არ არსებობს ეტალონი. წინათ ლექტორებად ამ მხრივ ძალიან მკაცრად არჩევდნენ, ახლა ისეთი შთაბეჭდილება მრჩება, რაც უარესად მეტყველებს ადამიანი, მით უკეთესი!.. უკეთესი მდგომარეობა არც რუსულ თეატრშია, მაგრამ



ეს განსაკუთრებით ჩვენთვისაა საშიში ტენდენცია — „რა ენა წახდეს, ერი დაეცეს“!

— ხელოვანი გამორჩეული და სანიმუშო უნდა იყოს?

— ამ თემაზე ისეთ ადამიანებს აქვთ ინსტრუქციები დაწერილი, როგორიც იყო, მაგალითად, გოეთე, ფილოსოფოსი პაზლიტი და სხვები და სხვები. ჩვენთან ჯერ კიდევ ვალერიან გუნია და ვასო აბაშიძე წერდნენ ამაზე. რასაკვირველია, უდიდესი პასუხისმგებლობაა, როდესაც შენ მრავალი ადამიანის წინაშე გამოდინარ.

— „არის თუ არა თეატრი ქართული?“ — როგორ ფიქრობთ, როგორია დღევანდელი ქართული თეატრი?

— პოლიკარპე კაკაბაძე მედიას მეძახდა. მე დიაციი!.. ერთხელ მითხრა — მედია, წარმოვიდგინოთ, რომ საქართველო დაიპყრო მტერმა. ყველაფერს სპობს და ანადგურებს, რადგან უნდა ჩვენი სახსენებელი აღგავოს მიწისაგან პირისა. ერთადერთი, რასაც ხელს არ ახლებს, ქართული თეატრია, იმიტომ რომ ამ თეატრით ვერაუინ დაასკვნის რომელი ქვეყანააო!.. 1971 წელს მითხრა ეს!.. ის რომ ენახა რაც დღეს ხდება?! — რა თქმა უნდა, დღევანდელი თეატრი არ არის ქართული.

— კოკტო ამბობს — „თუ შემოქმედი საზოგადოებასთან საზაო მოლაპარაკებაზეც კი თანხმდება, ის დამარცხებულია“ — რა აზრის ხართ კომპრომისზე?

— გააჩნია. ცხოვრება ეს არის კომპრომისების ჯაჭვი, მაგრამ შემოქმედებაში, მიმაჩნია, რომ ეს დაუშვებელია.

თუმცა, არც ცხოვრებაში წავსულვარ ისეთ კომპრომისებზე, როგორიც იყო. მაგალითად, კომუნისტურ პარტიაში შესვლა ანდა სპექტაკლების მიძღვნა საბჭოურ დღესასწაულებზე. სამი სპექტაკლი მომიხსნეს, როგორც ანტისაბჭოური.

— რომელი იყო ეს სპექტაკლები?

— ედუარდ დე ფილიპოს „კომედის ხელოვნება“, რომელიც საკეშირო ცეკას დადგენილებაში იყო მოხსენიებული, როგორც ნიმუში საბჭოთა იდეოლოგიის საწინააღმდეგო მიმართულებისა. კარლ გოცის „ლურჯი ურჩხული“ და ალექსანდრე სამსონიას „ვაჩე ვაჩეიშვილი და სხვები“.

— თქვენი თაობის სახე — როგორია იგი?

— ეს უფრო მაძიებელთა თაობა იყო ალბათ.

— რას ნიშანვს თქვენთვის ეროვნული ინტერესები და მოქალაქეობრივი ვალი?

— ეროვნულობის განცდა და შეგრძნება თუ არა გაქვს, უფლებაც არ გაქვს იყო ხელოვნებაში. მამაზეციერს, რომელსაც არაფერი არ შეშლია ისე ააწყო ყველაფერი, რომ არ სდომებოდა ეროვნული მრავალფეროვნება, რატომ გააკეთებდა ასე?!

— ნიჰილიზმის მოძალეებას თუ გრძნობთ?

— უფრო აგრესიის მოძალეებას ვგრძნობ. ეს ძალიან მაშინებს. ჩემი ბოლოდროინდელი გატაცების, ფიზიკის აღმოჩენების და მათ მიერ დადასტურებული მამაზეციერის არსებობა პირდაპირ მიგვიითითებს იმაზე, რომ ეს აგრესია ჩვენვე გვიბრუნდება იმ კატაკლიზმების სახით, რაც დღეს მსოფლიოში ხდება.

— არისტოტელური-არაარისტოტელური, ილუზიური-ანტიილუზიური და საერთოდ, რაც არ უნდა ვუწოდოთ, მაინც განცდასა და წარმოსახვასთან მიედიფართ. თქვენ რომელი თეატრის მომხრე ხართ?

— რა თქმა უნდა, განცდის თეატრის. ამაზე შრომებიც მაქვს დაწერილი. განცდა რომ ამოიძირკვოს, იმ ტოტსაც მოხერხავენ რაზეც არის მოთავსებული თეატრი.

— თქვენი პროფესიის მთავარი სირთულე?

— მთავარი სირთულე არის ის, რომ არ არის ინდივიდუალური შემოქმედება. ის, რომ სპექტაკლის შექმნაში უამრავი ადამიანი მონაწილეობს. ყველაზე დიდი სირთულე, რა თქმა უნდა, არის მსახიობი. მისი გარდაქმნა სხვა ადამიანად.

— თეატრმცოდნეებზე რა აზრის ხართ. თუ გიფიქრიათ რომ თქვენი შემოქმედება სწორედ მათი წყალობით „ძლებს“ დროში?

— კომპეტენტურ კრიტიკას ძალიან ვაფასებ. როდესაც სპექტაკლს დგამ, ყოველთვის გყავს ვიღაც, ვიზეც ფიქრობ — მას თუ მოწონება!.. ნიკო ჭავჭავაძე და აკაკი ბაქრაძე, რომლებიც წლების განმავლობაში იყვნენ ჩვენი თეატრის სამხატვრო საბჭოს წევრები, რომ შეაფასებდნენ სპექტაკლს, ისე სხვა ვინ შეძლებდა ამას? — აღარაფერს ვამბობ კულტურის მინისტრზე, ოთარ თაქთაქიშვილზე, რომელიც იყო უგანათლებულესი პიროვნება. იყვნენ ძალიან კარგი თეატრმცოდნეებიც. მაღლობა ღმერთს, ბევრი მათგანი დღესაც ცოცხალია. ჩვენი სპექტაკლების შეფასება არ ხდებოდა უწიგნური ჟურნალისტების დონეზე.

— ჩვენ წინაპრებს მიაჩნდათ რომ თეატრი ტაძარია, თქვენ რას ფიქრობთ?

— ეს გერმანელებისაგან მოდის. რა თქმა უნდა, თეატრი ტაძარი არ არის, თეატრი არის თეატრი!..

— იმ ფულის გამო „სამშობლოს“ დასადგმელად რომ იყო საჭირო, ქართული სცენის ერთ-ერთი სიამაფე ვასო აბაშიძე, მუხრან ბატონის წინაშე „შეხტა და შემობზრიალდა“, თქვენ თუ ხართ მზად ღირსება შეწირით თეატრს?

— მოლიერიც კუნტრუშებდა ლუი XIV წინაშე, იმისათვის რომ „ტარტიუფი“ დაედგმეინებია!..

— თეატრი რეჟისურისაა თუ მსახიობის?

— ჩემი აზრით, უნდა იყოს მსახიობის. მაგრამ ეს არ ნიშნავს თეატრის ხელმძღვანელი უნდა იყოს მსახიობი. ეს ყოველთვის ძალიან ცუდად მთავრდება.

— კ. მარჯანიშვილს მიაჩნდა — „თეატრის დანიშნულება უბრალოა, მიანიჭოს ადამიანს სიხარული, შთაბეროს მას მხნეობა“. თქვენ როგორ ფიქრობთ?

— ეს არის ჩემი ღვეიზი და იმიტომაც კიღია ჩემს ოთახში მარჯანიშვილის პორტრეტი ისეთ ადგილზე, დილით, თვალის გახელისთანვე რომ შევხედო ამ გენიალურ ადამიანს.

— ჩვენი დიდი წინაპრები არტისტს ხალხის მოძღვარს, ხალხის მასწავლებელს უწოდებდნენ. თქვენ როგორ გგონიათ?

— ასე უნდა იყოს, ამის საუკეთესო ნიმუშია ვალერიან გუნია, რომელზეც მე პატარა მონოგრაფიაც კი მაქვს დაწერილი.

— თავის დროზე ილიას სიცოცხლეს ვერ გაუფრთხილდით. დღეს თუ გგულებათ ვინმე, ვის სიცოცხლესაც განსაკუთრებით უნდა გაუფრთხილდეთ ქართველები?

— ამ საკითხზე ამ ბოლო დროს ხშირად ვფიქრობ. ეს შეკითხვა რომ დაგესვათ, ეთქვათ, ათი წლის წინ შეიძლება ვინმე დამესახელებია. ამჟამად არ ვიცი. ჩემს გატაცებებზე რატომ არაფერს შეკითხვით?..

— გეკითხებით?..

— ფილოსოფია და თეოლოგია ყოველთვის იყო და დღემდე არის ჩემი გატაცება, მაგრამ ამას ახლა ფიზიკაც შეემატა. ყოველთვის მაწუხებდა რომ მართალია ფუნდამენტური, მაგრამ მაინც ცალმხრივი განათლება მქონდა — კუმანიტარული. ბოლოს

გადაეწყვიტე, რომ ფიზიკა შემეხსნავლა, თან პირდაპირ თერმოდინამიკის მეორე საწყისიდან დავიწყე. შემდეგ ველარც მოვეში.

— ალბათ ყველაზე უფრო იმან მოგხიბლათ, რომ ფიზიკოსები, ეს ყველაზე უფრო მატერიალისტურად მოაზროვნე ხალხიც კი, ბოლოსდაბლოს სულიერი სამყაროს აღიარებამდე მივიდნენ?

— რა თქმა უნდა. გარდა მაგისა, მეოცე საუკუნის ყველაზე საინტერესო ფილოსოფოსები მაინც ფიზიკოსები არიან.

— კიდევ რით გინდათ რომ სრულყოთ თქვენი პორტრეტი?

— ერთ რამეზე ვოცნებობ — ჩემი ერი არ გადაგვარდეს. ქართველები კეთილი ხალხი იყო. სიკეთე ხომ ისევე, როგორც სიყვარული თავად ღმერთია.

— რადგან მაინც ღმერთისკენ გვაქვს მისწრაფება, ე. ი. დარწმუნებულები უნდა ვიყოთ რომ გადავრჩებით.

— ეს ფსევდომორწმუნეობაც მაშინებს.

— მე მგონია, მათ შორის ერთი ღრმად მორწმუნე თუ მაინც იქნება, (და, ალბათ, აუცილებლად იქნება) ამ ერთსაც კი შეუძლია ერი იხსნას, არა?

— როცა გერმანიაში ფაშიზმი მომძლავრდა, დიდ საგონებელში ჩავარდნენ იმდროინდელი დიდი ფიზიკოსები. ჰაიზენბერგი წერს

— ძალიან შეეშინდით იმის გამო, რომ ჩვენი მიღწევები ბოროტ ძალას არ გამოეყენებია. ბევრს ვმსჯელობდით იმის შესახებ, თუ რა გზას დაედგომოდითო. ბოლოს გადაეწყვიტე რჩევისათვის ჩემს მასწავლებელთან მაქს პლანკთან მიესულიყავი, მაშინ ის 90 წელს იყო მიღწეული. მან მითხრა — სამშობლოში უნდა დარჩეთ და აქ გადარჩენის კუნძულები შექმნათ, რათა ეს საშინელება როცა გადაივლის, ყველაფერი მოპარტახებული არ აღმოჩნდესო. ამ გადარჩენის კუნძულების იდეის ძალიან მჯერა. ასე გააკეთეს მეოცე საუკუნის ქართველ ნო-იანელთა თაობის ბევრმა საუკეთესო წარმომადგენლებმა. მათ გადაწყვიტეს, რომ შესულიყვნენ კომუნისტურ პარტიაში და გარკვეული თანამდებობები დაეკაუებიათ, რათა, ასე ვთქვათ, შიგნიდან გაეკეთილშობილებიათ სისტემა. ასე მოხდა, მაგალითად, ცუკას განყოფილების გამგედ ფილოლოგიურ მეცნიერებათა დოქტორი თენგიზ ბუაჩიძე. ასეთმა ხალხმა, მართლაც, მოახდინა დადებითი გავლენა.

2006. IX.



## თემურ ჩხეიძე

— თემურ ჩხეიძე, რეჟისორი, დაბადებული?..

— 1943 წლის 18 ნოემბერს, თბილისში. მოსამსახურის ოჯახში, როგორც საბჭოთა ანკეტებში ვწერდით!..

— შშობლები?..

— დედა — ქედია ჩახავა. რუსთაველის თეატრის მსახიობი. სხვა რა ვთქვა? — მიყვარს?!.. დედა არის დედა!.. მამა — ნოდარ ჩხეიძე. ისიც მთელი ცხოვრება რუსთაველის თეატრის მსახიობი იყო. საკმაოდ ადრეულ ასაკში, 44 წლისამ, მიატოვა თეატრი. კარგი მსახიობი იყო ნამდვილად, თუ რატომ მიატოვა თეატრი თანდათან ვხვდები. მგონი ცოტა სიჯიუტეც მოეძალა. სხვადსხვა თეატრში იწვევდნენ, მაგრამ არსად აღარ წავიდა — რუსთაველის თეატრის მსახიობი ვარო, ამბობდა.

— ბავშვობა?

— არანაირი განსაკუთრებული ბავშვობა არ მქონდა, ხშირად ვიყავი აუად. ნაშთები დღემდე მაქვს გამოყოლილი. აუადმყოფობა დღესაც ჩემი ჩვეულებრივი მდგომარეობაა. აუადმყოფობასა და აუადმყოფობას შორის ვშუშაობ ინტენსიურად. იმის გარდა, რომ ბავშვობა თავისთავად გრჩება, როგორც ზღაპრული მოგონება, ჩემი ბავშვობა იმითაც იყო შესანიშნავი, რომ უამრავი საუკეთესო

ადამიანი მუხვია გარს. ისინი ცდილობდნენ რაღაც წვლილი მაინც შეეტანათ ჩემს აღზრდაში. ბებია და ბაბუა ძალიან წიგნიერი ადამიანები იყვნენ და მნიშვნელოვანი კვალი დააჩნიეს ჩემს ფსიქიკას. მუდამ ჩემს გვერდით იყო მამიდაჩემი — ციალა ჩხვიძე. დღეს თუ მაქვს ქართულის კარგად ცოდნის პრეტენზია, ეს მისი დამსახურებაა. მახსოვს ბავშვობაში, როცა თავად რამეს თარგმნიდა, მეც მომცემდა რაღაც ნაწილს და მეტყოდა — შენც სცადეო. შეიძლება სისულელე იყო ის, რასაც მე „თარგმნიდი“, მაგრამ მისთვის მთავარი იყო, სიტყვაზე მუშაობის ჩვევა ჩაენერგა ჩემთვის, სიტყვის ფასის წვდომა და ნიუანსებში გარკვევის უნარი განვეითარებია. ვფიქრობ, ეს შეძლო კიდევც.

— სკოლა?..

— იყო ასეთი მე-6 ვაჟთა სკოლა, თავიდან იქ შემიყვანეს, შემდეგ 53-ე სკოლაში გადავედი, მე-5 კლასიდან დამთავრებამდე კი პირველ სამუშაო სკოლაში ვსწავლობდი. ნამდვილად კარგი მასწავლებლები მყავდა. მართალია, ახლა ამის თქმა მიღებული არ არის — საბჭოთა ყველაფერი ცუდია?!.. მაგრამ სწავლების დონე ჩემს დროს საკმაოდ მაღალი იყო. ქართული და რუსული ლიტერატურის სურნელის შეგრძნება, ისტორიის სიყვარულის გაღვივება, სწორედ სკოლაში მოხდა. რაც დრო გადის, ჩემი მასწავლებლების მიმართ აღტაცება უფრო მემატება.

— უმაღლესი განათლება სად მიიღეთ და როდის?

— თეატრალურ ინსტიტუტში. მაშინ ასე ერქვა. სარეჟისორო ფაკულტეტი დაეამთავრე 1965 წელს. დაახლოებით მესამე კურსამდე დიმიტრი (დოდო) ალექსიძესთან ვსწავლობდი, მაგრამ როდესაც ბატონი დოდო რუსთაველის თეატრიდან წავიდა და სამუშაოდ კიევში გადავიდა, დამთავრებამდე ჩვენი ჯგუფი თითქმის უპატრონოდ დარჩა. სხვადასხვა რეჟისორის ხელიდან ხელში გადაედო დიდი ხნით!..

— და მაინც ვინ იყო თქვენი მასწავლებელი?

— რა თქმა უნდა, მიხეილ თუმანიშვილი. მარტო იმიტომ არა, რომ ბატონი დოდო წავიდა. მისი წასვლით მე უბრალოდ მორალურად განუთავისუფლდი და მთლიანად ბატონ მიშასთან გადავედი. ისიც ძალიან გულგაშლილი იყო ჩემს მიმართ. რასაკვირველია, აქ მშობლების როლიც ძალიან დიდი იყო. ვერ დავიჩემებ, რომ თუმანიშვილისათვის შეიღობილი ვიყავი, მაგრამ მისი

უახლოესი მეგობრების შვილი ნამდვილად ვიყავი, დედაჩემთან მას ნახევარ ცხოვრებაზე მეტი ჰქონდა გატარებული. ერთად მუშაობდნენ, დღე და ღამე ერთად იყვნენ. ბოდიშს ვიხდი ამას რომ ვამბობ, მაგრამ ბატონ მიშასთვის ყოველთვის მეტი ვიყავი, ვიდრე ჩვეულებრივი მოწაფე. ამის გამო შეიძლება ტკივილიც უფრო მეტად ეგრძნო თუ რაღაც არ გამოძიებოდა და გაბრაზებითაც სხვაზე მეტად გამბრაზებოდა. მან, მან და მხოლოდ მან ჩამინერგა ის რაც ვიცი. მიუხედავად იმისა, რომ დოლო ალექსიძეს ძალიან ვემაღლიერები, ჩემი მასწავლებელი, რასაკვირველია, თუმანიშვილი იყო. თავისი მსოფლმხედველობით, რეჟისორული ხედვით, მეთოდოლოგიით. ეს იმას არ ნიშნავს, რომ მისი ასლი ვარ. უბრალოდ, ჩემებურად მიეყვები მის მიერ მონიშნულ გზას. ისიც სულ ამას ჩამაგონებდა, რომ შეიძლება რაღაც ასეთი მიჩნეული, მაგრამ შენ აუცილებლად შენეული ხედე, შენეული მიდგომა უნდა გაგაჩნდესო.

— რას ნიშნავს თქვენთვის თუმანიშვილის სკოლა?

— შემიძლია ყოველგვარი პათეტიკის გარეშე გითხრათ, რომ ყველაფერს! ამასთან, ძალიან ნათლად მახსოვს ბატონი მიშას სიტყვები — სკოლა, რომელიც არ ვითარდება მკედარიას! სკოლა არის სწავლებისა და ძიების პროცესი. ერთ ადგილზე გაჩერება და მხოლოდ დოგმებით საზრდოობა საშინელებაა. რეჟისურაშიც არის კანონები, მაგრამ ეს კანონები დროსთან ერთად იცვლებიან. იცვლება თხრობის მანერა, ფორმა, ესთეტიკა, უფრო მეტიც, სიმართლის შეგრძნებაც კი. რაც გუშინ ძალიან ბუნებრივი გვეგონა, დღეს შეიძლება ის ყალბად მოგვეჩვენოს და ა. შ.

— პირველი თეატრი, სადაც დადგით თქვენი პირველი სპექტაკლი, როგორც პროფესიონალმა რეჟისორმა?

— ზუგდიდის დადიანის სახელობის სახელმწიფო თეატრი. დაუდგი, ჩვენი თაობის მსახიობის ჯემალ მონიავეს პიესა „კორპუსი ხუთი, ოთახი ორმოცდათხუთმეტი“. საერთო საცხოვრებელზე იყო. ინსტიტუტის დამთავრების შემდეგ ახალგაზრდების ერთი ჯგუფი ერთად წავედით ზუგდიდის თეატრში სამუშაოდ — მე, ჟანრი ლოლაშვილი, ავთო მახარაძე, ლილი ბურბუთაშვილი, რომელიც ჯერ კიდევ სტუდენტი იყო, ჯოჯოლა ფილფანი, მხატვრები მიხეილ ჭავჭავაძე და აკაკი რამიშვილი. იქაც დაგვხედნენ ახალგაზრდები და დაუდგით ახალგაზრდული სპექტაკლი, რომელსაც დიდი სიყვარულით ვიგონებ დღემდე.

— სპექტაკლი, სადაც იგრძენით რომ თქვენ უკვე ის ხართ, ვინც გინდობდათ რომ ვოფლიყავით?

— თუ კეკლუცობაში არ ჩამეთვლება, ეს ჯერ კიდევ არც ერთ სპექტაკლში არ მიგერძნია. შეიძლება ყველაზე ახლოს ამ კითხვასთან შალვა დადიანის „გუმბინდელნი“ მივედი.

— რის გამო ირჩევთ პიესას?

— შეიძლება ეს ჩამორჩენილობაა, მაგრამ პიესამ პირველ რიგში ემოციური ზემოქმედება უნდა მოახდინოს. ყველა სხვა პროცესი შემდეგ იწყება — გონებრივი სამუშაო, ანალიზი. მაგრამ მოცემულმა ისტორიამ თუ ემოციურად არ შემძრა, სულ რომ ფანტასტიკურად იყოს დაწერილი, ვერ დაუდგამ. ჩემზე თუ არ მოქმედებს რამე, როგორ უნდა დაუდგა სპექტაკლი, რომელმაც სხვაზე უნდა იმოქმედოს?!..

— გამორჩეული ავტორი თუ გყავთ?

— არა. იმდენი ავტორი მიყვარს, რომ გამორჩევა ნამდვილად არ შემიძლია.

— როგორ მუშაობთ პიესაზე?

— გმადლობთ, კარგად!.. უფრო მეტი დრო მიდის მოფიქრებაზე. ვიდრე რეპეტიციებზე. იმიტომ რომ ყველაფერი წინასწარ უნდა ვიცოდე, განაწილებული და გაანალიზებული მქონდეს. ძალიან ზუსტად უნდა ვიცოდე რა მინდა, რისთვის, რატომ, რას ემსახურება თითოეული ეპიზოდი, რა მანერის მხატვრობაში უნდა გათამაშდეს მოცემული სიუჟეტი. მხოლოდ ამის შემდეგ ვხედები მსახიობებს.

— მსახიობისაგან რას ითხოვთ?

— იმდენ რამეს, ჩამოთვლას აზრი არ აქვს!.. მაგრამ მთავარი, რის გარეშეც არაფერი გამოვა, არის ის, რომ მსახიობი შინაგანად აუცილებლად ელასტიური უნდა იყოს. შინაგანი პლასტიკა თუ არ აქვს, ასეთ მსახიობთან მირჩევნია არ ვიმუშაო.

— არისტოტელური-არაარისტოტელური, ილუზიური-ანტიილუზიური და საერთოდ, რა ტერმინიც არ უნდა მოვიშველიოთ, საბოლოოდ მაინც გრძნობასა და გონებასთან მივდივართ. წარმოსახვა თუ განცდა — თქვენი თეატრი როგორია?

— გინდა — არ გინდა, ყველაფერი წარმოსახვაა, მაგრამ მე უფრო განცდისკენ ვიხრები. განცდის თამაში არ შეიძლება, იგი შედეგად უნდა იბადებოდეს.



— კლასიკური მწერლობა თქვენს შემოქმედებაში?

— იმისათვის, რომ პროზაული ნაწარმოები აიღო დასადგმელად, ის აუცილებლად შინაგანად დრამატურგიული და სიუჟეტის ოთხმოცი პროცენტი მაინც დიალოგებზე უნდა იყოს აგებული. როცა შინაგანი დრამატურგიულობა არის, მაგრამ დიალოგები ნაკლებადაა, მაშინ თამაზ გოდერძიშვილთან ერთად ვიწყებ მუშაობას და ერთობლივად ვაესებთ ამ ნაკლს. ამიტომ მიმაჩნია, რომ მიხეილ ჯავახიშვილის „ჯაყოს ხიზნები“ იქნება ეს, თუ თეოდორ ღოსტოვესკის „მარადი ქმარი“, ისინი დრამატურგიული ნაწარმოებებია. დღემდე მიკვირს მ. ჯავახიშვილს პიესა რომ არ აქვს დაწერილი. უფრო სწორად აქვს, მაგრამ ცუდი. პიესა რაღაც უცნაურად აქვს დაწერილი, მაშინ, როცა მისი პროზა უფრო მეტად ჰგავს პიესას. ეს საოცარია.

ჩემ მიერ დადგმული პირველი პროზაული ნაწარმოები იყო იან ოტჩენაშეკის „რომეო, ჯულიეტა და წყვდიადი“, მოზარდმაყურებელთა თეატრში. ჩუბი მწერლის ეს ნაწარმოები მაშინ ძალიან პოპულარული იყო. ინსცენირება ეკუთვნოდა რეჟისორ იური კაკულიას.

მიხეილ ჯავახიშვილის „ქალის ტვირთი“ რუსთაველის თეატრში დავდგი. ძალიან მიყვარდა ეს სპექტაკლი. შემდეგ იყო დავით კლდიაშვილის „სამანიშვილის დედინაცვალი“ რობერტ სტურუასთან ერთად. დავით კლდიაშვილი, აი, ვინ არის კიდევ გენიალური მწერალი!.. მართლაც ბევრი ინსცენირება მაქვს დადგმული — „ჯაყოს ხიზნები“, „პაკი აძბა“, „ბედი მღევარი“, „თეთრი კურდღელი“... ამჟამადაც სულ ვეძებ, იქნებ რამე აღმოვაჩინო. დრამატურგებს ძალიან წყინთ — ჩვენ ხომ ვწერთ პიესებსო?! მაგრამ მე მათი დადგმა მიჭირს და რა ვქნა?!

— რუსთაველის თეატრი — მარჯანიშვილის თეატრი, რას ნიშნავს თითოეული მათგანი თქვენთვის?

— რუსთაველის თეატრი მთელი ჩემი ცხოვრებაა. თითქმის იქ დავიბადე!.. მისი თითოეული კუნჭული არის ჩემი ბავშვობა, ახალგაზრდობა და საერთოდ ყველაფერი. ოცნებითაც კი ვერ მიედივარ სხვაგან. პრინციპში მთელი ჩემი ცხოვრება სამ თეატრთან არის დაკავშირებული — რუსთაველის, მარჯანიშვილისა და ლენინგრადის დიდ დრამატულ თეატრთან. სხვაგანაც ბევრგან

დამიდგამს სპექტაკლები, მაგრამ მხოლოდ ეს სამი თეატრია ჩემი ცხოვრება.

— მარჯანიშვილს მიაჩნდა — „თეატრის დანიშნულება უბრალოა, მიანიჭოს ადამიანს სიხარული, შთაბეროს მას მხნეობა“. — თქვენ რა აზრის ხართ?

— სწორედ ამ აზრის ვარ. არ ვეკამათები მარჯანიშვილს, მაგრამ მე მინდა თეატრმა დააფიქროს კიდევ ადამიანი. ერთ ადამიანს მაინც თუ დააფიქრებს და ეს ფიქრი ერთ-ორ დღეს მაინც გაპყვება, ბედნიერი ვიქნები. ჩემთვის ეს არის მთავარი.

— როგორ მიხვედით მარჯანიშვილის თეატრში?

— დამიბარეს და დამნიშნეს! — რადგან ბატონი გიგა ლორთქიფანიძე „დათა თუთაშხიას“ გადაღებაზე მიდიოდა, მე დამნიშნეს სამხატვრო ხელმძღვანელად და მთავარ რეჟისორად.

დღის პირველი ნახევარი იყო, მაშინდელმა ცეკას მღიანმა — ბატონმა ელდარდ შვეარდნაძემ რომ მიმიღო და მითხრა — კულტურის სამინისტროსთან ერთად ვიფიქრეთ და გადავწყვიტეთ რომ მარჯანიშვილის თეატრს თქვენ უხელმძღვანელოთ.

— ამ მიმართულებით არ მიფიქრია, მოსაფიქრებელ დროს თუ მომცემთ, პასუხს გეტყვით-მეთქი — ვუთხარი.

— როგორ არ მოგცემთ, ახლა პირველი საათი ხდება, ორ საათზე ბიურო გვაქვს და დაგამტკიცებთო!.. — მიპასუხა.

რა უნდა მეფიქრა? — გადაწყვეტილი იყო ყველაფერი. ამჟამად ხედავთ, ხელმძღვანელი აღარ ვარ, მაგრამ მარჯანიშვილის თეატრს მაინც ვერ ვცილდები.

— მარჯანიშვილის თეატრში თქვენი პირველი დადგმა იყო იბსენის „მოჩვენებანი“, არჩევანი თქვენი იყო?

— ის აზრი, რომ „მოჩვენებანი“ უნდა დადგმულიყო და ვერიკო ანჯაფარიძესა და აკაკი ვასაძეს უნდა ეთამაშათ, გიგა ლორთქიფანიძეს ეკუთვნის. მე არაფერ შუაში ვარ!.. გული მისკდებოდა ეს ორი ბუმბერაზი მსახიობი რომ მეჯდა რეპეტიციანზე და მე უნდა დამეინტერესებია?!.. საშინელება იყო!.. მეორე მხროვ ბედნიერება იყო!.. ალბათ შეცდომებსაც ბევრს ვუშვებდი რეპეტიციებზე?.. ისინი ძალიან კეთილშობილი ადამიანები იყვნენ და მპატიებდნენ. მათთან ვიგრძენი ხელშესახებად თუ რას ნიშნავს სულიერი ძალა?!.. მათ უკვე ფიზიკური ძალა გამოცლილი ჰქონდათ და თითქმის მთლიანად სულიერი ძალით მოქმედებდნენ.

სამი სკამი ედგათ სხვადასვა ადგილას სარეპეტეციო დარბაზამდე გზადაგზა რომ დაესვენათ!..

— ტოვსტონოგოვის შემდეგ სწორედ თქვენ მიგიწვიეს ლენინგრადის დიდ დრამატულ თეატრში; თუ შეიძლება ისაუბრეთ ამის შესახებ?

— ცამეტი წელია დგას საკითხი, რომ მე ვიყო ამ თეატრის ხელმძღვანელი. ცამეტი წელი არ ვეთანხმებოდი, იმიტომ, რომ მაშინ მთლიანად უნდა გადაესულიყავი ლენინგრადში, რადგან ხელმძღვანელმა თეატრი არ უნდა მიატოვოს. მეორეც, მე რატომ უნდა ვყოფილიყავი, როცა კირილ ლავროვი შესანიშნავად უძღვებოდა ამ საქმეს.

ამჯერად ლავროვმა კატეგორიულად დააყენა საკითხი — მე მივდივარ, ან შენ დათანხმდები ან კულტურის სამინისტროს ვთხოვ დანიშნოს ვინმე!.. ჩემი პასუხი ასეთი იყო — კეთილი, ვიქნები მთავარი რეჟისორი თუ შენ სამხატვრო ხელმძღვანელად დარჩები — მეთქი. ამასთან უპირობოდ მოვითხოვე ჩემი არჩევა მომხდარიყო ფარული კენჭისყრით. მართლაც ჩაატარეთ არჩევნები და სამოცდაათობმეტი ამომრჩეველიდან სამოცდათერთმეტმა მომცა ხმა. ეტყობა ამპარტავანი ვარ!.. — მიხარია ეს სამოცდათერთმეტი ხმა.

— არჩევნები როდის ჩატარდა?

— წელს, მაისის ბოლოს — მოკლედ, ყველა გზა მოჭრილი მაქვს.

— მშვენიერია!..

— ვერ გეტყვით მშვენიერია თუ არა, ამას ორ წელიწადში გავარკვევ.

— თქვენი ხელოვნებით, არა მხოლოდ ახლო, შორეული საზღვარგარეთიც დაიპყართ გიყურებთ და ვფიქრობ, ღმერთო, ამხელა შემოქმედი რა უბრალო ადამიანია?!.

— დაეიყარი არა!.. არაუინ არ დამიპყრია!.. დრამატულ თეატრში სპექტაკლი ახალგაზრდობაში დავდგი ჩეხეთში. საოპერო სპექტაკლები ნამდვილად ბევრი დამიგროვდა. დადგმული მაქვს ლენინგრადში, გენუაში, ვენეციაში, ესპანეთში, „ლა სკალაში“ „მეტროპოლიტენ ოპერაში“, საფრანგეთში, წელს უნდა დაედაგა მოსკოვის დიდ თეატრში — შოსტაკოვიჩის „ლედი მაკბეტი მცენსკის მანრიდან“. პრემიერა 18 ნოემბერს უნდა იყოს.

თქვენს შეკითხვაში ძალიან აჭარბებთ, არაფერი ამხელა რეჟისორი არ ვარ. მეგონა უკეთესი ვიქნებოდი.

— „დასაბამიდან იყო სიტყვა. სიტყვა იყო ღმერთთან. და ღმერთი იყო სიტყვა.“ რას ნიშნავს თქვენთვის სიტყვა და როგორ ფიქრობთ, რა მდგომარეობაშია იგი დღევანდელ ქართულ თეატრში?

— მე თუ მკითხავენ ზუსტი სიტყვის მიგნება არის გენიოსების ხედვრი. გენიალური პოეტებისა და მწერლების. მას გაფრთხილება უნდა. ძალიან მწყდება გული, რომ სიტყვა თანდათან კარგავს თავის მნიშვნელობას. ისე ისვრიან სიტყვებს და ისე უდიერად ეპყრობიან!.. ვის არ ეკითხე, მაგრამ პასუხი ვერავისგან მივიღე — როგორ მოხდა, რომ საბჭოთა კავშირის დროს, როცა რუსეთის გაულენის ქვეშ ვიყავით, საქართველოში ქართული ენა გაცილებით მაღალ დონეზე იყო; ეს ხომ ფაქტია, რომ ყველგან, პრესაში, რადიოში, ტელევიზიაში, თუ სადაც გნებავთ, გაცილებით უკეთესი ქართულით წერდით და ემეტყველებდით. დღეს ამ თვალსაზრისით თუზარდამცემი მდგომარეობაა!..

— მათ შორის ქართულ თეატრშიც?

— ქართულ თეატრში შედარებით ნაკლებად. იქ თუ რამე პრეტენზიაა, მეტყველებას უფრო ეხება. მეტყველება ძალიან მწირი გახდა. მაგრამ ის, რაც პრესასა და ტელევიზიაში ხდება, ნამდვილად თუზარდამცემია. ერთადერთი გაზეთი, სადაც კარგი ქართულით წერდნენ „ახალი ეპოქა“ იყო და ისიც დახურეს?!..

— თუ შეიძლება დაასახელებთ თქვენ მიერ დადგმული სამი საუკეთესო სპექტაკლი?

— არ ვიცი!.. ალბათ მაინც „გუმინდელი“, „ჯაყოს ხიზნები“ და „პაკი აძბა“.

— რას ნიშნავს თქვენთვის კომპრომისი?

— სრული უკომპრომისობა არ არსებობს, თუ ადამიანი იდიოტი არ არის. ხანდახან კომპრომისზე სწორედ იმიტომ მიდიხარ, რომ რაღაც გაკეთდეს. ადამიანებთან ურთიერთობა გულისხმობს დათმობას. თეატრი თანაცხოვრებაა. ელასტიურობის გარეშე როგორ გაძლებ თეატრში?!..

— როგორია დღევანდელი ქართული თეატრი?

— ალბათ მრავალფეროვანი. თუმცა არა ისეთი, როგორიც მინდა იყოს.

— თქვენი თაობის სახე?

— აი, ეს ნამდვილად არ ვიცი! ღეთის მაღლით, თაობა სრულიად განსხვავებული ადამიანებისაგან შედგება. ჩვენი თაობაც სხვადასხვაგვარია. თუმცა ალბათ საუკეთესო წარმომადგენლებით უნდა ვიმსჯელოთ. არ ვართ ძლიერები. სამოციანელები უფრო აქტიურები იყვნენ.

— ეროვნული ინტერესები რას ნიშნავს თქვენთვის?

— ეს უადრესად მნიშვნელოვანი რამ არის. ოღონდ, თვალდათხრილი პატრიოტი ვერასოდეს ვიქნები. და არც ვიქნები, რამდენხუც ჭკუა მეყოფა! ეროვნული თვითშეგნება საკუთარი თავის დანახვისა და სხვისი შეფასების უნარიცაა. ამ წლებმა იმაშიც დაგვარწმუნა, რომ ბევრი დემაგოგიის საშუალებასაც იძლევა. თუ მიმაჩნია რომ ხეპრესთან მაქვს საქმე, ვერ გავყვები, მხოლოდ იმიტომ, რომ ქართველია?!.. სწორედ იმავე ეროვნული ინტერესების გამო.

— თუ გიფიქრიათ, რომ თქვენი შემოქმედება სწორედ თეატრმცოდნეების წყალობით „ძლებს“ დროში?

— ინფორმაციული თვალსაზრისით შეიძლება მართლაც ასეა, მაგრამ ესა თუ ის სპექტაკლი, მაყურებლის მესხიერებას თუ არ შემორჩა, ვერაფრითარ თეატრმცოდნეობითი ნაშრომი მას ვერ უშველის. მთლიან გვარებს ნუ დავსახელებთ, მაგრამ მე მახსოვს თეატრმცოდნეების ნაქები სპექტაკლები, როლებიც შემდეგ დრომ სრულიად გააქარწყლა. თეატრმცოდნეებს კი არ ვადანაშაულებ, მინდა ვთქვა, რომ როცა მოვლენა ძალიან ახლოს არის, შეუძლია ძალიან დიდი ეფექტი მოახდინოს ყველაზე და მათ შორის ჩემზეც. მაგრამ გავა დრო და გამოჩნდება, რომ თეატრმცოდნეების საქებარი რეცენზიები დარჩება, სპექტაკლი კი, არა!.. ისე რომ სპექტაკლი მხოლოდ თეატრმცოდნეების მცედელობით დროს ვერ გაუძლებს.

რაც შეეხება თეატრმცოდნეებს, ერთნიშნად ვერც მათ განსაზღვრავ. შემიძლია გითხრათ რა აზრის ვარ ზოგადად თეატრმცოდნეობაზე. რა თქმა უნდა, იგი აუცილებელია. შეუძლებელია არ წაიკითხო რას წერენ შენზე. რაც არ უნდა გულსატკენი იყოს, აუცილებლად იწყებ ფიქრს — რატომ, რისთვის?.. ერთადერთი რაც ძალიან არ მომწონს შეურაცხყოფაა. არ მოსწონთ სპექტაკლი? — ღმერთო ჩემო, მერე რა მოხდა?!.. ეს ხომ მათი უფლებაა, მაგრამ შეურაცხყოფა რა შუაშია?!.. არის

მართლაც მაღალპროფესიულ დონეზე დაწერილი რეცენზიებიც. მე მაგალითად შენახული მაქვს რამდენიმე ასეთი რეცენზია, რომელსაც პერიოდულად ვკითხულობ ხოლმე. მაინტერესებს იმიტომ, რომ ძალიან კარგი ანალიზია გაკეთებული იმისა თუ რატომ არ გამოძივდა ესა თუ ის სპექტაკლი. მათზე ბევრი მიფიქრია, მისაუბრია ავტორებთან, ეს ყველაერი ხომ ძალიან საინტერესოა.

— თუ შეიძლება ისაუბრეთ თქვენს პედაგოგიურ მუშაობაზე?

— პედაგოგობას, ასე ვთქვათ, წყვეტილად ვეწევი — აქაც, პეტერბურგშიც. თუმცა იქ უფრო ინტენსიური ხასიათი აქვს, რადგან მასტერკლასებს მატარებინებენ. საქართველოში ამჟამად ასპირანტები მყავს, მაგრამ მათთანაც პერიოდულად მიწევს მუშაობა. თუმცა ვცდილობ მთელი ზაფხულის განმავლობაში ჩემი ასპირანტები ჩემს გვერდით იყვნენ. ყოველდღე ვხვდებით ერთმანეთს და ვმუშაობთ. ვმუშაობთ იმიტომ, რომ შემდეგ სექტემბერი, ოქტომბერი და ნოემბერი აქ არ ვიქნები. როცა დავბრუნდები კიდევ სამი თვე ყოველდღე ჩემთან იქნებიან და ასე. თუმცა ინსტიტუტში მეუბნებიან, რომ იურიდიულად მათთან შემოდგომასა და გაზაფხულზე თითო თვე მუშაობა გეკუთვნის და რას იკლავთაქვს?!. თავს კი არ ვიკლავ, მინდა რაღაც ისწავლონ. როცა სტუდენტები გყავს, დღე და ღამე შენს გვერდით უნდა იყვნენ.

— ჩვენ წინაპრებს მიაჩნდათ რომ თეატრი ტაძარია, თქვენ როგორ ფიქრობთ?

— ამით იმის თქმა უნდოდათ, რომ მას ისევე უნდა გაუფრთხილდეთ, როგორც ტაძარს, თორემ თეატრი როგორ შეიძლება ტაძარი იყოს?!

— თავის დროზე ილიას სიცოცხლეს ვერ გაუფრთხილდით, დღეს თუ გგულებათ ვინმე, ვის სიცოცხლესაც განსაკუთრებით უნდა გაუფრთხილდეთ ქართველები?

— იმდენად ცოტა ვართ და იმდენად უნიკალური რამ არის სიცოცხლე, რომ ყველას უნდა გაუფრთხილდეთ.

2004. VIII.





## ბობი ქავთარაძე

— სოხუმიდან ჩამოსულ ადამიანს რომ არ უღბინს, ეს არ ახალია, მაგრამ იქნებ მაინც იმით დაგვეწყო, რაც ყველაზე მეტად გინდათ უთხრათ თქვენს მაყურებელს და მათაც, ვისი დაბრუნებაც ადამიანური სამყაროსთვის ჯერ კიდევ შეიძლება.

— არა მხოლოდ სოხუმიდან, დღეს ზედმეტად მოგვიმრავლდა კუთხეები, საიდანაც ჩამოსულ ხალხს არ ეზვიმება. ჩვენ ტემპერამენტოუიოკავი, ფიცხი ხალხი ვართ. ეს კარგია თუ ცუდი ამის განსჯას არ ვაპირებ. ის მაწუხებს, რომ ხშირად, როცა გონების მოხმობას ვახსენებთ, სწორედ ამით გვიპირისპირდებიან, — ჩვენ სხვანაირები ვართ და ისე ვერ მოვიქცევით, როგორც ვთქვათ, ბალტიისპირელებიო. მაგრამ რა არის ცუდი იმაში თუ საკუთარი ისტორიიდანაც გამოიტან დასკვნებს, კარგ მაგალითზეც ისწავლი და თუ საჭირო იქნება, მიბაძვ კიდევ. არა მგონია, მაგალითად, ცუდი იყოს ესტონეთის სახალხო ფრონტიდან იმის გადმოღება, რომ ოცამდე კომისიაში სხვადასხვა დარგის ყველაზე გამორჩეული სპეციალისტები ჰყავთ შეყვანილი. განა ჩვენთვისაც ბედნიერება არ იქნებოდა, რომ სწორედ მაღალი ინტელექტი და პროფესიონალიზმი იყოს ჩვენი საზოგადოებრივი აქტივობის კრიტერიუმი?!

თუ ლიტვა არ თაკილობს ქართულ კინემატოგრაფისტებთან გამოგზავნოს ახალგაზრდები სასწავლებლად, ჩვენთვის რატომ არის შეურაცხყოფელი სხვებისგან რაღაც ჩვენც ვისწავლოთ და საერთოდ, ვიცხოვროთ და ვიაზროვნოთ ისე, როგორც მეოცე საუკუნის ცივილიზებულ ერს შეეფერება და ჩვენი მიუღი ენერგია ერთმანეთის ქიშობასა და ანგარიშსწორებას არ მოვახმართ?! ახლაც დიდი ბრძოლა აქვთ გაჩაღებული არარსებული ტახტისთვის?!. ამ გახურებულ მარათონში კი აშკარად ვეღარ ვხედავთ, ჩვენს საქმეებს ზერელობისა და სულწასულობის ბეჭედი რომ აზის.

— აფხაზურ თეატრს თეატრალურ ინსტიტუტში აღზრდილები არ აკლია. არც მათი საძრახისი მტრობაა უცნობი. ასეთ ადამიანებს ვერც სიკეთით და ვერც მარცხენა ლოყის მიშვერით სასიკეთო გზაზე ვერ დააყენებ, მაგრამ მაინც, ხშირად მახსენდება ის ჯგუფი, რომლებმაც ქართული ენის სწავლება მოითხოვეს. ეტყობა აქ ადვილად შემოაცვდათ ხელში მტრის ის ხატი ბავშვობიდან რომ უნერგავდნენ. ამჟამად, შეიძლება, ისინიც სხვებოვით აქტიურობენ, იქნებ ეშინიათ კიდევ მოლაღატეობა არ დასწამონ. მინდა მჯეროდეს, რომ სულიერად ალბათ ძალიან უჭირთ.

— არ ვიცი. თუმცა იმის მიხედვით თუ ვიმსჯელებთ, რაც ჩანს, ისინი სახარბიელოდ ერთსულოვანი არიან თავის აგრესიულობაში, რაც ჩვენ ასე გვაკლია. რაც შეეხება სიკეთის ძიებას, იქნებ კვლავ უნდა ვეძებოთ ის ადამიანები, ჩვენს გაწვილ მარჯვენას უიარაღო ხელს რომ შეაგებებენ... მოაყარია, საკუთარ თავთან ვიყოთ მართლები — ჩვენ ყველაფერი ვცადეთ!..

— საქართველოს სახალხო ფრონტის ყრილობაზე, თვისუფალი ქვეყნისთვის მებრძოლ ყველაზე საიმედო საკრებულოდ რომ გვესახებოდა, ძალადობის ისეთი მოუთოკავი აღზევება ვიხილეთ?!

— მსხვერპლი, ბ-ნ ალექსანდრე (ლალი) ჯავახიშვილთან ერთად მთელი ქართული ინტელიგენცია აღმოჩნდა. დაუნდობლობისა და გაწირვის ისეთი ატმოსფერო ბატონობდა დარბაზში, ბ-ნი ალექსანდრეს დიდი მამაც რომ შემობრძანებულიყო, საეჭვოა რამე შეეცვალა.

საქართველოს ინტელიგენციას ბევრი უკადრისი მოქცევა და უკეთური ადამიანი ახსოვს, მაგრამ, ბედის ირონია ხომ არ არის,



ამჟამად უკვე თავისუფლებისა და სამშობლოს სახელით რომ მძლავრობენ მასზე?! მეტის მეტი ხომ არ არის რობერტ სტურუას ყოველი კუთხიდან უბოდიშოდ უკიჟინო, რაც ენაზე მოგადგება და თავის მოწონება რომ მოგინდება სვეტიცხოველისა და საამაყო განძისაცავის შემდეგ, ასევე უბოდიშოდ წაუძღვე სტუმრებს მის სპექტაკლებზე?! — ამ ადამიანებმა, ალბათ საჭიროა იცოდნენ, რომ სანიმუშო საქციელი სულაც არ არის, ერის საუკეთესო შვილებთან ანგარიშსწორებით დაიგროვო ქულები.

— ჩემთვისაც კატეგორიულად მიუღებელია, ჩვენი ინტელიგენციის ასეთი აგრესიული, ისტერიული დევნა. გაუგებარია ვისგან მოდის ასეთი დაუნდობლობა ღიანა ისაკაძის, რევაზ ჩხეიძის, რობერტ სტურუას და სხვათა მიმართ. ეს ვიღას შეიძლება დაუბრალოთ? — აქაც მესამე ძალა გვაქვხებს, ისინი გვეუბნებიან, რაც უფრო მეტ ადამიანს გამოაცხადებთ ხალხის მტრად და სუკის აგენტად, უკეთესი იქნებაო?!

ჩვენს გვერდით არ დგანანო! — ეს მათ ეჩვენებათ, ვისაც ეროვნული მოღვაწეობა ქუჩაში დგომა ჰგონია!.. ვფიქრობ, ინტელიგენციამ უფრო მტკიცედ უნდა დაიცვას თავი, რათა კიდევ ერთხელ არ დაეუშვათ უხეში ძალის გაბატონება. არ ვამბობ კიდევ ერთი გაერთიანება შეექმნათ-მეთქი. სამ ქართველზე ისედაც ერთი პარტია მოდის. მოვლენებს ხელოვნური გაღვივება ნამდვილად არ სჭირდება. ვფიქრობ, პირველ რიგში ლიდერები უნდა იბრძოდნენ შემჭიდროებისათვის. უნდა უფროთხილდებოდნენ ხალხის ნდობას.

ის, რაც 7 ნოემბერს მოხდა ვანდალიზმად მიმაჩნია. რა უნდა შეპასუხა ომის ვეტერანისათვის — ჩვენ რაღას გვერჩოდნო, — რომ შეკითხებოდა? — საკუთარი სიცოცხლით ვიცავდი მაგ დროშასო!.. იმ ათასობით, მილიონობით ადამიანს რას ვერჩით, რომელთა სისხლიც ამ დროშებს სცხიათ?! ნუთუ მათი თავგანწირვა საკმარისი არ არის იმისათვის, რომ ჩვენ მაინც აღარ მოუწყვოთ ბარბაროსული დარბევები?!

— ამ ზაფხულს ხაშურში პირდაპირ მიტინგზე მოუკლავთ ყმაწვილი, რომელსაც თურმე მათი დაცვა უცდია, ვინც მომიტინგეთაგან მტრად იყო შერაცხული?!

— სამწუხაროდ, ამ ბოლო დროს, შეუნიღბავად დამკვიდრდა ყოველად მიუღებელი ტენდენცია — უმნიშვნელო კრიტიკისთვისაც კი ადამიანს მტრად აცხადებენ და ეროვნული მოძრაობის ღალატს

სწამებენ. ეს არც თუ უცნობი მოვლენაა, კრიტიკა მანამდეც კაპიტალიზმის აგენტობად ითვლებოდა?!

— ეროვნული მოძრაობა მე ერთმანეთისა და სამშობლოს ბედით შეწუხებული მთელი ქვეყნის თანამოაზრეობა მგონია.

— ყოველ შემთხვევაში არც ცალკეული ჯგუფებისა თუ პარტიების კუთვნილებაა და მარტო კრიტიკის ჩახშობითა და ყველაფრის სხვაზე დაბრალებით შორს ვერ წავალთ.

— უკანასკნელ ხანს მიმდინარე ცვლილებებმა თითქოს განაიარაღა თეატრები. ალბათ გსმენიათ, რომ თეატრები ვერ იყენებენ თავისუფლებას. ჩვენს თეატრებს ლამის „უძრაობის ხანის“ დადგომას უკიჟინებენ. ალბათ არც ის არის კარგი, როცა ძალით გაჩუმიდნენ და არც ის, როცა გაიძულებენ იყვირო! — შემოქმედი სათქმელს წლობით ამწიფებს და როცა ის ჩნდება, აკრძალვა და შიში ვერ აჩერებს.

— ახლა იმასაც კი გვედაეებიან 9 აპრილის მოვლენებს არ გამოეხმაურეთო! — მკრეხელობად მიმაჩნია ამ და მსგავს მოვლენებზე რამის გაკეთება. იმდენად მოუშუშებელია ჭრილობა, იმდენად მტკივნეულია ყოველგვარი შეხება. მეშინია ამგვარმა შეძახილებმა კომპრომისისკენ არ უბიძგოს თეატრებს და ამანც ისეთივე ხასიათი არ მიიღოს, როგორც ოქტომბრის რევოლუციის საიუბილეო სპექტაკლებმა.

გაოცებული ვარ ერთი ფაქტითაც, ე.წ. თაროებზე შემოდებული ფილმები და ხელოვნების სხვა დარგის აკრძალული ნიმუშები ჩვენთან ყველაზე ნაკლები აღმოჩნდა?! — იმიტომ, რომ მაშინდელი ხელმძღვანელობისაგან, პირადად ედუარდ შევარდნაძისაგან ყოველთვის ბევრის უფლება გვექონდა და ვიყენებდით კიდევ. როცა ყველაფერი ნებადართული გახდა, აღმოჩნდა რომ იგი დიდი ხნის ნათქვამი გვექონდა! თუმცა, შეიძლება ნაბოძები თაავისუფლება ბარიერადაც იქცა. ნამუსზე შეგდებული კაცის მდგომარეობაში აღმოეჩნდით. ამან კი ნახევრად სიმართლეც დაბადა.

— „მაწუხებს ის, რაც აწუხებს მთლიანად ქართულ თეატრს“ — ეს თქვენი სიტყვებია; უფრო კონკრეტულად რას იტყვიო?

— იმ ოცი წლის მანძილზე, რაც პერიფერიის თეატრებში ვმუშაობ. ჩემი ძირითადი ამოცანა, თბილისის გარეთ შემექმნა ისეთი თეატრი, რომელიც ტოლს არ დაუდებდა, როგორც ჩვენი დედაქალაქის, ისე საბჭოთა კავშირისა და თუ გნებავთ მსოფლიოს საუკეთესო

თეატრებს. ვინც რაიონების თეატრების ყოფას იცნობს, დამეთანხმება, ეს ადვილი საქმე არ არის. ამ ოცნებასთან მიახლოება, ვფიქრობ, ყველაზე მეტად სოხუმის თეატრში შექძელი. ამას მაფიქრებინებს ის უშეღაუთობა, რითაც ყველგან გვეპყრობიან. თუმცა, ყველაფერ ამის მიღწევა ძალზე მწირი მატერიალურ-ტექნიკური ბაზით გვიხდება. არც სულიერ-კულტურული მოთხოვნილებების დაკმაყოფილების საშუალებებით ვართ განებივრებული. ამჟამად ვიდეოს შეძენა მოვახერხეთ, რათა საინტერესო სპექტაკლები ასე მაინც ვნახოთ.

დიდი სიხარულით იყო საესე ის დრო, როცა ბ-ნი დოდო ალექსიძე დგამდა სპექტაკლს. ეს სკოლა იყო.

ძალიან ბევრი მისცა მსახიობებს ბ-ნ გიზო ჟორდანიასთან მუშაობამ. ასეთი შეხვედრები დიდად სასარგებლოა და ძალიან გვინდა გაგრძელდეს.

ჩვენი ოცნებაა რომ ბ-მა მიხეილ თუმანიშვილმა დადგას სპექტალი ჩვენთან. ჩვენი წარმოდგენები ნახოს, ესაუბროს დასს, მიგვიითოს, მკაცრად მოგვთხოვოს.

გვინდა ბ-ნი გიგა ლორთიფანიძე, რობიკო სტურუა, თემურ ჩხეიძე მოვიწვიოთ.

გვინდა თეატრმცოდნეები უფრო აქტიურად მონაწილეობდნენ ჩვენი თეატრის ცხოვრებაში.

— გოგი, ქავთარაძე — რეჟისორი, მსახიობი, თეატრის ხელმძღვანელი, პიესაც გაქვთ დაწერილი რობერტ სტურუასთან ერთად, თამაშობთ თეატრსა და კინოში, ჟურნალისტებისა და კრიტიკოსების ყურადღება არ გაკლიათ, ერთი სიტყვით პოპულარული ხართ. გარეგნულად ასეთი ნებიერი გოგი ქავთარაძე, მართლა ასე გამორჩეულია ბედისაგან?

— ვერ ვიტყვი რომ ცხოვრებით უკმაყოფილო ვარ. მით უფრო ახლა, როცა ასეთი საოცარი დასი მყავს. პატივს ვცემთ, გვიყვარს ერთმანეთი, თუმცა იშვიათად ვლაპარაკობთ ჩვენს სიყვარულზე. ცხოვრებაში იქნებ ბევრი ტკივილიც მქონია და წარუმატებლობაც, იყო ბევრი ხვეულები, ტალახში სიარული, გაჭირვება, სიცხე, გაყინულ დარბაზში თითო-ოროლა მაყურებლისთვისაც გვიტამაშია, მაგრამ ამაზე ლაპარაკი არ მყავს. თუ ბედის ნებიერი ვჩანვარ, ასე იყოს!.. ზოგჯერ ქუჩაში გაგესაუბრება ვინმე და უცებ გკითხავს — თბილისში როდის გადმოდიხარო?! —

თითქოს ყველაზე მთავარი თბილისში გადმოსვლა იყოს! — ე. ი მან არაფერი იცის შენს შესახებ, შენ კი მუშაობ! — ასეთ შემთხვევაში გული მეტკინება ხოლმე.

— ვიღაცის წინაპარი ცოტა უფრო ადრე ჩამოვიდა თბილისში, ვიღაცის ცოტა გვიან, სხვები სხვა დროს ჩამოულენ და ღმერთმა ნუ ქნას ან ქართული სოფელი მოეშალოს საქართველოს ან იქიდან ჩამოსული ქართველები. ამ ბოლო დროს თბილისელ და სოფლიდან შემოხიზნულ ქართველებზეც გახშირდა ლაპარაკი. პირველად ალბათ ეს იმ გადამთიელთაგანმა თქვა, ვისი წინაპარი იქნება მსტოვრადაც იყო შემოგზავნილი! როგორ ფიქრობთ, თბილისელობა დაბადების ადგილით განსაზღვრული მონოპოლიაა თუ ყველა ქართველის უფლება. ახლა კიდევ თბილისელებად და არათბილისელებად დაყოფა გვინდა, როცა საქართველოს კუთხუბს ლამის დამოუკიდებელ სახელმწიფოებად აცხადებენ?!

— დღეს ნამდვილი თბილისელობაც და ქართველობაც იმაში გამოჩნდება თუ როგორ ვიზრუნებთ ქვეყანაზე. ჩემთვის ყველაზე საეალალო ინტელიგენციის სიმცირეა სოფლად, კულტურული, სულიერი ცხოვრებისათვის აუცილებელი პირობების კრიზისია. ამდენი უმაღლესი სასწაელებელი დაგროედა თბილისში, რატომ არ შეიძლება ზოგიერთი სხვაგან გადავიტანოთ. ამით ხომ იმ კუთხეში კიდევ ერთი მეცნიერულ-კულტურული ცენტრი შეიქმნება.

— ერთგან თეატრის მაცოცხლებელ ძალაზე წერდით. რაშია იმ თეატრის მაცოცხლებელი ძალა, რომელსაც თქვენ ქმნით?

— ახალგაზრდობაში. ასაკს კი არა, იმ თავდავიწყებას ვგულისხმობ, ყველა თაობას რომ გკაერთიანებს. ყვლანი ახალგაზრდები ვართ, რადგან ყველა თავდავიწყებით ვართ შეყვარებული ჩვენს თეატრზე. და ეს დიდ სიხარულს გვანიჭებს. ჩემთვის ყველაზე მნიშვნელოვანია მსახიობს რომ სამუშაო აქონდეს. ეს შემოქმედებით ატმოსფეროსაც ქმნის და ადამიანურსაც. ზოჯერ, იმისათვის, რომ რომელიმე მსახიობი გულდაწყვეტილი არ დარჩეს, კომპრომისი გვიწევს, ზოგჯერ არ გამოგედის ჩანაფიქრი, მაგრამ მთავარია, მსახიობმა იგრძნოს რომ შენ მასზე ფიქრობ, გიყვარს იგი.

1983 წლიდან ოცდახუთამდე ახალგაზრდა მოვიდა თეატრალური ინსტიტუტიდან. ისინი არაჩეეულებრივად

მონდომებულები, ზრდილები და რაც მთაურია, პროფესიონალები არიან. ინსტიტუტის ძალიან მაღლობელი ვარ ამის გამო.


— ქართული თეატრი და ქართული მწერლობა თითქოს ყველაფერს აკეთებს თანამშრომლებისთვის, მაგრამ უფრო ხშირად, ორივე მხარე ერთმანეთით უკმაყოფილოა. განაწევნებული ავტორები ზოგჯერ შურისძიების უღირს საშუალებას მიმართავენ. თქვენ როგორი ურთიერთობა გაქვთ მათთან?

— ჩვენს შორის, რასაკვირველია, ისეთი ურთიერთობა აღარ არის, როგორც მარჯანიშვილისა და ახმეტელის დროს იყო. ყოველ შემთხვევაში, თუ თეატრის მოღვაწენიც ისე კითხულობენ მათ ნაწარმოებებს, როგორც ისინი დადიან სპექტაკლებზე, ტრაგიკული მდგომარეობა გეკონია. რაც შეეხება განაწევნებულ მწერლებს. თქვენ, ალბათ, უურნალ „კრიტიკაში“ გამოქვეყნებული წერილის მინაწერს გულისხმობთ. მწერალი, რომელიც ასეთ ღვარძლს აყრქევს ადამიანებს, მწერალი არ არის. ამ მინაწერის ავტორი, იმ პიესის ავტორია, რომელიც რობერტ სტურუამ არ დადგა. მან კი ასე იძია შური!..

ახლა ბევრმა მოირგო სამშობლოს ინტერესების დამცველის როლი. სინამდვილეში კი პირად ანგარიშსწორებას ეწევა. ქართველების ლანძღვას სხვებიც კარგად ახერხებენ, ჩვენ, უმჯობესია ერთმანეთს გავუფრთხილდეთ.

20 XI. 1989.





## ბოგი მარბველაშვილი

— თქვენ ვინ ხართ?

— გოგი მარბველაშვილი, რეჟისორი. ხანდახან მსახიობიც. მყავს მეუღლე და ქალ- ვაჟი. და კიდევ დედა — ზინა კვერენსხილაძე.

— სად და ვისთან სწავლობდით?

— თეატრალურ ინსტიტუტში, ბატონ მიხეილ იუქანიშვილისან.

— ამჟამად სად მუშაობთ?

— თუმანიშვილის სახელობის კინომსახიობის თეატრში და თეატრალურ ინსტიტუტში. ვარ სარდაფის თეატრის ერთ-ერთი დამფუძნებელი და პროფესიული კაპშირის თავმჯდომარე.

— თქვენ ხართ თეატრის შესახებ კანონის ერთ-ერთი ავტორი, რატომ დაინტერესდით კანონშემოქმედებით?

— ჩემთვის მთავარი იყო, რომ ხელისუფლებას ეღიარებინა თავისი ვალდებულებები ხელოვნების ამ დარგის მიმართ. ამის გარდა კანონის არსებობა, იმის იმედსაც გვაძლევს, რომ შეიძლება მინიმალურ დონეზე, მაგრამ მაინც, დაცული იყოს ჩვენი უფლებები.

გადამწყვეტი მნიშვნელობა აქონდა იმასაც, რომ დაგვერღვია თეატრების არსებობის ორგანიზაციული ერთსახეობა. ახალი კანონი იმის საშუალებას იძლევა, რომ სხვადასხვა ორგანიზაციულ საფუძველზე დაარსებულმა თეატრებმა თავისუფლად იარსებონ.

ჩვენ მიერ შექმნილ კანონში პირველად დაფიქსირდა, რომ თეატრს უნდა ჰყავდეს დამფუძნებელი, რომელსაც გარკვეული ვალდებულებები თავადაც ექნება. დამფუძნებელსა და მის მიერ დანიშნულ ხელმძღვანელს შორის უნდა არსებობდეს ხელშეკრულება, სადაც ზუსტად უნდა იყოს განსაზღვრული ხელმძღვანელის უფლება-მოვალეობანი.

კანონი განსაზღვრავს იმასაც, რომ თეატრში პირველი პირი არის სამხატვრო ხელმძღვანელი. და აგრეთვე იმასაც, რომ თუ სამხატვრო ხელმძღვანელი არ არის რეჟისორი, ასეთ შემთხვევაში, თეატრში უნდა იყოს მთავარი რეჟისორის თანამდებობა.

— შეიძლება ითქვას, რომ თქვენ მიერ შემუშავებული კანონი ძალიან კარგია?

— მთლად ასე არ არის საქმე. საუბედუროდ, საქართველოში კანონის მიღება კი არაა, მისი ამოქმედებაა ყველაზე ძნელი. უამრავი კანონი გვაქვს, მაგრამ ირგვლივ საშინელი უკანონობაა გამეფებული! საქართველო ერთ დიდ კრიმინალურ ზონასავე იტანა, სადაც ავტორიტეტის ხელისუფლება უფროა, ვიდრე კანონის უზენაესობა. ჩვენთან დღეს ყველაფერს ავტორიტეტი წყვეტს ისე, როგორც მას სურს და არა ისე, როგორც კანონში წერია.

იმედი მაქვს, რომ ავტორიტეტების ეს ინსტიტუტები თანდათან გაქრება. ესეც ძველი, ბოლშევიკური სისტემის გადმონაშთია, სადაც კანონზე მაღლა ყოველთვის იდეოლოგია და ის მონსტრები იდგნენ, რომლებიც ამ იდეოლოგიას ახორციელებდნენ.

— მაინც ვინ არიან, ასეთი ავტორიტეტი მონსტრები?

— ასეთების მეტი რა არის?!. სხვა ქვეყანაშიც შეიძლება ვინმეს ასეთი სურვილი გაუჩნდეს, მაგრამ იქ ამის საშუალებას კანონი არ მისცემს. ჩვენ კი, გვაქვს პრეტენზია ცოილიზებული ვიყოთ, მაგრამ ეტყობა დიდი დრო დაგვჭირდება იმისათვის, რომ ნამდვილად ასეთები გავხდეთ.

— თეატრის მოღვაწეების ახალი პროფესიული კავშირის დაარსება აუცილებელი იყო?

— ამით, პირველ რიგში, კრიმინალური სამყაროს პრინციპებზე აგებული ურთიერთობების მოწესრიგება გვინდოდა. დარგობრივი პროფესიული კავშირის არსებობა, საბაზრო ეკონომიკის პირობებში, აუცილებელია. ამის გარეშე თითქმის შეუძლებელია გაუმკლავდე მის მკაცრსა და დაუნდობელ ურთიერთობებს,

გაუმკლავდე იმ სასტიკ დამოკიდებულებას ჩვენი ინტერესებისა და ჩვენი ღირებულებების მიმართ რომ იჩენენ ხელმძღვანელის საგარძელში აღმოჩენილი ადამიანები.

რატომ არ უნდა ვკითხოთ მათ — რა უფლება აქვთ, ისე გველაპარაკონ და მოგვექცენ, თითქოს მხოლოდ ისინი იყვნენ იმ ქონების მეპატრონეები, რომელსაც ქართულ თეატრში მომუშავე მთელი თაობები ქმნიდნენ?!. რაც გაკეთებულა ერთად გაკეთებულა, უცებ კი ამ საერთო სახლში, ერთი მეპატრონედ იქცა, მეორე მდგმურად?! უნდა გამოგაგდებს, უნდა არა!.. სწორედ ამიტომ გადაწყვიტეთ, რომ ჩვენი უფლებების დასაცავად ყველაზე უკეთესი საშუალება პროფესიული კავშირი იქნებოდა.

— ხომ არსებობდა თეატრის მოღვაწეთა კავშირი, რა საჭირო იყო ახალი კავშირის შექმნა?

— ამ რამდენიმე წლის წინათ, რეჟისორთა ლიგამ დიდი ომი გადაეიტანეთ თეატრის მოღვაწეთა კავშირთან. იმის გამო, რომ ვითხოვდით კავშირს აელო თავის თავზე ჩვენი უფლებების დაცვა. მაგრამ ეს არ მოხერხდა. საბოლოოდ მივიღეთ გადაწყვეტილება ახალი პროფესიული კავშირი შეგვექმნა.

— თქვენი პატიოსნების გარდა, რა გარანტიაა, რომ ეს კავშირიც პატიოსანი ადამიანების გასაბრძოლებელი კიდევ ერთი ხაფანგი არ არის?

— ამის გარანტიაა ჩვენი წესდება.

— წესდება, მე მგონია, ხელოვნათა საერთაშორისო ფედერაციასაც კარგი აქვს. ჩვენზე ზრუნვის მთელი მათი პათოსი კი საბოლოოდ კინოსახლში თავიანთვის კაზინოს გახსნით გამოიხატა. თქვენთან ეს გამორიცხულია?

— გამორიცხული ამ ცხოვრებაში არაფერია!.. მაგრამ ჩვენ ასეთი ინტერესები არ გვაქვს.

— თეატრში რაზე მუშაობთ?

— არაფერზე, რადგან ფული არ გვაქვს. ჩვენი თეატრის მომავალი ძალიან გაურკვეველია. ფაქტობრივად, თეატრი სახელმწიფო დაფინანსების გარეშე დარჩა. ჩვენ ვართ სააქციო საზოგადოება „ქართული ფილმის“ ნაწილი, მაგრამ, ორიათასი წლის ბიუჯეტიდან საერთოდ არის ამოღებული „ქართული ფილმი“. ე. ი. ჩვენ არა თუ დაგაფინანსებს სახელმწიფო, ამ გადაწყვეტილების მიხედვით, საერთოდ აღარ ვარსებობთ.



— ეს ხომ მშვენიერი საშუალებაა, რომ თქვენმა პროფკავშირმა თავისი ძალა გამოავლინოს?

— თეატრი ეკუთვნის სააქციო საზოგადოებას, რომელიც არის კერძო სამართლის იურდიული პირი. მთელი ტრაგედია იმაშია, რომ ხელისუფლებას შეუძლია ჩვენს წინაშე მართალი იყოს! — როცა შენ კერძო სტრუქტურის ნაწილი ხარ, სახელმწიფოსგან რაღას ითხოვ?!

— ხომ შეგიძლიათ „ქართულ ფილმთან“ ერთად იბრძოლოთ იმათ წინააღმდეგ, ვინც დაფინანსება შეგიწყვიტათ?

— ხელისუფლებას თავის მართლება ყოველთვის შეუძლია! ამჯერად იტყვის, დაფინანსების ფორმას ვცვლითო! თუ აქამდე ფული მიდიოდა „ქართულ ფილმში“, ახლა იგი წავა კინოცენტრში, რომელიც ან მოგცემს ფულს და ან არა! ასეთ პირობებში, რომელ შემოქმედებით მუშაობაზეა ლაპარაკი?!

— ინსტიტუტში რას აკეთებთ?

— ჩემს ჯგუფთან ვდგამ შექსპირის ტრაგედიას „რომეო და ჯულიეტა“...

— რეჟისორობა რთული პროფესიაა?

— რეჟისურა განხორციელება. რა უნდა ბევრმა იცის, მაგრამ როგორ უნდა განახორციელოს, ცოტამ. რეჟისურის სირთულე სწორედ იქიდან იწყება, როცა სათქმელი მოფიქრებული გაქვს და მის გადმოცემაზე იწყებ მუშაობას.

— ვინ მიგაჩნიათ თქვენ იდეალად?

— შიხეილ თუმანიშვილი. ეს იყო ადამიანი, რომლისთვისაც თეატრი მართლა ტაძარი იყო. თავად ჰქონდა თეატრთან ასეთი დამოკიდებულება და იმიტომ.

— არტისტი ხალხის მოძღვარია?

— მე მგონია, დღეს, ყოფილი საბჭოთა კავშირის რესპუბლიკების თეატრებში, სწორედ მაგის ძიებაში არიან — ვინ არის არტისტი და საერთოდ, რა ფუნქცია უნდა იტვირთოს თეატრმა.

— გიყვართ კრიტიკოსები?

— ისე რა. ყველას თავისი საქმე აქვს. იმათ — მათი, ჩვენ — ჩვენი! კარგია, როცა სპექტაკლის ანალიზს აკეთებენ, და არა პიესის შინაარსს გვიყვებიან! მაინტერესებს, როცა იმაზე წერენ, რაც ჩემ მიერ დადგმულ სპექტაკლებში დაინახეს.

— ქალბატონი ზინა კვერენჩხილაძე, ჩვენი დროის ერთ-ერთი დიდი მსახიობი, თითქმის უმუშაევარია. როგორც რეჟისორს, არ გიფიქრიათ, რომ მისთვის დაგედგათ სპექტაკლი?

— შეიძლება მიფიქრია, მაგრამ მე მგონია, რომ ეს ძალიან ძნელი იქნება. გაგვიჭირდებოდა ალბათ მუშაობა. სტაბილურ დროში რომ გვეცხოვრა, შეიძლება ეს უფრო ადვილი ყოფილიყო. მაგრამ, დღესდღეობით ყველაფერი არის ისე, როგორც არის!.. სამწუხაროდ.

— პატრიოტი ხართ?

— საკუთარი თავის პატივისმცემელი ადამიანი ვარ! ამპარტაყენებას არ ვგულისხმობ. ადამიანი, რომელიც თავის თავს არ სცემს პატივს, არც ქვეყნისათვის ვარგა და არც საკუთარი თავისათვის.

— კონფორმიზმს როგორ უყურებთ?

— ცუდად!.. სამწუხაროდ, კონფორმიზმი ჩვენთან არსებობის განუყოფელ ნაწილად იქცა და თითქმის აღარავის აღარ აწუხებს. თითქმის ყველა ასე მსჯელობს — რა ვქნა, სხვაგვარად არ გამოდიოდა?!. და ზოგი ოჯახით იმართლებს თავს, ზოგი ძმაკაცით, მეზობლით, მეგობრით და რა ვიცი რითაც გინდა.

— ყველაზე ძალიან რა არ მოგწონთ?

— ალბათ ის, ქართველებმა ვერაფრით ვერ გაეცნობიერეთ — პრობლემა სხვაში კი არაა, ჩვენშია! რაც რამე გეჭირს, აუცილებლად სხვას უნდა დაეაბრალოთ — სომხებს, რუსებს, თურქებს, ამერიკელებს და ვისაც გინდა, ოღონდ არა საკუთარ თავს.

— ღმერთი თუ გვეულებათ სადმე?

— რა ვიცი... ალბათ კი.

— ე. ი. ნიჰილისტი არ ხართ?

— ვარ!.. სწორედ იმიტომ რომ მეგულება!..

— ხომ არაფერს დაამატებთ?

— დავამატებ. ჩვენთან პრობლემა მარტო იმაში კი არ არის, რომ ვიღაცა ვიღაცას ჩაგრავეს! მთავარი პრობლემა იმაშია, რომ ადამიანებს შეაგნებინო — მათ რაღაცის უფლება აქვთ! დაარწმუნო რომ შეუძლიათ ხმა ამოიღონ, გააპროტესტონ!..

2000 . XI.





## ბორჩა კაპანაძე

— ვინ არის გორჩა კაპანაძე?

— კეთილი ადამიანი!

— სერჯანიდან?!

— კეთილი ადამიანი თბილისიდან, რომელიც ცდილობს იცხოვროს ქრისტიანულად და იყოს პროფესიონალი.

— რეჟისორი ხართ თუ მსახიობი?

— მე მგონია, მსახიობი ვარ. მსახიობი, რომელიც უფრო მასშტაბურად აზროვნებს. სამსახიობო ფაკულტეტი მაქვს დამთავრებული, მაგრამ, ჩემმა პედაგოგებმა ბატონმა გიზომ და ქალბატონმა ნანა კვასხაძემ, ყველაფერი გააკეთეს იმისათვის, რომ მხოლოდ ცალკეული გმირის კი არა, მთლიანად პიესის არსში ჩაწედომა და ანალიზი გვცოდნოდა. ალბათ ამიტომაც გამიადვილდა რეჟისურაში გადასვლა.

— როგორ მოხვდით ინსტიტუტში?

— სანამ მოეხდებოდი, ხუთი წელი ვაბარებდი და არ მიღებდნენ. როგორც პროფესიისთვის შეუფერებელს.

— ნიჭს ვერ ხედავდნენ?

— შეიძლება მართლაც არ ჩანდა. ეტყობა შებოჭილობა არ მაძლევდა საშუალებას, ჩემი შესაძლებლობები მეჩვენებინა.

თავისთავადაც მორიდებული ადამიანი ვარ და წარმოიდგინეთ მაშინ რა დამემართებოდა?! შედიხარ მერვე აუდიტორიაში, ვეშაპის ხახის მსგავს უზარმაზარ სიერცეში და მაგიდასთან კი სხედან ინსტიტუტის ავტორიტეტები — დიმიტრი ალექსიძე, მიხეილ თუმანიშვილი, ლილი იოსელიანი, გიზო ჟორდანიას, ბაბუღია ნიკოლაიშვილი, იური ზარეცკი, მონიკა კაჭარაუა... არ ვიცი, ბატონმა გიზომ მაშინ რა დაინახა ჩემში, მაგრამ მე მთელი ცხოვრება მისი მაღლიერი ვიქნები.

ათი წელია მე თავადაც უკვე პედაგოგი ვარ და უნდა ვთქვა რომ ის, რაც ბატონ გიზოს აქვს, სხვისთვის თითქმის არ შემიმჩნევია. ბატონ გიზო ჟორდანიას აქვს არაჩვეულებრივი პედაგოგიური ალღო. ნერგში ნაყოფის დანახვის გასაოცარი უნარი. სწორედ ამ ნაყოფისათვის ამზადებს და ეფერება ნერგს.

მაშინ მისაღებ გამოცდაზე სპეციალობაში სამმა ადამიანმა მივიღეთ სამიანი — მე, მერაბ ნინიძემ და ზაზა პაპუაშვილმა!.. მოგვიანებით, ქალბატონმა ეთერ გუგუშვილმა, მაშინდელმა ჩვენმა რექტორმა, ერთ-ერთ წერილში გაიხსენა ინსტიტუტში მიღებისათვის ჩემი ხუთწლიანი ბრძოლა და ასეთი დასკვნით დაამთავრა — სამწუხაროდ, ნიჭიერების გამოცნობაში, ზოგჯერ სახელოვანი ოსტატებიც ცდებიანო!..

— და მაინც რატომ გახდით რეჟისორი?

— მგონი იძულებით!.. ჩვენს ჯგუფს გამორჩეული ბედი ხელა წილად. ბატონი გიზოს ხელმძღვანელობით ყველა მიგვიღეს რუსთაველის თეატრში. დაგვითმეს მცირე სცენა, სადაც ჩვენს სპექტაკლებს ეთამაშობდით. გვყავდა ჩვენი მაცურებელი. ძალიან კარგი გასტროლები გვქონდა პოლონეთში, გერმანიაში, შოტლანდიაში, ინგლისში... მერე დაიწყო არეულობები და დაიძაბა ურთიერთობები გარეთ. ასეთივე პროცესები განვითარდა თეატრშიც. თანდათან დაიძაბა ურთიერთობა ჩვენსა და რუსთაველის თეატრის ძირითად შემადგენლობას შორის. ბევრი რამ, ახალგაზრდობის გამო, ჩვენც ვერ მოეზომეთ ალბათ... ამ დროს მე, ნანუკა ხუსკივაძე და მერაბ ნინიძე მიგვიწვიეს ინგლისში, ახალგაზრდულ თეატრში, რომელიც პიტერ ბრუკის მეთოდით მუშაობდა. რაც იმაში მდგომარეობდა, რომ სწორედ სხვადასხვა ენაზე მოლაპარაკე ადამიანებმა შექმნან სპექტაკლი, რათა საერთო ენა იყოს ქმედების და არა სიტყვის.

ჩვენი იქ ყოფნის დროს, თბილისიდან თანდათან საშინელი ამბები მოდიოდა. დაიწყო სამოქალაქო ომი. ინგლისის საგარეო საქმეთა სამინისტრომ, ოფიციალური განცხადება გააკეთა, რომ აქ მყოფ ქართველებს ყოველგვარი დაბრკოლების გარეშე შეუძლიათ ინგლისის მოქალაქეობა მიიღონო. რასაკვირველია, მეც შემეძლო სულ რაღაც ხუთ წუთში ინგლისის მოქალაქე გაემხდარიყავი, მაგრამ მე ეს არ მინდოდა.

— პატრიოტობის გამო?

— მე მიმაჩნია, რომ ადამიანი სადაც დაიბადა, იქ უნდა ცხოვრობდეს. ამიტომაც დაებრუნდი თბილისში, სადაც საშინელი ამბები დამხვდა. მცირე სცენის რეპერტუარი მთლიანად მოეხსნათ. ჩვენი ჯგუფიდან ბევრი მსახიობი უკვე დიდ სცენაზე მუშაობდა. მე მათ შორის ვერ მოვხვდი. არც იმის იმედი ჩანდა, რომ ეს უახლოეს მომავალში მოხდებოდა. თანდათან შემომეპარა პროფესიის შეცვლის ფიქრი. ვფიქრობდი უნივერსიტეტში ჩამებარებია. და ამ დროს მოხდა სასწაული! — საფრანგეთიდან, თეატრის საერთაშორისო ცენტრიდან მივიღე შეტყობინება, რომ შემეძლო მესწავლა სარეჟისორო ჯგუფში, რომელიც პიტერ ბრუკს აკყავდა!

ჩემი გამგზავრება მაშინ უზრუნველყვეს ორმა შესანიშნავმა ქართველმა — მამუკა კიკალეიშვილმა, ნათელში იყოს მისი სული და გოგა ხაინდრაყამ.

— პიტერ ბრუკმა საიდან იცოდა თქვენი არსებობა?

— პიტერ ბრუკის ყურადღების ორბიტაში, მისი მეუღლის ნატაშა პარის წყალობით მოვხვდი. თბილისში ყოფნის დროს, მათ ჩვენი სპექტაკლიც „სამანიშვილის დედინაცვალი“ ნახეს. მის მეუღლეს იქიდან დაეამახსოვრდი და იმ პერიოდში, როცა ბატონმა პიტერ ბრუკმა სარეჟისორო ჯგუფის აყვანა გადაწყვიტა, ნატაშა პარიმ მეც გამიწია რეკომენდაცია.

ექვსი თვის შემდეგ ავიღე სერთიფიკატი და გავხდი რეჟისორი!.. ბატონმა ბრუკმა პარიზში დარჩენა შემომთავაზა, მაგრამ უარი ვუთხარი. შუა სეზონი იყო და ექვსი თვე უნდა მეცადა უქმად. მე კი იმდენად ვიყავი ენერგიით დამუხტული, რომ მაშინვე მინდოდა მუშაობის დაწყება. წამოსვლის წინ ბატონმა ბრუკმა და მისმა მეუღლემ რესტორანში წამიყვანეს. ბრუკი მთელი საღამო რუსულად მესაუბრებოდა. ეტყობა ოდესის ნოსტალგიით, საიდანაც იყო

წარმოშობით თუისი ბოლო წიგნიც მაჩუქა და მითხრა, მე თითქმის აღარ ვწერ რეჟისურაზე, ეს უფრო სხვა ტკივილებზეაო!..

— დიდი სკოლა გაგვლიათ?!

— რასაკვირველია, ბრუკთან გატარებული ყოველი წუთი განსაკუთრებული იყო, მაგრამ ყველაზე საოცარი მაინც მისი სპექტაკლის „პელეასი და მელისანდრას“ გენერალური რეჟეტიცია იყო. მე ბედნიერება მქონდა იმავე ქუჩაზე მეცხოვრა, სადაც ცოლქმარი ბრუკები ცხოვრობდნენ. იმ საღამოსაც ჩვეულებრივად გამომიარეს და ერთად წავედით თეატრში. მივედი და რას ვხედავ? — დარბაზი საუსეა თორმეტი, ცამეტი, მაქსიმუმ თხუთმეტი წლის ბავშვებით!.. ისინი იყვნენ პირველი მაცურებლები!.. დამთავრდა სპექტაკლი. შევისვენეთ და ბავშვებმა დაიწყეს სპექტაკლის გარჩევა?!..

ბატონი ბრუკი მარტო იჯდა სცენაზე. ბიბლიური პერსონაჟებით ნათელმოსილი, ჭაღარა ოსტატი. ბავშვები საში-ოთხი საათის განმავლობაში უსვამდნენ შეკითხვებს და არჩევენ სპექტაკლს, მისი ასისტენტები კი სიტყვა-სიტყვით იწერდნენ ყველაფერს.

მერე გაიმართა კამათი. ბოლოს მხოლოდ ბრუკი საუბრობდა და ბავშვები უსმენდნენ. დამთავრდა ყველაფერი და რომ გვგონია უკვე უნდა დავიშალოთ, ბრუკი ამბობს — ათ წუთს შევისვენებთ და დავიწყებთ რეჟეტიციას!..

მთლიანად არა, მაგრამ დაახლოებით რვა-ათი სცენა, ამის შემდეგ თავიდან გააკეთა!..

სახლში დაბრუნებისას ვკითხე — ბავშვები რატომ მოიწვიეთ-მეთქი? — ამ ბავშვებისათვის, მე ვარ ჩვეულებრივი თოვლის ბაბუა, რომელმაც სპექტაკლი აჩუქა! ამიტომ მათ გულწრფელობას ხელს არაფერი შეუშლიდა. მათ ადგილზე თუ იქნებოდნენ თეატრალები, რომელთა აზრს მე დიდ პატივს ვცემ, როგორც არ უნდა ცდილიყვნენ, მაინც ვერ გაექცეოდნენ იმ ავტორიტეტს, რაც არის ბრუკი! — ამიტომ ბოლომდე ვერ შეტყუოდნენ იმ სათქმელს, რომელიც გაუჩნდებოდათ. ყველაზე გულწრფელად და ალაღად, ამის თქმა მხოლოდ ბავშვებს შეეძლოთ.

— თბილისში რომ დაბრუნდით, დადგით?..

— გარსია ლორკას „ბერნანდა ალბას სახლი“.

— და თუ არ ვცდები, მონოდრამა „ჩემოდანი“, არა? რომელიც იყო ძალზე ამაღლებული სპექტაკლი, მტკივნეული იდეით —

**ზოგჯერ შეიძლება მთელი ცხოვრება ერთ ჩემოდანში მოთავსდეს და მორჩა!..**

— ბატონ მიხეილ თუმანიშვილსაც ძალიან მოწონდა ეს სპექტაკლი. იმ ინგლისელ მსახიობ ქალს, ამ წარმოდგენაში რომ თამაშობდა, არაჩვეულებრივი წერილი გაუგზავნა. ნაწყვეტი ზეპირად მახსოვს — “ეს არის სპექტაკლი, რომელიც გაგონებს პირველი თოვლის მოსვლას და ის ფიფქები, რომლებიც ხელის გულზე ცვივა, ღნებიან, ცრემლებად მოდიან და იღვრებიან შენს სულში. მადლობა მინდა უუთხრა ქერენ კლარკს, დიდი ოსტატობისთვის და ჩემს უძცროს თანამემამულეს მიუვლოცო შესანიშნავი სპექტაკლი?..”

— ბერნანდა თავიდანვე მარინა კახიანისთვის გქონდათ ჩაფიქრებული?

— არა, ამ როლზე, ჯერ ქალბატონი ზაზა ლებანიძე მუშაობდა. სამი თვე გაუდიოდით რეპეტიციებს, მაგრამ ერთხელაც, ქალბატონი ზაზა მოვიდა ჩემთან და მითხრა — არ გეგონოს რომ შენთან მუშაობა არ მომწონს, ან არ გენდობი, როგორც რეჟისორს და უარს იმიტომ ვამბობ. უბრალოდ, ამ ქალის არ შესმის და რა ექნაო?! უარი თქვა როლზე?!

— ეს დამწყებისათვის კი არა, უკვე მყარად დამკვიდრებული რეჟისორისთვისაც მძიმე დარტყმაა. შემდეგ რა მოხდა?

— მერე მქონდა ორკვირიანი პაუზა. აღარ ვიცოდი რა მექნა და ამ დროს გამახსენდა მარინა კახიანი!.. მარინას ძალიან მძიმე დღეები ჰქონდა მაშინ. მეუღლეს გლოვობდა და თითქმის არ გამოდიოდა გარეთ. მე რომ მივედი და ეს როლი შევთავაზე, მარინამ შემომხედა და მითხრა — ვიცოდი, დღეს რომ მოხვიდოდიო!.. წუხელის ჩემი მეუღლე მესიზმრა, რომელმაც აღელვებულს ხელზე ხელი მომიკიდა და მითხრა — მარინა, ნუ ნერვიულობ, მე კარგად ვარ და საერთოდ, ყველაფერი კარგად იქნებაო!..

ქალბატონ ზაზას არჩევანის დროს, მე ვფიქრობდი, რომ ეს არის ქალი ვამპირი, ქალი დიქტატორი, ფრანკოს რეჟიმის სიმბოლო და სხვა... მაგრამ, ეტყობა, ქვეცნობიერად სულ მაწვალებდა ფიქრი, რომ ბოლოს და ბოლოს ბერნანდა არის ჯერ კიდევ სრულიად ახალგაზრდა ქალი, რომელიც იძულებული გახდა, თავის თავშიც და შვილებშიც, ადამიანური სურვილები ჩაეკლა..

ჩემთვის ბერნანდა ალბა არის ჩაკეტილი წრე, საიდანაც გაქცევა ყველა ადამიანს უნდა. ზოგჯერ, ამ ჩაკეტილ წრედ, საკუთარი თავიც შეიძლება იქცეს.

ამ პიესის არჩევანი, იმანაც განაპირობა, რაც იმ დროს თეატრის გარეთ ხდებოდა. ჩვენც ყველაფერი გარეთ გვეძახდა, გარეთ გვეწეოდა..

— შეიძლება ვთქვათ რომ მსახიობის ინდივიდუალობამ გიკარნახათ გმირის სახე?

— ალბათ უფრო გმირის ჩემეულმა ხედვამ მიმაგნებინა მსახიობი. ადვილი შესაძლებელია, წლების შემდეგ კვლავ მიუბრუნდე ამ პიესას და სულ სხვაგვარად დაეინახო.

— გყავთ თქვენი მსახიობები?

— ითვლება რომ მყავს — მარინა კახიანი, ნანუკა ხუსკივაძე, დიმა ჯაიანი, ირაკლი კუსაძე, ირინა გულაძე, დარეჯან ხარშილაძე, მარინა საღარაძე. საერთოდ ყველა კარგ მსახიობს უდიდეს პატივს ვცემ, მაგრამ, სამწუხაროდ, ყველასთან მუშაობას ვერ შევძლებ.

— ოჯახური მდგომარეობა როგორი გაქვთ?

— დიდი ხნის წინ ვიყავი ცოლიანი. ახლა მარტო ვარ.

— კუმირი თუ გყავთ?

— ჩემი კუმირები დღეს შეიძლება ცოცხლები არც არიან, შეიძლება არც არასდროს მინახავს, მაგრამ ვიცი რომ ძალიან დიდები იყვნენ და ძალიან მინდა დაეემსგავსო მათ. დიდი ხნის წინათ, როცა „კავკასიური ცარცის წრე“ ვნახე, პატარა ვიყავი, მაგრამ ის გრძნობა, რომელიც მაშინ ზეჟივით მომასკდა, დარბაზში დედასთან ერთად მჯდომს, დღემდე ცხადად მახსოვს. მაშინ ვუთხარი ჩემს თავს — აქ მინდა ვიყო!..

— და წარმატებასაც მიაღწიეთ?

— ვერ ვიტყვი რომ არა, მაგრამ ეს მაინც ის არ არის, რასაც ჩემს თავს ვუსურვებდი. ერთი ძალიან კარგი თვისება მაქვს, არასოდეს ვარ საკუთარი თავით კმაყოფილი.

— თქვენი თაობის სახე როგორია?

— შეიძლება ეს არის თაობა, რომელმაც ვერ გაარკვია, რა უნდა?!

— თუ ვერ გაარკვია, სად მოხვდა?!

— შეიძლება. ეს ალბათ არის თაობა, რომელსაც გამოაცალეს იდეალები, დაუმსხვრიეს კერპები და ფეხქვეშ სიმყარის მაგივრად ჭაობის ზედაპირი შერჩათ... ძალიან მეშინია, ჩვენი შემდგომი



თაობები კიდევ უფრო არ გაუხეშდნენ, მთლიანად არ გაუცოდეთ გული. არ მოხდეს მათი შერწყმების, ნერვიული დაბოლოებების პლომბირება.

— გეშინიათ ცინიზმის?

— ძალიან, რადგან ამ დროს კარგის დანახვის უნარს კარგად და საკუთარი თავის ჭამას იწყებ. ცინიზმის პატარა მონსტრები ყველას გეყავს. ამიტომ უნდა ვეცადოთ ჩვენს თავში მოვსპოთ ისინი და ამით სხვებიც გადავარჩინოთ.

— ღმერთი თუ გვეულებათ სადმე?

— უღმერთო სამყაროზე არც მინდა ვიფიქრო.

— არტისტი მისაბაძი უნდა იყოს?...

— რასაკვირველია. მაგალითად, ბატონი გოგი გვეგეტყვორი რომ გაივლის თეატრში, მე მგონია, არ რჩება ადამიანი, რომელიც მოწინებით არ იმსჯელებოდეს მის მიმართ.

— ძნელია რეჟისორობა?

— ძალიან. რეჟისორობა ალბათ წლობით დაგროვილი გამოცდილების პროფესიაა.

— სათქმელი თუ გაქვთ?

— თუ სათქმელი არ მაქვს, მუშაობას ვერც დაუიწყებ.

— ამჟამად რაზე მუშაობთ?

— რუსთაველის თეატრში ვდგამ „მედეას“.

— ვის?

— ვერიპიდეს, ანუის, სენეკას, რაზუმოვსკაიას და სხვებისაც!..

— ამდენი ავტორი, რა საჭირო იყო?

— ყველგან მოვიძიე ის მედეა, როგორც მინდა რომ იყოს იგი. მინდა, რომ ჩემი სპექტაკლი, ორი — კოლხური და ბერძნული ცივილიზაციის შესახებ იყოს, რომელთა შეუთავსებლობამ მედეაც იმსხვერპლა და ორი უცოდველი ყრმაც. ჩემმა მედეამ მინდა დაუმტკიცოს სამყაროს, რომ კოლხური ცივილიზაცია არსებობდა, არსებობს და იარსებებს!..

— შეიძლება ვთქვათ, რომ თქვენში პატრიოტულმა ჯანვმა იფეთქა?

— ყოველ შემთხვევაში, ეცდილობთ ოცდაოთხ საუკუნოვანი ლაქა ჩამოვაცილოთ მედეას....

2000 XII.





## გიორგი ტაკაძე

— გიორგი თაკაძე, რეჟისორი, დაბადებული?

— 1962 წლის 5 მარტს.

— მშობლები?

— მამა — მერაბ თაკაძე, მსახიობი, კინორეჟისორი. დედა — ირმა გურიელი, მსახიობი, ჟურნალისტი. ჯერ რუსთაველის თეატრში მუშაობდა, შემდეგ მოზარდმაცურებელთა თეატრში. წლების განმავლობაში იყო ტელევიზიის დიქტორი. წერს ლექსებს.

— სად სწავლობდით და როდის?

— 1984-89 წ. წ. თეატრალურ ინსტიტუტში.

— თავიდანვე რეჟისურაზე ოცნებობდით?

— ჯერ მსახიობობა და თუმანიშვილის მოწაფეობა მინდოდა. მაგრამ როცა სასცენო მეტყველების კათედრის მაშინდელმა გამგემ ბაბუღია ნიკოლაიშვილმა მომიხმინა, პირდაპირ მითხრა — სუსტი ხმა გაქვს და სჯობს მსახიობობაზე ოცნებას თავი დაანებო!.. ამიტომ გადაწყვიტე სარეჟისორო ფაკულტეტზე ჩაბარება.

იმ წელს დამაგვიანდა, ბატონ მიშას უკვე აყვანილი ჰყავდა ჯგუფი და ხუთი წელი უნდა მომეცადა სანამ ისინი დაამთავრებდნენ და ახალ ჯგუფს აიყვანდა. მაშინ ასეთი წესი იყო. უსაქმოდ რომ არ ეყოფილიყავი, სატელევიზიო თეატრში დაეიწყე მუშაობა.

ძალიან გამიძარტლა, რადგან სატელევიზიო თეატრის ხელმძღვანელად თუმურ ჩხეიძე დამხვდა. ისე რომ სკოლის მერხიდან პირდაპირ მისი ასისტენტი გაუხდი. საოცრად ნაყოფიერი წლები მქონდა. პროფესიის ანბანში პირველად სწორედ მასთან გავერკვიე.

ხუთი წლის შემდეგ, როცა კვლავ დაებრუნდი ინსტიტუტში ჩასაბარებლად, მიხეილ თუმანიშვილის მაგივრად რობერტ სტურუას ჯგუფში აღმოვჩნდი და როგორც აღმოჩნდა, ჩემდასაბედნიეროდ.

სტურუა უფრო პრაქტიკულ მეცადინეობაზე აკეთებდა აქცენტს, ვიდრე თეორიაზე, ძირითადად რეპეტიციებზე დასწრებით, თავის მუშაობაზე თვალის მიდევნებით გვზრდიდა. თითქმის სულ მის გვერდით ვიყავი — რეპეტიციებზე, სპექტაკლებზე, მხატვართან, კომპოზიტორთან შეხვედრებზე, გასტროლებსა და რესტორნებში! ბატონ რობიკოს ეს საქმეც ძალიან უყვარს! თუმცა, მთელი დამეც რომ გაათენოს, რეპეტიციაზე არასოდეს დაიგვიანებს. ვერც ვერაუინ ვერაფერს შეატყობს.

ჩვენს ასეთ ურთიერთობას იმანაც შეუწყო ხელი, რომ ჩემთან ერთად მიღებული მეორე სტუდენტი წავილა და სტურუას მთელი ჯგუფი მარტო მე ვიყავი!..

— ტელევიზიაში მიღებული ცოდნა გამოგადგათ?

— იქ ცოტა სხვა ტიპის პრაქტიკა მქონდა. ტელევიზიამ კადრებით აზროვნება ჩამომიძეალებდა. მიმღები კომისიის წევრებმა ამაზე მიმითითეს კიდევ, როცა ჩემ მიერ წარდგენილ რასინის ტრაგედიის „ფედრას“ სარეჟისორო გეგმას გაეცნენ. „ფედრა“ კი იმიტომ მქონდა არჩეული, რომ თუმანიშვილს ჰქონდა დადგმული რუსთაველის თეატრში.

— იპოლიტს...

— დიახ, მამაჩემი თამაშობდა.

— ინსტიტუტის დამთავრების შემდეგ რუსთაველის თეატრში დაგტოვეს?

— დიახ, და სხვაგან წასვლა ვერც წარმომიდგენია. დიდი მაგიური ძალა აქვს ამ თეატრს. ისე შეგიყვარდება, უბრალოდაც რომ გაიხედო გვერდზე, გგონია ამით მას დალატობ.

— თქვენი პირველი სპექტაკლი იყო?

— ირაკლი სამსონაძის „აღდგომა გაუქმებულ სასაფლაოზე“. პირველ რეპეტიციაზე ბატონმა რობერტმა შემიყვანა. წესი არ

დაარღვია, თორემ წარდგინება რაში მჭირდებოდა, დასის წვერები ძალიან კარგად მიცნობდნენ. დამფრთხალი მაინც ძალიან ვიყავი. სარეპეტიციო დარბაზში სულ სახალხო არტისტები ისხდნენ — გურამ საღარაძე, კახი კავსაძე, კარლო საკანდელიძე, ნანა ფაჩუაშვილი...

ის წუთიც კარგად მახსოვს, ბატონი რობერტი სარეპეტიციო დარბაზიდან რომ გადიოდა და ღიმილით დაგვიბარა — ახლა თქვენ გააგრძელეთო!..

წამიერი პაუზა და სულშეგუბებული, ვხედავ ყველა მე მიყურებს?!. მორჩა, ვეღარსად წახვალ, უნდა დაიწყო რეპეტიცია, უნდა გახდეს რეჟისორი!.. ჯერ გამიჭირდა, ვნერვიულობდი, მაგრამ მსახიობებმა გამიადვილეს მათთან ურთიერთობა და შემდეგ ყველაფერი კარგად წავიდა. ვფიქრობ, ცუდი სპექტაკლი არ იყო, უბრალოდ ცუდმა დრომ მოუწია — არეულობები, ომი, აღარაფის ეცალა თეატრისათვის.

— რამდენი სპექტაკლი გაქვთ დადგმული?

— შემდეგი კვლავ ირაკლი სამსონაძის პიესა „იქ, სადაც ღვარად მოედინება“ დავდგი. მერე სტურუასთან ერთად თამაზ ჭილაძის „ნახვის დღე“. ქუთაისის თეატრშიც დავდგი ერთი სპექტაკლი. სამეფო უბნის თეატრში დავდგი ლაშა ბუღაძის „ნუგზარი და მეფისტოფელი“.

— რას ნიშნავს რობერტ სტურუასთან ერთად დადგმული სპექტაკლი — არ იჩრდილებით?

— ვიღაცას შეიძლება ძალიან გაუჭირდეს. მე იმდენად ვარ მიჩვეული ამ ურთიერთობას, რომ არ მიჭირს. შეიძლება თამამად უღერს, მაგრამ იმდენად ერთ ენაზე ვლაპარაკობთ, რომ ძირეული ჩარევა აღარ გამოდის. ისე არ არის, რომ მე სადღაც, სულ სხვა მიმართულებით მივდივარ, უცებ შემოვა და მთლიანად დაანგრევს ყველაფერს. არც ესთეტიკის და არც სათქმელის თვალსაზრისით ჩემთან ძალიან მტკივნეული ჩარევა და რადიკალური ცვლილებები არ ხდება. თუ ჩაერევა ცუდს ხომ არ გააკეთებს?!. ჩემთვის ხომ ესეც გამოცდილების შექენაა? მიმაჩნია, რომ რეჟისურა ისეთი პროფესიაა, სწავლა არასოდეს მთავრდება. ახლახანს ერთ პიესაზე ემუშაობდი და ისეთი შეგრძნება მქონდა თითქოს საერთოდ არაფერი ვიცოდო და სწორედ აქედან უნდა დამეწყოს სწავლა!..

— არისტოტელური-არაარისტოტელური, ილუზიური-ანტილუზიური და საერთოდ, რაც არ უნდა ვუწოდოთ, ბოლოს მაინც განცდასთან და წარმოსახვასთან მივდივართ. თქვენ როგორი თეატრი გიყვართ?

— ძალიან მიჭირს, როცა შემოქმედებას რაღაც ტერმინებით ბოჭავენ. ჩემთვის მთავარია ზეიმი იყოს, მაყურებელს ემოცია გადაეცემოდეს. და, რაც მთავარია, ჩემში, როგორც დამდგმელშიც იწვევდეს ემოციას. მიმაჩნია, რომ ყველა შენი ნამუშევარი შენს თავს უნდა დაამსგავსო. მასში ხომ შენს გარკვეულ ნაწილს, შენს სულიერ მდგომარეობებს, შენს ბავშვობას, ისტორიებს ეძებ. ჩემთვის ეს არის სფერო, სადაც მე ერთგვარ აღსარებას ვამბობ ანდა შეიძლება ჩემს სიზმრებს ეყვები. ამიტომ არ მინდა სახელი დაეარქვა, თუ როგორი თეატრია ეს. საერთოდ, მე მეჩვენება, რომ ეს ის ტერმინებია, რომლებიც თეატრმცოდნეებმა მოიგონეს!.. რობერტ სტურუას თეატრი ეს არის მოყოლა სხვა ხერხებით. რაც შეეხება ფსიქოლოგიას, შეიძლება მასთან გაცილებით მეტი ფსიქოლოგიური სიღრმეებია, ვიდრე სხვა რომელიმე რეჟისორთან.

— როგორ მუშაობთ სპექტაკლზე?

— პიესაზე მუშაობის დაწყებისას ძალიან მნიშვნელოვანია ვიპოვო მელოდია, რომელიც შეიძლება სპექტაკლში არც გამოვიყენო, მაგრამ მას აუცილებლად უნდა მივაგნო. ხშირად მე თავად ეთხზაე მას და ვღიღინებ, რათა იმ განწყობას მივაგნო, ყველაზე უფრო მნიშვნელოვანი სცენების გადაწყვეტაში რომ დამეხმარება.

ამის გარდა ძალიან მნიშვნელოვანია წინასწარ ვიცოდე ფინალი. საერთოდ, არსებითი მაინც სათქმელია. სათქმელს თუ ვერ ეხედები, პიესას ვერ ვდგამ. მირჩევნია ცუდი სპექტაკლი იყოს, მაგრამ სათქმელი ჩანდეს. თუ ერთიც არის და მეორეც, ამას რა სჯობს.

— სპექტაკლით „ნუგზარი და მეფისტოელი“ რას ამბობთ?

— მე და ლაშა ბუღაძეს შორის უთანხმოება სწორედ იდეაზე განსხვავებული შეხედულების გამო მოხდა. მასთან ნუგზარს ჯოჯოხეთში ის გარემო ხვდებოდა, რომელშიც დედამიწაზე ცხოვრობდა.

ჩემთვის ეს რეალობა და ჩვენი ყოფა ჯოჯოხეთი არ არის. მე არ მაღიზიანებს ეს მდგომარეობა, რადგან ვიცი, რომ უარესიც არსებობს. ამიტომ ჩემს სპექტაკლში ასე გავაკეთე — კაცი (ნუგზარი), რომელმაც ყველაფერზე მოაწერა ხელი და ყველაფერი

მიიღო რაც სურდა, ერთ მშვენიერ დღეს აღმოაჩენს, რომ ამისათვის ძალიან ბევრი ადამიანი გაწირა. მათ შორის საყვარელი ადამიანიც. ვფიქრობ, რომ კათარზისიც სწორედ აქ მოხდა. თან, სულ ერთმა პატარა შემთხვევამ გამოიწვია ეს. ე. ი. მაინც იყო გადარჩენილი მცირე მარცვალი, რომელმაც რაღაც შემოატრიალა და ეს გონებაშეზღუდული კაცი ადამიანად აქცია.

— ანუ თქვენ უფრო შემწყნარებლურად მოექცით გმირს, ვიდრე დრამატურგი?

— მე შევეცადე ბოროტებასთან შეხების გზით ადამიანი პიროვნებად ქცეულიყო. იგი ხომ იმდენად შეზღუდული იყო, რომ ცხოვრება უკეთურმა ძალამ ასწავლა. თუმცა ბოლოს მაინც მიხვდა, რომ რაც უფრო მეტს მოსთხოვს მას, მით მეტ ცოდვაში ჩაუარდება. ამიტომაც გაურბის და... ზღაპარივით ხომ არ დაუამთაურებდი?— ჩემთან ასეა — ვითომ ზეცისაკენ ადის, მაგრამ... ისევ დაბლა ვარდება!.. უფრო სწორად ამ ასკლისას წყდება — მაღლა თუ დაბლა, ჯოჯოხეთში?!. — იმედი ჰქონდა მიეტყუებოდა, მაგრამ არ მიეტყუა.

— ეს ავტორს არ მოეწონა?

— მისთვის მთავარი იყო იმის ხაზგასმა, რომ ჯოჯოხეთი ჩვენი ყოფა და გმირსაც ეს ყოფა უნდა დახვედროდა იქ. მე კი მგონია, რომ ეს არც ისეთი ახალი იდეაა. კარგა ხნის წინ მაქვს ნათქვამი. ამის გარდა, პიესის მეორე მოქმედება საერთოდ არ მომეწონა. არაფერი არ ხდება. ყველაფერს ყვებიან. ძალიან ბევრი ვიწვალე, რათა დრამატურგიული სიცარიელე ამომეცხო და პიესა უფრო ქმედითი გამეხადა.

საერთოდ მიმაჩნია, რომ ქართულ დრამატურგიაზე მუშაობა ძალიან ძნელია. იმიტომ არა, რომ ჩვენი ცუდია და სხვა კარგი, უბრალოდ, ჩვენთან თავისუფლებას ძნელად გაპატიებენ. ყველაზე მომგებიანი კლასიკურ დრამატურგიაზე მუშაობაა. იგი ისეთი კანონებითაა დაწერილი, სიუჟეტი ისეა აგებული, ისეთი დახვეწილი სახეებია და კონფლიქტიც ისეა დაჭიმული, გამოძგონებლობა აღარ გჭირდება.

ჩვენი პიესების უმრავლესობაში პერსონაჟები არ იცვლებიან, არ ვითარდებიან. ამბავიც, როგორც იწყება, ისე მთავრდება.

— თუმცა, ჩემი აზრით, ასეთი სქემატურობა თქვენს სპექტაკლში არ იგრძნობა?

— იმიტომ, რომ ძალიან ვეცადე ტეხილები რაც შეიძლება მეტი ყოფილიყო, რათა გარკვეული ცვლილებებისათვის გამესუა ხაზი.

— მსახიობებისაგან რას ითხოვთ?

— პირველ რიგში ფანატიზმს. პროფესიისადმი თავგადადებული მსახიობები მიყვარს. ვითხოვ ერთგულებას — რეჟისორები ეგოისტები არიან და არასოდეს მოსწონთ მსახიობი ხან აქ რომ არის და ხან იქ. ამის გარდა, აუცილებლად ემოციური უნდა იყოს. ვერ ვიტან ინერტულ მსახიობებს, რომლებსაც ზეზეურად სძინათ. ადამიანს თუ ძარღვი არ აქვს, ჩემთვის მოსაწყენი ხდება. უნდა იყოს პლასტიკური. ყოველ შემთხვევაში, მე ვცდილობ ასეთ მსახიობებთან ვიმუშაო.

— თეატრი რეჟისორისაა თუ მსახიობის? რობერტ სტურუას აბრალებენ, მსახიობები დაჩაგრაო?!

— როგორ არის თეატრი რეჟისორის, როცა ყველაზე მეტ ტაშს მსახიობები იღებენ. რეჟისორი მთავრდება მაშინ, როცა სპექტაკლი იბადება. თუმცა ჩვენს გარემოც ვერაფერს გააკეთებენ. შემთხვევით ხომ არ გამოუგონიათ ეს პროფესია თავად მსახიობებს. თეატრის განვითარებაში, ეტყობა, დადგა რაღაც ეტაპი. როცა მიხედნენ, რომ თავად ვეღარ ართმევენენ თავს.

რაც შეეხება ბატონ რობიკოს, როცა ხედავს, რომ მსახიობები რაღაცას ვერ აკეთებენ. მათ გასაკეთებელს თავად აკეთებს! ეს არის და ეს.

— შეჩვენება რომ თანამედროვე თეატრში მიზანსცენების დადგმის კულტურა აღარ არსებობს. თქვენ როგორ გგონიათ?

— თქვენ მართლაც ძალზე მნიშვნელოვან საკითხს შეეხეთ, მგონი მართლაც დაიკარგა. შეიძლება ისეთი მიზანსცენები არა მაქვს, როგორიც ეთქვათ, მეიერჰოლდს, მაგრამ ნერვები ძალიან მეშლება, როცა მსახიობები ჩემ მიერ აგებულ მიზანსცენებს ცვლიან. ამბავს მე მიზანსცენებით ვყვები. თუმცა მსახიობებს მის არსს არასოდეს ეუხსნი. ვფიქრობ არც უნდა იცოდნენ. ალბათ ამიტომაც მიაჩნიათ, რომ ყველაფრის ასე იოლად დარღვევა შეიძლება.

— მარჯანიშვილს მიაჩნდა — „თეატრის დანიშნულება უბრალოა, მიანიჭოს ადამიანს სიხარული, შთაბეროს მას მხნეობა“. თქვენ როგორ გგონიათ?

— ვეთანხმები მარჯანიშვილს!.. თეატრმა მართლაც უნდა გაახალისოს, ბედნიერება მიანიჭოს ადამიანს. თუმცა თეატრი

ძალიან ფხიზელიც უნდა იყოს, თავისი იდეებით მუდმივად აუნგარდში უნდა იდგეს. ძალიან ბევრით უნდა უსწრებდეს დროს. ეს ძალზე მნიშვნელოვანია. იმაზე მსჯელობას რა აზრი აქვს, რაზეც ტროლეიბუსსა და მეტროში მსჯელობენ?! ცხოვრების კულში აღკვებული თეატრი საშინელებაა!..

— თქვენი პროფესიის მთავარი სირთულე?

— მთავარი სირთულე თანამოაზრეთა გუნდის შექმნაა. რეჟისორისათვის ყველაზე მნიშვნელოვანია, გვერდით ჰყავდეს ის ადამიანები, რომელთაც მისი ესმით. დიდი დრო და ენერჯია ამაოდ გეკარგება, როდესაც მუშაობის დაწყებამდე უნდა აუხსნა, გააგებინო რა გინდა, შენს მრწამსსა და ესთეტიკას აზიარო. ხშირად არაფერი გამოდის. თითქოს ძალიან ნიჭიერ მსახიობებს შემოიკრებ, მაგრამ ხედები რომ ვერაფერს აგებინებ, ან უბრალოდ არ სურთ რომ გაიგონ, არ მოსწონთ ასეთი თეატრი. ერთი სიტყვით, ძალიან კარგია როცა გყავს გუნდი, რომელთანაც მუდამ თუ არა, გარკვეული პერიოდი მაინც იმუშავენ. მუდმივად არც გამოდის. შენც იხარჯები, იმათაც ბეზრდები...

— უფრო როგორი პიესები მოგწონთ?

— მკვეთრი და მძაფრსიუჟეტური პიესები. დეტექტივს არ ვგულისხმობ. მომწონს პიესები, სადაც რაღაც ხდება ისეთი, რომელიც ყოველდღიურობის მსგავსი არ არის. ყოფა და თანადროულობა არა ისეთი როგორიც არის, არამედ ცოტა გიჟური და პოეტური!.. თუ პიესაში არ არის რაღაც უჩვეულო, ვერ ვდგამ.

— იმ ფულის გამო “საშშობლოს“ დასადგმელად რომ იყო საჭირო, ქართული სცენის სიამაყე ვასო აბაშიძე, მუხრან ბატონის გასაცინებლად „შეხტა და შემობზრიალდა“, თქვენ თუ ხართ მზად, ღირსება შეწირთ თეატრს?

— ალბათ ვარ, მაგრამ რომ ვთქვა, ცოტა შემრცხვება!..

— მოქალაქეობრივი ვალი რას ნიშნავს თქვენთვის?

— ძალიან ბევრს. ერთხელ სუფრასთან ვისხედით და ბაბუაჩემმა ერთი ასეთი კითხვა დამისვა — რა არის ცხოვრებაში ყველაზე მთავარი, თვით სამყაროზეც დიდი, ისეთი, ღმერთს რომ უტოლდებო? — პატარა ვიყავი და არ ვიცოდი რა მეთქვა. ბებიჩემს გაეხედე, ის რაღაცას მკარნახობდა, მაგრამ ვერაფერი გავიგე. მერე ისევ ბაბუამ მითხრა — სიმართლეო!.. სიმართლემ ყველაფერი იცისო! ჩემთვისაც მთავარია ვიყო მართალი და რასაც



ვემსახურები, სიმართლით ვემსახურო, მოქალაქეობრივი ვალი ჩემთვის ეს არის.

— როგორია თქვენი თაობის სახე?

— ჩემს თაობას საშინელ დროს მოუწია ცხოვრების ასპარეზზე გამოსვლა და თითო-ოროლამ თუ შეძლო რაღაცის კეთება. ყველაფერი ერთბაშად დაგვატყდა თავზე — იმპერიის მსხვერუეა, ომები... და სანამ გონზე მოვედით, სულ სხვა თაობა გამოჩნდა, რომელმაც უცებ ამოაესო ჩვენი დაბნეულობით გამოწვეული სიცარიელე და ყველაფერი გამოგვტაცა ხელიდან. მერე რა, რომ წერა არ იციან — მწერლები მაინც გახდნენ! ხატვა არ იციან — მაინც დიდი მხატვრები პქეიათ!... და ა. შ. ჩემი თაობა დაბნეული თაობაა. მე და ჩემს მეგობრებს ხშირად გვისაუბრია ამ საკითხებზე. მშობლიურსაც ვიცნობთ და მსოფლიო ლიტერატურასაც, ისიც ვიცით, რომ ის, რასაც ახლა ჩვენში პრემიებს ანიჭებენ მდარე ლიტერატურაა, მაგრამ რა უნდა ექნათ?! თეატრი ლიტერატურაზე დგას და იძულებული ხარ ან ასეთ რამეებს აუბა მხარი ან საერთოდ გვერდზე გადგე. ორთავე შემთხვევაში საშინელ მდგომარეობაში აღმოჩნდები.

ახალგაზრდა ადამიანისათვის ადვილი არ არის იმის აღიარება, რომ შენ უკვე საღდაც იქ, წარსულში ხარ! არადა იმასაც ხომ აშკარად ვხედავ ჩვენს შორის რამხელა ნაპრაღია. ისინი სრულიად სხვაგვარად აზროვნებენ. პრიციპულად წინააღმდეგი არიან იმისა, რაზეც მე ვარ გაზრდილი და რაც ჩემში გარკვეულ ემოციებს იწვევს. არ დაგვიძაღვთ და ცოტათი სენტიმენტალური ვარ. ისინი ყველაფერ ამაზე ხელს ატატანებენ — აჰა, ჰა, ჰა, ჰა, სენტიმენტალური არაეითარ შემთხვევაში არ უნდა იყო! .. კი ბატონო, თუ ასე გინდა, შემიძღია არ ვიყო, მაგრამ რატომ?..

— ნიჰილიზმობალებულები არიან?

— არ ვიცი, რაღაცნაირი სიცივე აქვთ. მათში არის რაღაც გაყინული და მკაცრი. სიყვარულშიც კი. ესეც ალბათ იმ ნაპრაღის ბრაღია, რომელიც ჩვენს შორის გაჩნდა. თუმცა, ამ დაბნეულობიდან თანდათან გამოუდივართ მგონი.

— ეროვნული ინტერესები რას ნიშნავს თქვენთვის?

— ძალიან ბევრს. ეს ისეთი კოღია თითოეულ ჩვენგანში ჩადებული, რომელიც შეიძლება მოულოდნელად ამოიფრქვეს და ისეთ დროს იჩინოს თავი, როცა სულ არ ეღი. პიესას, ქართულია ის თუ არაქართული, მე ყოველთვის საქართველოზე ვდგამ. ყოველთვის

ვცდილობ გამოვიდეს იმ სათქმელიდან, იმ პრობლემებიდან, იმ ტყვილებიდან, რომელიც ჩემს ერს აწუხებს.

— „არის თუ არა ქართული თეატრი ქართული?“

— თუ ქვეყანა ჯერ კიდევ საქართველოა, თეატრიც ქართული იქნება!.. თუმცა თეატრშიც არის რაღაცეები, როცა მიხარია, რომ ეს ქართულია; არის რაღაცეები, როცა მრცხვენია!..

— იყო ხორავას, ვერიკოს, გომიაშვილის, სესილიას მაყურებელი, ამჟამად არის საინფორმაციო გადაცემების, ტელეშოუების, „ფსიქოს“ მაყურებელი. სად არის თეატრის მაყურებელი?

— შეიძლება ახლა მართლაც შეთხელდა ეს ტალღა, მაგრამ მთლიანად იგი არასოდეს გაქრება. ეს გარდამავალი ეტაპია, ხალხს მობეზრდება პოლიტიკაც და ყველაფერი ის, რითაც ახლად გატაცებული. თეატრის უნიკალურობა ადამიანების უშუალო ურთიერთობაშია. ბუნებაში ამის მსგავსი არაფერი არსებობს. თეატრს ვერაფერი გაუწევს კონკურენციას.

— უკომპრომისობა რას ნიშნავს თქვენთვის?

— კომპრომისი ცუდია, მაგრამ თეატრი ის ადგილია, რომელიც წინასწარ გეკარნახობს კომპრომისს. იქ რომ მიხვალ, შენი ჩანაფიქრის 30 — 40 % მაინც თუ განახორციელებ, უნდა მიიჩნიო, რომ ეს დიდი შედეგია. რასაკვირველია, უნდა იყო შეუპოვარი, გამბედავი, მკაცრი და დაუნდობელიც კი ზოგ შემთხვევაში, მაგრამ!.. ხშირად მახსენდება მოლიერის მეფესთან გაგზავნილი წერილები, პარიზიდან წასვლა და დასსთან ერთად წლების მანძილზე პროვინციაში მოგზაურობა. ბულგაკოვს შესანიშნავად აქვს აღწერილი მისი დაბრუნება პარიზში. როგორ გააჩერა თავისი დასი სანამ პარიზში შევიდოდა, როგორ იდგა რამდენიმე საათი და ფიქრობდა — დაბრუნებულიყო თუ არა პარიზში?!.. ბოლოს გადაუჭირა მათრახი ცხენს და შევიდა იქ, საიდანაც ყოვლად უკადრისად იყო გაგდებული!..

ასეთ გიგანტებს, გენიოსებსაც კი თუ ამხელა კომპრომისზე წასვლა უწევდათ, რომ მთავარი გადაერჩინათ, ჩვენ ვინ ვართ?..

— ე. ი. მოლიერის კომპრომისმა მოლიერი გადაკვირჩინა?!..

— რასაკვირველია. ვფიქრობ, გააჩნია რისთვის მიდიხარ კომპრომისზე.

— თეატრი აწყმომი არსებული ხელოვნებაა. რეჟისორების, მსახიობების შემოქმედება თეატრმცოდნეების წყალობით „ძლებს“ დროში. თქვენ რას ფიქრობთ ამის თაობაზე?

— თეატრმცოდნეებს, რასაკვირველია, მნიშვნელოვანი ფუნქცია აკისრიათ. ისტორიებსაც წერენ და ცოცხალ პროცესებსაც ეხმაურებიან, იმას რა სჯობს, როდესაც შენი სპექტაკლის სწორ ანალიზს კითხულობ. რეჟისორს ძალიან ეხმარება ეს.

საერთოდ, ვფიქრობ, რომ ჩვენ ყველა ერთნი ვართ დრამატურგი, რეჟისორი, მსახიობი, კომპოზიტორი, მხატვარი, კრიტიკოსი, ყველანი ერთ ფუძეზე ვართ აღმოცენებული. ამათგან ერთი მხარეც თუ მოიკოჭლებს, ესე იგი, სადღაც, რომელიღაც კედელში ბზარია. ამიტომ, როცა ერთი მხარე ვითარდება, მეორეც კვალდაკვალ უნდა მიჰყვებოდეს.

ჩვენი თაობის თეატრმცოდნეები თითქოს უფრო ცოტაა, ან შეიძლება არ ჩანან; ჟურნალისტები კი რას წერენ და რას ითხოვენ, საერთოდ ვერ ვხედები. მარტო სპექტაკლის აზრს კი არა, ჩვენს ნათქვამსაც ისე ამახინჯებენ, მირჩვენია მათთან ურთიერთობა საერთოდ არ მქონდეს.

— ჩვენ წინაპრებს მიაჩნდათ რომ თეატრი ტაძარია?

— თეატრი ტაძარი არ არის და არც შეიძლება იყოს. თეატრი არის თეატრი!..

— თავის დროზე ილიას სიცოცხლეს ვერ გაუფრთხილდით დღეს თუ გვეულებათ ვინმე, ვის სიცოცხლესაც განსაკუთრებით უნდა გაუფრთხილდეთ?

— ვფიქრობ, ძალიან მნიშვნელოვანია ერს გააჩნდეს სამართლიანობის შეგრძნებისა და მოვლენების სწორად შეფასების უნარი. მე მეჩვენება, რომ ამ მხრივ მაინცდამაინც კარგად არ გვაქვს საქმე. თუმცა, რაღაც ძალა, მაცოცხლებელი ენერჯია მაინც იგრძნობა ხალხში. ის, რაც არ ვარგა და რომ არ უნდა შეეგუოს თითქოს ხედება, მაგრამ ვერ ხედება საით უნდა წაიყვანოს თავისი თაუი, ხსნა რაშია.

ილიას დროს, ილია მართლაც ყველაფერში იყო. ეტყობა ერს სჭირდება ასეთი ადამიანი. როცა არ ჰყავს, იგონებს მას და უფრო ხშირად ისეთს, არანაირ კრიტერიუმს რომ არ მიესადაგება. აქ ალბათ ის მომენტიც არის, გიჯობს ვიღაცა ამოიჩემო, ყველაფერი მას დააკისრო და შენ პასუხისმგებლობისაგან განთავისუფლდე.

ღღეს რომ ილია არ გვეყავს ცხადია, მაგრამ ვიღაცას თუ არა, რაღაცას ხომ მაინც უნდა გაეუფრთხილდეთ? მე ვფიქრობ, ერთადერთი, რასაც აუცილებლად უნდა გაეუფრთხილდეთ – სარწმუნოებაა!.. — რწმენას უნდა გაეუფრთხილდეთ!..

2004. IX.





## ლევან წულაძე

— ვინ ხართ თქვენ?

— ლევან წულაძე, რეჟისორი, ოცდათხუთმეტი წლის, მყავს მეუღლე — მანანა კაზაკოვა, მსახიობი. ქალიშვილი — თინათინი.

— სად და ვისთან ისწავლეთ?

— თეატრალურ ინსტიტუტში, სამსახიობო ფაკულტეტზე — ბ-ნ გიზო ჟორდანიასთან, მეოთხე. კურსიდან სარეჟისორო ფაკულტეტზე — ბ-ნ მიხეილ თუმანიშვილთან.

— იდეალი გყავთ?

— ფრანც კაფკა. თომას მანი. ყველაზე მეტად ალბათ პერმან ჰესე.

— სად მუშაობთ?

— თეატრალურ სარდაფში, რომლის ერთ-ერთი დამფუძნებელიც ვარ. სამი წელია არსებობს ჩვენი თეატრი.

— ბევრი სპექტაკლის დადგმა მოასწართ?

— ათი აუ თხუთმეტის.

— ხშირად თქვენი სპექტაკლის აფიშაზე ავტორი არ არის მითითებული, რატომ?

— რომელიმე პიესის, უფრო ზუსტად, მისი სიუჟეტური ხაზის ან სიტუაციების გამოყენებით, მე თავად ექმნი ახალ ნაწარმოებს და იმიტომ. თუმცა, არც ჩემს გეარს ვაწერ ხოლმე. პიესა საბოლოო

სახეს რეპეტიციებზე იღებს, ჩემი და მსახიობების ერთობლივი მუშაობით.

— „და ასე შემდეგ...“, აქაც იგუფე მოხდა?

— დიახ. ერთ-ერთი გერმანული ფილმიდან მეორე მოქმედების სიტუაცია გვაქვს გამოყენებული. სცენარი ეკუთვნის ახალგაზრდა გერმანელ მწერალს. იმის გამო, რომ რაღაცით მაინც ვისარგებლეთ მისი სცენარიდან, აფიშაზე მიეუთითეთ ამის შესახებ. თუმცა, იმ ფილმში, უფრო ვოლვეილური სიტუაციები და მსუბუქი თაეგადასვლებია. სოციალური სიმახვილე პიესამ ჩვენთან შეიძინა.

— ჩემთვის, ამ სპექტაკლში, ფასეული ის არის, რომ მძაფრ და უხერხულ რამეებზე, გაბედულად და დაუნდობლად, მაგრამ თანაგრძნობითა და ტკივილით ლაპარაკობთ.

— ძალიან მიხარია ამის მოსმენა, რადგან ვფიქრობ, რომ სვედიანი სპექტაკლი დაედგი და სულ მეშინია, სხვა ელფერი არ შეიძინოს. მაყურებლის რეაქციებმა, გადაჭარბებისკენ და თვითმიზნური სასაცილოსკენ არ უბიძგოს მსახიობებს. ზომიერების დარღვევის მეშინია, თორემ, სვედა, კომიზმისა და ირონიის გარეშე, პათეტიკური მგონია და ყოველთვის ვერიდები.

— თქვენს სპექტაკლში ისიც მზიბლავს, რომ იუმორი და ირონია ცინიზმში არ გადადის.

— დიდი მადლობა ეს რომ მითხარით, რადგან ცინიზმი არის სწორედ ის, რაც თეატრში არ უნდა იყოს. მე მგონია, თეატრი დღეს ადამიანებს გვერდში უნდა ედგეს. მინდა, რომ თეატრი დაეხმაროს ჩემს თანამემამულეებს, გადაატანინოს ის უბედურებები, რომელშიც ვცხოვრობთ. მინდა როგორმე გაეუადვილო არსებობა. მთავარია მიხედეს, რომ ამ გასაჭირში მარტო არ არის.

— ე.ი. იზიარებთ ჩვენი დიდი წინაპრების აზრს, რომ თეატრი ტაძარია, სადაც შეიძლება ნუგეში და შვება იგრძნოს ადამიანმა?

— რა თქმა უნდა. თეატრი სიკეთისთვის, გაუმჯობესებისთვის არის მოწოდებული. ხელოვნება სწორედ მშვენიერებას უნდა ემსახურებოდეს.

— დღეს, არტისტს შეუძლია გამორჩეული იყოს?

— ის დრო, როცა ქართველი არტისტები გაღმერთებულები იყვნენ, თითქოს წყვიდა, მაგრამ მსახიობები მაინც უყვართ. სწორედ ეს სიყვარული აძლებინებს მათ და არა მატერიალური ანაზღაურება.

და თუ ისინი დღესაც უყვართ, ე.ი. რჩეულებიც არიან და მართლებიც თავიანთ არჩევანში.

— თქვენს სპექტაკლში „და ასე შემდეგ...“ ორ, არც თუ მაინცდამაინც წარმტაც გმირს, მერი და ლამარა ჰქვია. დარწმუნებული ვარ, ამას ჩემს გასაჯავრებლად არ ჩაიდენდით! — რატომ მერი და ლამარა?!

— აქ სახელები არაფერს წყვეტს...

— შემთხვევითია?

— თითქმის.

— ვიფიქრე, რომ აზრი, სწორედ პოეტთაგან ამ ერთგვარი შარავენდედით შემოსილი სახელების დამიწებაში იყო. გალაკტიონის მერი, გრიგოლ რობაქიძის ლამარა... ივანე ჯავახიშვილი ასეთ რამეს წერს — „თავსართი „ლა“ ჩვეულებრივია სვანურში... რამდენად აუცილებელია სვანურში სახელარსებითისათვის თავსართი „ლა“, იმითაც საუცხოოდ მტკიცდება, რომ ებრაულ სახელს „მარიამ“-საც კი მიუმატეს და სვანურად ითქმის „ლამარია“, ე.ი. მარიამ ღვთისმშობელიო...“ თქვენ კი?!

— ამდენი არ მიფიქრია. არჩევანი იმან განაპირობა, რომ მინდოდა ისეთი სახელები ყოფილიყო — ჟღერადი!..

— კეთილი, მოდი ახლა „ფაუსტზე“ ვილაპარაკოთ. „ფაუსტი“ თოჯინებით, რატომ?

— წინასწარ თითქოს, არაფერი მქონდა დაგეგმილი. არსებობს მეთოჯინეთა კლუბი. იმ კლუბში რადენიმე ადამიანთან ვმგობრობ. სულ ვფიქრობდით ერთად რამის გაკეთებას. ერთხელაც, ჩვენს მეგობარს, „გერმანულ-ქართული საზოგადოებიდან“, შესაძლებლობა გაუჩნდა ცოტაოდენი თანხა მიეღო გერმანიის საელჩოში. წინასწარი დაკვეთა იყო — გოეთეს წელთან დაკავშირებით უნდა გაგვეკეთებია რამე. მაშინვე შევთანხმდით, რომ „ფაუსტს“ დაედგამდით. ჩემთან მსახიობები, რომლებიც თოჯინებს ათამაშებენ და ახმოვანებენ, დამალულები არ არიან. ყველაფერი ღიად, მაყურებლის თვალწინ ხდება. ამასთან გოეთეს ტექსტის სირთულე და ცოტა პათეტიკურობა, თოჯინების მეშვეობით, უფრო შერბილდა. აზრის აღქმაც გაადვილდა და, რაც მთავარია, თოჯინები უფრო მართლები არიან.

— რის თქმა გინდოდათ?

— ალბათ იმის, რაც ყოველ ადამიანს თუ არა, ყოველ ხელოვანს აწუხებს — ადამიანის ურთიერთობა შეუცნობელ ძალასთან, რომელიც სამყაროს შეცნობის სხვაგვარ გზას გთავაზობს. მეტნაკლები ცდუნების წინაშე ალბათ ყოველი ჩვენგანი მდგარა, როცა გვიფიქრია, რა ადვილია იმის დაუფლება, რაც გვინდა?!. სამწუხაროდ, ამას ბედნიერებასთან არ მიეყვართ. სპექტაკლი იმაზეა, თუ საბოლოოდ რამდენი ტკივილი და უბედურება მოაქვს ამას.

— კონფორმისტი არ ხართ?

— რაც ყველაზე მეტად არ მიყვარს ადამიანში, სიტუაციისადმი მორგებისკენ მიდრეკილება და უპრინციპობაა, რაც თან სდევს კონფორმიზმს.

— ცხოვრება გამუდმებული „არა“-ს თქმაა?

— მიზნისკენ გამუდმებული სწრაფვა, ბრძოლა და ხშირად დამარცხებაც. კონფორმისტები კი არასდროს მარცხდებიან, რადგან ყოველთვის შეუძლიათ მოხერხებული პოზიციის პოვნა.

მე კი დამარცხებული ადამიანიც მიყვარს, რომელიც დამარცხების მიუხედავად, მაინც ძლიერია. რბილი ხასიათის გამო, „არას“ იშვიათად ვამბობ, თუმცა პრინციპებს არ ვღალატობ.

— თქვენი თაობის სახე როგორია?

— ჩემი თაობა ფრთამოტეხილი იკარუსი მგონია. ის არის, ვისაც საბჭოეთის ოცნებებიდან თავისუფალ ცხოვრებაზე, რეალობამ ილუზიები დაუნგრია. ის იმედები გაუცრუა, რასაც ელოდა თავისი ერისაგან და საკუთარი თავისგანაც.

თუმცა, მაინც დარწმუნებული ვარ, შეეძლებოდა იმას, რომ ჩემი ბავშვობის ოცნებები ამიხდეს და ღირსეული ქვეყნის ამაყი შვილი ვიყო.

9.XI. 2000







## დათო საყვარელიძე

- დათო საყვარელიძე, რეჟისორი, დაბადებული?..
- 1970 წლის 21 მარტს. სუყო!..
- ეს რას ნიშნავს?
- არ ვიცი. ბავშვობიდან ასე მეძახიან!..
- მოგწონთ?
- ძალიან. ახლა ფსევდონიმად გამომადგება.
- შშობლები?
- მამა — იეიკო საყვარელიძე, ინჟინერი. კომუნისტების დროს ყოველთვის რომელიღაც ფაბრიკის ან ქარხნის დირექტორი იყო. თავადაც სპექტაკი კომუნისტი გახლდათ.
- და ყოველთვის ძალიან პოპულარული, არა?
- დიახ, თავისი სიმღერით. ჩვენი ოჯახი, უკვე ბაბუაჩემის დროიდან, ქართული სიმღერების საუკეთესო შესრულების დიდი ტრადიციებით იყო განთქმული. ბაბუა — დავით საყვარელიძე და ბებია — მიქელაძის ქალი, შესანიშნავად მღეროდნენ. ბებიაჩემის დისშვილია ნანი ბრეგვაძე. ბებიაჩემის ხუთი დისა და ერთი ძმის ოჯახებიც სიმღერის კულტითა და ქართული ტრადიციული ცხოვრების წესით იყო განთქმული. ჩემი ბავშვობის ფონიც ქართული სიმღერაა, რომლის ხმები დღემდე ბავშვობაში

მაბრუნებენ. დედას — ვერიკო ხითარიშვილს, უნივერსიტეტი აქვს დამთავრებული. ფრანგული ენის სპეციალისტია. თუმცა, იმის გამო, რომ მე და ჩემი ორი დის აღზრდას დიდ დროსა და ენერგიას ახმარდა, თითქმის მთლიანად მოწყდა თავის პროფესიულ საქმიანობას და ასე ვთქვათ, პროფესიონალი დიასახლისი გახდა!..

— ფრანგული ბავშობიდან იცით?

— არა, ფრანგული სუსტად ვიცი.

— დედას არ უჯერებდით?!

— პირიქით, ძალიან დამჯერი ბავშვი ვიყავი, მაგრამ ორიენტაცია რატომღაც უფრო ინგლისურის შესწავლაზე მქონდა. მეოცე საუკუნის სამოცდაათიან წლებში, საბჭოთა კავშირის მთელი ყურადღება ამერიკისკენ იყო მიქცეული და, ეტყობა, ჩემი აზროვნებაც ამერიკული და ინგლისური სამყაროს გავლენის ქვეშ მოექცა.

— ანუ ამერიკა იყო თქვენი ოცნების ქვეყანა?

— მე დღესაც ასე მგონია, რომ ამერიკა ძალიან მაგარია!.. შეიძლება ვცდები. მაგრამ ასე ვფიქრობ.

— ბავშვობა და სკოლა?

— ჯერ პლენხანოვზე, 23-ე საშუალო სკოლაში ვსწავლობდი. ჩემი პირველი პედაგოგი იყო შესანიშნავი ქალბატონი დუშა სანიკიძე. მსახიობ ჟანრი ლოლაშვილის დედა. შემდეგ ვერაზე 53-ე საშუალო სკოლაში გადავედი. სკოლა დაეამთავრე 1987 წ. რადგან დაბადებიდან ქართული სიმღერის საოცარი პანგების თანხლებით ვიზრდებოდი, მუსიკა დღემდე ჩემი განუყრელი თანამგზავრია. როგორც წესი, ყოველ დაბადების დღეს რომელიმე ახალ ინსტრუმენტს მჩუქნიდნენ და მეც სიამოვნებით ვსწავლობდი მათზე დაკვრას. ამის გამო ხალხური საკრავებიდან დაწყებული, ყველა ინსტრუმენტზე ვუკრავ. ისეთ რთულ ინსტრუმენტზეც კი, როგორც ვიოლინოა.

— თეატრი როდის აღმოაჩინეთ?

— ეს როგორღაც თავისთავად მოხდა. ერთხელაც მივხედი, რომ ძალიან ვიყავი გატაცებული ანტიკური დრამატურგიით!.. სკოლაში, გაკვეთილის დროს, ჩუმად ვკითხულობდი ხოლმე სოფოკლესა და ევრიპიდეს ტრაგედიებს?!. შემდეგ კი მათში აღწერილი ცხოვრების სურათებს წარმოსახვაში ვაცოცხლებდი. ამ დროს მე არქეოლოგიც ვიყავი და არქიტექტორიც.

არ ვიცი რატომ დაეიწყე მაინცდამაინც ანტიკური დრამატურგიით. თუმცა, მალე მიეხვედი, რომ თეატრის განვითარების შემდგომი პერიოდებიც არანაკლებ საინტერესო იყო. გამუდმებით ვფიქრობდი წაკითხულ პიესებში აღწერილი სურათების სივრცეში განლაგებაზე. თანდათან აღმოვაჩინე შექსპირის გენიალური სამყარო!.. ჩეხოვი!.. ბრეხტი!.. ბეკეტი!.. და ასე მოვედი დღევანდლამდე. ამჟამად ყველაზე შეტად თანამედროვე ფრანგული დრამატურგია მიტაცებს.

— სად სწავლობდით და როდის?

— თეატრალურ ინსტიტუტში 1990 წელს მოხვედი. თავიდან ტელესარეჟისორო ფაკულტეტზე ჩაებარე, რადგან იმ წელიწადს დრამის რეჟისურის ფაკულტეტზე მიღება არ იყო. სპეციალობას ბატონი ნუგზარ ლორთქიფანიძე მასწავლიდა. მართალია, მასთან ძალიან ცოტა ხანს ვიყავი, მაგრამ ბევრი რამ მომცა. არაჩვეულებრივი სიფაქიზით მიეყავდით პროფესიის შემეცნების გზაზე. ის, რაც მანამდე, რატომღაც, რაღაც უხეში და ექსტრაეგანტური მეგონა, მისი წყალობით მიეხვედი, რომ ძალზე სათუთი რამ იყო.

ბატონი ნუგზარ ლორთქიფანიძის შემდეგ, ჩვენს ჯგუფში ბატონი თემურ ჩხეიძე შემოვიდა. უფრო ზუსტად, სულ რამდენიმე შეხვედრა გვექონდა, მაგრამ ჩვენთვის მნიშვნელოვანი. მანაც მალე დაგვეტოვა, რადგან უმაღლესი საბჭოს დეპუტატი გახდა. ამით მე ნაკლებად დაეზარაღდი, რადგან პარალელურად ბატონ მიხეილ თუმანიშვილის ლექციებზე დავდიოდი სხვა კურსზე. ერთი წლის შემდეგ კი, როცა ახალი ჯგუფი აიყვანა, მთლიანად მასთან გადავედი. კარგი ჯგუფი იყო. დღეს, ყველა ჩემი თანაჯგუფელი თეატრშია — დათო დოიაშვილი, გიორგი სიხარულიძე, დათო მღებრიშვილი, გურანდა იაშვილი, თორნიკე მარჯანიშვილი. დღემდე ვმეგობრობთ და ვფიქრობ, ძალიან ვამდიდრებთ ერთმანეთს.

1992 წლის გაზაფხულზე, მეორე კურსზე ვიყავით, დათო დოიაშვილის ინიციატივით და დამსახურებით, იტალიაში რომ წავედით და სამი თვე დაეყავით მე და დათომ იქ. მაშინ ძველი კავშირები ჯერ კიდევ არსებობდა და რუსეთის საელჩო დაგვეხმარა, რათა რომისა და მილანის თეატრებს გავცნობოდით. ვნახეთ სპექტაკლები, გავეცანით მათ სტრუქტურას, შევისწუღეთ სარეპერტუარო პოლიტიკა. რაც მთავარია, შეხვედით გენიალურ

ხელოვანს, „პიკოლო-ტეატროს“ ერთ-ერთ დამაარსებელს, ჯორჯო სტრელერს. იმ დროს ახლადშენებულ სტუდიაში ვნახეთ იგი, სადაც თეატრალიზებულ საპირველმანისო დემონსტრაციის ორგანიზებაზე მუშაობდა. არაჩვეულებრივად დიდ ზემოქმედებას ახდენდა. თუმცა, ერთი შეხედვით, შეიძლება გეფიქრათ, რომ ეს არის გიჟი, რომლისთვისაც იტალიური თეატრის ბედი მიუნდიათ!.. რომელიც ქმნის ამ თეატრის სახეს და წარმართავს არა მხოლოდ დრამატიულ თეატრებს, ოპერასაც!.. სინამდვილეში ეს იყო პიროვნება, რომელიც თავის თავში დიდ ლიტერატურას ატარებდა. უფრო მეტიც, მთელს იტალიურ კლასიკურ ხელოვნებას. მის გემოვნებაში, თეატრალურ აზროვნებაში შერწყმული იყო შუასაუკუნეები, აღორძინება და თანამედროვეობა. ეს იყო ამ უდიდესი კულტურით მოცული დიდი პოეტი. ყოველ შემთხვევაში, თავი ასე ეჭირა და მე ეს მჯეროდა. თითქმის ყველა მისი სპექტაკლი მაქვს ნანახი და ისინი ჩემთვის დღემდე რჩებიან ამოცნობის, განსჯის, ანალიზისა და შესწავლის საგნად.

სადიპლომოდ დასადგმელი პიესაც კარლო გოლდონის „საპატარძლო აფიშით“, ჯორჯო სტრელერისა და იტალიური კულტურის გავლენით ავირჩიე. იგი თავის დროზე დიმიტრი ალექსიძეს ჰქონდა დადგმული რუსთაველის თეატრში და როგორც ბატონი მიშასგან ვიცოდი — დიდი წარმატებითაც. მე რუსულ მოზარდმაყურებელთა თეატრში დავდგი.

ჯორჯო სტრელერის მეშვეობით გავიცანი... ბატონი რობერტ სტურუაც! — მან დიდი მოკითხვა დამაბარა სტურუასთან და ეს მოკითხვა მას ესპანეთში გადაეცა! — იტალიის შემდეგ, იმავე წლის ზაფხულში, იმ დროს აღმოჩნდი სვეილიაში, როდესაც იქ რუსთაველის თეატრი იმყოფებოდა გასტროლებზე. ბატონი რობერტი იქ ვნახე პირველად და იმდროინდელი შთაბეჭდილება დღემდე არ გამწვანდება. რობერტ სტურუა საზღვარგარეთ?!.. ეს სხვა ადამიანია!.. სასწაულია!.. მას შეუძლია გასაოცარი დღესასწაულებით შეგიძღვეს იქაურ სამყაროში და იმ არაჩვეულებრივ სიკეთებს გაზიაროს, რომელსაც ასე კარგად იცნობს.

ესპანეთის შემდეგ ბატონ რობერტთან კიდევ უფრო დაახლოება იმ დროს მოხდა, როცა იგი „სეჩუანელ კეთილ ადამიანზე“ მუშაობდა. მე რეპეტიციებს ვესწრებოდი. ინსტიტუტი ჯერ არ

მქონდა დამთავრებული, მაგრამ მე უკვე ვიყავი იქ მიმდინარე ამბების ერთ-ერთი მონაწილე.

რუსთაველის თეატრში ჩემი პირველი სპექტაკლი იყო ებრაელი დრამატურგის ნანოხ ლევინის ძალიან საინტერესო პიესა „პირდაღებული“. ლევინი ისრაელში გაეცანი. ისიც მაგარი გიჟი იყო!.. სამწუხაროდ, ამ რამდენიმე ხნის წინ გარდაიცვალა. შემდეგი პიესა იყო ედუარდ ბონდის „ვიწრო ბილიკი ჩრდილოეთისაკენ“. ბატონ რობერტთან ერთად კი კარლო გოცის „ქალი გველის“ დადგმაზე ვიმუშავე. ეს სპექტაკლი იმიტაც არის მნიშვნელოვანი, რომ მასში გამოყენებულია ჩემი მუსიკა, ჩემივე შესრულებით. საერთოდ, უნდა გითხრათ, რომ მე ამ მიმართულებითაც ძალიან ბევრს ვმუშაობ. სხვადასხვა თეატრის ოცდაათამდე სპექტაკლისთვის მაქვს მუსიკა დაწერილი. ისეთებისთვისაც, როგორიც იყო, მაგალითად, დათო დოიაშვილის გახმაურებული წარმოდგენა „ცხოვრება ილიოტისა“.

„ქალი გველის“ მერე სარდაფში გადაინაცვლე და იქ დაუდგი ლაშა ბულაძის პიესა „ოთარი“. რაც მთავარია, ამ დროისათვის მე აღმოვაჩინე, რომ მთელი თაობები ორი დიდი რეჟისორის, ორი მონსტრის — თემურ ჩხეიძისა და რობერტ სტურუას გაულენის ქვეშ ვიყავით მოქცეულები!.. არა მხოლოდ რეჟისორები, დრამატურგები, მსახიობები, მხატვრები, კომპოზიტორები მთლიანად ამ ორი პოლუსიდან გამომდინარე მოქმედებდა. ჩემმა თაობამ კი მგონი ისიც აღარ იცოდა, საერთოდ თუ შეიძლებოდა სხვაგვარად დადგმა?! ეს ერთგვარი „საბჭოთა კაუშირი“ ამ დიდმა რეჟისორებმა რომ შექმნეს, რასაკვირველია, ერთის მხრივ ცუდი არ იყო, მაგრამ მეორე მხრივ ძალიან ცუდად მოქმედებდა, რადგან არანაირ გასაქანს აღარ აძლევდა დამოუკიდებელი აზროვნების განვითარებას, ახალი სამეცნიერო ენის ძიებას.

მე ეს კარგად ვიცი, რადგან სხვადასხვა თეატრებში ბევრს ვმუშაობ და კარგად ვხედავ სტურუას სპექტაკლებიდან ლამის მთელი სცენები აქეთ გადატანილი!..

როდესაც ყველაფერი ეს გავიაზრე, მოეხედი რომ აუცილებლად უნდა მეძებნა ამისგან თავის დაღწევის გზები, რაც ძალიან ძნელი აღმოჩნდა. მიუხედავად იმისა რომ ყოველნაირად ეცდილობ სხვაგვარად ვიაზროვნო, ვგრძნობ, გავლენისაგან თავისუფალი მაინც არ ვარ.

ლაშა ბულაძის პიესის არჩევანიც ამან განაპირობა. მინდოდა ჩემი სამეტყველო ენა ახალგაზრდულ სიტყვაზე, ახლებურ აზროვნებაზე აღმოცენებულიყო. მინდა ვთქვა ისიც, რომ ლაშას სახელმა სწორედ ჩემი სპექტაკლის შემდეგ დაიწყო მზარდი პოპულარობა. თავად სპექტაკლის შესახებ კი რობერტ სტურუას რომ ჰკითხოთ, დღესაც გეტყვით — ასეთი ძლიერი სპექტაკლი არ მაქვს ნანახიო!.. კითხეთ რა?

— აუცილებლად. მანამდე იქნებ მითხრათ, რა მოგცათ თეატრალურმა ინსტიტუტმა?

— ყველაფერი. იქ სწავლის წლები ჩემთვის საუკეთესო, არაჩეულებრივი, ზღაპრული მოგონებაა. მე ხომ თუმანიშვილის მოწაფე ვიყავი?! მისგან ვისწავლე ჩემი შინაგანი სამყაროს, განცდებისა და ფიქრების გრამატიკულად სწორად გადმოცემა. მაზიარა რეჟისურის მართლწერის წესებს. სამწუხაროდ, იგი აღარ არის. იმისათვის კი, რომ ახალი თუმანიშვილი გაჩნდეს, დროა საჭირო.

— ოპერას როდის დაუკავშირდით?

— ბავშვობიდან. მიღებული მუსიკალური განათლების გამო, ძალიან ძალე მივხვდი, რომ საოპერო ხელოვნება იყო ჩემი მომავალი. ოპერის თეატრში კი ბატონმა ჯანსუღ კახიძემ მიმიყვანა 1998 წელს და თავისთან ერთად მამუშავა — ოპერის „სოფლის ღირსების“ დადგმაზე. „სოფლის ღირსება“ და არა „სოფლის პატიოსნება“ როგორც ხშირად წერენ ხოლმე.

დამოუკიდებლად კი კონსერვატორიის დიდ სცენაზე განვახორციელე ჯაკობო პერის დრამა მუსიკისათვის „ვერიდიკე“. ამ დადგმამ ახალი თაობის მომღერლების დიდი გაერთიანება გამოიწვია.

იმავე 1998 წლიდან, ორი წლის განმავლობაში სტაჟირებას ვაედიოდი ინგლისის ნაციონალურ თეატრში. თან უამრავ პატარ — პატარა დადგმებს ვახორციელებდი. მათგან ყველაზე მნიშვნელოვნად მიმაჩნია სპექტაკლი, რომელიც საფრანგეთის საელჩოს დახმარებით დავდგი. ეს იყო თანამედროვე ევროპული სამყაროსთვის ძალიან ცნობილი დრამატურგი ქალის, ლიტერატურაში ერთგვარი მიმართულების — ტროპიზმის შემქნელის, ნატალი საროტის პიესა — „ის არის აქ.“ პიესა არის აზრზე, რომელიც სადღაც აქ, ჩვენთან ახლოს იმყოფება. ხშირად

ჩვენგან დამოუკიდებლადაც, თუმცა რადგან არის, გრძნობ და გაწუხებს კიდეც!.. მაგალითად, ვაჩერებ ტაქსს, ეჯდები და მძღოლს გარკვეულ ადგილზე წაყვანას ეთხოვ, თან ყველაფერს ამას ისე ვაკეთებ, რომ მან იფიქროს — მე ზედმიწევნით წესიერი ადამიანი ვარ. გარკვეულწილად, ისე, რომ თავადაც არ აქვს გაცნობიერებული, ისიც ისე იქცევა, რომ არც მე ვიფიქრო თითქოს გასაძარცვავად აპირებდეს ჩემს გატაცებას!.. ერთი სიტყვით, ჩვენს შორის უმჭიდროესი ურთიერთობა მყარდება!..

— ანუ არასიტყვიერი ენით უწყვეტი და მძაფრი დიალოგი გაქვთ ერთმანეთთან?

— დიახ, ეს ასე ვოქვით, ერთგვარი ჭადრაკის თამაშივითაა, რადგან სულ ისეთი სვლები უნდა ვაკეთო, რაც იმ სხვას ამა თუ იმ აზრში დაარწმუნებს. აზრში, რომელიც აქ არის!..

— წარმატებული იყო თქვენი სპექტაკლი?

— ვფიქრობ, დიახ. ქართველ მსახიობებთან ერთად თამაშობდა საფრანგეთიდან სპეციალურად ამ სპექტაკლისათვის მოწვეული, იქ აშუამად ძალიან ცნობილი მსახიობი ქალი ნატალი რიშარი. სპექტაკლი სამეფო უბნის თეატრში დაედგი, რადგან მიმაჩნია, რომ ექსპერიმენტისათვის იქ ფანტასტიკური თეატრალური სიერცვა. რუსთაველის თეატრისაგან განსხვავებით, რომელიც ძალაუნებურად ტრადიციული აზროვნების ჩარჩოებში გაქცევს, სამეფო უბნის თეატრში მეტი თავისუფლება მქონდა. სიერცის ცვალებადობა ქცევის კანონებსაც ცვლის. ამ პიესაზე მუშაობამ ისიც მიმახვედრა, რომ თუ გინდა დღეს მიხვდე ხუთი წლის შემდეგ მსოფლიოში რა გაბატონდება. პარიზთან კონტაქტი არ უნდა გაწყვიტო.

— ე. ი. შეცდით, როცა ბუშეობაში უარი თქვით „დედათქვენის“ ენაზე?

— ახლა ხომ დაეუბრუნდი?!

— არისტოტელური-არაარისტოტელური, ილუზიური-ანტიილუზიური და საერთოდ, რაც არ უნდა დავარქვათ, საბოლოოდ მაინც განცდასა და წარმოსახვასთან მიედოვართ, თქვენ როგორი თეატრის მომხრე ხართ?

— მე ავტორისა და პიესის სამყაროს გადმომცემი ვარ. ამიტომ ეს ჩემგან კი არაა, ავტორისაგან უფროა დამოკიდებული. თეატრის საშუალებით ვეძებ ჭეშმარიტებას. ამ გზაზე გრძნობაც არის და

გონებაც. ამიტომ მჭირდება მსახიობი, რომელიც ამიხსნის რატომ განიცდის ამ თუ იმ ამბავს. პიესას ისე ვერ ავიღებ, თუ არ განვიცადე იგი. მსახიობისაგან კი ვითხოვ რომ გამიგოს, ჩაწედეს, ჩემში პიესით გამოწვეულ განცდებს, ტკივილებს და გადმოსცეს იგი.

— როგორ ირჩევთ პიესას?

— არასოდეს მოვიკიდებ ხელს პიესას მხოლოდ იმიტომ, რომ დიდი დრამატურგის სახელის ზურგს ამოვეფარო და მისი სახელით გავიტანო თავი. თუ პიესა არ შემეიყვარდა, მგონია რეჟისორიც არ ვარ. მაგრამ საკმარისია წავიკითხო ნაწარმოები და მომეწონოს, მნიშვნელობა აღარ აქვს, დრამატულია იგი თუ არა. ასე დამემართა, მაგალითად, აკა მორჩილაძის მოთხრობაზე „წიგნი და ფრიდონიანა.“ მას არანაირად არა აქვს პიესის სტრუქტურა, მაგრამ ერთი წელია მისი დადგმის სურვილს დაეატარებ. ამ წუთში დარწმუნებული ვარ, რომ ჩემზე კარგად ეს მოთხრობა არაფერს იცის. ჩემთვის მასში მთავარი, ღირებულებების ძიებაა.. საჭიროა ახალი ღირებულებების დამკვიდრება, რომელსაც ჭეშმარიტების ძიების გზით უნდა მივაკვლიოთ.

— კინომსახიობის თეატრში დადგმულ მოლიერის „ტარტიუფში“ რა იყო მთავარი თქვენთვის?

— საერთოდ, ძალიან მინდოდა დამედგა სპექტაკლი ჩემი პედაგოგის მიხეილ თუმანიშვილის მიერ დაარსებულ თეატრში. განსაკუთრებით „ტარტიუფზე“ ვფიქრობდი. ბატონი მიშას „ღონ ჟუანის“ შემდეგ, მოლიერს ამ თეატრში დიდი ტრადიცია აქვს. ვფიქრობ, ამ სპექტაკლის დადგმით ჩემი პატივისცემა და მაღლიერება გამოხატე ბატონი მიშას პიროვნების მიმართ და ის სიყვარულიც, რომელიც მან თავისი თავისა და თეატრის მიმართ ჩამინერგა.

ძალიან ვეცადე არაფერი შემშლოდა, არ დამერღვია და არ ავცდნოდი იმ ნორმებს, რომელსაც ის მასწავლიდა. არანაირი შეღავათი არ გამიკეთებია ჩემი თავისათვის. ამჟამად კი ის შეგრძნება მაქვს, რომ ვინც ამ სპექტაკლს ნახავს, ვერც წარმოიდგენს სხვაგვარი თუ შეიძლება იყოს „ტარტიუფი“ — და იცით რატომ? — იმიტომ, რომ ყოველთვის ვცდილობ ესა თუ ის პიესა ისეთი კუთხით წარმოუჩინო მაყურებელს — ჩემით კი არა, ავტორით აღფრთოვანდნენ ისე, როგორც მე ვარ აღფრთოვანებული მისით; ანდა პირიქით — ჩემსავით შეწუხდნენ.



„ტარტიუფში“ შემაწუხა იმან, როგორ შეძერა ოჯახში საზიზღარი ვირუსი და დაიწყო იმის ნგრევა, რაც ქვეყნის სიწმინდე უნდა იყოს. ყველაფერი ოჯახიდან იწყება. არსებობენ ოჯახები, რომლებიც ძალიან კარგი, ჯანსაღი ცხოვრების წესით ცხოვრობენ და ძალიან საყვარლები არიან. ჩემთვის ქვეყნის სიძლიერის დასაყრდენად სწორედ ასეთი ოჯახები მოიაზრებიან. ეს ალბათ ჩემი ბავშვობის, ბედნიერი და ნათელი მოგონებების ხატია, რომელსაც სიცრუის და თანაც, სიცრუის რაღაც ახალი სახე, განადგურებით ემუქრება!.. თუმცა რეჟისორს რა ჩანაფიქრიც არ უნდა აქონდეს, ხორცშესხმის დროს რაღაც სახეცვლილებები მაინც ხდება. მაგალითად, ძალიან მინდოდა მსახიობებს თეთრი ლექსით რომ ესაუბრათ. ვერ მოვალწიე.

— რატომ?

— მე ამას მიხეილ თუმანიშვილის სკოლისადმი მსახიობების დიდ ერთგულებას ვაბრალებ!.. ლიტერატურულ ტექსტზე მუშაობის დროს, მე და ქალბატონმა ლილი ფოფხაძემ დიდი ენერჯია დაუხარჯეთ იმაზე, რომ თითოეული ფრაზისათვის მუსიკალურობა შეგვენარჩუნებია. რეპეტიციის დროსაც გამუდმებით ჩაუვაგონებდი — მე ვლგამ ოპერას!.. ყოველ სიტყვას თავისი მუსიკალობა ახასიათებს და მინდა, რომ იგი შეიგრძნოთ და გადმოსცეთ-მეთქი!. მუსიკალობა, რომელიც მაღალი წრის საზოგადოებისათვის დამახასიათებელ ინტონაციებს შეიცავს. მათ კი აიღეს და თითოეული ფრაზა დაამიწეს, ამის შედეგად კი მივიღეთ, რომ ერთმა ბურჟუაზიულმა ოჯახმა მოინდომა იმაზე მაღლა მდგომად წარმოეჩინა თავი, ვიდრე სინამდვილეშია?!. თუმცა, ყველაფრის მიუხედავად მე მაინც ძალიან კმაყოფილი ვარ მათთან მუშაობით მგონია, უდიდესი გამოცდა ჩაუბარე! წარმოიდგინეთ, რომ თორმეტ მიხეილ თუმანიშვილს ვესაუბრებოდი ერთდროულად?! — თითოეული დეტალის ახსნისას მათი მოჯადოება მიწვედა, რათა იმაში დამერწმუნებია რაც მინდოდა. ურთულესი ხალხია. ისინი მსახიობები კი არა, ფაქტობრივად, რეჟისორები არიან.

მათგან მეც ბევრი ვისწავლე. დამანახეს თუმანიშვილის სიღრმე, სადამდე ჩავიდა იგი მათ ცნობიერებაში, რა კვალი დააჩნია ქართულ თეატრს მთლიანად. იმის რწმენა შემიძინეს, რომ ამიერიდან არც ერთ მსახიობთან შეხვედრის აღარ შემიძინდეს.

— ე. ი. გარკვეული სკოლა თქვენც გაიარეთ?

— ძალიან დიდი. თუმცა მათი ბოლომდე გადმობირება მაინც ვერ შევძელი. თუმანიშვილის შემდეგ, რასაკვირველია, ძნელი იქნებოდა იმაში დარწმუნება, რომ ჩემი თეატრალური ხედვა მასზე საინტერესოა!.. ეს თავიდანვე წაგებული თამაში იყო, მაგრამ მე მაინც ვცადე ჩემი სულიერი სამყარო გამეხსნა მათთვის, მათ ეს დაინახეს, მაგრამ...

— კარები არ გაუღდეს?

— არ ჭირდებოდათ! ალბათ მიიჩნიეს, რომ... თუმცა, რომლებმაც მიიჩნიეს, ყველაზე კარგად ისინი თამაშობენ!..

— საიდუმლოდ ხომ ვერ გამიმხელთ ვინ არიან ისინი?

— ნახეთ სპექტაკლი და მიხვდებით. ვისაც შეამჩნევთ, რაღაც „ობრაზს“ თამაშობს, ის ჩემი არ იქნება. რაც შეეხება ტარტიუფს

— გიორგი ნაკაშიძეს, იგი ჩემი მეგობარია, ერთად ვსწავლობდით და ერთ ენაზე ვმეტყველებთ.

— თქვენ მიგაჩნიათ, რომ რუჟისორს თავის დასი, თავისი მსახიობები უნდა ჰყავდეს?

— რა თქმა უნდა. თუ გინდა რაღაც სერიოზული შექმნა და არა ჩვეულებრივი სარეპერტუარო სპექტაკლი. საზღვარგარეთ ჯერ მსახიობთა ჯგუფი იკრიბება და მერე იწვევენ მათთვის საინტერესო რუჟისორს. აქ კი მე თავად მივიწვიე ჩემი თავი!.. იმიტომ, რომ ჩვენთან არაუვის არაფერი არ აინტერესებს. რუსთაველის თეატრის მსახიობები სხვა თეატრის სპექტაკლებს არც ნახულობენ. მთელი მათი მოწადინება სტურუას სპექტაკლში მოხვედრისკენ არის მიმართული!..

— როგორ ფიქრობთ, კინომსახიობის თეატრში გაჩნდა თქვენდამი ინტერესი?

— იმისათვის, რომ ამა თუ იმ დასში შენი სამეტყველო ენა დაამკვიდრო, ჯერ მათი გამოცდილების, ცოდნის, მათი სკოლის მსხვერვეაა საჭირო, ანატოლი ვასილიევმა ერთხელ თქვა — მე სტუდენტებთან კი არა, მსახიობებთან ვმუშაობ და პირველი ორი თვე ყველანაირ წარმოდგენას ეუნგრევ თეატრზე, რათა შემდეგ ჩემი ხედვა დაგამკვიდრო!.. შენი ხედვის დამკვიდრება საკმაოდ რთული და გრძელვადიანი პროცესია. თუმცა, დარწმუნებული ვარ, იქ პიესის დადგმა კიდევ რომ გადაეწყვიტო, სუყოსთან თამაში

მთელ დასს მოუნდება. ასეა, სადაც მივდივარ სუყოს ვირუსს ეტოვებ!..

— თეატრი რეჟისორისაა თუ მსახიობის?

— თეატრი ორივეს კუთვნილებაა. და არა მარტო მათი, იგი ასევე ეკუთვნის გამნათებელს, კაპელდინერს, დარაჯს... მე, როგორც რეჟისორს, საოცრად მამდიდრებს თითოეული მათგანის ბუნება. რობიკო სტურუას სწამებენ ხოლმე თითქოს მისი თეატრი მხოლოდ რეჟისორისაა. თითქოს მას მსახიობები არ უყვარდეს?!. ამაში ვინ დამარწმუნებს?!. სტურუას გაცილებით მეტად უყვარს მსახიობი, ვიდრე, რომელიც გნებავთ სხვა რომელიმე რეჟისორს, ანდა მათ, ვინც ასეთ ცილს სწამებს. მსახიობები სწორედ იმ რეჟისორებს არ უყვართ, ათას საშინელებას რომ აკეთებინებენ მათ და არც კი ეცოდებათ. სინამდვილე ეს არის.

— თქვენი პროფესიის მთავარი სირთულე?

— გაუნათლებლობა, უგემოვნება და ამბიციურობა. ყველა სირთულეს უმეტრება ქმნის. იგი ადამიანს ღუპავს.

— იმ ფულის გამო „სამშობლოს“ დასადგმელად რომ იყო საჭირო, ქართული სცენის ერთ-ერთი სიამაყე ვასო აბაშიძე მუხრან ბატონის გასაცინებლად „შეზტა და შემობზრიალდა“. თქვენ თუ ხართ მზად ღირსება შეწიროთ ქართულ თეატრს?

— ამ ფაქტში მე მუხრან ბატონის ღირსების აყრას უფრო ვხედავ! ვასო აბაშიძე, თავისი საქციელით უმაღლეს ღირებულებებს ემსახურებოდა. იმისათვის კი, რაც ჩემთვის ღირებულია, თავს გაეწირავ.

— მარჯვანიშვილს მიაჩნდა — „თეატრის დანიშნულება უბრალოა, მიანიჭოს ადამიანს სიხარული, შთაბეროს მას მხნეობა!“. თქვენ როგორ ფიქრობთ?

— ეს რაღაც ცოტა კომუნისტურია!.. თეატრი თუ მარტო გართობად იქცა, ყოველგვარი ძალა გამოეცლება. თეატრი ჩემთვის არის საფეხური, გზა სულიერებისა და ჭეშმარიტების შეძენებისათვის.

— ყველაფერთან ერთად, როგორც ვიცი, ორგანიზაციულ საკმიანობასაც კარგად ართმევთ თავს?

— ჩემი თაობა იმ სიტუაციაში აღმოჩნდა, რომ იძულებული ვართ დადგმის ფინანსურ-ორგანიზაციული მხარე, მთლიანად ჩვენვე მოვაგეაროთ. ამან მაიძულა ჩემს თაუში ეს ნიჭიც აღმომეჩინა და აღმეზარდა. თანაც, ყოველთვის მიყვარდა სამუშაო პროცესის

ორგანიზება. დღეს, როცა აღარ არის თეატრის მუშაობის კომუნისტებისდროინდელი არაჩვეულებრივად აწყობილი სისტემა, ჩემი ეს უნარი ძალიან გამომადლა. რაზეც დღეს ჩვენ გვიწევს ფიქრი, საბჭოთა პერიოდის რეჟისორებს საერთოდ არ ეხებოდათ. ვის მოუვიდოდა აზრად, რომ რობიკო სტურუა ან თემურ ჩხეიძე მაღაზიებში გაეშვათ ქსოვილების ან სხვა საჭირო ნივთების საყიდლად?!. რეჟისორებს სპექტაკლის დადგმის გარდა არაფერი ეკითხებოდათ. ამჟამად, როცა თეატრში მივდივარ, თეატრის დირექტორი ამ სიტყვებით მხვდება — დაგადგმევენებ სპექტაკლს თუ დადგმისთვის საჭირო ფულს მოიტანო! — ფულის შოვნა კი ჯოჯოხეთურად ძნელია. თავი უნდა დაიმცირო და ეხვეწო ადამიანებს, რომლებსაც საერთოდ არ აინტერესებთ თეატრი!.. ყველაფერმა ამან მაიძულა სამენეჯერო საქმიანობის პროფესიული ცოდნა შეემქინა. დღეს პროფესიონალი მენეჯერიც ვარ. მაგალითად, ახლახანს მოვაშხადე პროექტი ოპერის რეფორმის შესახებ. ვფიქრობ გაიმარჯვებს, რადგან ამ მიმართულებითაც მაქვს სტაჟირება გაეღილი, ინგლისის ნაციონალურ ოპერასა და მილანის „ლა სკალაში.“

— პროექტი თუ გაიმარჯვებს, თქვენ ოპერის სამხატვრო ხელმძღვანელი გახდებით თუ?...

— ალბათ უფრო გენერალური დირექტორი ან პრეზიდენტი.

— თუ შეიძლება თქვენ მიერ ჩამოყალიბებულ კავკასიურ თეატრალურ ლაბორატორიაზე ისაუბრეთ?

— 1998 წელს თეატრმცოდნე ლევან ხეთაგურმა ინგლისელი დრამატურგები ჩამოიყვანა სტუმრად. ჩავატარეთ ერთობლივი ღონისძიებები, დავიწყეთ თანამშრომლობა და თანდათან განმიმტკიცდა აზრი, რომ მომავალი ახალ დრამატურგიას აქვს. ინგლისის თეატრების რეპერტუარის ოთხმოცდაათი პროცენტი თანამედროვე დრამატურგების პიესებს უჭირავთ. კლასიკას თითქმის აღარავენ დგამს. კლასიკური პიესების დადგმის ფუფუნების უფლება მხოლოდ ისეთი ზებუნებრივი სახელის მქონე რეჟისორებს შეიძლება მიეცეთ, როგორებიც არიან თემურ ჩხეიძე და რობერტ სტურუა..

— ანუ ახალგაზრდა ინგლისელ დრამატურგებთან ურთიერთობამ მიგიყვანათ დასკვნამდე, რომ?..

— რომ საჭირო იყო ორგანიზებული დაპირისპირება ირგვლივ გამეფებულ ქაოსსა და გულგრილობასთან. ამის გამო შეექმნით

კავკასიური თეატრალური ლაბორატორია, რომელიც აერთიანებს ქალაქებს — თბილისს, ბაქოს, ერევანს. ფართო ურთიერთობები გვაქვს ჩეჩნებთანაც.

ჩვენი ერთ-ერთი ფუნქციაა პოპულარიზაცია გავუწიოთ, როგორც ჩვენს თანამედროვე დრამატურგებს საზღვარგარეთ, ისე უცხოელ დრამატურგებს ჩვენთან. ჩვენი მუშაობის შედეგად, ბევრი ქართველი დრამატურგის პიესა იდგმება საზღვარგარეთ. ამის გარდა, ყოველ წელს გამოცემთ პიესების კრებულს და ა. შ.

— წიგნად გამოცემულ ლაშა ბუღაძის პიესის „ის სკამი და ეს საწოლი“, წინასიტყვაობაში თქვენ წერთ — „ვეძებთ, ვეძებთ იმ მხატვრულ ენას, რომლითაც ჩვენი თაობა ალაპარაკდება, რომელიც თავის მხრივ მოგვაძებნინებს ახალ თეატრალურ ფორმებს“. მიაგენით?

— მე აღმოვაჩინე, რომ თანამედროვე დრამატურგები რეჟისორულად აზროვნებენ, თავად გეკარნახობენ დადგმის ხერხებს. ლაშა ბუღაძის ლიტერატურული ენა, ჩემი თაობის სამეტყველო ენად მიმაჩნია, ძალიან მხიბლავს იგი თავისი სლენგით, თეითრონიით, ხშირად ცინიკური, თითქმის შავი იუმორით. ჩემთვის ეს ინტელექტუალური იუმორია.

ჩემს სპექტაკლებში მინდა ადამიანები მოქმედებდნენ და არა გმირები, როგორც, მაგალითად, რობერტ სტურუასთან. მასთან ნებისმიერი განცდა გლობალურ მასშტაბებამდეა აყვანილი. ეს შეიძლება კომუნისტებისდროინდელი ტენდენციაა! — შეფე ლირის განცდები ჩემთვის სახელმწიფოს მეთაურის განცდები არ არის, როგორც მისთვის. თუ დაედგამ, ჩემთან მასში ბევრად უფრო თქვენეულს აღმოაჩენს, მეზობელს, ახლობელს იპოვით. ერთი შეხედვით, შეიძლება ეს აკნინებს ამ ნაწარმოებს, მაგრამ ჩემი თაობისათვის. ის რაც გარშემო ხდება, სწორედ ჩვენს მგობრებზე, ნათესაებზე, დედებსა და მამებზე თავს დამტყდარი უბედურებაა. ამ ცვლილებებმა შეცვალეს ისინი და მეც მათგან გამომდინარე ვხედავ სამყაროს.

ჩემთვის გმირი არის ოჯახი! — მამა, დედა, შვილები. ოჯახი, რომელიც მიყვარს, სტაბილურია და თბილი.

— თქვენ ფიქრობთ, რომ სამყარო ოჯახში უნდა გადაჯარჩნოთ?

— მე ვფიქრობ, რომ ჩემში მამის განცდა არაფრით არ შეიძლება იქცეს რაღაც პოლიტიკური კატაკლიზმების საფუძვლად. ვერც კამლეტის პრობლემებს ვაქცევ პოლიტიკურ თეატრად. დღეს ეს

დროში ჩამორჩენილი უგემოვნებობა მგონია. ჩემეული არის ლეონარდოს „ოჯახი“. ამ ქმილებაში მე ვხედავ უსასრულობას და არა პოლიტიკურ ნიშნებს. ეს არის წმინდა ოჯახი — სადაც არის მარიამი, არის შვილი და უსასრულობა!.. რა საჭიროა მისთვის რაღაც გლობალური, პოლიტიკური იდეების თავზე მოხვევა.

— იმის თქმა გსურთ, რომ თეატრში თქვენ რღვევა კი არა, ჰარმონია გაინტერესებთ?

— რასაკვირველია. იმიტომ რომ ყველაფერი კარგად იყო და დაირღვა!..

— მოქალაქეობრივი ვალი რას ნიშნავს თქვენთვის?

— ამ ვალის შეგრძნება ბოლო ხანებში უფრო გამიძმადრდა. ეს არის ძალიან დიდი პასუხისმგებლობა ქვეყნის წინაშე, შენს გარშემო მყოფი ადამიანების წინაშე, საზოგადოების წინაშე, რომლის დახვეწა-განვითარებას, სულიერ ამაღლებას უნდა შეუწყო ხელი. ადამიანი, რომელიც თავისი მეგობრების, თავისი ხალხის სულიერ გამდიდრებას, განვითარებას, უკეთესისაკენ სწრაფვას არ უწყობს ხელს, საზოგადოების მტერია.

— თქვენი თაობის სახე როგორია?

— კარგიც და ცუდიც. საერთოდ. ალბათ უნდა იყოს ძალიან სახელმწიფოებრივი, ძალიან პუბლიკური და გახსნილი. ჩემი თაობის სახე მინდა, რომ იყოს ისეთი, რომელიც მუდამ ძალიან მაღალი ღირებულებების შესაქმნელად ზრუნავს. რომლისთვისაც ომის მოგება კი არა, მისი თავიდან აცილება იქნება მთავარი.

იდეალად მესახება ინტელექტუალური, სპორტული, ჯანსაღი ცხოვრების წესის მატარებელი, ძლიერი ადამიანი, რომელსაც დიადი საქმეების ჩადენა შეუძლია. შეიძლება იყოს აგრესიულიც, მაგრამ მასზე ამაღლება უნდა შეძლოს. მე, მაგალითად, შემიძლია ვიყო ძალიან აგრესიული, კარგი გაგებით, ვიყო დაუნდობელი, საშინლად თვითკრიტიკული და თვითმგვემი, თუმცა ყველაფერი ეს არ მჭირდება, რადგან სულიერად ამაზე მაღლა ვდგავარ და სწორი ღირებულებებით ვცხოვრობ. ასე მგონია. შეიძლება არც ვარ ასეთი. მინდა კი, რომ ვიყო.

— ეროვნული ინტერესები რას ნიშნავს თქვენთვის?

— ნიშნავს, რომ ჩემს პროფესიაში მოუნახო ღრმად ეროვნული სელა. ჩემს რეჟისურაში მე ვეძებ ძალიან ქართულს. ჩვენ უნდა

შევიმეცნოთ, რომ ქართული ორნამენტის შემქმნელი ერი კაცობრიობისათვის ძალიან მნიშვნელოვანია და მას უნდა გაუფრთხილდეთ. ეროვნულად ქმნადობას ისე მოეპყრათ, როგორც უმაღლეს ღირებულებას. ჩვენი ფესვები იმდენად ღრმაა, არ მგონია თავისი სიძლიერე ოდესმე დაკარგოს. ამ ფესვს მოწყვეტილი ადამიანი კი, ნამდვილად დაღუპულია.

— თეატრმცოდნეებზე რა აზრის ხართ თუ გიფიქრიათ, რომ თქვენს შემოქმედება სწორედ მათი წყალობით „ძლებს“ დროში?

— მიუხედავად იმისა, რომ პირველ რიგში მაყურებლისათვის იდგმება სპექტაკლი, რეჟისორის ნამუშევრების შემფასებლები არიან თეატრმცოდნეები. მაგრამ იმისათვის, რომ მე კარგად შემეფასონ, მინიმუმ ჩემზე კარგად მომზადებულნი მაინც უნდა იყვნენ! დღესდღეობით, სამწუხაროდ, ჩემზე მცოდნე თეატრალურ კრიტიკოსს მე არ ვიცი! მათ არც ჩემზე მეტი სპექტაკლი აქვთ ნანახი და არც ჩემზე მეტი ინფორმაციას ფლობენ. მათგან მოვითხოვ ძალიან ღრმად შეისწავლონ საერთაშორისო თეატრალური ცხოვრება! — ადამიანი, რომელიც არ იცნობს თანამედროვე დრამატურგიას, არ იცნობს თანამედროვე თეატრალურ ტენდენციებს, უბრალოდ, ინფორმაცია არ აქვს ამის შესახებ, ჩემს ნამუშევარს როგორ გაიგებს?!. ბევრი მათგანი აქ დადგმულ სპექტაკლებსაც კი არ ნახულობს. მე ვფიქრობ, ქართული თეატრისათვის დიდი დანაკლისია, რომ არ არსებობს ისეთი ქართველი თეატრმცოდნე, რომლის დაწერილის წაკითხვის სურვილი გამიჩნდება!..

— „დასაბამიდან იყო სიტყვა. სიტყვა იყო ღმერთთან. და ღმერთი იყო სიტყვა.“ რა როლს ასრულებს სიტყვა თქვენს შემოქმედებაში?

— ჩემთვის სიტყვა ყველაფერია. მე ვარ ადამიანი, რომელიც ლიტერატურას თარგმნის სიერცის ენაზე. მე ვაცოცხლებ იმას, რაც ოდესღაც დაიწერა. ადამიანი, რომელიც ცვლის ავტორის ტექსტს, ჩემთვის ნიშნავს, რომ იგი ვერ მიუხვდა მას. საზღვარგარეთ ამას ვერაფერს გაბედავს. არც ერთი ავტორი თავის ტექსტს არ დაგარღვევინებს. რეჟისორს, რომელმაც ესა თუ ის ავტორი აირჩია, მოეთხოვება ამაღლდეს ან დადაბლდეს ავტორის დონემდე. ან არა და თავი დაანებოს მას!..

— ჩვენ წინაპრებს მიაჩნდათ, რომ თეატრი ტაძარია. თქვენ რას ფიქრობთ?

— გარკვეულწილად შეიძლება ტაძარია. მაგრამ ჩემთვის იგი ლაბორატორიაა. ძალიან დიდი ძიების ასპარეზი.

— თავის დროზე ილიას სიცოცხლეს ვერ გაუფრთხილდით. დღეს თუ გვკულებათ ვინმე, ვის სიცოცხლესაც განსაკუთრებით უნდა გაუფრთხილდეთ ქართველები?

— მისი მკვლელობა ჩვენი ისტორიის ერთი დიდი შავი ფურცელია. ყველა ქართველში არის ილიას სულის გარკვეული დოზა. იმ მწარე გაკვეთილიდან გამომდინარე, მიმაჩნია, რომ თითოეულ ქართველს უნდა გაუფრთხილდეთ ისე, როგორც ილიას უნდა გაუფრთხილებოდით!.. ყველაზე დაცემულ სულსაც კი თუ ისე მოვეპყრობით, როგორც ილიას ნაწილს, ვფიქრობ, უკუვარდნა კი არა, წინსვლა დაიწყება!..

2004. VII.







## ზურაბ ყიფშიძე

— ვინ ხართ თქვენ?

— კაცმა არ იცის ვინ ვარ!... ვარ ზურა ყიფშიძე ვასილის ძე, დაბადებული 1953 წლის 10 აგვისტოს. ლომი! ცოლშვილიანი. მყავს ვაჟი გიორგი და გოგონა ელენე ყიფშიძე. დედა — ელენე ყიფშიძე და ორი არაჩვეულებრივი დეიდა — ქეთევანი და ნინო, ჩემი გამზრდელები და ბიძა გიგა ყიფშიძე.

— მოდით ჯერ დედათქვენზე — ქალბატონ ელენეზე ვისაუბროთ?

— წლებისა და ავადმყოფობის მიუხედავად, დედაჩემი მაინც ახალგაზრდულად გამოიყურება. ის ახლაც ინტენსიურად უნდა მუშაობდეს თეატრში, მაგრამ, სამწუხაროდ, სამუშაო საერთოდ არ აქვს. არის პატარა ბავშვებით გულუბრყვილო და საყვარელი. თავისი ოჯახისა და აღზრდის წყალობით საკმაოდ განათლებულიც, მაგრამ ამას საგანგებოდ არასოდეს წარმოაჩენს.

როლის შექმნასთან დაკავშირებით ხშირად ვკამათობთ ხოლმე. ის უფრო გარედან ხედავს სახეს. ჯერ გარეგნულ იერსახეს წარმოიდგენს, მე პირიქით. ჯერ გმირის შინაგანი ბუნება უნდა გავეითავისო. თუმცა, თუ საჭირო რეზულტატს მიიღებ, ალბათ, ერთიც კარგია და მეორეც.

— როგორც პარტნიორები თუ შეხვედრიხართ?

— სამწუხაროდ, არა. ერთადერთხელ გადაგვიღეს ერთად და იმდენად არასწორი გრიმი გაუკეთეს, ეკრანზე მისი გამოჩენა არ შეიძლებოდა და ზურგიდან გადაიღეს!...

— თქვენი მეუღლეც მსახიობია, არა?

— დიახ, ლელა თურმანიძე, ამჟამად უკვე ყოფილი მსახიობი, რომელმაც პროფესიული კარიერა მე შემომწირა. რამდენად ობიექტური ვარ არ ვიცი, მაგრამ ვფიქრობ, ცუდი მსახიობი არ იყო. ერთხანს მანეკენადაც მუშაობდა. ამჟამად მთლიანად ჩვენით არის დაკავებული.

— რომელ თეატრში მუშაობთ?

— კინომსახიობის თეატრში, მაგრამ მესამე სეზონია მარჯანიშვილის თეატრშიც ვარ, ვთამაშობ ბატონ თემურ ჩხეიძის სპექტაკლებში.

— სად და ვისგან ისწავლეთ?

— თეატრალურ ინსტიტუტში, ბატონ დოდო ალექსიძესთან ვსწავლობდი. სამწუხაროდ, კინოში გადაღებებით გამოწვეული გაცდენებისა და არც თუ სანიმუშო ყოფაქცევის გამო, გამრიცხეს!..

მერე მოსკოვში, კინემატოგრაფიის ინსტიტუტში ვსწავლობდი. სერგეი გერასიმოვისა და თამარ მაკაროვას ჯგუფში. იქ უკვე საკმაოდ კარგად ვიქცეოდი! დამთავრების შემდეგ, ბატონმა მიშამ მიმიღო კინომსახიობთა თეატრში. ბატონ მიშასთან თითქმის ოცდახუთი წელი ვიმუშავე და სწორედ ის მიაჩნია ჩემს ყველაზე დიდ მასწავლებლად.

— ბერს მუშაობთ?

— 1992 წელს რობერტ სტურუამ სევილიაში მსოფლიო გამოფენისათვის დადგა კალდერონის „ცხოვრება სიზმარია“. ამ სპექტაკლში მთავარ როლზე ვიყავი მიწვეული. სულ რამდენჯერმე ვითამაშე, ესპანეთსა და თბილისში. თუ ამ სპექტაკლს არ ჩავთვლით, ფაქტობრივად, 1993 წლის შემდეგ პრემიერა არ მქონდა ნათამაშები, სანამ თემურ ჩხეიძეს არ შევხვდი. ბატონი თემური, ჩემი მასწავლებლის მიხედვით თუმანიშვილის ერთ-ერთი საუკეთესო მოწაფეა. მისი მოძღვრებით გაზრდილი და მისი თეატრალური ესთეტიკის გამზიარებელი. ამასთან, რასაკვირველია, თავისებური და თვითმყოფადი. არაჩვეულებრივად მუშაობს მსახიობებთან. აქვს გასაოცარი უნარი ყოველგვარი დაძაბულობისა და შინაგანი

პროტესტის განმუმხტველი ატმოსფეროს შექმნის. მასთან მუშაობა ძალიან ადვილია, მიუხედავად იმისა, რომ რთულად დასაძლევ ამოცანებს გვაძლევს. აქვს კიდევ ერთი თვისება, რითაც ძალიან მაგონებს ბატონ მიშას. სახის შექმნისაკენ ისე მიყვებარ, დარწმუნებული ხარ, ყველაფერს მარტო შენ აკეთებ.

— იდეალი თუ გყავთ?

— თითქმის მარჯანიშვილის თეატრში გავიზარდე. იქ კი, იმდენი დიდი მსახიობი იყო!.. აღრფთოვანებული ვიყავი უშანგი ჩხეიძის ლეგენდით. ძალიან მიყვარდა გიორგი შავეგულიძე, აკაკი კვანტალიანი, ვასო გოძიაშვილი... ჩემი იდეალი იყო სერგო ზაქარიაძე.

ჩემს აღრფთოვანებას იწვევდა რამაზ ჩხიკვაძის, გოგი გვეგჭკორის, ეროსი მანჯგალაძის, გურამ საღარაძის თაობაც.

ისიც მინდა ვთქვა, რომ ადრე კანონზომიერად ხდებოდა თაობათა ცვლა. ახლა არ მესმის, როგორ შეუძლიათ თეატრის მესვეურებს, მთელი თაობა თავის ნებაზე მოწყვიტონ თეატრს და სხვები მოიყვანონ?! ეს პროცესი ისედაც მტკივნეულია უფროსებისათვის და მართებული იქნება, თუ ყველა ვცდებით, რომ ხანდაზმულებიც, შუა თაობაც და ახალგაზრდებიც თავთავის ადგილზე დარჩენ! როცა ესენი ერთად არიან, ერთნაირად ფიქრობენ და საინტერესოდ მუშაობენ, ამას რა სჯობს? ახალგაზრდებს აუცილებლად გვერდით უნდა ჰყავდეთ ისინი, ვისგანაც შეეძლებათ ისწავლონ და გაიზარდონ.

— თქვენს თაყვანისმცემლებს ხშირად ენანებათ ის წლები, როცა თქვენ ახალ სპექტაკლზე არ მუშაობთ?

— მე და ბატონ მიშასაც სულ ამაზე გვექონდა კამათი. მას უნდოდა ბევრი როლი მეთამაშა, მე კი მერჩია ცოტა მეთამაშა და ხარისხიანად. გარკვეული პერიოდები როლებს შორის ყოველთვის იქნება. მთავარია, ფორმა არ დაკარგო.

— თქვენი საოცნებო როლი?

— რომელიმე როლზე განსაკუთრებულად არასოდეს მიოცნებია. მხოლოდ რიჩარდზე მქონდა ჩემი ვერსია — როგორ ვითამაშებდი. ბატონმა მიშამ ეს იცოდა... თუმცა არასოდეს მითხოვია, რომელიმე სპექტაკლი დაედგათ მხოლოდ იმიტომ, რომ მე მეთამაშა.

— შეიძლება ვიფიქროთ, რომ ჩვენთან თქვენი დიდი ნიჭიერების რეალიზაცია არ ხდება?

— საზღვარგარეთ რომ მეცხოვრა და ასეთივე ბედი მქონოდა, შეიძლება უკეთესად ვყოფილიყავი, მაგრამ მიმაჩნია, თუ შენს სამშობლოში გაქვს სამუშაო, სახლში უნდა დარჩე.

საზღვარგარეთიდან რამდენიმე სერიოზული მოწვევა მქონდა, მაგრამ მაშინ ბატონი მიშა ცოცხალი იყო და მასთან მუშაობა ვარჩიე. რომ წავსულიყავი, არ ვიცი რა იქნებოდა. შეიძლება არც არაფერი ყოფილიყო!..

— როგორია თქვენი თაობის სახე?

— ჩვენ უფრო რომანტიკული და ოცნებებში მაცხოვრებელი თაობა ვიყავით. ბევრი ფული არასოდეს გვექონდა, მაგრამ თითქმის არც გვეჭირდებოდა. იმდენს კი ვმოულობდით, რაც გვინდოდა, თუმცა, ბევრი არც არაფერი გვინდოდა!..

— ადამიანი თუ გამორჩეული, პოპულარული და აღიარებულია, როგორც თქვენ, ბედნიერიც არის?

— აღიარებული თუ ვარ, რასაკვირველია, ბედნიერიც ვარ, რადგან ჩვენთან აღიარება ძალიან უჭირთ. მეტიც, ყეხი თუ წაგცდა, არათუ გაგრიყავენ, შეიძლება ჩაგქოლონ კიდევც.

— კითხვა თუ გიყვართ?

— თქვენ წარმოიდგინეთ, ძალიან! ახალგაზრდობაში დიდი დრო დაუკარგე ქუჩაში, რასაც ახლა ძალიან ვნანობ. მიუხედავად იმისა, რომ რაღაც იქაც ვისწავლე, ვნანობ, თუნდაც ჩემი წინაპრების გამო, რომლებმისთვისაც წიგნი, სასიცოცხლო აუცილებლობა იყო. ამას გარდა, უწიგნურობა, აშკარად ჩანს სცენაზე და ძნელი ასატანიცაა.

საერთოდ, ალბათ უნდა ეცადო, რომ ყველა წიგნი იაყის დროზე წაიკითხო. ბუნებრივი ზრდის პროცესი იმასაც გულისხმობს, რომ განათლება თანმიმდევრულად მიიღო. როცა ეს ირღვევა, გამოსწორება ძნელია. ძალიან მიყვარს მუზეუმებიც. მოსკოვში რომ ვსწავლობდით, მე და ჩემი მეგობარი გია რიგაევა, ქალბატონ ვიქტორია სირაპის შვილი, დროის უმეტეს ნაწილს სწორედ მუზეუმებში ვატარებდით. ლამის იქ ვცხოვრობდით!..

— არტისტი მოძღვარია თუ მასხარა?

— ჩარლი ჩაპლინი, ალბათ, მასხარაც იყო და მოძღვარიც.

— თუატრი ტაძარაა?

— ბატონა მიშა ასე მასწავლიდა. მერე ხელ-ხელა მიხედი, რომ თუატრი არაის თუატრი! სადაც თხზუენს, იცინებენ, და იმ ნიჭით, ღმერთმა რომ მასცა და კარგმა პედაგოგმა გაუწვრიონა, არაჩვეულებრუ გარემოს ქმნიან.

— ღმერთი თუ გვგულებათ სადმე?

— უამასოდად ძალიან ძნელი იქნებოდა ცხურება. მეც ცოდვილი ვარ, მაგრამ, ამდენად ხშირად უძველია, როცა თითქოს სამკელი აღარსად აყო, რომ უსახლერო რწმენა მაქვს მისი ძლიერების. თუმცა ფანატრიკოსა არ ვარ. საერთოდ, არ მიყვარს, როცა მთლიანად დამოკიდებული ხდები ვიღაცაზე ან რაღაცაზე. ხასძელი იქნება ეს, საგარეტი თუ საყვარული, ნარკოტიკზე ხომ ლაპარაკიც არ არის.

მე ფანატრიკოსა მარტო მუშაობაში ვარ.

— ამჟამად რაზე მუშაობთ?

— ბატონი თემური აპირებს მუშაობის დაწყებას ორკაციან პიესაზე... ვნახოთ, გვგები ბევრია. ახლახანს დავამთარე გადალება გიული ჭობონელიძესთან, რომელიც ძალიან დიდხანს იღებდა „ანთიმოზ ივერიელს“.

— ძნელია მსახიობობა?

— ბატონი დოდო ალექსიძე ხშირად გვიმეორებდა სტანისლავსკის სიტყვებს, სადაც მსახიობის შრომა მეშახტის შრომასთან არის გაიგივებული. ამერიკელები თურმე წლების მანძილზე აკვირდებოდნენ და იმ დასკენამდე მივიდნენ, რომ პრემიერის შემდეგ მსახიობები წინასაინფარქტო ზღვარზე იმყოფებიან... ამ მდგომარეობიდან კი, თურმე ტაშს გამოჰყავს!..

— გიყვართ სიცოცხლე?

— რა თქმა უნდა, თუმცა მიმანია, რომ არ ვუფრთხილდები მას. ადრე ბატონი მიშას მომთხოვნელობა და რეჟიმი მშველოდა. ვვარჯიშობდი კიდევ. ახლა ეს ცოტა ძნელი გახდა.

— არტისტი გამორჩეული უნდა იყოს?

— ბატონი მიშა მიიჩნევდა, რომ უნდა იყოს. სულ მეჩხუბებოდა, რომ ლამაზად ჩაცმულს მეელო. მე ასე არ ვფიქრობ. შეიძლება დიდი მსახიობიც კი შეუმჩნეველი დარჩეს. გარკვეულ ვითარებაში ის მაინც გამორჩეული იქნება. ასეთი გამორჩეულობა მომწონს და არა ისეთი, რომ მაინცდამაინც ქუჩაში გამჩნევდნენ შუქნიშანივით!..

— დღევანდელიობაზე რას იტყვი?

— ადრე ჩვენ სიცრუეში ვცხოვრობდით, მაგრამ ყველამ ვიცოდით, რომ ეს სიცრუე იყო. წინაპირობა იყო ასეთი და ჩვენ მას ვიღებდით ახლა თითქოს სიმართლეში ვცხოვრობთ, მაგრამ არის რაღაც ტოტალური სიცრუე და ორმაგი ფარისეველობა. კი ბატონო, იყიდება საღებავი რეზინი, უცხოური მანქანები, სიგარეტი და სხვა, მაგრამ, ირგვლივ საშინელებები ტრიალებს!..

რომანტიზმი და შემწყნარებლობა წაგვართვეს! იმის საშუალება მოგვისძახეს, ჩვენს გამზრდელებს ისე მოკუაროთ, როგორც ეკადრებათ!.. შეილებთანაც შერცხვენილები ვართ, რადგან ვერც მათ ვაძლევთ, რაც ჭირდებათ. ვერც იმას ეუბნები შეილს — შენ უკვე დიდი ხარ და საკუთარ თავს მოუარეო! შენ ვერ უვლი, თავს და ის რას გააწყობს?!

ყველაფერი, რაც ჩვენს გარშემო ხდება. გაგიჟებული ადამიანების ქცევა უფროა — ოღონდაც დღეს რაპე მიიტაცონ და ხვალ სულაც დაქცეულა ქვეყანა!

— ასეთ სიტუაციაში, რა უნდა გააკეთოს არტიისტმა?

— ის, რასაც აკეთებს! — სიცხეში, უსინათლობაში, მშიერ-მწყურვალი, იღვეს სცენაზე და იმ ადამიანებს, რომლებსაც მასაჟით უჭირთ, იმის საშუალება მისცეს, ცოტა ხნით მაინც დაიფიწონ თავიანთი დუხჭირი ყოფა და ამადლდნენ ცხოვრებაზე.

— რაზე ოცნებობთ?

— ნორმალურ ქვეყანაზე. სიმშვიდეზე. რბილ, თბილ, საყვარელ, მუსიკალურ, მხიარულ და თვითირონიულ ერზე, როგორც ოდესღაც მეჩვენებოდა, რომ ვიყავით.

უფრო ღია საღებავებზე ვოცნებობ და კიდევ იმაზე, ჩემს საგრიმიოროში სითბო იყოს და.. იატაკიდან ვირთხები არ მოძვრებოდნენ! ... მე კი საშინლად მეშინია ვირთხების!..

2000 XII.





## მარინა კახიანი

— თქვენ ვინ ხართ?

— რთული შეკითხვაა. ამ ქვეყნად შეიძლება ისე იცხოვრო. ვერც გაიგო ვინ ხარ?! ამბობენ, თითქოს ადამიანი ყველაზე კარგად თავის თავს იცნობსო, მაგრამ მე ასე არ მგონია. ხანდახან გვერდით მყოფმა გაცილებით მეტი იცის შენზე, ვიდრე თავად შენ. თუმცა, ალბათ, ბოლომდე არც არაფერ იცის — ვინ ვინ არის?! ხანდახან ისეთ რაღაცას აღმოაჩენ შენში, რაც წლების განმავლობაში გგონა, რომ არ გქონდა. ავიღოთ თუნდაც სიკეთე და ბოროტება. ამ ორ უკიდურესობას შორის ხომ ძალიან ბევრი რამეა. თავად ადამიანია მათ შორის. მერე ან ერთისკენ მიჰყავს ღმერთს, ან მეორისკენ. მეც, ალბათ ერთი ჩვეულებრივი ადამიანი ვარ, რომელსაც საშუალება აქვს თავისი ნიჭი თუ უნიჭობა მაყურებელზე შეამოწმოს. ამას გარდა, ვარ ადამიანი, რომელიც ცდილობს არაფერს აწყენინოს, ბოროტება არ გაუკეთოს. თუმცა ხანდახან ვიღაცისთვის ბოროტება უკვე ის არის, შენ რომ არსებობ!.. ისევე როგორც შენდაუნებურად ხარობს ვიღაც შენს გამო.

— ოჯახური მდგომარეობა?

— ვარ შეილი და დედა. მეუღლე ვიყავი და აღარ ვარ.

— თქვენი მეუღლე ვინ იყო?

— მსახიობი და კინორეჟისორი გია მატარაძე. მუშაობდა რუსთაველის თეატრში..

— რუსთაველის თეატრში ხართ თქვენც?

— დიახ, თითქმის ოცი წელია.

— სად და ვისთან სწავლობდით?

— დაეამთავრე რუსთაველის სახელობის სახელმწიფო თეატრალური ინსტიტუტი. ჩემი პედაგოგები იყვნენ კუკური პატარიძე, ნიკა ჯანდიერი, თამაზ მესხი, მალიკო მრეველიშვილი, რუსუდან ფარემუზაშვილი, რობერტ სტურუა, რომელმაც ბოლო კურსზე აიყვანა ჩვენი ჯგუფი. ნუ მიწყენენ ჩემი პედაგოგები და მე ვფიქრობ, რომ მსახიობისათვის ყველაზე დიდი მასწავლებელი ცხოვრებაა. ბერი რამ სწორედ იმ სიხარულებმა, იმ ტკივილებმა და მოულოდნელმა სიურპრიზებმა მასწავლა, ცხოვრებამ რომ მაგემა. და იმ ადამიანებმაც, ცხოვრების გზაზე რომ შემხვედრიან.

— კიდევ რა დაგამახსოვრდათ ინსტიტუტიდან?

— თავად ინსტიტუტი! ინსტიტუტში გატარებული ყოველი დღე დღესასწაული იყო. უბედნიერესი ადამიანები ვიყავით იქ ყოფნის გამო. ცხოვრებას იმედებითა და ოცნებებით ვუყურებდით... არაჩვეულებრივი ჯგუფი გექონდა. ერთმანეთის სიხარულითა და ტკივილით ვცხოვრობდით. თუმცა ტკივილი მაშინ ალბათ ნაკლები იყო. არც მახსოვს. ეტყობა ჩემმა გონებამ წაშალა იგი. დამრჩა მხოლოდ საუკეთესო მოგონებები. ჩვენი ინსტიტუტიც დღეს ალბათ ისევე ნაცრისფერია, როგორც ყველაფერი ჩვენს ირგვლივ. არ მგონია, ასეთი წარმოდგენა ჩემი დეპრესიის ბრალი იყოს. სამწუხაროდ, ძალიან მძიმეა ჩვენი რეალობა.

— ვისი მადლიერი ხართ?

— პირველ რიგში ჩემი მშობლების. ბედნიერი ვარ მათ გამო. ცუდი ის არის, რომ მამა აღარ მყავს. დამრჩა დედა, რომელიც ჩემი საუკეთესო მეგობარია. მარტო ჩემი არა, ყველა ჩემი მეგობრის მეგობარიცაა. მადლიერი ვარ ბედის, რომ ასეთი პიროვნება მყავს გვერდით. მადლიერი ვარ მამაჩემის, რომელიც ღინჯი, დაფიქრებული, განათლებული და ნამდვილი ინტელიგენტის თვისებების მქონე პიროვნება იყო. მუდამ სიყვარულით ვიხსენებ ჩემს ბებიას და ბაბუას. მადლიერი ვარ ჩემი მეგობრების და რაც მთავარია, ჩემი მეუღლის, რომელიც ჩემთვის ქმარიც იყო,



მეგობარიც, მაწულელებიც და მამაკაციც, რომლის მსგავსი ცოტა დადის ამ ქვეყნად.

— რაზე ოცნებობთ?

— მე მეოცნებე ვარ!.. და ეს ძალიან მიღამაზნებს ცხოვრებას. ხშირად მგონია, რომ აღისას მსგავსად ოცნებათა ქვეყანაში დაურჩი და მიხარია. რომ ეს ბავშვურობა კელაჟ დარჩა ჩემში. ამის გარეშე ძალიან უფერული და მოსაწყენი იქნებოდა ცხოვრება.

— თქვენი გარეგნობით ბავშვურ შთაბეჭდილებას სულაც არ ტოვებთ. პირიქით, თქვენს შემხედვარეს, მაცდური ქალის გამოწვევადამინტრიგებელი მანერები უფრო ეცემა თვალში?!

— შეიძლება მცდარი წარმოდგენა მაქვს ჩემს თავზე და თქვენ ხართ მართალი. შეიძლება, ასეთი ნიღაბი იმიტომაც ავიფარე, რომ სწორედ ინფანტელურობის დაფარვა მინდოდა და მერე ჩვევად მექცა? — არ ვიცი. იქნებ ჩემი ამ გარეგნული ფორმის განმტკიცებას რეჟისორებმაც შეუსწყეს ხელი. მათ ხომ ხშირად უყვართ გამზადებული ფერების დადება თავიანთ ტილოებზე და ნაკლებად ფიქრობენ იმაზე, რომ შეიძლება შენში სხვა ფერებიც არსებობს?.. ეს ყველას არ ეხება, მაგრამ ხშირად ეს ასეა. ძალიან მინდა. ეს ჩემი, ასე ვთქვათ, სტერეოტიპი დაფარღვიო, შეეცვალო, მაგრამ ჯერჯერობით რაღაც არ გამოდის. დიდი იმედი მქონდა, რომ ეს მოხდებოდა ბატონ რობერტ სტურუას ერთ-ერთ სპექტაკლში — „კაცია — ადამიანი?!“, სადაც თავდაპირველი ჩანაფიქრით მკითხავეი უნდა მეთამაშა. ძალიან მიხაროდა, ვფიქრობდი ვითამაშებდი მკვეთრად სახასიათოსა და განსხვავებულს, მაგრამ მერე ბატონ რობერტს ეს სახე საერთოდ აღარ მოუნდა და სხვა ხაზით წავიდა. მე მაჭანკალი ვითამაშე, მაგრამ ვფიქრობ, თავი ვერ დავალწიე იმას, რისგანაც მინდოდა გათავისუფლება.

რაც შეეხება ოცნებას, ჩემი ოცნებები და იმედები, პირველ რიგში ჩემს შეილთან არის დაკავშირებული. უდიდესი სიამოვნებაა, როცა მიჰყვები და თვალს ადევნებ იმ პროცესს, როგორ იზრდება ახალი სიცოცხლე შენს თვალწინ. როგორ თანდათანობით იმეცნებს სამყაროს და როგორ ცვალებადობს... ამის გარდა, რა თქმა უნდა, ჩემი ოცნებები ჩემს პროფესიასთანაც არის დაკავშირებული. არტისტები ცოტა შერეკილები ალბათ იმიტომაც ვართ, რომ მთელი სამყარო ჩვენთვის თეატრშია მოქცეული და მინდა ამ სამყაროს რაღაც ახალი შევმატო.

და ბოლოს, როგორც ყველა ქართველს, მეც მინდა, დალაგებულ, მოწესრიგებულ ქვეყანაში ვიცხოვრო. რომ ჩემს ქვეყანას მართაყდნენ პატიოსანი ადამიანები, რომლებიც ხალხს მონებოვით არ მოექცევიან. არაეინ იცის ეინ, სად და რა პირობებში აღმოჩნდება ხვალ და მინდა რომ იმათ, ეინც დღეს ასე უმოწეალოდ ძარცეავს ქვეყანას, თუიანთი შეილებიხს გამო მაინც გაიხედონ წინ. ძალიან ბევრი მაღლა მყოფი დანარცხებული ძირს, ისე რომ ეედარ ამდგარა. იქნებ ხანდახან მაინც დაფიქრდნენ ამაზე.

— იდეალი თუ გეაუთ?

— ეერპებზე მაინცდამაინც არა ვარ ორიენტირებული, მაგრამ გატაცებები მაქვს.. ბეუშობაში, მაგალითად, ანა მანიიანზე ეიყავი გაგიჟებული. რაღაც პერიოდში დოსტოეესკი მიტაცებდა.

— თუ ლამაზი, გამორჩეული და პოპულარულია ადამიანი, როგორც თქვენ, ე. ი. ბედნიერიც არის?!

— მე კი არა, ულამაზესი ქალები — გრეტა გარბო, მერლინ მონრო, რომი შნაიდერი, აუ გარდნერი და სხეები არ იყენენ ბედნიერები!.. მათ მართლაც ჭეშმარიტმა სილამაზემ და გამორჩეულობამ ეერ მოუტანა ბედნიერება და სულიერი წონასწორობა და მათთან მე რა მოსატანი ვარ.

— ბედნიერება სულიერ წონასწორობაშია?

— ალბათ ამაშიც. მაგრამ მე უფრო ის აზრი მომწონს რომ ბედნიერება, მოპოვებისკენ სწრაფვაშია. უკვე მიღწეული, რაღაცნაირად უფერულდება და უინტერესო ხდება. თუმცა, როცა რაღაც დიდი ტკივილი დაგატყდება თავზე და რაღაც ძალიან აგიფორიაქებს სულს, მაშინვე იგებ უშფოთველი, გაწონასწორებული ცხოვრების ფასს. ეს თითქოს გვახსოვს, მაგრამ მაინც უწევს გვიტაცებს. სადღაც წაეიკითხე და ძალიან მომეწონა — კონკიას თეგადასეული გეაინტერესებს მანამ, სანამ უფლისწულს შეხედებო!.. მერე მართლაც აღარ მიეყვებით. რადგან ეიცით, ყველაფერი ჩეულებრივად იქნება!..

— კონკიასგან განსხეავებით, ყველაფერი არაჩეულებრივად თქვენ მიერ გახმოვანებულ ალექსისთან იყო, არა?

— ძალიან გამიძართლა, რომ მართლაც არაჩეულებრივ ქალს ვახმოვანებდი. „დინასტიაც“ ერთ-ერთი საუკეთესო სატელეეიზიო სერიალია. ჯოან კოლინზს, ამ როლის შემსრულებელ მსახიობსაც ხშირად მამსგავსებენ, შეიძლება იმ მანერების გამო, თქვენ რომ ახსენეთ. ამის საწინააღმდეგო არაფერი მაქვს.

— ამეამად რაზე მუშაობთ?

— რეჟისორმა გონა კაპანაძემ გადაწყვიტა „მედეა“ დადგას.

— ვისი?

— სხვადასხვა ავტორები გააერთიანა — ეერიპიდე, ანუი, სენეკა და რაზუმოვსკაია. ვცდილობდი გადამეთქმევებინა „მედეას“ დადგმა, თუმცა ვერ შეეძელი. მესმის, რომ მედეა ერთ-ერთი საოცნებო როლია მსახიობისათვის, მაგრამ ძალიან მეშინოდა. ბატონ გონას ალბათ აქვს მიზეზი და მიზანი, სწორედ ახლა და სწორედ ეს პიესა დადგას, მაგრამ მაინც მეშინია. ძალიან რთული ხასიათია.

ასპაზია პაპატანასიუ მყავს ამ როლში ნანახი. უფრო ზუსტად მედეას მონოლოგები მაქვს მოსმენილი ფილარმონიის სცენიდან. როლი მსაღიანად არც უთამაშია მაშინ, მაგრამ, როგორც მახსოვს, მთელი მონოლოგების მანძილზე ვტიროდი. ახლა ვფიქრობ, ალბათ, ისეთი წამლეკაეი ენერჯია და ტრაგიზმი მოდიოდა სცენიდან რომ მე, თორმეტი წლის ბავშვი, ვერ ვუძლებდებოდი.

როცა გონა კაპანაძემ ბატონ რობერტ სტურუას უთხრა „მედეას“ დადგმას ვაპირებო, სტურუამ ასე უპასუხა — მართალი რომ ვთქვა, მე დღემდე არ ვიცი, როგორ უნდა დაიდგას „მედეა“!.. მოგეხსენებათ, მას უკვე დადგმული აქვს იგი!..

— ძნელია მსახიობობა?

— ერთი შეხედვით ძალიან ადვილია. ყველას შეუძლია აიღოს ტექსტი, წაიკითხოს, დაიზეპიროს და ა. შ. მაგრამ საბოლოოდ, მსახიობობა ძალიან რთულია და თან ძალიან კარგი!..

— ბევრი როლები გაქვთ ნათამაშები?

— ჩემი პირველი როლი რუსთაუელის თეატრში საპოენიკოვა იყო. დიდი ბედნიერება მხვდა წილად, რომ რობერტ სტურუამ როლი თავის ერთ-ერთი შესანიშნავ სპექტაკლში „ლურჯი ცხენები წითელ ბალახზე“. თეატრში თითქმის ფეხის შედგმისთანვე მათამაშა. საპოენიკოვა დღემდე რჩება ჩემს უსაყვარლეს როლად. მე გგონია, რისი მიღწევაც იქ შეეძელი, რა თქმა უნდა, ბატონი რობერტის მეშვეობით, მერე იშვიათად მომიხერხებია...

„დაკრძალვა კალიფორნიაში“ — კიტი ვითამაშე... შემდეგი იყო კორდელია — რობერტ სტურუას მიერ დადგმულ სპექტაკლში „მეფე ლირი“. ამ როლზე არასოდეს მიოცნებია, რადგან დარწმუნებული ვიყავი, ჩემი მსახიობური ბუნებისაგან შორს იდგა. ეტყობა რაღაც სტერეოტიპული წარმოდგენა მქონდა მასზე.

— და ამ წარმოდგენით ეს იყო, ასე ვთქვათ, ცისფერი როლი?

— რაღაც ამდაგვარი. ბატონმა რობერტმა მიმახვედრა, რომ კორდელია არ შეიძლებოდა ყოფილიყო უმწეო, ღირიული ქალი. მას ხომ აღმოაჩნდა ძალა, სიყალბეს რომ აღდგომოდა წინ?! რაც უფრო მეტს ვფიქრობ მასზე, მით უფრო მომწონს. საშუალება რომ მქონდეს, ბევრ რამეს ალბათ კიდევ უფრო სხვაგვარად გავაკეთებდი. კორდელია მამამისის ნაკლსაც ძალიან კარგად ხედავდა, მაგრამ მაინც უყვარდა იგი, რადგან ის იყო მისი მშობელი! ღირის ნაკლი კი ის იყო, რომ მეფობა თავისი განუყოფელი ნაწილი ეგონა, თავისი ღირსება. განიარაღდა და ვიცით რაც დაემართა... დღევანდელ თანამდებობის პირებსაც ასე ემართებათ — სკამზე დასხდებიან თუ არა, ყოვლისშემძლე პკონიათ თავი!.. გამოაცლი სკამს და ისეთივე არარაობები ხდებიან, მანამდე რომ იყვნენ!.. თუმცა ისევ ჩემს როლებს მივუბრუნდეთ, არ შემიძლია, არ გაეიხსენო „კვაჭი კვაჭანტირაძე“, სადაც რებეკას ვთამაშობდი. აუთო ვარსიმაშვილის დაღმა იყო. ვარსიმაშვილსვე ეკუთვნოდა „ტიტუს ანდრონიკუსი“. ძალზე სისხლიანი სპექტაკლი, სადაც ლავინიას ვთამაშობდი. ეს როლი საინტერესო იმითაც იყო, რომ მთელი მეორე მოქმედება თითქმის სულ სცენაზე ვიყავი, მაგრამ ენაც მოკვეთილი მქონდა და ხელებიც. ასეთი რამ ჩემგან დიდ ძალისხმევას მოითხოვდა, რათა ჩემი ყოფნა საინტერესოც ყოფილიყო და შეტყვევლიც. ვფიქრობ, გარკვეულწილად ეს ამოცანა დავძლიე.

ძალიან საინტერესო როლი იყო ღიდა, სპექტაკლში „აღდგომა გაუქმებულ სასაფლაოზე“ (რეჟისორი გოგა თაყაძე). იმის მერე ბევრი როლი ვითამაშე — ბერნანდა ალბა. მარიამ სტიუარტი, კლარა, მარინა... მაგრამ მე ვფიქრობ, ღიდა, ჩემი ყველაზე სრულყოფილი როლი იყო. იქ ყველაზე ახლოს მივედი სახესთან. საერთოდ, მე ბედნიერი ვარ იმითაც, რომ ყველა ისეთი როლის თამაში მარგუნა ბედმა, რომლებიც მიყვარს.

— კიდევ რა გიყვართ?

— სიცოცხლე მიყვარს, თუნდაც იმიტომ, რომ მზე ანათებს!.. ჩემი ფანჯრებიდან აი, ის მშვენიერი ხეები რომ მოჩანს, ათასფერი ფოთლებით და საერთოდ, რამდენი რამეა ცხოვრებაში ისეთი, რასაც შეუძლია სიხარული მოგანიჭოს? — მთავარია, აღქმის უნარი არ გაგიცვლეს.

— კითხვა გიყვართ?

— კითხვის გარეშე ბევრ რამეს ალბათ ვერ გაუძლებდი. წიგნი ძალიან დამეხმარა იმ ტკივილის გადატანაში, რაც განვიცადე. არიან ცხოვრებისაგან შექმნილი ცოდნით დაბრძენებული ადამიანები, მაგრამ ვფიქრობ, ადამიანს მაინც კითხვა ზრდის. ამიტომ, ძალიან მტკივა გული, დღევანდელ ახალგაზრდებს ასე ძალიან რომ არ უყვართ კითხვა.

— ვინ არის არტისტი?

— ალბათ ის ადამიანი, ვისაც უნდა, რომ დიდხანს იყოს ბავშვი!..

— ჩვენს დღევანდელ პირობებში, არტისტს შეუძლია გამორჩეული იყოს? თუმცა მგონი, თქვენ ამას ახერხებთ?!

— ჩვენი საზღვარგარეთელი კოლეგებისაგან განსხვავებით, სადაც ამაზე მილიონები იხარჯება, თუ მაინც რამე გამოგედის, ეს ალბათ უფრო ჩვენი შინაგანი გამორჩეულობის, შინაგანი სიმდიდრის ხარჯზე ხდება. სერგო ზაქარიაძე, თურმე, ომის დროს, არაფრით არ დგებოდა პურიისა და ნუთის რიგში! — ძალიან უჭირდა ალბათ, მაგრამ მას არ უნდოდა, ადამიანებს, რომლებიც ეთაყვანებოდნენ, ასეთ ყოფაში ენახათ. მგონია, როცა სცენაზე, ამ ამადლებულ, საჩინო ადგილზე დგებარ და სხვები დაბლიდან გიყურებენ, რადაცით მაინც აუცილებლად გამორჩეული უნდა იყო.

— თეატრი ტაძარია ?

— თეატრი კერპია, რომელიც გვიყვარს და რომელსაც მსხვერპლად ვეწირებით.

2000 XII.





## ქეთი ჩხეიძე

— ვინ ხართ თქვენ?

— ქეთი ჩხეიძე, მსახიობი. მყავს მეუღლე ერეკლე ღლონტი, ყოფილი ექიმი, ამჟამად ბიზნესმენი, ორი შვილი და დედა — ნანა ჟორდანიას.

— სად და ვისთან სწავლობდი?

— თეატრალურ ინსტიტუტში, ბატონ გიზო ჟორდანიასთან.

— თქვენს ჯგუფს გამორჩეული ბედი ჰქონდა?..

— ჩემი ჯგუფის განსაკუთრებული ბედი, ჩემი აზრით, უკვე ის იყო, რომ გიზო ჟორდანიასთან მოუხვდით. გამორჩეული ვიყავით იმაშიც, რომ ინსტიტუტის დამთავრების შემდეგ მთელი ჯგუფი მიგვიღეს რუსთაველის თეატრში. ჩვენამდე, ბატონი გიზოს ჯგუფი წაიყვანა რუსთავეის თეატრმა, შემდეგ მარჯანიშვილის თეატრმა და ა. შ.

— ე. ი. ბატონი გიზო, უკვე ინსტიტუტშივე ქმნის, თანამოაზრეთა პატარა თეატრებს?

— ასე გამოდის. ინსტიტუტიდან ძალიან კარგი სპექტაკლები წავიღეთ თეატრში: „ანა ფრანკის დღიური“, „სამანიშვილის დედინაცვალი“, „მუსუსი“, „ამაღამ მგონი იქნება ქარი“. ჩვენ გვქონდა ჩვენი რეპერტუარი და გვყავდა ჩვენი მამყურებელიც. ბატონ რობერტ სტურუასაც, სწორედ ჩვენი სპექტაკლების გამო

მოეწონეთ და იმ პირობით მიგვიღო თეატრში, რომ მცირე სცენაზე გაგვეგრძელებინა მუშაობა.

მანამდე, ინსტიტუტის მაშინდელი რექტორი, ქალბატონი ეთერ გუგუშვილიც ძალიან მონდომებული იყო, რომ დიმიტრი ალექსიძის სახელობის სასწავლო თეატრში შეგვექმნა მუდმივმოქმედი ახალგაზრდული თეატრი. მაგრამ როცა ბატონი რობერტ სტურუას შემოთავაზება გაჩნდა, რასაკვირველია, რუსთაველის თეატრში მუშაობის პერსპექტივამ უფრო მოგვხიბლა.

— რამდენი წელი იყავით რუსთაველის თეატრში?

— თითქმის ათი წელი ეთამაშობდით მცირე სცენაზე ჩვენს სპექტაკლებს. დაედგით ახალი სპექტაკლებიც.

— რატომ დაიშალეთ?

— თანდათან განელდა თეატრიკული აღმადგენა. თეატრის შიდა პრობლემებმაც იჩინა თავი. ნელ-ნელა გამოიკვეთა, თითქოს გაუქმდებოდნენ. მაგრამ შესამჩნევი დაპირისპირება დიდი სცენისა და მცირე სცენის დასს შორის...

— რობერტ სტურუამაც აღარ გაიმეორა დოღო ალექსიძის საბედისწერო შეცდომა და სანამ მას აუტყუავდით რამეს, თქვენ გამოგიშვათ?

— რაღაცნაირად. თანდათან დავიშალეთ. ჯერ თითქოს გამოშვებასაც არაყინ გვიპირებდა, მაგრამ ხანდახან შეძლებოდა ფიქრი, რომ წამოვიდოდი თეატრიდან...

— რატომ?

— შეიძლება იმიტომ, რომ ათი წელი მხოლოდ იმას ეთამაშობდი, რითაც თეატრში მივედი! ბუნებრივია, გამიჩნდა აზრი, რომ თუ ასეთი სერიოზული დროის მანძილზე ვერაფერი შექმენი, ესე იგი რაღაცაშია საქმე?! ჩვენი პროფესია ასეთია, გაქვს სამუშაო? — ხარ მხახიობი! არა გაქვს? — წადი, დაისვენე!..

— ბატონი გიზო არ გაძლევდა სამუშაოს?

— როგორ არა! ვინმეს დადანაშაულება არც მიფიქრია. წამოსვლის წინ, ახალ სპექტაკლზე ვმუშაობდით და საკმაოდ ინტენსიურადაც, მაგრამ...

— რა მოხდა?

— ამ დროს უკვე, ბატონ გიზოსა და ბატონ რობერტს შორისაც დაიძაბა ურთიერთობა. უფრო სწორად დაძაბულობა უკვე აშკარა გახდა. ეს მოხდა, ერთ-ერთი საგასტროლო მოგზაურობიდან დაბრუნების შემდეგ.

ჩვენ რამდენჯერმე გვექონდა წარმატებული გასტროლები საზღვარგარეთ: პოლონეთში, გერმანიაში, შოტლანდიაში, ესპანეთში, ინგლისში. და აი, სწორედ ინგლისიდან დაბრუნების შემდეგ, მოხდა სრულიად მოულოდნელი რამ. ჩამოყვდით თუ არა, ბატონმა რობერტ სტურუამ დაგვიბარა და გვითხრა — თეატრში შემცირებაა, იძულებული ვარ თქვენი ჯგუფიდან რამდენიმე კაცი დაეტოვო, დანარჩენები კი გაგიშვათო!.. ასეთი შოკური ინფორმაციის მოსმენის შემდეგ, პირველად ინსტიქტურად დაეიწყეთ გამოთვლა — ჩვენს შორის ვინ გადარჩებოდა?! თუმცა, მალე მოვეგეთ გონს, და მივხვდით, რომ ჩანაფიქრში გაცილებით ვერაგული რამ იდო!.. ჩვენ მარტო სამუშაოს კი არა, სპექტაკლებსაც უნდა გამოეთხოვებოდით. სპექტაკლიდან ათითორმეტი მსახიობი რომ მოიხსნება, მისგან რაღა უნდა დარჩეს?! ინდოიდუალურად თაყის გადარჩენაზე ფიქრს თაყი დაჟანგებთ, იქვე მოვილაპარაკეთ და ბატონ რობერტს ვუთხარიო — გვირჩევნია, ყველა ერთად წავიდეთ, ვიდრე უარი ვთქვათ. პირველ რიგში, ბატონ გიზოზე და შემდეგ ჩვენს სპექტაკლებზე.

— ბატონი გიზო სად იყო ამ დროს?

— იქ იყო, მაგრამ არაფერი უთქვამს, გადაწყვეტილებებს ვიღებდით ჩვენ. მერე, ეს ამბავი, ქალაქშიც გახმაურდა. ბევრი შეეცადა დაგეხმარებოდა. მათ შორის ბატონი გიგა ლორთქიფანიძეც, რომელმაც შემოგვთავაზა — ნუ დაიშლებით, მე დაგითმობთ მსახიობის სახლის სცენას, დაგინიშნაყო ხელფასებს და საერთოდ, თქვენს გვერდით მიგულყო! რასაკვირველია, ბატონი გიგას ძალიან მაღლიერები ვიყავით, მაგრამ ამ დროს, კულტურის სამინისტროც ჩაერია საქმეში. იმის მიუხედავად, რომ არეულობა უკვე დაწყებული იყო, კულტურის სამინისტროს ჯერ კიდევ ექონდა ძველებური ძალა და ავტორიტეტი. კულტურის მინისტრს შეეძლო აქტიურად ჩარეულიყო თეატრის გადაწყვეტილებებში. ამის სიკეთე ის გახლდათ, რომ თეატრის მესვეურებს არ შეეძლოთ ისეთი ერთპიროვნული მმართველობა, როგორც ახლა. მაშინდელმა კულტურის მინისტრმა, ბატონმა ვალერი ასათიანმა, სტურუასთან შეხვედრის შემდეგ დაგვიბარა და გვითხრა — არაუითარი შემცირება არ გემუქრებათ, შეწყდეს ამაზე ლაპარაკი და ხუალიდან ყველა გამოცხადდით თეატრში!..



— ბატონი გიზო ბოლომდე ღუმდა?!

— მინისტრის ამ განცხადების შემდეგ ისიც დარჩა, მაგრამ ურთიერთობები უკვე გაბზარული კი არა, დამსხვრეული იყო. ის დიდი ზეიმი, რომელიც თავისი ინიციატივით გაგვამართინა ბატონმა რობერტმა, ჩაკედა, მოისპო.

აი, ასეთ დროს შეუდგა ბატონი გიზო „კაცია-ადამიანის?!“ დადგმას. დაასრულა პირველი მოქმედება და გადაუვლით მეორე მოქმედებაზე... ერთხელაც ღერუფანში მხედება ჩემი ჯგუფული გონა კაპანაძე და მეუბნება — სად მიდიხარ?... არაუთარი რეპეტიცია აღარ იქნება, გიზო ჟორდანიას წავიდა თეატრიდანო!..

მიუხედავად იმისა, რომ გიზო ღელაჩემის ძმას, თითქმის მისი გაზრდილი ვარ და მისი მოწაფეც ვიყავი, არაფერი ვიცოდი. არაფერი უთქვამს სახლში... გაოგნებული, გაფითრებული და იმედგაცრუებული გამოყვანილი თეატრიდან. მოვდივარ, რათა მოვძებნო ბატონი გიზო და ვკითხო — რა მოხდა?!. რაც მთავარია, პირველ რიგში მე მის გამო უფრო ვწუხდი, ვიდრე იმის გამო, თუ მე რა მესვენებოდა, ჩემი ღარეჯანით?!. მოყვანილი ოპერასთან და ღელაძე არ ვიცი, რამ მომაფიქრა ის მიაპიტური გადაწყვეტილება, რომელიც მივიღე! — გადაწყვეტივით, დაუბრუნებულიყავი თეატრში და ბატონი რობერტისათვის მეკითხა — რა მოხდა?!

დაუბრუნდი და ბატონ რობერტთან, რეპეტიციაზე შევაგზავნე თანამშრომელი — თუ შეუძლია დამელაპარაკოს — მეთქი?!. — რატომღაც ჩავთვალე, რომ ამის უფლება მქონდა?!. თან, იქვემყოფ ჩემს ჯგუფელს, ირაკლი მაჭარაშვილს ვთხოვე, ერთად დაველაპარაკოთ ბატონ რობერტს, იქნებ შევძლოთ რამის გამოსწორება, შევარიგოთ, მეთქი!..

ამასობაში ბატონი რობერტიც მოვიდა და ისე თბილად, საყვარლად მომესალმა, ლამის ვიტირე!.. და მესამე კლასელის გულუბრყვილობით ავლაპარაკდი! — ჩემს ამ მონოლოგში თხოვნაც იყო, მუდარაც, განრისხებაც და ბატონი გიზოს დაცვის უმწეო ცდაც!..

— ერთი სიტყვით, ანტიგონე თავის სიმართლეს უმტკიცებდა კრეონს?!

— უმტკიცებდა და მერე როგორ! სიტუაციის განმუხტვის ნაცვლად, ისეთი მგზნებარე საბრალდებო სიტყვა წარმოუთქვი თეატრში გამეფებულ მლიქნელურ-მაამებლურ ატმოსფეროზე და

ბატონ რობერტზე, ამ ატმოსფეროს მთავარ სულისჩამდგმელზე, რომ იმ წუთში რატომ არ გამომაგლო, დღემდე მიკვირს!.

— დუელი არ მიიღო?!

— წარმოეთქვი ეს ჩემი საბრალდებო მონოლოგი და ველოდები, რაღაც საშინელება მოხდება!.. და ამ დროს, შესმის ბატონი რობერტის დათაფლული ხმა — ქეთი, იცი რაშია საქმე?!.. შენ გიზოს ტელეფონი გაქვს?! ჩამაწერინე ერთი!.. — ვითომ შენ აქ რა გულს იხეთქავ, დავურეკავ გიზოს და ყველაფერი მოგვარდებაო!..

— შეტი არაფერი უთქვამს ?!

— როგორ არა! — ყველაფერი დირექტორის ბრალიაო!..

— დაიჯერე?

— რასაკვირველია! და როგორც ნამდვილი გმირი, ისე გამოვედი იქიდან — საქმეც გავაკეთე და თან, ხედავთ, სტურუას როგორ ველაპარაკე?!. იმ ადამიანს, ვის წინაშეც მთელი თეატრი, ლამის მუცელზე ხოხავს!..

— თეატრში ამის შემდეგ გაგირთულდა მდგომარეობა?

— გართულება იქიდან დაიწყო, როცა ჩემი სათაყვანებელი ადამიანი თეატრიდან წავიდა! გამიჩნდა პროტესტის გრძნობა, რომელსაც როგორც შემეძლო ისე გამოეხატა. თუმცა ვიცოდი, ამით არაფერი შეიცვლებოდა, გარდა იმისა, რომ ერთი მოჩხუბარი, უზრდელი გოგოს შთაბეჭდილებას დაეტოვებდი!.. ბოლოს, ამ პროტესტისა და იმის გამოც, რომ დიდ სცენაზე ვერანაირად ვერ ვხედავდი ჩემს თავს, წამოვედი თეატრიდან.

— დიდხანს იყავით უმუშევარი?

— რვა წელი.

— რას აკეთებდით?

— ეზრდიდი შვილებს — ელენეს და ნიკუშას.

— ამჟამად რას აკეთებთ?

— ამჟამად ბედმა გამიღიმა და ვარ მარჯანიშვილის თეატრში. ამისათვის, ბედის გარდა ბატონი ოთარ მეღვინეთუხუცესისაც დიდად მადლიერი ვარ.

არ შემიძლია, განსაკუთრებული სიყვარულით არ მოვიხსენიო, ჩემი მეგობარი, რეჟისორი ლევან წულაძე, რომელიც მარჯანიშვილის თეატრში დგამს „ყვარყვარე თუთაბერს“ და გულთამხეს როლი მე მომცა.

— გაგიმართლათ ცხოვრებაში?

— რასაკვირველია. ზემოთა და სიხარულით აღსაესე ათი წელი მქონდა რუსთაველის თეატრში!.. მაქვს შესანიშნავი ოჯახი. მიმიღეს მარჯანიშვილის თეატრში... და საერთოდ, ცხოვრება ხომ ჯერ კიდევ წინ არის!..

— რისი გახსენება განიჭებთ განსაკუთრებულ სიხარულს?

— მარტო სიხარულს კი არა, ძალიანაც შეამაყება ის, რომ შარშან თავად სოფიკო ჭიაურელმა დამირეკა და მასთან ერთად, თავის თეატრში თამაში შემომთავაზა! შემდეგ, მართალია, ეს სპექტაკლი აღარ დადგმულა, მაგრამ განა ცოტაა ის ფაქტი, რომ სოფიკო ჭიაურელს სწორედ მე გავახსენდი და არა სხვა?!

— თეატრი ტაძარია?

— მსახიობისათვის თეატრი ტაძარიც არის და სახლიც. რადგან შენ მისით და მასში ცხოვრობ, ის შენი სახლია. მაგრამ, როცა შენ სცენაზე დგებარ და ათასობით თვალი შემოგყურებს, ხარობს და განიცდის შენთან ერთად, შემდეგ კი იქიდან გრძნობებით დატვირთული, განწმენდილი და ამაღლებული გამოდის, რასაკვირველია, ტაძარია.

საერთოდ, თეატრი ის არის, რა დამოკიდებულებაც გაქვს მის მიმართ.

2000 X.





## კაკა ბარათაშვილი

— კაკა ბარათაშვილი, მსახიობი, დაბადებული?..

— 1953 წლის 1 იანვარს.

— მშობლები?..

— დედა ერნა ხატიაშვილი, პედაგოგი, დაბადებული და გაზრდილი რუსეთში, სამხედრო მოსამსახურის ოჯახში. 18 წლისა ყოფილა საქართველოში რომ ჩამოსულან. ქართული აქ უსწავლია. რადგან, ფაქტობრივად, რუსულენოვანი დედა მზრდიდა, სკოლაში წასვლამდე, ქართული არც მე ვიცოდი. მაგრამ რუსულ სკოლაში სწავლაზეც სასტიკი უარი მითქვამს — ქართველი ვარ და რუსულ სკოლაში რა მინდაო?! — მამაჩემი ყოველთვის ამეყობდა ამით! მამა — როსტომ ბარათაშვილი თავის დროზე ძალზე გახმაურებული ისტორიის ერთ-ერთი მოქმედი პირი გახლდათ. სინამდვილეში მომხდარი ეს ისტორია შემდეგ ნოდარ დუმბაძეს აქვს აღწერილი თავის „თეთრ ბაირაღებში“. ის მეგობარი, მასთან ერთად რომ დაიჭირეს რესტორანში მომხდარი მკვლელობის გამო, მამაჩემი იყო. რომანში როსტომ ამილახვარი. უნივერსიტეტში ფიზიკის ფაკულტეტის მესამე კურსზე იყო რომ დაიჭირეს და შეიდწელიწადნახევარი იჯდა. ციხეში ყოფნის მეოთხე წელს გაიგო სინამდვილეში მკვლეელი ვინც იყო!..

— ტკივილიანი ბავშვობა გქონდათ?

— შეიძლება, მაგრამ ეს დიდად არ მიგერძნია. წლის და ხუთი თვის ვიყავი მამა რომ დაიჭირეს.

— სკოლაზე რას იტყვიან?

— ესწავლობდი 55-ე სკოლაში, დაამთავრე 1970 წელს!

— თეატრი როდის შემოვიდა თქვენს ცხოვრებაში?

— რომ გითხრათ ბავშობიდან თეატრის თავგადაკლული მოყვარული ვიყავი-მეთქი, სიცრუე იქნება. იმას არ ვთვლი, სკოლიდან რომ დაეყავდით თოჯინებისა თუ მოზარდმაყურებელთა თეატრებში. მაგრამ მასზე ფიქრი როდის დაიწყო ზედმიწევნით მახსოვს. მკათე კლასში ვიყავი სპექტაკლს რომ ვესწრებოდი რუსთაველის თეატრში და უცებ გავიფიქრე — იმას, რასაც მსახიობები აკეთებენ მეც გააკეთებ და შეიძლება გაცილებით უკეთესადაც-მეთქი!... ალბათ ეს ახლა თავხედურად ჟღერს, მაგრამ მაშინ ასე გადავწყვიტე. ეს იყო და ეს, თეატრზე ფიქრმა მაგნიტოვით მიმიზიდა. სიარულსაც მოუხშირე — მოსვენება კი საბოლოოდ მაშინ დაეკარგე, თუმანიშვილის მიერ დადგმული „ანტიგონე“ რომ ვნახე!... ქალბატონი ზინა კვერენჩხილაძე!... ბატონი სერგო ზაქარიაძე!... თეატრალურ ინსტიტუტში ჩაბარების გარდა აღარც არაფერი მინდოდა! თუმცა მანამდე ხატვა და ძერწვა უფრო მიყვარდა. დღე და ღამე თიხა მეჭირა ხელში. მშობლებიც ფიქრობდნენ რომ სწორედ სამხატვრო აკადემია იყო ჩემი მომავალი. თუმცა ბოლო წუთს დიდი კონკურსის შეშინდათ და გადაწყვიტეს პოლიტექნიკურ ინსტიტუტში სარკინიგზო მშენებლობის ფაკულტეტისათვის მოვემზადებინეთ. კერძო მასწავლებლებთან დაშაყვებინეს მეცადინეობა. ძალიან გამიმართლა მათემატიკის მასწავლებელთან — სწორედ რომ საჩემო იყო. მივიდოდი და მეტყვოდა: შენც გეზარება და მეც, წადი გაისეირნე, სახლში კი უთხარა ვიმეცადინეო!... მეც მეტი რა მინდოდა და ცხონებულ მამაჩემს ასე უქმად ვაყრევინებდი ფულს.

დადგა მისაღები გამოცდების დრო. მაგრამ არ მინდა ეს სარკინიგზო მშენებლობა!...შვედი გამოცდაზე. უფრო ზუსტად ინსტიტუტის შენობაში, მაგრამ საგამოცდო ოთახის ნაცვლად გავემართე... ტუალეტისაკენ! გავხსენი ჩუმად მომარაგებული სიგარეტის კოლოფი და სანამ, ჩემი აზრით, წერითი გამოცდა გრძელდებოდა მთლიანად მოუწიე! მერე მივიღე გახარებული კაცის

გამომეტყველება და გამოუედი. მამაჩემმა ეტყობა იფიქრა კარგად არის საქმეო და თავადაც ბედნიერმა მკითხა:

— დაწერეო ?

— ვერა-მეთქი!..

— აბა, რა გიხარიაო ?! — გადაირია კაცი. დაიწყო ფიცი:

— ჯარში გიკარე თავსო!..

ვფიქრობდი, ოღონდ ახლა გადავრჩე და ჯარში წასვლამდე დაშოშმინდება, აბა რა იქნება-მეთქი! არა და უარესი თურმე წინ მელოდა! — მამაჩემს ინსტიტუტში ახლობელი ჰყოლია, ვისთვისაც უთხოვია — ბავშს მიმიხედუო!.. და ისედაც გაცეცხლებულ მამაჩემს ის კაცი არ დაადგა თავზე?!

— შენი შვილი ვერსად ვნახე ჩემო როსტომო! — უთხრა.

იქ ამბავი ატყდა!..

მხოლოდ რამდენიმე დღის შემდეგ გამოუტყდი მშობლებს:

— გამოცდაზე იმიტომ არ გაუედი, რომ პოლიტექნიკურში სწავლა არ მინდა-მეთქი!

— აბა, სად გინდაო?! — ვუთხარი სადაც მინდოდა!..

როსტომ ბარათაშვილი, ძველი ვერელი, თავმომწონე კაცი დიდად არ აღფრთოვანებულა იმით, რომ მისი შვილი არტისტი უნდა გამოსულიყო, მაგრამ რაღას იზამდა?!

მაშინ ასეთი წესი იყო — თუ არ სწავლობდი, უმუშევარი ვერ იქნებოდი. მუშაობის ცნობის გარეშე ინსტიტუტში საბუთებსაც კი არ მიიღებდნენ. და მამაჩემმაც თავის მეგობართან ეროსი მანჯგალაძესთან მიმიყვანა, რომელმაც სცენის მუშად მომაწყო თეატრში. უკეთეს რას ვინატრებდი? — ჩემს ბედნიერებას საზღვარი არ ჰქონდა. ერთხელაც ბატონმა სერგო ზაქარიაძემ შემამჩნია და გამესაუბრა კიდევ. ხოლო, როცა გაიგო მსახიობობა მინდოდა, შემპირდა:

— ვეტყვი, უსიტყვო როლები გათამაშონო!

სიხარულისაგან მეცხრე ცაზე ვიყავი. სერგო ზაქარიაძე დაინტერესდა ჩემით! ის ადამიანი, რომელიც მხოლოდ მაშინ კი არა, დღესაც თვალუწვდენელ სიმაღლეზეა ჩემთვის!..

თეატრალურ ინსტიტუტში, სასცენო მეტყველების კათედრის გამგესთან ქალბატონ მალიკო მრეველიშვილთან, ჩვენმა დიდმა მსახიობმა ზინა კვერენხილაძემ მიმიყვანა. ქალბატონმა მალიკომ მომისმინა, მაგრამ მოსამზადებელ კურსებზე მაინც ვერ მოვხვდი,

მეტყველება დამიწუნეს. მერე ქალბატონი მედლა ჩახვაც ჩაერია საქმეში. იგი ბებიაჩემთან იკერაედა კაბებს და ძალიან დაახლოებული იყო ჩვენს ოჯახთან. ქალბატონმა მედლამ ლექსისა და იგავ-არაკის კითხვა მასწავლა. მისმა ვაჟმა, მაშინ ჯერ კიდევ ახალგაზრდა რეჟისორმა თემურ ჩხეიძემ კი ამისხნა რა იყო ეტიუდი და როგორ უნდა გამეკეთებია. მოვიდა გამოცდების დრო. ჩავაბარე და მოვხვდი მიხეილ თუმანიშვილის ჯგუფში.

— რას ნიშნავს შენთვის თუმანიშვილის მოწაფეობა?

— ცოდვა გამხელილი სჯობს, მაშინ ბევრს არაფერს!...ამდენი ხნის შემდეგ თეატრში ხელმეორედ რომ დავბრუნდი, მხოლოდ ახლა მივხვდი, რომ ეს ბედის საჩუქარი იყო. როცა ასეთ პიროვნებასთან ყოველდღიური ურთიერთობა გაქვს, ფიქრობ, ეს ასე უნდა იყოს?! აი, დღეს როდესაც ის უკვე კარგა ხანია აღარ არის, ირგვლივ კი უამრავ უცოდინარს რეჟისორი ჰქვია, რასაკვირველია, გაცილებით მეტად აფასებ იმას, რაც ასე უხვად გიბოძა ცხოვრებამ. ასე მგონია, ჩვენი თეატრის გარდა, არანაირი წარმოდგენა არა აქვთ ქმედითი ანალიზის მეთოდზე. იმათაც კი, ვინც მასთან ისწავლა, მაგრამ შემდეგ მასთან აღარ უმუშაუია. ხშირად, ტელერეკლამითაც შემიძლია იმის გამოცნობა თეატრის სახელით რა უბედურებასაც გვთავაზობენ. ამიტომ არ შემიძლია ყველა რეჟისორთან მუშაობა. თუ იგი იმ ენაზე არ ლაპარაკობს, რომელიც მესმის, არაფერი გამოგვივა. ჩვენი საუბარი ორი ყრუს ერთმანეთისათვის გაგებინების ამო მცდელობა იქნება.

— თეატრალური ინსტიტუტიდან კიდევ ვინ დაგამახსოვრდათ?

— ქალბატონი ნათელა ურუშაძე. მის აზრს დღემდე უდიდესი მნიშვნელობა აქვს ჩემთვის. ქალბატონი ნათელა არის მეტრი.

— პირველი სპექტაკლი, რომელშიც ითამაშეთ?

— ეს იყო ცოტნე ნაკაშიძის მიერ დადგმული დაჯიშით კლდიაშვილის „მსხვერპლი“. მე და მურმან ჯინორია სოფლის აზნაურებს ვთამაშობდით. ეპიზოდური როლები იყო, მაგრამ ბატონმა მიშამ მათი ხასითის თითოეული ნიუანსი დაგვაჩვენებია. ამ დროს მესამე კურსზე ვიყავი. პირველი წარმატებული როლი კი დონ კიხოტი იყო. ესეც ინსტიტუტში. ნუგზარ ბაგრატიონმა თავის სარეჟისორო ნამუშევრად დადგა მიუზიკლის „ლამანჩელის“ ბოლო სცენა. არასოდეს დამაფიწყებდა ის შეგრძნება, რომელიც მაშინ მქონდა.

— არტისტობის გემო იგრძენით?

— არა, გემოს შვებრძნებამდე ყოველთვის ხელახლა უნდა მიხვიდე. როცა რაღაც გამოგდის გემოც არის!.. თუ არა და კვლავ ისეთი გრძნობა გეუფლება, რომ გზა, რომელსაც ადგახარ, შენი არ არის! ეს ბოლომდე ასეა.

— ინსტიტუტი როდის დაამთავრეთ?

— 1975 წელს. ჩვენი სადიპლომო სპექტაკლი იყო „ახალგაზრდა გვარდიის სახელით“. ვთამაშობდი ლევაშოვს. ეს მიხვილ თუმანიშვილის ერთ-ერთი წარმატებული სპექტაკლი გახლდათ. ის რომ ბატონი მიშა იმხანად ახალი წამოსული იყო რუსთაველის თეატრიდან, ჩვენი ჯგუფისთვის დიდ ბედნიერებად იქცა. მთელ თავის დროს, ენერგიას, ცოდნას, გამოცდილებას და სიყვარულს მხოლოდ ჩვენ გვახმარდა. მის თეატრად ჩვენი მეტერთმეტე აუდიტორია იქცა, საიდანაც არ გამოედირდით. თუმანიშვილმა აუდიტორიას, „თეატრი ჭადრის ქვეშ“ დაარქვა.

— შემდეგ მთელი ჯგუფი წაგიყვანათ კინომსახიობის თეატრში?

— არა, მხოლოდ რამდენიმე.

— რომელი როლები გიყვართ?

— მიყვარს და საუკეთესოდ მიმაჩნია ის როლები, რომლებიც მაყურებელსაც მოსწონს. მიყვარს დავით გელოვანი, სპექტაკლში „ჩემი პატარა ქალაქი“. მიყვარდა ჟორჟი, სპექტაკლში „კარებს აჯახუნებენ“. დღევანდელი გადასახედიდან არ ვიცი როგორი იქნებოდა, მაგრამ მაშინ დიდი წარმატება პქონდა. ძალიან შემეყვარდა ახლახან ნათამაშები ორი როლიც — ორგონი „ტარტიუფში“ და ინჟინერი მამფრეტი დარიო ფოს პიესაში „თავისუფალი წყვილი“. მაგრამ არის ორი როლი, რომლებიც საერთოდ ვერ გავითავისე. ერთია ჯოჯიკი, ნუგზარ ბაგრატიონის მიერ დადგმულ სპექტაკლში „შუშანიკის წამება“ და მეორე რუსი „სეკრეტარი“ — თუმანიშვილის სპექტაკლში „ბაკულას ღორები“. ჯოჯიკი თავისი სქემატურობის გამო მიშლის ნერვებს. რუს „სეკრეტარს“ კი თავის დროზე გოგა მარგველაშვილი თამაშობდა ბრწყინვალედ. იმან, რომ მის ნაცვლად ვიყავი შეყვანილი სპექტაკლში, ძალიან შემეშალა ხელი. კი მეუბნებიან — შესანიშნავად თამაშობო, მაგრამ ჩემზე უკეთ ვინ იცის რას ვთამაშობ და როგორ?!...



— როგორ მუშაობთ როლზე?

— ვერ აუხსნი. მაგალითად, ორგონის გამო მე და რეჟისორი დავით საყვარელიძე გამუდმებით ეკამათობდით. ხან მეგონა რაღაცას მივაგენი, ხან ვფიქრობდი არაფერი გამოდიოდა. დადგა გენერალური რეპეტიციის დღე. მოვეშხადე უნდა გამოვიდე და ეხედავ... ხალხია დარბაზში?! ხმამაღლა გამოვთქვი საყვედური, რაღაც მიპასუხეს. რა ექნა?! მოთოკე თავი და ვცადე როგორღაც დავწყნარებულიყავი, მაგრამ გულისყური მაინც დარბაზისკენ მაქვს

— რა ექნებოდათ მაყურებლის მოყვანა?!. რა უნდა ვაჩვენოთ?!

— თუ ვივარგეთ კიდევ არა უშავს, მაგრამ თუ ვერა, მთელ ქალაქში გავარდება ხმა, რომ რაღაც საშინელება დაიდგა?!. ამ ფიქრებში ვარ და უცებ რაღაც პოზაში აღმოვჩნდი?! — ფეხებიც უჩვეულოდ გაეშალე!. რაღაცნაირად დავიწყე სიარულიც და ... როლიც დაიბადა, გაჩნდა ორგონი!. რაღაც ამდაგვარი მოხდა დავით გელოვანზე მუშაობის დროსაც. ვწვლობდი, ვწვლობდი მაგრამ რაღაც ისე არ გამოდიოდა. ბოლოს ჩაცემის დროც დადგა. შევარჩიე კოსტიუმი, ჩავიცვი გალიფე შარვალი, მოვირგე ფაფახი და ჩემი გმირიც გაჩნდა!.. ამას ვერანაირად ვერ ავიხსნით, მაგრამ ერთი რამ ნამდვილად ვიცი, კარგად ვიცი როლის გაცოცხლებამდე გზა როგორ უნდა გავიარო.

— თქვენი პროფესიის ყველაზე დიდი სირთულე?

— ყველაზე დიდი სირთულეც და საშინელებაც არის ის, რომ ბრწყინვალედ ნათამაშები ასი როლიც კი შეიძლება წაშალოს ერთმა ცუდად შესრულებლმა როლმა.

— არისტოტელური-არაარისტოტელური, ილუზიური-ანტიილუზიური და საერთოდ, რაც არ უნდა ვუწოდოთ, საბოლოოდ მაინც განცდასა და წარმოსახვასთან გვაქვს საქმე. თქვენ როგორი თეატრის მომხრე ხართ?

— მე ამას წარმოსახვას კი არა, მოტყუებას დავარქმევდი. თუმცა ორი-სამი ბავშვი შეიძლება მართლაც მოატყუო, მაგრამ მთელ დარბაზთან ეს არ გამოვა. მსახიობმა თავად თუ არ განიცადა, სხვას რას გადასდებ?!

— რატომ დატოვეთ თეატრი?

— მანამდე იყო ეროვნულ ძალებთან აქტიური კავშირი, რაც დღემდე ძალიან შეამაყება. ჩემს ცხოვრებაში ძალიან ბედნიერია ის დღე, როდესაც მე, როგორც ახალგანთავისუფლებული

საქართველოს დეპუტატმა ჩემი ქვეყნის დამოუკიდებლობის აქტს მოვაწერე ხელი.

— ბარათშვილი ხომ ეროვნული თავისუფლების იდეამ შეიპყრო გასაგებია, მაგრამ არტისტი პოლიტიკოსად როგორ იქცა?

— ეროვნული მოძრაობის გააქტიურებას ჯერ შორიდან ვაკვირდებოდი, ვუსმენდი მერაბ კოსტავას, ზვიად გამსახურდიას. ისინი იმას ამბობდნენ, რასაც მე ვფიქრობდი, მაგრამ ვერ ვამხელდი. უფრო სწორად, რისი ნაწილობრივ გამოთქმა შეიძლება სიმთვრალეში გამებედა მხოლოდ. ამიტომაც არ გამიშვეს საზღვარგარეთ თეატრთან ერთად.

— საბჭოთა ხელისუფლების დროს?

— დიახ, კომკავშირის ცეკამ თეატრი ესპანეთის საგზურებით დააჯილდოვა, მე კი წასვლის ნება არ მომცეს. შემდეგ ჩემმა ერთმა მაღალჩინოსანმა მეზობელმა გაარკვია, რომ სუკის თანამშრომელს მოუსმენია როგორ ცუდად მოვიხსენიებდი საბჭოთა წყობას რესტორანში ქეიფის დროს! არც იმას მპატიებდნენ, რომ თვითმფრინავის გატაცების მცდელობისათვის დაპატიმრებული ბიჭების შეწყალების თხოვნაზე მოვაწერე ხელი. რაც არ უნდა დამმართოდა ამაზე უარს როგორ ვიტყვოდი?! და აი, გამოჩნდნენ ადამიანები, რომლებიც ჩემს სათქმელს ამბობდნენ!... ყველაფერთან ერთად, მერაბ კოსტავა და ზვიად გამსახურდია ნათესავებადაც მეკუთვნოდნენ. ბებიანები ხელი კოსტავა და მერაბი ძმათა შვილები იყვნენ. ზვიადი გვარიშვილობასაც ძალიან აფასებდა. მე და ირაკლი ჩხეიძე სწორედ ამ ნიშნით მიგვიღეს „მრგვალი მაგიდის“ დამოუკიდებელ წევრებად. მანამდე ჯერ მონარქისტულ პარტიაში ვიყავი, მერე ტრადიციონალისტებთან. თუმცა თავიდან არც არანაირი წარმოდგენა არ მქონდა პარტიების სხვადასხვაობაზე. ვიცოდი ეროვნული მოძრაობა, ყველას გაფართოებული თვალეზით შევყურებდი და მწამდა, რომ ყველა მათგანს საქართველოს კეთილდღეობა უნდოდა.

— როდის დატოვეთ თეატრი?

— 1992 წელს, როდესაც კრიმინალური გადატრიალება მოხდა და ხელისუფლების სათავეში შევარდნაძე მოვიდა.

— თუმანიშვილი ხომ თეატრში იყო, თქვენ მასთან უნდა გემუშაოთ და არა შევარდნაძესთან?

— მაშინ იმხელა ტკივილს ვგრძნობდი, რომ არ მეთეატრებოდა!

— რამდენი წელი იყავით თეატრის გარეშე?

— ცამეტი.

— არ გენატრებოდით?

— ერთი და იმავე სიზმარს ენახულობდი გამუდმებით — ვიჯექი საგრიმიოროში და „ჩემი პატარა ქალაქის“ სათამაშოდ ვეშაადებოდი, მაგრამ ვერაფრით ვერ ვახერხებდი ჩექმის ჩაცმას!.. ვწვალობდი, ვწვალობდი და ამ წვალებაში მეღვიძებოდა!.. ასე იყო.

— ასე ვთქვათ, შევარდნაძე ძალიან „დასაჯეთ“, მაგრამ შემოქმედების ცამეტი წელიც ხომ ქარს გაატანეთ?

— იცით რამდენი რამ გადამხდა?! — დაჭერილიც ვიყავი, გადაწვასაც მიპირებდნენ. ღამის ოთხ საათზე გაგვითიშეს დენი, ტელეფონი, წყალი და ცეცხლმოკიდებული პატრუქი შემოგვიგდეს სახლში. მეზობლების დახმარებით გადაურჩით. ეს გაფრთხილება იყო იმისათვის, რომ გროზნოში არ წავსულიყავი, მაგრამ მე მაინც წავედი!..

— ე. ი. ამ წლებმა დიდი ემოციური გამოცდილებაც შეგძინათ?

— რასაკვირველია. ღროთა განმავლობაში, გინდა თუ არა, შტამპები მაინც გიგროვდება. ამ წლებმა კი მთელი შტამპები დამაუიწყა!.. საკუთარი თავის დისტანციური მართვა მასწავლა.

— თეატრი რეჟისორის არის თუ მსახიობის?

— რეჟისორის თეატრი დღევანდელი რუსთაველის თეატრია. შეურაცხყოფის მიყენება არაუისთვის მინდა, მაგრამ მგონია, რომ რობერტ სტურუამ ქართული თეატრი დაღუპა!.. მსახიობი რომელიც მასთან მოხვდება, თუ ის რამაზ ჩხიკვაძე არ არის, დაღუპულია!..

— იმის თქმა გინდათ, რომ რამაზ ჩხიკვაძეს, სანამ სტურუას სპექტაკლებში დაიწყებდა თამაშს, სტანისლავსკის სისტემაზე დაფუძნებული მიხეილ თუმანიშვილის სკოლა ჰქონდა გაულილი?

— ამ სკოლის გარეშე, პირდაპირ სტურუასთან მოხვედრილი ახალგაზრდები უბედურები არიან. მათ ისიც კი ეცლებათ ხელიდან, რაც თეატრალურ ინსტიტუტში ჩაბარებამდე იცოდნენ. რას ქვია რეჟისორის თეატრი? როგორ უნდა ვთქვა, რომ ადამიანი არის მისი რომელიმე ნაწილი?! — თეატრი ერთი მთლიანი ორგანიზმია და მისი დანაწევრება არ შეიძლება.

— იმ ფულის გამო „სამშობლოს„ დასადგმელად რომ იყო საჭირო, ქართული სცენის ერთ-ერთი სიამაფე ვასო აბაშიძე მუხრან ბატონის გასაცინებლად „შებტა და შემობზრიალდა“ თქვენ თუ ხართ მზად ღირსება შეწიროთ თეატრს?

— განვილიშა წლებმა ისიც მიმახვედრა, რომ თურმე არ მცოდნია ვინ ვარ და რა დროს რას გააკეთებ?! ვერასოდეს წარმოვიდგენდი იმდენი გამბედაობა თუ შექნებოდა, რომ გამხეცებულ ნიჩაბმომარჯვებულ რუს ჯარისკაცს ქალს გამოგვლევდი ხელიდან და წიხლს ჩაუარტყამდი?! არც ის მეგონა, რომ პრინციპების გამო ცამეტი წელი უთეატროდ ვიქნებოდი?! ეს რომ სამოცდაათიან წლებში ვინმეს ეთქვა, გიჟი მეგონებოდა! ამდენად, წინასწარ არ ვიცი რისი გამკეთებელი ვარ და რისი არა.

— მარჯანიშვილს მიაჩნდა რომ „თეატრის დანიშნულება უბრალოა, მიანიჭოს ადამიანს სიხარული, შთაბეროს მას მხნეობა“. თქვენ როგორ ფიქრობთ ?

— სწორედ ასე ვფიქრობ! მაყურებელს გული მაშინაც კი არ უნდა ვატკინო, როცა რაღაც მწარე მაქვს სათქმელი. ისე უნდა მიუაწვდინო სათქმელი, რომ კი არ ვატკინო — დაეფიქრო.

— ჩვენი დიდი წინაპრები არტისტს ხალხის მოძღვარს, ხალხის მასწავლებელს უწოდებდნენ. თქვენთვის ვინ არის იგი?

— ჩემი აზრით, მსახიობი ერის სადარაჯოზე მდგომი ფიგურა უნდა იყოს. ამ ბოლო წლებში სულ ვფიქრობ, რამხელა ბედნიერების მომტანი პროფესიაა!? მარტო ტაშს არ ვგულისხმობ. თუმცა, ადრე ძალიან მიყვარდა ტაში. ახლა მუშაობის პროცესი უფრო ძვირფასი გახდა. რაღაცას რომ მიაკვლევ და ერთი სული გაქვს როდის მიიტან მაყურებლამდე.

— „დასაბამიდან იყო სიტყვა. სიტყვა იყო ღმერთთან. და ღმერთი იყო სიტყვა.“ თქვენთვის რას ნიშნავს სიტყვა?

— „თეატრში სიტყვა მოქმედების მსახურია“. თეატრი არის მაშინ, როდესაც მოქმედება ბადებს სიტყვას.

— რას ფიქრობთ მოქალაქეობრივ ვალზე?

— მთელი ის ცამეტი წელი ჩემთვის მოქალაქეობრივი ვალი და ვალდებულება იყო!..

— „არის თუ არა ქართული თეატრი ქართული?“

— მე ეჭვი მაქვს. რომ ქართული თეატრი საერთოდ აღარ არის!..

— ეროვნული ინტერესები რას ნიშნავს?

— პირველ რიგში ერისათვის ანგარიშის გაწევა.

— თუ გიფიქრიათ, რომ თქვენი შემოქმედება სწორედ თეატრმცოდნეობის წყალობით „ძლებს“ დროში?

— თეატრმცოდნეები არიან ადამიანები, რომლებიც პროფესიონალურ დონეზე მესაუბრებიან ჩემს ნამუშევარში რა არის სწორი და რა არა. არ მიყვარს როცა რაღაცას გიწუნებენ, მაგრამ ვერ ასაბუთებენ. არიან ასეთებიც. თეატრმცოდნე, მე პირადად, იმისთვისაც მჭირდება რომ როლზე მუშაობის პროცესში გვერდზე მყავდეს და რჩევებით შემეშველოს.

— ჩვენ წინაპრებს მიაჩნდათ, რომ თეატრი ტაძარია. თქვენ რას ფიქრობთ?

— ჩემთვის ნამდვილად ასეა. სპექტაკლის წინ სანთულს ვანთებ.

— რას იტყვით თეატრში დაბრუნების შემდეგ ნათამაშებ როლებზე?

— 2003-04 წ. წ. სეზონის დასაწყისში მ. თუმანიშვილის სახელობის კინომსახიობის თეატრის ხელმძღვანელმა გოგა მარგველაშვილმა დამირეკა და მითხრა, რომ არის ახალგაზრდა, ნიჭიერი რეჟისორი დათო საყვარელიძე, რომელიც ჩვენთან დგამს მოლიერის „ტარტიუფს“ და ორგონის როლი უნდა რომ შენ ითამაშო. მერე მე და დათო შეეხედით და წავედით... რესტორან „მარიოტში“!... ძალზე სიმპათიური კაცის შთაბეჭდილება დატოვა — ადამიანი საყვარელიძე რომ არის, არასაყვარელიძე შეიძლება იყოს?!... თანაც, ყველაფერი ხომ ჩვენით არ იწყება. ფესვებიც ხომ გვაქვს. ჩემთვის იმასაც დიდი მნიშვნელობა აქონდა, რომ დათო თუმანიშვილის მოწაფეა. დავიწყეთ მუშაობა. რაღაცეები მე შეეთავაზე, რაღაც იმან და საბოლოოდ მგონი საკმაოდ კარგი სპექტაკლი გამოგვივიდა. მაყურებელს მოსწონს.

— ფიქრობთ რომ თუმა დღეს აქტუალურია?

— პიესაში თითქოს მხოლოდ ოჯახზეა საუბარი, მაგრამ ჩემთვის ეს მთელი ქვეყანაა. ქვეყანა, სადაც თითქოს ყველაფერი მოწესრიგებულია, მაგრამ უცებ შემოძვრება ვიღაც ნაძირალა და აწეწავს ყველაფერს. შენთვის ყველაზე სანუკვარსაც არ დაინდობს, საკუთარ შვილს გაგაგდებინებს სახლიდან!... ვფიქრობ, ჩვენი ქვეყანა დღეს ასეთი ტარტიუფებიითაა გატენილი და ორგონის არ იყოს — „ვაი მათ, ვისაც ასეთი შეხედება და ვერ ამოიცნობს, ვისაც თვალი აქვს და ვერ ხედავს, ყური აქვს და არ ესმის.“ მართლაც ვაი, მათ!...

— მეორე როლი?

— მეორე როლი თეატრში დაბრუნების შემდეგ ამ სეზონში ქეთი დოლიძის მიერ დადგმულ სპექტაკლში ვითამაშე. ეს გახლავთ დარბო ფოს ჰიესა „თავისუფალი წყვილი“. აქ მთავარი სიყვარულის გადარჩენისათვის ბრძოლაა.

— კმაყოფილი ხართ თქვენი ნამუშევრებით?

— კარგი იყო თუ ცუდი ამას ადრე ბატონი მიშა განსაზღვრავდა. იშვიათად გვაქებდა, მაგრამ მის ყოველ სიტყვას ფასი ჰქონდა, ახლა თითქოს საშინელ სიცარიელეში მოუხვდი. აღარ ვიცი ვის ვკითხო, ვისგან გავიგო — რასაც ვაკეთებ კარგია თუ ცუდი?!

— იქნებ უკვე იმ ასაკში ხართ, რომ საკუთარ თავს უნდა ჰკითხოთ?

— ამას ვერ ვიზამ და აზრიც არა აქვს. ძალიან ხშირად, როცა გგონია რომ ბრწყინვალედ თამაშობ, მაყურებლისათვის თურმე კომშარია!.. ზოგჯერ პირიქითაა — შენ გულშემოყრილი ხარ საკუთარი თამაშით, მაყურებელს კი მოსწონს?! ამიტომაც მინდა, რომ თეატრმცოდნე მხოლოდ შემფასებელი კი არა, სპექტაკლის შექმნის თანამონაწილე და მრჩეველიც იყოს.

— თავის დროზე ილიას სიცოცხლეს ვერ გაუფრთხილდით, დღეს თუ გვგულებათ ვინმე, ვის სიცოცხლეს განსაკუთრებით უნდა გაუფრთხილდეთ ქართველები?

— მეოცე საუკუნის დაწყებიდან მეშვიდე წელს ილია გავიმეტეთ!... მეოცე საუკუნის დასრულებამდე შვიდი წლით ადრე ზვიად გამსახურდია გავწირეთ! დღეს ვინ შეიძლება მეგულებოდეს გასაფრთხილებელი?!.

2004. VI.





## მიხეილ ჯოჯუა

- ვინ ხართ თქვენ?
- მიხეილ მიხეილის ძე ჯოჯუა. არტისტი მგონია თაყი!
- ხალხი რას ფიქრობს?
- ტაშის მიხედვით თუ ვიმსჯელებთ, ეტყობა მათაც არტისტი ვგონივარ!
- ოჯახში რა ხდება?
- მყავს მეუღლე და ერთი შვილი, მაგრამ რა შვილი?!
- სად და ვისთან სწავლობდით?
- თეატრალურ ინსტიტუტში. ბ-ნ მიხეილ თუმანიშვილთან. მასთანვე ვისწავლე მოთქმენა, გაძლება, ტკივილის ჩაყლაპვა და ლოდინი!..
- პირველ რიგში ალბათ, სპეციალობა, არა?!
- ადამიანი სწავლობს იმას, რაც უნდა რომ ისწავლოს. მე მგონია, მასწავლებელზე უფრო მოწაფეა მნიშვნელოვანი. მოწაფეები ცოტაა, იმიტომ, რომ პედაგოგობაზე ძნელი მოწაფეობაა.
- ვილაცის მოწაფე ხომ უნდა იყო?
- ჩემი მასწავლებელი ცხოვრებაა და არა რომელიმე ერთი ადამიანი. ბევრ რეჟისორთან მომიხდა მუშაობა და ყველასგან ვსწავლობდი. ვსავლობდი მსახიობებისგანაც. სულ თაყიდან, ჩემი

პირველი მასწავლებელი მამაჩემის მეგობარი და ჩემი ნათლია ნოდარ (ბიჭიკო) ჩხეიძე იყო.

— მამათქვენიც მსახიობია?

— ყოფილი ფეხბურთელი და მუდმივი დირექტორია! ამჟამადაც მეგობრობის თეატრს დირექტორობს.

— ინსტიტუტში ადვილად მივიღეს?

— ინსტიტუტში ჩაბარება რომ გადაეწყვიტე, მამაჩემმა ქვეყანა შეძრა! დიდი ამბები დაატრიალა! თვად ბ-ნ დოდო ალექსიძესთან მიმიყვანა! — დაუვიწყარი დღე იყო. ბ-მა დოდომ მიკარნახა ეტიუდი. დაეიწყე ცოდვილობა. ბ-მა დოდომ მიყურა, მიყურა და უცებ თითქოს ეულკანის ამოფრქვევა დაიწყო — წინ და უკან დაქროდა, აკეთებდა წარმოდგენელ მოძრაობებს, იცინოდა, ტიროდა, ხუმრობდა, ხარობდა, მერე უცებ განუსაზღვრელი სვედა ჩაუდგებოდა თვალებში!.. ბოლოს მეც გამაკეთებინა რამდენიმე ეტიუდი და გამომიშვა.

მივედი გამოცდაზე. მომცეს დაუალება. მე, ეტყობა, დიდი ეშმაკობით არ გამოვირჩეოდი ან კარგი ციგანი ვიყავი მაშინაც, გამოუცხადე — ეს ეტიუდი ვიცი, გუშინ ბ-მა დოდომ მასწავლა — მეთქი!..

ბ-მა დოდომ მამაჩემი კინალამ მოკლა — შეილი თუ სულელი გყავდა ჩემთან რას მოგყავდა, გინდა ჩემი თავი დაატყვინო?!.

ერთი სიტყვით, მივიღე სამიანი და ჩავირიცხე ინსტიტუტში.

— ინსტიტუტის შემდეგ?

— კინოსმსახიობის თეატრში დაეიწყე მუშაობა, მაგრამ ცხოვრებამ დამარწმუნა, რომ ერთ რომელიმე თეატრში მუდმივად ყოფნა, დამლუპველია. ამიტომაც ვარ ყველგან, სადაც როლს მთავაზობენ.

— მატერიალურად ეს რას ნიშნავს?

— დღეს, მსახიობი თავის პროფესიისგან ფულს თუ ელის, ე.ი. თავის ჭკუაზე არ არის! ამ დამშეულ ქვეყანაში, მსახიობს ფულს ვინ გადაუხდის?!

— ე.ი. კომპენსაცია როლებია. საუკეთესო რომელი გგონიათ მათ შორის?

— ჩემთვის ყველა როლი ძალიან ძვირფასია, რადგან მთელ არსებას ედებ ყველა მათგანში. ასეთ დროს საკუთარი სახელიც კი მავიწყდება. ძალიან მიყვარდა ვოიცეკი, რომელიც ინსტიტუტში ვითამაშე. მასზე მუშაობის დროს, ჩემი პროფესიის ბევრი ნიუანსის



მიხვედრა დავიწყე და ისიც აღმოვაჩინე, რომ მსახიობობა საშიში პროფესიაა! — სხვა აღამიანად გარდასახვა მაგიაა და ამ დროს შეიძლება ჭკუიდან გადახვიდე! ყოველ შემთხვევაში, ჩემთვის ეს ძალიან მტკივნეული პროცესია, ფსიქიკის მთლიან გადალაგება-გადაკეთებას მოითხოვს.

— რომელიმე ერთ ჟანრში მუშაობთ თუ?..

— არ შეიძლება მსახიობი ერთი ამპლუით იფარგლებოდეს. ეს სირცხვილიც კი მგონია. რა შედეგს ვაღწევ არ ვიცი, მაგრამ ეცდილობ, ჩარჩოებით არ შევიზღუდო.

— ვინ არის მსახიობი?

— აღამიანი, რომელიც ავანგარდში დგას და რომელსაც მაყურებელი მიყვება. ოფიციალური ნამდვილად არ არის, რომ იქით მოემსახუროს მაყურებელს!..

არტისტი თავისი საქმის ნამდვილი ოსტატი უნდა იყოს. ის არა, ახლა, ვისაც სცენაზე სიარული შეუძლია, მსახიობი რომ ჰგონია თავი. ცირკში ეს მართლაც ასეა — ვინც თოკზე დადის და ზედ ყირასაც ჭიმავს, ისე რომ არ ვარდება არტისტია, მაგრამ თეატრში სცენიდან თუ არ ვარდები ბევრს არაფერს ნიშნავს! აქ სამართებლის პირზე უნდა იარო ისე, რომ ფეხი არ დაისერო! ზოგადად არტისტი, ალბათ, თავგანწირული აღამიანია.

— თეატრი ტაძარია?

— ბ-ნი მიშა გვატყუებდა ასე — თეატრი ტაძარია და სიყვარული გადაგეარჩენსო! თეატრი არის თეატრი! გადარჩენით კი უფრო სიმართლე გადაგეარჩენს და არა ფარისევლობა.

— ყველაზე მეტად რა სჭირდება მსახიობს?

— ნიჭი. თუ ნიჭი არ გაქვს, თავიც რომ მოიკლა, არაფერი გამოვა.

— გაგიმართლა ცხოვრებაში?

— შეიძლება მართლაც გამიმართლა — ამდენი როლი, ამდენი პრემია. ამ ბოლო წლებში თეატრის დღე არ ჩატარებულა, რომელიმე როლის გამო პრემია რომ არ მიმეღოს.

— მათ შორის მაყურებლის სიმპათიის პრიზიც, არა?

— დიახ. სამადლობელ სიტყვაში ეთქვი — ჩემზე მეტი სიმპათიური თუ ვერავენ ნახეთ, კარგად ყოფილა თქვენი საქმე — მეთქი!.. გამართლებაა ის, რომ სამუშაო მუდმივად მაქვს, მაგრამ შიშშილისაგან რომ სცენაზე გული წაგევა, ეს გამართლებაა?! ჩვენ

ხომ დღეს არავის ეჭირდებით?! შეიძლება მოუვლელი, მშვიერი და უკბილო კაცი იდგეს სცენაზე და არტისტი ვარო! — იძახდეს?!

— რა გაჩერებთ თეატრში?

— სიყვარული. მე თეატრით დაავადებული ადამიანი ვარ და უიმისოდ ვერ ვიცოცხლებ. და კიდევ, ცოტა იმედიც, იქნებ გამოსწორდეს რაღაც?! შეიძლება მართლაც ასე მოხდეს, მაგრამ ჩემი თაობა ვეღარ მოესწრება ამას.

— როგორია თქვენი თაობა?

— თაობა კი არა, გაგიჟებული, გამწარებული და განწირულ სახიანი არსებები ვართ, პირის დასაბან წყალს, მეთუ სართულზე, ეზოდან რომ ვეზიდებით. ჩემი არტისტობა ამაში მაინც მშველის!

— ბოლმას იმით ვიქარვებ, რომ წარმოვიდგენ ხოლმე, ვითომ წყლის მზიდავს ვთამაშობ!.. ან ჰამლეტი ვარ, რომელიც წყლით სავსე ვედროებით მიფოფხავს კიბეზე!.. აბა რა ვქნა. ყველაფერ იმას, რაც ჩვენს თავზე ხდება, სერიოზულად რომ შეხედო, ხომ გაგიჟდი?!

— ასეთ ყოფაში, არტისტს შეუძლია გამორჩეული იყოს?

— მისაბაძი და გამორჩეული, უფალია ზეცაში!

— აბა, არტისტი გამრთობია?

— გამრთობი კი არა, მეომარია! ტერორისტია!.. სცენა ჩემთვის ბრძოლის ველია, საიდანაც უნდა ებრძოლო ადამიანთა მანკიერებებს.

სამაჩაბლოდან და აფხაზეთიდან ღვენილებს ჩემი გართობა უშველის?! როგორ გავართო სოხუმელები, რომლებმაც თავიანთი ოცდაშვიდკაციანი რაზმი მაშინ შექმნეს, როცა აფხაზეთის ომი მთავრდებოდა?! ღვეან აბაშიძე, საშა იოსელიანი, სულხან სულხანიშვილი და სხვა უამრავი თბილისელი ბიჭი ამ დროს უკვე დაღუპული რომ იყო?! იმ დალოცვილებს, იქაურ ქართველებს, ცხრა სახლი რომ ჰქონდა და ათი მანქანა, ერთი ავტომატიც ეყიდათ, თავისივე ქონება რომ დაეცვათ?! მათ გართობა კი არა, გამოფხიზლება სჭირდებათ. მსახიობმა მაყურებელი გამუდმებით უნდა აფხიზლოს, რომ მოდუნების საშუალება არ მისცეს.

— თქვენი საბრძოლო არსენალი კიდევ რისკენ გაქვთ მიმართული?

— გულგრილობისკენ. დღეს, ჩვენი ყველაზე დიდი ავადმყოფობა, გულგრილობა მგონია.

- გამორჩეული რეჟისორი თუ გყავთ?
- გულსუნდა სიხარულიძე, გოგი მარგველაშვილი, სანდრო მრეკლიშვილი, ლევან წულაძე, ოთარ ვაძე.
- ადვილია თქვენთან მუშაობა?
- ეცდილობ ადვილი იყოს. ბევრს ვმუშაობ ჩემს თავზე, ყველგან და ყოველთვის, ამ წუთშიც კი!.. არ მინდა ზედმეტად შევაწუხო რეჟისორები. მათ ხომ ისედაც უჭირთ. სპექტაკლის დადგმა ძალზე ძნელი საქმეა!..
- მსახიობობა არ არის ძნელი საქმე?!
- მსახიობობა არის ოცდაოთხსაათიანი შრომა და გიჟად ყოფნა!..
- რას გულისხმობთ?
- სიგიჟეა, აბა რა არის, როცა გამუდმებით ვიღაცის ცხოვრებით ცხოვრობ?!. მე ამ წუთშიც ლორენცო ვარ!.. იმიტომ, რომ ყოველთვის ეცდილობ ყველაფერი იმ სახის შექმნას ემსახურებოდეს, რაზეც ვმუშაობ. არ მესმის, როცა ამბობენ კარგად თამაშობსო!..
- აბა რას აკეთებ?
- ეცხოვრობ! ის გპირი ვარ, ვინც უნდა ვიყო.
- კარგი პარტნიორი ხართ?
- მირჩენია საინტერესო ვიყო პარტნიორისათვის, ჩემი საქციელებით. მოქმედებით, ამა თუ იმ ამოცანის მოულოდნელი გადაწყვეტით.
- ლორენცო ვინ არის?
- თეატრალურ ინსტიტუტში გოგი მარგველაშვილი დგამს შექსპირის „რომეო და ჯულიეტას“. ლორენცო მოძღვარია, რომელიც საბედისწერო როლს თამაშობს ამ ტრაგედიაში. ბატონმა გოგიმ ძალიან საინტერესო ვერსია შემომთავაზა, რომლის მიხედვითაც ეს არის მღვდელი, რომელმაც ორი უმანკო სიცოცხლე დაღუპა.
- ეს როგორ?
- როცა მასთან რომეო და ჯულიეტა მივიდა, ერთმანეთი შეგვიყვარდა და დღესვე დაგვწერე ჟვარიო, მას არ უთქვამს — წადით შვილებო, მშობლებისგან ნებართვა აიღეთო!.. პირიქით, იქვე უფსკვნა ჟვარი!.. თან რაღაც წამალიც შესთავაზა — ჯერ მოგკლავთ და მერე გაგაცოცხლებთო!..

— გინდათ ლორენცო ცუდ საქციელში გამოიჭიროთ?!

— საქმე ცუდსა და კარგ საქციელში არ არის. ამ ბავშვების საშუალებით თაყის თამაშს რომ თამაშობს, იმაშია. ადამიანებზე ექსპერიმენტების ჩატარება არ შეიძლება. ეს რომ დამლუპველია აქედანაც ჩანს. ვის რა უფლება აქვს, მოძღვარია თუ პრეზიდენტი, რომ სხვისი ბედით რაღაც გაუგებარი თამაშები ითამაშოს?! მერე რა, რომ შენი სჯერათ ან სულაც ეშინიათ?! ამას ხომ ჩვენი სიცოცხლე ეწირება?!.

— აღშფოთებული ხართ?!

— მერე როგორი!..

— ხუმარა და მხიარული კაცის შთაბეჭდილებას კი ტოვებთ?

— არა მგონია მხიარული ვიყო. რაც უფრო მეტს ვიგებ ცხოვრების შესახებ, უფრო და უფრო მემატება სევდა. ისე მტკივა გული!.. ის მშველის, რომ სამუშაო არ მეღვეა. როლზე მუშაობისას მასში წედომის ცნობისმოყვარეობა იმდენად მიტაცებს, რომ ტკივილი და სევდა მაგიწყდება.

2000 XII.





## ნანა ფაჩუაშვილი

— მსახიობი ნანა ფაჩუაშვილი, დაბადებული?..

— 1943 წელს, ბედობის დღეს. ზოდიაქოს ნიშანი თხის რქა. მებრძოლი სულით აღსავსე, მიზანსწრაფული ადამიანი ვარ. თხის რქებს ბრძოლა იმიტომ გეჭირდება, რომ იოლად არაფერი გვეძლევა. თითოეული წინ გადადგმული ნაბიჯი ლამის სიცოცხლის ფასად გვიჯდება. თუმცა გარეგნულად ყოველთვის ისე ჩანდა თითქოს უმწეო არსება ვარ და ძალზე იოლად მომდის ყველაფერი. როლებსაც ასეთს მოგაზობდნენ — ნაზი. ცისფერი, უზრუნველ-უდარდელი ქალებისას. მერე თანდათან როგორღაც ყველაფერი შეიცვალა და გადავიდა იქით, საითაც უნდა გადასულიყო.

— შშობლები?..

— დედა — ჯენი ბაქრაძე. დიასახლისი. იგი ამჟამადაც გვერდით მყავს და ბედნიერი ვარ ამით. მამა — ლევან ფაჩუაშვილი. უფრო სწორად, მაშინაცვალი. ხუთი წლიდან მან გამზარდა და გვარსაც მისას ვატარებ. აწ გარდაცვლილი მაშინაცვალით დღემდე ვამაყობ. ჩემი ნამდვილი გვარი ადამიაა.

— ბავშვობა, სკოლა?

— არაფრით გამორჩეული ბავშვი არ ვყოფილვარ, ერთი ჭორფლიანი, წითურა გოგო ვიყავი. გარეგნულად თითქოს ნაზი,

მაგრამ კარგი ახტაჯანა. ჩემი სიმაღლის მიუხედავად შეუპოვრად დავდიოდი კალათბურთზე. ესწავლობდი საშუალოდ, მაგრამ თანაკლასელი ფრიადოსანი ბიჭი მიყვარდა. ძალიან შეამაყებოდა მისი ფრიადოსნობა. სწორედ იმის ხათრით დავდიოდი კალათბურთზე, ის კი დავალებებს მიწერდა მათემატიკაში. ყველაფრის მიუხედავად სკოლის წლებში საკმაოდ მორცხვი ვიყავი და ვერანაირად წარმოვიდგენდი ოდესმე თუ მსახიობი გავხდებოდი. ჩემს მშობლებს უნდოდათ ექიმი გამოსვლიყავი, მაგრამ ისიც იცოდნენ, რომ ჩემი ცოდნით სამედიცინოზე ვერ მოვხვდებოდი, რის გამოც გადაწყვიტეს ბიოლოგიურ ფაკულტეტზე ჩამებარებია. ჩემი შემდგომი ბედი კი იმ ცრემლებმა განსაზღვრეს, რომლებსაც ბიოლოგიის, ქიმიის და ფიზიკის სახელმძღვანელოებს ვაფრქვევდი!.. — ჩემი ასეთი ტანჯვის მრავალგზის მოწმემ, ჩვენი ოჯახის ახლო მეგობარმა, გამოჩენილმა კინორეჟისორმა ბატონმა სიკო დოლიძემ ჩემს მშობლებს ერთხელაც უთხრა:

— ნუ ტანჯავთ ამ ბაღანას, თეატრალურ ინსტიტუტში ჯგუფი ამყავს, წაიყვან და არტისტად გავზრდიო!..

მართლაც, 1960 წელს, დეამთავრე თუ არა თბილისის მე-100 საშუალო სკოლა, თეატრალური ინსტიტუტის სამსახიობო ფაკულტეტზე ჩავაბარე. თუმცა, ინსტიტუტში მხოლოდ იმიტომ მოვხვდი, რომ ბატონი სიკოს პროტეჟე ვიყავი.

მოგვიანებით ეთერ გუგუშვილს მაინც ვახსენებდი — გახსოვთ, ჩემი მიღება როგორ არ გინდოდათ- მეთქი?.. უარყოფდა, მაგრამ ნამდვილად ასე იყო. ქალბატონი ეთერი, იმ დროს ინსტიტუტის პრორექტორი, ჩემი მიღების აქტიური წინააღმდეგი იყო, მაგრამ ბატონი სიკოს ავტორიტეტმა აჯობა.

სიკო დოლიძე პირველ კურსზე სულ რამდენიმე თვე გვასწავლიდა, შემდეგ იგი ინსტიტუტიდან წავიდა, ჩვენი ჯგუფი კი ბატონ დიმიტრი (დოდო) ალექსიძეს გადააბარეს. ძალიან ვამაყობ, რომ მისი მოწაფე ვარ. იგი არაჩვეულებრივი პიროვნება, რეჟისორი და პედაგოგი იყო.

— **კონკრეტულად რა შეგძინათ მან?**

— საკუთარი თავის რწმენა. ბევრი რეჟისორი გზლუდავს და მთლიანად თავისი გავლენის ქვეშ გაქცევს. ბატონი დოდო ცოდნასთან ერთად მთელი შენი გულწრფელობისა და უშუალობის გამოვლენის საშუალებას გაძლევდა. თუმცა, მხოლოდ სამი წელი

ვისწავლე მასთან, რადგან მეოთხე კურსზე ინსტიტუტიდან გამრიცხეს!..

— რატომ?

— მესამე კურსის ბოლოს ვითამაშე რუსთაველის თეატრის მცირე სცენაზე. ბადრი კობახიძის სადიპლომო სპექტაკლში „ღვთაებრივი კომედია“. ევა ვიყავი მე, ადამი — კახი კახსაძე, ღმერთი — ეროსი მანჯგალაძე. ეშმაკი — გოგი გვეჯკორი, ანგელოზი — კარლო საკანდელიძე, თამაშობდნენ აგრეთვე გიგოლა თალაკვაძე, ბორის წიფურია... ამ არაჩვეულებრივ ანსამბლში ერთადერთი ქალი მე ვიყავი და თანაც სტუდენტი!.. და რაც მთავარია, რეპეტიციებზე მუშაობდა მიხეილ თუმანიშვილი, რომელიც ბადრის დიპლომის ხელმძღვანელი იყო!. ვფიქრობ, რომ პირველად აქ წამომეწია ის იღბალი, რომელიც მსახიობს უნდა სდევდეს, თუ უნდა რომ წარმატებას მიაღწიოს. ჩემმა იღბალმა მაშინ მწვანე გზა გამიხსნა რუსთაველის თეატრში მისაღებად, მაგრამ ამას უბედურებაც დაერთო თან. ინსტიტუტის იმდროინდელ რექტორს ილია თაყაძეს, ამბავი მიუტანეს: — თქვენი სტუდენტი რუსთაველის თეატრის სცენაზე ლამის შიშველი თამაშობსო!..

საბალეტო თეთრი რეიტუზი, რომელიც მეცვა, განათებისას მართლაც ასეთ შთაბეჭდილებას ქმნიდა. ბატონმა ილია თაყაძემ დამიბარა და გამაფრთხილა:

— ან ამ სპექტაკლში თამაშს დაანებებ თავს ან ინსტიტუტიდან გაგრიცხავენ?!.

ვიფიქრე. დაე გამრიცხონ, მომავალ წელს აღვიდგენ თავს და ის იქნება-მეთქი!.. მართლაც ასე მოხდა. მომდევნო წელს მართლაც აღმადგინეს ინსტიტუტში. ასე შემრჩა რუსთაველის თეატრის სცენაზე თამაშიც და დიპლომიც.

დღეს მე ძალზე ბედნიერი ვარ იმიტომ, რომ როგორც მსახიობი, ოთხი გენიალური რეჟისორისაგან მოვდივარ, ესენი არიან — დიმიტრი ალექსიძე, მიხეილ თუმანიშვილი, თემურ ჩხეიძე და რობერტ სტურუა!.. ასეთ პედაგოგებთან და რეჟისორებთან სწავლისა და მუშაობის ფუფუნება, არ მგონია ბევრს რეგობოდა წილად. ამიტომაც ვფიქრობ, თუ არა პირადი ცხოვრების ტრაგიკული პერიპეტიები, გაცილებით უკეთესი მსახიობი უნდა ვყოფილიყავი. თუმცა, როლები არასოდეს მაკლდა.

ევას მოჰყვა პოლი პიჩემი დოდო ალექსიძის სპექტაკლში „სამგროშიანი ოპერა“. თავიდან ერთ-ერთ მეძავ გოგონას ვთამაშობდი, მაგრამ მოხდა ისე, რომ პოლის როლის შემსრულებელი მსახიობი თეატრიდან წავიდა და ბატონმა დოდომ მე დამნიშნა ამ როლზე.

— კვლავ იღბალი წამოგწიათ?

— ეს მართლაც სასწაული იყო. უცებ ასეთი როლი?! . სოლო სიმღერა ორკესტრთან!.. ცეკვა!... რამაზ ჩხიკვაძე პარტნიორი და ფანტასტიური ანსამბლი!!!

— პირველი სპექტაკლი სადაც იგრძენით, რომ უკვე მსახიობი ხართ?

— ეს შეგრძნება ძალიან გვიან გაჩნდა ჩემში. ეს ალბათ კარგია. როცა მსახიობი იჯერებს, რომ მისაღწევი აღარაფერი აქვს, იღუპება.

— რომელ რეჟისორთან უფრო გიყვარდათ ან გიყვართ მუშაობა?

— ჩემთვის ყველაზე ძვირფასი ოთხეული უკვე ვახსენე. საერთოდ მე ვარ მგონი ის ბედნიერი ადამიანი, რომელსაც თითქმის ყველა ქართველ რეჟისორთან უმუშავია. ძალიან ვამაყობ იმით, რომ რეჟისორს, რომელიც თუნდაც ერთ სპექტაკლში შემხვედრია, რჩება სურვილი რომ კვლავ იმუშაოს ჩემთან. იმიტომ კი არა, რომ გენიალური არტისტი მგონია თავი, უბრალოდ, ხედებიან, რამდენად ერთგული ადამიანი ვარ. ჩემი ეს თვისება კი რეჟისორებს ძალიან ხიბლავთ.

— რას ითხოვთ რეჟისორისაგან?

— მყარად რომ დამაყენოს ფეხზე. ისეთი არტისტი არ ვარ, საკუთარი თავი ძალიან რომ ეიმედება, მაგრამ იმის კარგად გაკეთება ნამდვილად შემიძლია, რასაც რეჟისორი შეტყვის. მაგრამ თუ რატომღაც მოხდა ისე, რომ მის მიმართ ნდობა არ გამიჩნდა, იქ არაფერი გამოვა.

— განცდის მსახიობი ხართ თუ წარმოსახვის?

— ჩემმა მასწავლებლებმა, თავისი საქმის ვირტუოზებმა ერთიც მასწავლეს და მეორეც. ასეთი, რომელიც მითამაშია და ისეთიც. მაგალითად, თემურ ჩხეიძე, თავისი ხელწერით, ძალიან ჰგავს თავის მასწავლებელს მიხეილ თუმანიშვილს. მასთანაც ნაბიჯ-ნაბიჯ იკვლევ რა გინდა, რას და რატომ აკეთებ. მისგან ძალიან ბევრი რამ ვისწავლე. მიუხედავად იმისა, რომ მასთან შეხვედრამდე



ალექსიძესთან და თუმანიშვილთან ვიყავი ნამუშევარი, ყვეზე მყარად თემურ ჩხეიძემ დამაყენა. თემურს თავის თანამოაზრეთა გუნდი ჰყავდა. სადაც ქალი მხოლოდ მე ვიყავი. მაშაკაცებიდან იყვნენ — გოგი ხარაბაძე, ავთო მახარაძე, ჟანრი ლოლაშვილი!.. როგორ არ ვიამაყო ამით?!

მაშინ რაღაც გამოკვეთილადაც ჩანდა ეს — თემურ ჩხეიძეს თავისი გუნდი ჰყავდა, რობერტ სტურუას თავისი. თემურს უფრო ახალგაზრდა მსახიობები ჰყავდა შემოკრებილი, სტურუა მაშინ უფრო სახელმობხევილ მსახიობებს ირჩევდა. თემურ ჩხეიძის მიერ შერჩეულ პიესაში მაშინაც კი აღმოჩნდებოდა ხოლმე ჩემთვის როლი, როცა ვფიქრობდი რომ შეიძლებოდა არ ყოფილიყო. ასე მოხდა, მაგალითად, მაშინ როცა „მეუფება წყვიადისას“ ანაწილებდა. მე მეგობრულად, მაგრამ გულდაწყვეტით ვკითხე:

— აქ ალბათ მე არ ვიქნები-მეთქი?..

— არა, ხარო!.. — ისე გამიკვირდა?!

— რატომ მაძლევ ამ როლს, როცა ჩემი აზრით სხვას უფრო შეეფერება-მეთქი?!

— იმიტომ, რომ შენთან მუშაობა მიაღვივლებს! — იყო პასუხი.

თუმცა თემურის მოთხოვნების შესრულება იოლი არასოდეს ყოფილა. კარგად მახსოვს როგორ ვმუშაობდით ფაცციას სახეზე სპექტაკლში „გუშინდელნი“. მართალი არ ვიქნები თუ ვიტყვი, რომ ფაცციას სახეს ადვილად მიუაკვლიე-მეთქი. საერთოდ, თავიდანვე იგრძნობოდა, რომ მისი ეს დადგმა ძალზე სერიოზული და თამამი განაცხადი უნდა ყოფილიყო. ჩემი ფაცცია, თავისი გარემოს მსხვერპლი იყო, მაგრამ შურისძიებით აღსაესე მსხვერპლი. ვფიქრობ, ფინალში, გრენგოლმთან ერთად გასვლის დროს ამას ძალიან კარგად გამოეხატა. დრამატურგიულ ქსოვილში, სიტყვიერად იმის მსგავსი არაფერია მითითებული, რასაც მე ვაკეთებდი. პლასტიკურად ძალზე მრავლისმთქმელი სცენა იყო.

ერთ რეპეტიციასზე თემურმა მითხრა:

— გრენგოლმს უშენოდ ნუ გაუშვებ, მოგიცადოსო.

— ააა, მომიცადოს?! — ეს ის მარცვალი იყო, რომელზეც შემდეგ ჩემი გასვლის ეპიზოდი აუგე.

რასაკვირველია, რეჟისორმა მიმიყვანა აქამდე, მაგრამ ის, რასაც ვაკეთებდი, ჩემში იყო დაბადებული — მე და გრენგოლმს

მთელი სოფელი გვაცილებს. გრენგოლმი ჩქარობს, წინ მიიჭრება, თითქოს ძალით აკიდებული ფაციას გასწრება უნდა და სწორედ ამ დროს თითქოს რაღაც გარდაიქმნაო ჩემში, მარჯვედ ვეჭიდებოდი გრენგოლს — მოიცადე!.. უცერემონიოდ ვეუფლებოდი მის მკლავს და ამაყად თვაწეული გავდიოდი მასთან ერთად.

— ახლა მე მიყურეთ!.. — გამოხატა მთელი ჩემი არსება. იმ დროს არანაირი ნანა ფაჩუაშვილი აღარ არსებობდა, იყო მთლიანად ფაცია — გამართული წელით, სხეულით, მიხვრამოხვრით ეს არაჩვეულებრივი შეგრძნებაა.

— თქვენ სტურუასთანაც მნიშვნელოვანი როლები გაქვთ ნათამაშები?

— პარალელურად რობერტ სტურუას თითქმის ყველა სპექტაკლში ვმონაწილეობდი: „მზიანი ღამე“, „საბრალდებო დასკვნა“, „სეილემის პროცესი“, მესამე კურსის სტუდენტი ვიყავი, როცა სტურუამ ეს სპექტაკლი დადგა და ერთ-ერთი გოგონას როლი მათამაშა. „ხანუმა“ — ამ სპექტაკლში ბელა მირიანაშვილი შეეცვალე. აუღ გახდომამდე 4-5-ჯერ თამაში მოასწრო. დანარჩენ 500 წარმოდგენაში მე ვთამაშობდი. „მზიან ღამეშიც“ თავიდან იზა გიგოშვილი თამაშობდა მთავარ როლს, მაგრამ მოხდა ისე, რომ პრემიერამდე ათი დღით ადრე რეჟისორს გამოუცხადა — პრემიერაზე არ მოვალო!.. სტურუამ დამიბარა და მის როლზე მუშაობა დამაწყებინა. გამოცხადდა გასინჯვისა და პრემიერის დღე. უამრავი ბილეთი შევიძინე ჩემი სტუმრებისათვის. ამ დროს კი უცებ იზა ბრუნდება! — სტურუა მოდის ჩემთან და მეუბნება:

— გასინჯვას და პრემიერას იზა ითამაშებსო!..

ერთი შეხედვით რეჟისორი მართალი იყო. მას ერჩია ის მსახიობი, რომელსაც როლი უკვე მზად ჰქონდა, ვიდრე ის, რომელიც ის-ის იყო იწყებდა როლის შეცნობას, მაგრამ ეს ჩემთვის მძიმე ტრამვა იყო. საშინლად განვიცადე — ჩავიკეტე სახლში და ვტიროდი და ვტიროდი!.. მერე თეატრის დირექტორმა, არაჩვეულებრივმა, კეთილშობილმა ადამიანმა, ბატონმა ნესტორ ჭილაძემ მომაკითხა, მომეფერა, დამაწყნარა და თეატრში წამიყვანა.

მეგონა სტურუას იქვე დაავიწყდა ეს ყველაფერი, მაგრამ ოცი წლის შემდეგ, ერთ მშვენიერ დღეს, მეუბნება:

— ბოდიში მინდა მოგიხადო იმ ყველაფრისათვის, რაც მაშინ გაგიკეთო!..

— პირველად რომ გამოხვედით რუსთაველის სცენაზე, მაშინ ფიქრობდით რომ...

— არაფერსაც არ ვფიქრობდი!.. უზომოდ ვიყავი შეყვარებული თეატრზე და ვიცოდი, წინ ურთულესი გზა მელიდა. შემდგომი გზა, ჩემმა ხასიათმა და იღბალმა განაპირობა. ამბიციური არ ვიყავი და არასოდეს ვამბობდი უარს, ვინმე შემიცვალა. სასწრაფო დახმარებასავე, დიდი ხალისით მივეშურებოდი ყველგან, სადაც საჭირო ვიყავი. ამან ბევრი როლიც დამიგროუა და ფეხზეც მყარად დამაყენა. ყველა როლი მნიშვნელოვანი იყო ჩემთვის, სულ მცირე ეპიზოდიც კი. ერთხელ მგონი, გამოცდაც კი მომიწყო თეატრმა. უკვე ის პერიოდი, როცა სულ მთავარ როლებს ვთამაშობ და უცებ მაძღვეენ როლს. რომელიც თითქმის არც იყო?!.. ახალგაზრდა რეჟისორს გოგა თეატრს უნდა დაედგა ირაკლი სამსონაძის პიესა „აღდგომა გაუქმებულ სასაფლაოზე.“ ხელმძღვანელი იყო რობერტ სტურუა.

თეატრს მეუბნება:

— სტურუამ თქვა, ოპერის ყოფილი მომღერლის როლს ნანა ითამაშებსო?!.

დავიწყეთ პიესის კითხვა, როლი კი არა და არ ჩანს. მხოლოდ შემოსვლა და გასვლა?!. ისე გაუედიტ ბოლოში არც არაფერი შეცვლილა. ლამის დამახრჩოს ცრემლებმა! — დამცინიან?!

— რა ვქნა?! — ვფიქრობ. — გაუგარძელო ტირილი თუ?!

მაინც ეძლიე თავს, მოვიკრიბე ძალა, გავეარდი რობიკოსთან და ეუთხარი:

— მომცემ იმის საშუალებას, რომ არარსებული როლიდან სახე შეექმნა-მეთქი?!

— კი ბატონო! — მითხრა.

შევუთანხმდი გოგასაც და დავიწყე მუშაობა.

ვთამაშობდი ოპერის ყოფილ მომღერალს, სულით ავადმყოფ ქალს, მისი ბიოგრაფია მე და გოგა თეატრს ერთად შევთხზეთ; დავიწყე ფსიქიატრიულ საავადმყოფოში სიარული და პაციენტების ქცევების შესწავლა!.. არიის შესრულებისას მარია კალასის ჩანაწერი მოვიშველიე და ეს იყო ერთ-ერთი საუკეთესო ჩემი როლი!.

— სტურუას ალბათ როლის შექმნის სწორედ თქვენი ამ უნარის ომედი ჰქონდა?

— შეიძლება, მაგრამ არტისტები ეჭვიანები ვართ და მე ამას რატომღაც უფრო გამოცდა დაერქვი. თუ რატომ? ამ შეკითხვას არასოდეს დაეუსვამ ბატონ რობერტს, მაგრამ ვფიქრობ, მაშინ გაკეთდა ის, რაც არ უნდა გაკეთებულყო. თუმცა ისიც ვიცი, რომ მსახიობი რა საფეხურზეც არ უნდა იდგეს, თავისი ტრაგიკული ხვედრის გამო, ასეთი რამეებისათვის მუდმივ მზადყოფნაში უნდა იყოს. მე ამისათვის დღესაც მზად ვარ, რადგან უზომოდ მიყვარს თეატრი.

— ამ როლით კიდევ ერთხელ ცხადყავით, რომ „არ არსებობს დიდი და პატარა როლები, არსებობენ დიდი და პატარა მსახიობები“?

— მაინც დიდი როლები სჯობს! თუმცა მსახიობმა პატარა როლებსაც უნდა გაუძლოს! მე ძალიან ამაყი ვიყავი ჩემი შეშლილი მომღერლით და დღესაც ძალიან მიყვარს იგი. თუნდაც ის რად დირს, რომ ფსიქიატრიულ სააუადმყოფოში შემიყვანა?! — ვესაუბრებოდი ავადმყოფებს, ვიწერდი მათ საუბარს. სრულიად მოულოდნელი მოსაზრებები ჰქონდათ და ხშირად საინტერესოც. ბევრი მათგანი გამოვიყენე.

— თქვენს ლედი ანაზე ვისაუბროთ?

— მე თემურ ჩხეიძის სპექტაკლის „მეუფება წყვილიადისა“, რეპეტიციები მქონდა, როცა სტურუამ „რიჩარდ III-ის“ დადგმა გადაწყვიტა და ლედი ანას როლი მე დამაკისრა. ასე დავიწყე ორ რეჟისორთან ორ როლზე პარალელური მუშაობა. სტურუას რეპეტიციიდან ჩხეიძესთან გაერბოდი და ჩხეიძის რეპეტიციის შემდეგ ისევ სტურუასთან!.. ამ სირბილსა და გაწამაწამაში რომ ვარ, ერთხელაც ბატონმა თემურმა კატეგორიულად მომთხოვა:

— ერთ-ერთი აირჩიე, ასე წინ და უკან სირბილით არაფერი გამოვაო!..

მე ამ დროს, ორივე როლზე ჭკუას ვკარგავ და არც ერთი არ მეთმობა?!. მაგრამ რას ვიზამდი? — გულმოკლული მივედი სტურუასთან და ვუთხარი:

— ერთდროულად ორ როლზე მუშაობა მიჭირს-მეთქი!..

— ჩემგან არანაირი პრობლემა არ გექნება, როცა გინდა მაშინ წადი თემურის რეპეტიციაზეო!..

ეს ისეთი კომპრომისი იყო, დღესაც მაოგნებს?!

ერთხელაც ჩხეიძესთან რეპეტიციის შემდეგ გადაცმა ვერ მოვასწარი და სტურუასთან ნასტიას სარეპეტიციო ტანსაცმლით გამოვცხადდი. ეს იყო ჩემ მიერ შერჩეული სამოსი, რომელშიც ჩემი ფიქრით, კარგად ვგრძნობდი იმ გმირს, რომელიც უნდა მეთამაშა. ის იყო გამოსაცვლელად უნდა გაესულიყო, რობიკომ შემაჩერა:

— არ გამოიცვალო, სწორედ ამ სამოსში ითამაშებ ლედი ანას?!  
ოღონდ, რუსულად წაკრული თავსაფარი მოიხსენიო.

მე გავოგნდი! — როგორ, სად ეს რაღაც განიერმკლავებიანი უბრალო კაბა და სად ლედი ანა?!.. თანაც ლედი ანას კაბა უკვე შეკერილი იყო — ჩინურ სტილში, ფარშევანგებით მოხატული, შლეიფით!.. ძვირფასი და მდიდრული. ლამის გავგიჟდი, მაგრამ სტურუას როგორ შევეწინააღმდეგებოდი? — ეს გამორიცხული იყო და დავრჩი იმ სამოსში. რაც შეეხება თავსაფარს, ის შეეცვალე ქედით, რომლის ნიმუში ეურნალში ვნახე და ძალიან მომეწონა. ეს იყო შავად შეღებილი თოკების რაღაცნაირი წნული, რომელშიც მარგალიტები იყო გაბნეული. ჩემს კოლეგას გულნაზი ბაქრაძეს მოვაქსოვინე და მივედი რეპეტიციაზე.

სტურუამ გადაჭრით მითხრა:

— ახლავე მოაშორე აქედან ეგ ქუდიო!..

იმდენი ჯაფა მქონდა გაწეული მის შესაქმნელად და იმდენად ვიყავი დარწმუნებული, რომ ჩემს ლედი ანას ეს ქუდი უნდა ხურებოდა, რომ მოვიკრიბე ძალა და ვუთხარი:

— გეზვეწები დამიტოვე, თორემ ამის გარეშე ვერ ვითამაშებ — მეთქი, — და... ატირდი!..

ჩემი იარაღია ტირილი. მაშინვე ცრემლები წამომცვივა ხოლმე. რობიკომ რომ დამინახა თავს ვიკლავდი ამ ქუდისათვის:

— კარგი, კარგი, დაიტოვეო! — მითხრა.

— რატომ უჩნდებოდათ რევისორებს, ასე ხშირად, თქვენი გმირების საკმაოდ თამამ სიტუაციაში ჩაყენების სურვილი?

— შეიძლება იმიტომ, რომ ფიქრობდნენ — ნანა უარს არ იტყვისო!.. თუმცა, თავიდან, როცა რობიკომ მითხრა:

— რიჩარდი — რამაზ ჩხიკვაძე, გულისპირს ჩამოგახვეს და მკერდი გამოგიჩნდებაო! — მე თავი მოვიკალი, არაფრით არ დავთანხმდი. მკერდის გაშიშვლება რაღაც მეტისმეტი მომეჩვენა.

ეს ჩამოხვევა შემდეგ „მეფე ლირში“ მაინც გამოიყენა. თუმცა ბოლომდე ვერა, რადგან მარინა კახიანი — კორდელია იმდენად სწრაფად ტრიალდებოდა, მაყურებელი ვერაფრის დანახვას ვერ ასწრებდა.

უნდოდა ფეხშიშველაც შემოესულიყავი, მაგრამ ამაზეც უარი ვთქვი. ეს უკვე იმიტომ, რომ ცერა თითებთან ძვლები მქონდა წამოზრდილი. არ მინდოდა ეს ჩემი ნაკლი ყველას დასანახად გამომეფინა. გავიდა წლები და ოპერაციით მოვიცილე — ამან რატომ უნდა შემეშალოს ხელი — მეთქი?!. ჩემი პროფესიის გამო იმ საშინელი ოპერაციის არაადამიანურ ტკივილსაც გავუძელი.

— ე. ი. მზად ხართ ყოველგვარი მსხვერპლი გაიღოთ პროფესიისათვის?

— ასე ვიყავი დღემდე. ამჟამად არ ვიცი, უფრო ზუსტად, ვფიქრობ, არც არაუის სჭირდება ჩემი მსხვერპლი!..

— რა გიყვართ თქვენს პროფესიაში?

— ძიების პროცესი. მიყვარს ის რუპეტიციები, როცა ძნელად ეპოულობ იმას, რასაც ვეძებ. როცა წვალბობ და აღმოაჩენ იმას, რაც შენში არ არის, მაგრამ როლშია, ან გგონია რომ შენში არ არის. მაგალითად, როცა თემურ ჩხეიძემ მითხრა: — ტელევიზიაში „ჯაყოს ზიზნებს“ ვდგამ და მარგო შენ უნდა ითამაშო! — გავოგნდი.

— მე, მარგო?!

მარგო წარმომედგინა, როგორც ხორცსავესე და სექსუალური ქალი. ჩემმა ერთმა კოლეგამაც მითხრა:

— მარგოს შენ როგორ გაძლევს, როცა მე აქ ვარო?!

თემურ ჩხეიძეს ეს რომ ვუთხარი:

— ჩემთვის მარგო სავესე მკერდი არ არისო! — მიპასუხა.

დიდი დრო დამჭირდა იმის მისახვედრად, რომ მარგო კარგად ვითამაშე. შეიძლება იმიტომ, რომ ბევრი სცენის უკმაყოფილო ვიყავი. განსაკუთრებით მწყვდებოდა გული ერთ-ერთი მთავარი მონოლოგის გამო. დღესაც ვფიქრობ, კიდევ ერთხელ რომ გადაეღოთ, უკეთ გაუაკეთებდი.

თუმცა მქონდა სცენა, რომლითაც ძალიან კმაყოფილი ვარ. ეს არის თეიმურაზისა და ჯაყოს ჩხუბის სცენა. მე აქ პასიური უნდა ვყოფილიყავი — მხოლოდ ზიზლი და შეცოდების გრძნობა უნდა გამომეხატა სახით, მაგრამ იმ დროს, როდესაც ჯაყო ყბაში წვდა

უბედურ თეიმურაზს და ის იყო თითქოს უნდა აეგლიჯა, თავი ვეღარ შევიკავე და გამწარებული მივეარდი საშველად. შემდეგ, როდესაც ეს სცენა ვნახეთ, კადრში სამთავე ვჩანდით და ეს ძალიან შთამბეჭდავ სურათს ქმნიდა.

თემურს არ უთქვამს — მივშველებოდი თეიმურაზს. ამის სურვილი როგორღაც თავისთავად გამიჩნდა, რამაც თავის მხროვ მიბიძგა მოქმედებისაკენ. ეს არაჩვეულებრივი გრძნობა იყო.

— ტრისტან ყველაიძე და ნანა ფაჩუაშვილი?

— ტრისტანის შესახებ ცრემლის გარეშე ვერ ვსაუბრობ. დრო მიდის, მაგრამ მისი გარდაცვალებით გამოწვეული ტკივილი არ მიყუჩდება. ერთხელ ხუმრობით მითხრა: — ისეთ დროს დაგტოვებ, როცა არც იქით იქნები და არც აქეთო!.. მართლაც ისეთ დროს მიმატოვა, როცა არც ახალგაზრდა ვიყავი და არც მოხუცი.

მისგან უზომოდ ვარ დავალებული, იგი ნაკითხი, მოაზროვნე ადამიანი იყო. თავისმა აუადმყოფობამ სხვაგვარ ადამიანად ჩამოაყალიბა. ძალიან დიდ დროს უთმობდა წიგნებს, რადგან აუადმყოფი გულის გამო ბევრი რამის კეთება არ შეეძლო. მისმა ჩვევებმა, მორალმა, ზნეობამ, დიდი კვალი დამატყო. მე ის არ ვიქნებოდი, რაც ვარ, ტრისტანი რომ ჩემს გვერდით არ ყოფილიყო.

— არტისტი გამორჩეული და სანიმუშო უნდა იყოს?

— სასურველია, მაგრამ არა აუცილებელი. მთავარია არტისტი იყოს!..

— რას ნიშნავს თქვენთვის ეროვნული ინტერესები?

— სამშობლოს სიყვარულს. ჩვენ ჩვენი ქვეყნის, ხალხის. ტრადიციების მსახურნი უნდა ვიყოთ.

— თუ გიფიქრიათ, რომ თქვენი შემოქმედება სწორედ თეატრმცოდნეების წყალობით „ძლებს“ დროში?

— მე იმ თაობას ვეკუთვნი, რომელმაც კარგად იცის თეატრმცოდნეების ფასი. ბევრი მათგანი, თეატრალურ ინსტიტუტში, ჩემი პედაგოგი იყო. ისინი რჩეულები იყვნენ და დიდი ავტორიტეტი ჰქონდათ. ეს აიძულებდა რეჟისორებს მოესმინათ და გაეთვალისწინებინათ მათი შენიშვნები.

— თეატრი ტაძარია?

— მე პირადად ასე მგონია, მაგრამ იქ მყოფთა შორის ცოტა თუ ფიქრობს, რომ ტაძარში იმყოფება.

— თავის დროზე ილიას სიცოცხლეს ვერ გაუფრთხილდით, დღეს თუ გვკულებათ ვინმე, ვის სიცოცხლესაც განსაკუთრებით უნდა გაუფრთხილდეთ ქართველები?

— ვფიქრობ, ასევე ვერ გაუფრთხილდით ჩემს დიდ პედაგოგს დიმიტრი ალექსიძეს, ვერ გაუფრთხილდით მიხეილ თუმანიშვილს, ვერ ვუფრთხილდებით — რობერტ სტურუას, თემურ ჩხეიძეს. სამწუხაროდ, ასეა.

29. IX. 2004.





## სარჩევი

ქალბატონი ლილი . . . . .	6
გიგა ლორთქიფანიძე . . . . .	13
გიზო ჟორდანიას . . . . .	34
მედუა კუჭუხიძე . . . . .	42
თემურ ჩხეიძე . . . . .	53
გოგი ქეთარაძე . . . . .	63
გოგი მარგველაშვილი . . . . .	70
გოჩა კაპანაძე . . . . .	75
გიორგი თავაძე . . . . .	82
ლევან წულაძე . . . . .	93
დათო საყვარელიძე . . . . .	97
ზურაბ ყიფშიძე . . . . .	113
მარინა კახიანი . . . . .	119
ქეთი ჩხეიძე . . . . .	126
პაატა ბარათაშვილი . . . . .	132
მიხეილ ჯოჯუა . . . . .	143
ნანა ფაჩუაშვილი . . . . .	149